

HISTORIÆ
ECCLESIASTICÆ
BREVIARIUM
A MUNDI REPARATIONE
USQUE AD ANNUM
MDCCLX.

THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
SMITHSONIAN INSTITUTION
WASHINGTON, D. C.

**ECCLESIASTICÆ
HISTORIÆ
BREVIARIUM**

AUCTORE

JOANNE - LAURENTIO

BERTI

FLORENTINO

FRATRE EREMITA AUGUSTINIANO.

EDITIO NOVISSIMA

Ab Auctore ipso recognita, pluribus in locis emendata,
atque itagoge ad sacram Geographiam nunc
primum locupletata.

PARS PRIMA

*Quæ complectitur Chronologia Rudimenta; & Decem
Priorum Seculorum Synopsim.*



V E N E T I I S,

MDCCLXIII.



Ex TYPOGRAPHIA REMONDINTANA.

SUPERIORUM PERMISSU, AC PRIVILEGIO.

THE UNIVERSITY OF CHICAGO
LIBRARY

OFFICIAL RECORD

OF THE

CHICAGO BOARD OF EDUCATION

FOR THE YEAR 1901

CHICAGO, ILL., 1902

PRINTED BY THE UNIVERSITY OF CHICAGO PRESS

100 N. LAUREL ST. CHICAGO, ILL.

CHICAGO BOARD OF EDUCATION

CHICAGO, ILL., 1902

UNIVERSIS
AUGUSTINIANÆ FAMILIÆ
PRÆSULIBUS
ALUMNISQUE
Studiorum curriculum peragentibus.

F. JOANNES-LAURENTIUS BERTI S. P.

HORTANTE, ac jubente, omnemque operam, & munificentiam præstante Vigilantissimo, Amantissimoque Familiæ nostræ Moderatore, & Supremo Antistite, FRANCISCO-XAVERIO VASQUEZ,

* 3

QUEZ, in lucem emittens hanc Historiæ Ecclesiasticæ Epitomen, aliquas arbitror proferendas esse rationes; ob quas eandem vobis, amplissimi PRÆSULES, atque optimæ spei ADOLESCENTES, neminem alteri præferens, sed omnium simul favorem captans & clientelam, inscribere, & nuncupare deliberavi. Principio cum prælaudatus Augustiniani Ordinis MAGISTER, & RECTOR præstantissimus æque, ac beneficentissimus, in me hominem Italum, humili natum loco, tressis minimique precii scriptorem plurima, eaque singularia, ac pene immortalia contulerit merita, non respiciens quæ litteris addidi ornamenta, vel decora, quippe probe sentio hæc nulla penitus esse, sed quam a pueritia ad senectam usque addiscendi, docendique enutriti cupiditatem; necessum est, ut cunctis exhibeam aliquam grati animi mei significationem, atque manifesto monumento profitear me saltem gratias illas
age-

agere, quas referre non valeo, neque in me, quod jure meritoque redarguitur a Seneca, una cum ætate beneficiorum memoriam senescere. Neque Summi Viri benefacta, & virtutum ornamenta, ac specimina commemorabo, quoniam notissima sunt, neque alicujus indigent commendatione: innumera, neque oratione comprehendì possunt: splendissima, neque obliniri debent laudationum fuco, verborumque pigmentis. Singularis humilitas Illum ad Perpetui Præfidis fastigium evexit: probitatis exemplar supra Speculam collocavit: flagrantissima caritas omnibus reddidit acceptissimum. Quamobrem devincti & obsequentis filii, & clientuli erga Parentem optimum, erga Præsidium deusque meum, iis præsertim, qui eidem Instituto nomen dederunt, hoc reverentiæ & honoris perenne, atque immortale testimonium exhibeo, posterisque commendo, quasi suspenso omnium Gymnasiorum,

Cœnobiorumque absidibus, aris, museisque anathemate. Deinde vero, quod semper in votis habui, singulos mecum ejusdem Instituti, ejusdemque doctrinæ professione conjunctos, quasi manuum mearum dilatatione, ubique gentium constitutos alloquor, & complector; neque Italiæ duntaxat incolas, quibuscum aliquandiu versatus fui, verumetiam longinquos, & quavis locorum intercapedine diffitos, celebresque aut peracti gloria regiminis, aut commissio tradendarum disciplinarum munere, aut promovendi literarum incrementa sollicitudine, & cura, honoris causa, convenio, ratiis ab honesto viro cum adstantes, tum absentes sodales pariter esse colendos. Cum autem nihil habeam, quod ex angusta Pisarum provincia ad Vos dono mittam; exiguum hoc, tenuissimumque munusculum gratanter, ac lubenter excipere ne dedignemini, præsertim dum a vobis nullam aliam, præter comitatem, atque humanam-

manitatem vestram, expostulat remunerationem: quamquam *communione*, & *beneficiæ*, monente Apostolo, nefas est oblivisci, & indecorum est spernere. Filii Sirach saluberrimum rectissimumque consilium, quod comprehenditur versu capitis quarti postremo. Præterea, si aliquam ex hoc Opusculo existimatis percipi posse utilitatem, illud perlegite; nam hæc fuit altera scribendi ratio: probis, studiosisque prodesse. Ceterum si rude, impositum, prolixum, non elaboratum industria, non brevitate jucundum, non rerum gestarum enarratione perfectum, non denique historiarum copia, & delectu exornatum esse videatur; procul Opusculum ipsum abjicite. Etsi enim unicuique a natura inditum est, ut partus ingenii sui, informes quoque & abortivos, haud mediocriter diligit; ego tamen nunquam quos edidi tanta prosecutus sum dilectione, ut vellem alicui afferre incommodum, vel detrimentum.

x

tum. Quare in hujus parvitate munus-
culi attendite animi mei sinceritatem,
atque meæ erga vos benevolentiaë ma-
gnitudinem. Valete.



PRÆ-

PRÆFATIO.



PAUCIS hujus Operis conscribendi consilium, methodum, atque utilitatem exponam. Quum primum tradendæ Historiæ suscepti demandatam mihi provinciam, animadverti pene innumeros esse Scriptores, qui res a Majoribus gestas litteris consignarunt: quorum si duntaxat nomina vellem recensere, excederet istorum index hæc duo Breviarii volumina. Illi quoque, qui ad unam tantum Historiæ partem exornandam animum applicuerunt, & librorum amplitudine, & rerum copia, & prolixitate verborum, legendi, discendique cupidos prorsus exanimant. Nemo unus, quamvis lynceis sit oculis, insomnis, assiduus, & diurna, ac nocturna manu auctores verset, & pervolvet, universos unquam perlegerit. Tyronibus itaque, præsertim Theologica doctrina imbuendis, & ad sacras habendas conciones formandis, multiplicia illa, & prægrandia volumina inutiliter proponuntur. At, inquis, complura sunt, eaque exquisitissima, Ecclesiastica Historiæ Compendia, quæ, neglectis interim locupletioribus Voluminibus, præsidio esse possunt adolescentibus. Id quidem si inficias ibo, irridebunt me singuli. Verum hæc difficultatem non imminuunt, sed augent. Petenti enim quodnam ex his Compendiis præferendum existimemus, quid respondendum sit, omnino me latet. Si Chronicorum laudavero libros, Tabulasque Chronologicas; nescio quid ex iis erudere possit discipulus, nisi forte rationem temporum, nu-
daque

daque sive Caesarum ; sive Pontificum ; sive celebratissimorum Virorum nomina , rerumque humanarum vicissitudines , aliaque id genus , quæ aut nocât , aut ignoret , parum sua interesse crediderim . In ipsa ulterius temporum supputatione Chronographi adeo discrepant , ut si unius sectemur calculos , alterius computo reprehendamus . Quamobrem lectione unius parum , aut nihil proficimus , collatione autem plurimorum confundimur . His autem neglectis , si forte avida celerique manu arripimus Historiarum Synopses , nescio quid harum adminiculo percepturi simus utilitatis . Etenim aliquæ eo elucubrata sunt sine , ne memoria excidat quidquid vehementi , & diuturno comparatum est studio . His itaque , qui Historicos nec a limine salutarunt , neque ab iis aliquas acceperant servandas custodiendasque divitias , nullo erunt istiusmodi Epitomes adjuvamento . Quædam alia comprehendunt vel accuratissimas animadversiones in præteritorum temporum monumenta , vel præceptiones , & consuetudines ad mores instituendos , regendamque rempublicam opportuna : sementis tamen ac messis , putationis & vindemiæ distinguenda sunt tempora : atque meliora seligere , aliena carpere , emendare anachronismos , exercitati viri opus est , subacti ingenii , improbiq; laboris . Permulta denique auctores habent heterodoxos , qui nempe nituntur Romanæ Ecclesiæ deprimere dignitatem , Majorum evertere traditiones , & propugnare nefaria dogmata ; atque istorum scripta doctiores refellere hæviterque oppugnare , adolescentes vitare sedulo debent , & procul abscipere . Subiit itaque animum meum cogitatio ejuscemodi Epitomen condere , in qua nec sola annorum series , nudaque virorum nomina occurrerent , neque legentibus necessaria foret prævia institutio , neque fastidium pareret rerum multiplicitas & permixtio , neque assentatio improbos ignarosque palparet , neque de humano genere benemeritos calumnia pro-
 scin-

scinderet, neque pernicioſa doctrinæ propinaretur venenum. Id vero utrum aſſecutus fuerim, compertum erit experimento.

Methodum talem tenendam eſſe putavi, in qua neque lucidus ordo deeſſet, neque præteritorum temporum aſta inquirentem deſatigaret prolixitas, perturbaret varietas, inopia & ſejunitas excruciatet, ſtyli obnubilaret opacitas, orationis ambitus circumageret. De Romanis Pontificibus initio diſſerere conſtitui, quoniam ob dignitatis faſtigium, ob religionis principatum, ob fidei depositum, ob auctoritatem magiſterii, ſunt mortalibus omnibus præferendi. Quinam fuerint Apoſtolice Sedis inſaſores, & ſchiſmatum ſciſſurarumque architeſti, ſuo loco adnotatur. Si legitimi Petri ſucceſſores aliquid humani paſſi ſunt, quemadmodum fateri neceſſum erat, ita id temperanter narraui, admonens nunquam illos fidei integritatem vitæ facinore violaffe: quod veræ Eccleſiæ non labefaſcat, ſed corroborat firmitudinem. Hinc enim comprobatur adverſus eandem Eccleſiam nunquam Portas inferi prævalere, nunquam mergi, quamvis jactetur fluctibus, Petri naviculam. Pertractari proximo loco de Conciliis, quibus explorata eſt Apoſtolorum traditio; confirmata fides, reſtituta diſciplina, atque confixæ hæreſes, moresque reformati fuere. Tertio hæreticorum deſcripſi deliramenta, propterea quod fruſtra ſacrorum Antiſtitum veneratur conſeſſus, quiſquis non execratur Satana Synagogas. Quarto autem loco ſermonem inſtituo de Scriptoris Eccleſiaſticis; quorum, cum ſingulos recensere longe excederet Breviarii fines, illuſtrioribus laudatis, reliquos promiſcue & coacervatim commemoro. Quoniam vero duo ſunt, quibus mundus principaliter regitur, nimirum, auctoritas ſacra Pontificum, & Regalis poteſtas; Caſarum quinto in capite trado notiſſimam, cui addo plurimorum Sanctorum catalogum, tum quia eo loci de Perſecutionibus, ac de Marty-

Martyribus opportune differitur : tum etiam quia regnantium in calis hereditas erit , ut propositam spem habemus , peregrinationis nostræ terminus , merces laborum , studiorum complementum , atque intellectus satietas . Ea , quæ sexto attinguntur capite , spectant ad Catholica Ecclesiæ dogmata , & disciplinam : dogmata vero ea sunt , quæ firmissima fide tenemus , accepimus perpetua traditione a Majoribus , & sacrarum Scripturarum oraculis , Apostolica Cathedra definitionibus , Synodis Oecumenicis , sanctorumque Patrum documentis credenda cunctis Christifidelibus proponuntur ; neque seculorum decursu , aut diversitate locorum , alicui , vel minimæ , obnoxia sunt mutationi . Disciplina autem vel ritus & ceremonias , vel rigidioris , seu benignioris consuetudinis leges perscribens , pro temporum , locorumque varietate mutatur ; & recte , atque inculpate se gerit , qui illius , in qua commoratur , Ecclesiæ obtemperat institutionibus . Quibus addidimus Religiosas quoque Familias , harumque primordia , necnon quædam aliæ , quæ dici possunt prædictorum supplementum , & aliquod post collectionem segetis spicilegium . Atque hisce limitibus utraque Pars circumscribitur : nam quæ sequuntur in Appendice ex profanis historiis collecta , externa additamenta sunt , & mansisse . Hanc itaque servavi methodum , qua unius ab aliis seculis segregatur historia , & quæ spectant ad unam ejusdem historiæ partem , secernuntur a ceteris : In his vero dedi operam , ne veritatem infringerem aut assentandi libidine , aut rursus odio & livore , vitans , ut in primo Annalium admonuit Tacitus , sædum crimen servitutis , quod inhæret adulationi , & falsam speciem libertatis , quæ inest malignitati .

Utilitatem denique hujus Operis haud minimam futuram fore confido . Etenim eorum , quæ sunt dispersa , collectio , & eorum , quæ permista sunt ,

unt ; segregatio ; magno tyronibus esse potest com-
modo ; atque adjumento . Si ad studium Ecclesia-
stica Historia tantummodo exstimularet , & viam
flerneret ; neque istud parvum mihi videretur emol-
umentum . De Historiæ laudibus dictum est alibi :
nec rursus in silvam ferenda sunt ligna . Sat erit
pervulgatam Tullii descriptionem , & poeticum , no-
tissimumque Historiæ præconium repetere . Cicero
enim in dialogis de Oratore ad Quintum fratrem ,
Historia , inquit , testis temporum , lux verita-
tis , vita memoriæ ; magistra vitæ , lux vetu-
statis . Præconium vero illud versibus hisce com-
prehenditur :

Illa ego ; quæ gestis præsum custodia rebus ;
Digero quod caveas , quodque sequaris
iter .

Priscaque ne veteris vanescat gloria seclī ,
Vivida defensant quæ monumenta da-
mus .

Et sua virtuti per me sunt præmia , rursus
Impia famosis defero facta notis .

Eloquor & summi quantum jactentur , & imi ;
Eloquor & cæcæ fasque nefasque
deæ .

Quod majus theatrum , circusque capaxior
aut quæ

Doctior humanas scena referre vices ?
Me sine quis prudens ? Unde experientia ma-
jor ?

Qui me adiit , tandem non mage do-
ctus eat ?

Omnis enim nostro pendet prudentia sensu ;
Riteque nil , nostra qui caret arte ;
sapit .

Præfari non opus est plura ; siquidem , ut Lu-
cianus agebat , Proæmium Historicorum non qua-
rit benevolentiam , quam præcipue captat Orator ;
NOI

NOI RIFORMATORI

Dello Studio di Padova

A Vendo veduto per la Fede di Revisione, ed Approvazione del P. F. Gio. Raimondo Petrelli Inquisitor del Santo Officio di Vicenza nel Libro intitolato *Breniarium Historie Ecclesiasticae Auctore Joanne Laurentio Berti, pariterque Isagoge ad Sacram Geographiam MS. ejusdem Auctoris, qua est operi adjungenda. &c.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a Giambattista Remondini Stampator di Venezia che possi essere stampato, osservando gli ordini in materia di Stampe, e presentando le solite Copie alle Publiche Librerie di Venezia, e di Padova.

Dat. li 12. Aprile 1763.

(Sebastian Zustinian Ref.

(Alvise Mocenigo 4. Cav. Proc. Ref.

(Polo Renjer Ref.

Registrato in Libro a carte 164. al Num. 364.

Davidde Marchesini Segretario.



CHRONOLOGIÆ RUDIMENTA.

C A P U T I.

DE TEMPORE, HUIUSQUE PARTIBUS :



UAM nos rationem temporum dicimus ; appellitant alii Græco vocabulo *Chronologiam*, a χρόνος, *tempus*, & λόγος, *ratio*. Hinc pariter nomen trahunt *Chronicon*, in quo series temporum adinvenitur digesta, & *Chronologus*, aut *Chronographus*, Scriptor Annalium. Ethnici quoque Saturnum ; quo nomine *tempus* colebant,

Κρόνον dixere ; atque ab ipso devorari liberos autumabant, quoniam omnia tempus absumit. Est itaque Chronologia, aut Chronographia ; temporum ratio, vel descriptio.

TEMPUS quidam a χρόνος, *tunc*, quidam a τίμαρ, *seco*, quidam a τεπορ dictum volunt, quasi a veris temperie. Facilius autem est tempus mente percipere, quam describere verbis. Philosophi ajunt tempus esse mensuram motus, vel durationem rerum corporearum, nec sine principio, nec sine fine existentium. Iis enim, quæ divina sunt, non tempus competit, sed æternitas. Fortasse veteres Saturno Rheam, idest, terram dederunt uxorem, quoniam temporalia quælibet e terra gignuntur.

Ex PRIMO *Geneseos* percipimus initio temporis, quando Deus condidit cælum, & terram, fuisse materiam
Tom. I. A quam-

quamdam formæ expertem, quam latinus interpres vocat *terram inanem, & vacuam*, & Codex Hebraicus *Tohu & Bohu*; tum producta luce, diem a nocte fuisse secretam. Hinc nati apud Eusebium in 1. de Præparatione Evangelica Phœnicum Dii *Thoth*, & *Bau*, & quod primum in Theogonia statuit Hesiodus, *Chaos*, hujusque filii Erebus & Nox, a quibus procreati finguntur *Æther*, & *Dies*. Sunt itaque partes temporis præcipuæ tenebræ & lumen, nox & dies. Et nox quidem præcessit diei; nam ut Apostolus ait 2. ad Corinth. 4. 6. *Deus e tenebris fecit lumen splendescere*. Hac de re Judæi a *vespera ad vesperam* juxta præscripta legis agunt dies Festos. Eo processit Gentilium infania, ut has quoque temporis partes inter Numina referrent. Nocti vero mactabant gallum, *Quod tepidum vigili provocet ore diem*, inquit in 1. Fastorum Ovidius. Dies item ac æther lucidus est Jupiter ille *Diespiter*, & *Lucetius*, de quo Agellius lib. 4. Noct. Attic. cap. 12. Orti illinc Lucifer, & Hesperus, quibus equos desultores consecrabant.

SEQUITUR pars minor diei *Hora*, ab *Hor*, *lux*, appellata, unde Sol etiam, & Apollo *Horos* vocatur; sive ab *ἐπιτίειν*, idest, *terminare*, ac definire, quod horæ partes dierum finiant, ac dividant. Fuerunt olim horæ idem, ac quatuor anni partes, ver, æstas, autumnus, & hiems. Hujus partitionis causa dicuntur horæ apud Nasonem citato lib. 1. Fastorum, una cum Jano, idest, Sole servare, & custodire cardines cæli, atque apud Horatium lib. 1. Ode 12. mundum temperare. Propter quatuor illas horas, vel anni tempora Gentes consecrassent Soli quadrigas, scribit Isidorus lib. 18. Originum cap. 36. Horas deinde Ægyptii in duodecim diei partes dissecuerunt, eo quod animal Serapi dicatum duodecies in die mingeret æqualibus intervallis. Duplicatus tandem est numerus, & ex duodenis horæ factæ vigintiquatuor. Videfis lib. 1. Saturnalium cap. 21. Macrobius.

DUODECIM horas diei, ac totidem noctis numerabant tempore adventus Dominici Romani pariter, & Judæi. Idcirco Dominus universas diei partes significans inquit Joannis 11. 9. *Nonne duodecim sunt horæ diei?* In quatuor enim quadrantes diem partiebantur, quorum habebat quilibet horas ternas: ac prima incipiebat cum ortu Solis, sexta in meridie, duodecima vero absolvebatur cum Sol occideret. Præcipue tamen cujuslibet quadrantis priorem horam, pri-
mam

mam nempe, tertiam, sextam, & nonam Judæi orationis causa observabant. Tertia enim, sexta, & nona, sacrificia precesque fieri solebant, quod præter Hebræos doceant nos Cyprianus de Oratione Dominica, & Hieronymus ad caput 7. Danielis, & in epistolis ad Lætiam, & ad Demetriadem. In cap. 10. Numerorum præcipitur, ut festis diebus horæ ipsæ tubarum sonitu finiscentur. Eapropter illas vocat Tertullianus in libro de Jejuniiis insigniores in rebus humanis, quæ diem distribuunt, quæ negotia distinguunt, quæ publice resonant.

CUM tres illæ horæ essent ceteris notiores, illarum designatione indicabatur medium illud tempus, quod inter unam, & alteram orationis horam intercedebat. Ita hora tertia usque ad meridiem, nona usque ad Solis occasum computabatur. Ex his colligimus horam Sextam, qua crucifixus est Dominus, fuisse meridiem, impletamque vaticinium Amos 8. 9. *Et erit in die illa, dicit Dominus Deus: Occidet Sol in meridie, & tenebescere faciam terram in die luminis.* Apparet etiam nullam esse antilogiam inter Marcum Evangelistam asserentem cap. 15. 25. Christum affixum Cruci hora tertia, & Joannem scribentem cap. 19. 14. patratum hoc scelus hora quasi sexta. Etenim id contigit medio tempore inter tertiam, & sextam horam nondum exacto. (1)

UT DIEM, ita noctem in quatuor partes primum Romani, deinde Judæi diviserunt, quas appellabant Vigiliæ a militum nocturnis excubiis. Quatuor illæ vigiliæ tribus horis singulæ constabant, ac erant tempore hiemali longiores, & breviores æstivo. Etsi autem erant olim apud Hebræos, tres vigiliæ, testes David Kimchi; a temporibus tamen Pompeji, qui Jerosolimam expugnavit anno P. Jul. 4651. ante Vulg. Æram 63. iidem Judæi cum Romanorum moribus congruentes, statuerunt quaternas. De priori Vigilia, seu Vigiliarum initio vide Hieremiam Thren. 2. 19. Secundam, ac tertiam commemorat Lucas 12. 38. quartam Matthæus 14. 25. & Marcus 6. 48.

A 2

QUAR-

(1) Utique nonnulli Patrum, inter quos S. P. Augustinus, tradunt Christum Dominum hora tertia crucifixum fuisse in Prætorio lingua Judæorum, & hora sexta iudeorum manu, sed hæc moralis explicatio literalis, quam hic inuimus, minime excludit.

QUARTA hæc vigilia Matutina appellatur Exodi 14. 24. & secundum gallicinium apud Syneſium, & Ariſtophanem. Gallus enim in medinoctio, & ſub adventum lucis edit cantum. In eadem vigilia conſpici ſolem in vertice montis Caſſii in Arabia Petræa ſcribit Plinius lib. 5. cap. 22. Non ergo differt ab hac vigilia Aurora, quam gentes *Matutam*, & *Auxodiar*, hoc eſt, Albam Dearum nuncuparunt: de qua Strabo lib. 11. Geographiæ, Hyginus fabul. 2. & Cicero in 1. Tuſculan. Ex his inferſtur, in aurora demerſum Pharaonis exercitum, Petrum ejuſque naviculam jaſtatam fluctibus evaſiſſe naufragium, eundem Petrum tertio negaſſe Magiſtrum, & hunc opus redemptionis inchoaſſe, quemadmodum Pontifex Hebræorum ſacerdotale munus auſpicabatur. Nam hæc omnia in quarta vigilia, & in ſecundis galliciniis eveniſſe commonſtrant loca paullo ſupra producta.

A VIGILIIS, quas memoravimus, nomén traxerunt nocturnæ preces, quibus veteres Chriſtiani vacabant. De his plura in libello precum Marcellini & Faſtini, in libro 3. Inſtitutionum Caſſiani, in libris pertractantibus de Ritibus Eccl. Iſidori, Honorii, aliorumque, & in Cardinalis Bona Divina Pſalmodia. Iis autem vigiliis abrogatis, exceptis quæ aguntur in Natali Dominico, Vigiliis conſuevimus appellare dies profeſtos, & interdum officia, maxime Deſunctorum, quæ nocturnis olim vigiliis perſolvebantur.

C A P U T II.

DE ETYMOLOGIA, DISTINCTIONE, INITIO, ET
VARIETATE DIERUM.

PARTICULIS temporis explanatis, agam de die; notum quatenus ſignificat lucem a tenebris ſegregatam; ſed prout eſt ſpatium viginquatuor horarum, & *veſpere*, & *mane*, ut diviniſcæ Scripturæ utar phraſi, componitur. Appellatur dies *ἀπὸ τῆς αἰας*, nempe a Jove, ſeu luce, nobiliori diei parte; ſive, ut Varro inquit, a Deo, qui lucis, & diei eſt auctor, & rector. Græci *ἡμέραν* dicunt, quoniam dum lumen emicat, homines gratulantur; ideoque veteres ſcripſerunt *ἡμέραν*, nempe *deſiderabilem*. Integram proinde diem, quæ tenebras lucemque complectitur, vocant *ἡμέραν*.

Ex.

Ex quo autem *νυχθήμερον* sit noctis, lucisque completo, sequitur optime diem appellari illam temporis partem, in qua vespera & mane, tenebrae & lux distinguuntur. Quare dux noctes, & dies unus, cum parte lucis, seu diei praecedentis, & insequentis, tres dies dici possunt. Ita quod legitur Mat. 12. 40. Jonam fuisse in ventre ceti *τρεῖς ἡμέρας, καὶ τρεῖς νύκτας*, & Mat. 27. 63. ac Marci 8. 31. Christum a mortuis surrexisse *μετὰ τρεῖς ἡμέρας*, post tres dies, accipiendum est, ac si diceretur, *μετὰ τρία νυχθήμερα*, post tria dienocidia.

IN NATURALEM, & artificialem Astronomi diem differtunt: & dies naturalis est ille, quo sol ab ortu ad occasum procedens, ad idem, unde profectus erat, punctum revertitur; artificialis vero dies est, in quo sol supra Fini-
torem, vel Horizontem versatur, & cui ex adverso nox responder. Nunc de die naturali agimus; quem tamen plerique eum artificiali confundunt, dum de naturali die locutum putant Basilium scribentem in Hexameron diem esse aerem, quem sol illuminat, & Aristotelem asserentem nihil aliud esse diem, quam solis excursus ab oriente in occasum. At missa illa Astronomorum partitione, diem nos alium civilem vocamus, legale n alterum, tertium Ecclesiasticum. Ac primum dicimus illum, qui in consuetudine & usu receptus est modo, & incipit ab ortu solis: legale, qui protrahitur a vespera ad vesperam: Ecclesiasticum, qui a media nocte ad mediam noctem produ-
citur. Hoc enim postremo utimur in jejuniis, festisque servandis. Ea partitione liquet Joannem, qui cap. 13. 1. ait Dominum instituisse postremam coenam *ante diem festum Pascha*, non discrepare a ceteris Evangelistis, qui ajunt Pascha a discipulis preparatum *primo die azymorum*. Ubi enim alii Evangelistae commemorant diem legale juxta mandatum Exodi 12. 6. Joannes diem communi, & usitata significatione usurpavit.

QUATUOR sunt cardines, a quibus dierum ducuntur initia. Ab oriente enim sole diem auspicabantur Baby-
lonii: a meridie veteres Umbri; a solis occasu Athe-
nienfes, & Judaei, atque a medinocidio Romani. Id li-
teris tradunt Plinius lib. 2. cap. 77. & Censorinus de
die Natali. Vide & Legem Paulli, *More Romano, ff. de Feriis*. Non tamen perpetua fuit praedictarum Gen-
tium consuetudo. Enimvero Judaei, posteaquam vene-
runt in ditionem Romanorum, retento in diebus festis

QUARTA hæc vigilia Matutina appellatur Exodi 14. 24. & secundum gallicinium apud Synesium, & Aristophanem. Gallus enim in medinoctio, & sub adventum lucis edit cantum. In eadem vigilia conspici solem in vertice montis Cassii in Arabia Petrea scribit Plinius lib. 5. cap. 22. Non ergo differt ab hac vigilia Aurora, quam gentes *Matutam*, & *Asuxadiar*, hoc est, Albam Deam nuncuparunt: de qua Strabo lib. 11. Geographiæ, Hyginus fabul. 2. & Cicero in 1. Tusculan. Ex his inferitur, in aurora demersum Pharaonis exercitum, Petrum ejusque naviculam jactatam fluctibus evasisse naufragium, eundem Petrum tertio negasse Magistrum, & hunc opus redemptionis inchoasse, quemadmodum Pontifex Hebræorum sacerdotale munus auspicabatur. Nam hæc omnia in quarta vigilia, & in secundis galliciniis evenisse commonstrant loca paullo supra producta.

A VIGILIIS, quas memoravimus, nomén traxerunt nocturnæ preces, quibus veteres Christiani vacabant. De his plura in libello precum Marcellini & Faustini, in libro 3. Institutionum Cassiani, in libris pertractantibus de Ritibus Eccl. Isidori, Honorii, aliorumque, & in Cardinalis Bona Divina Psalmodia. Iis autem vigiliis abrogatis, exceptis quæ aguntur in Natali Dominico, Vigiliis consuevimus appellare dies profestos, & interdum officia, maxime Defunctorum, quæ nocturnis olim vigiliis perfolvebantur.

C A P U T II.

DE ETYMOLOGIA, DISTINCTIONE, INITIO, ET
VARIETATE DIERUM.

PARTICULIS temporis explanatis; agam de die; non quatenus significat lucem a tenebris segregatam; sed prout est spatium vigintiquatuor horarum, & *vespere*, & *mane*, ut divinæ Scripturæ utar phrasi, componitur. Appellatur dies *αὐτὸ τῷ αἰος*, nempe a Jove, seu luce, nobiliori diei parte; sive, ut Varro inquit, a Deo, qui lucis, & diei est auctor, & rector. Græci *ἡμῖον* dicunt, quoniam dum lumen emicat, homines gratulantur; ideoque veteres scripserunt *ἡμῖον*, nempe *desiderabilem*. Integram proinde diem, quæ tenebras lucemque complectitur, vocant *ἡμετέριον*.

Ex

Ex quo autem *νυχθήμερον* sit noctis, lucisque completio, sequitur optime diem appellari illam temporis partem, in qua vespera & mane, tenebrae & lux distinguuntur. Quare duae noctes, & dies unus, cum parte lucis, seu diei praecedentis, & insequentis, tres dies dici possunt. Ita quod legitur Mat. 12. 40. Jonam fuisse in ventre ceti *τρεῖς ἡμέρας, καὶ τρεῖς νύκτας*, & Mat. 27. 63. ac Marci 8. 31. Christum a mortuis surrexisse *μετὰ τρεῖς ἡμέρας*, post tres dies, accipiendum est, ac si diceretur, *μετὰ τρεῖς νυχθήμερα*, post tria die noctia.

IN NATURALEM, & artificialem Astronomi diem dispartiunt: & dies naturalis est ille, quo sol ab ortu ad occasum procedens, ad idem, unde profectuserat, punctum revertitur; artificialis vero dies est, in quo sol supra Fini-
torem, vel Horizontem versatur, & cui ex adverso nox respondet. Nunc de die naturali agimus; quem tamen plerique eum artificiali confundunt, dum de naturali dic locutum putant Basilium scribentem in Hexameron diem esse aerem, quem sol illuminat, & Aristotelem asserentem nihil aliud esse diem, quam solis excursus ab oriente in occasum. At missa illa Astronomorum partitione, diem nos alium civilem vocamus, legale alterum, tertium Ecclesiasticum. Ac primum dicimus illum, qui in consuetudine & usu receptus est modo, & incipit ab ortu solis: legale, qui protrahitur a vespera ad vesperam: Ecclesiasticum, qui a media nocte ad mediam noctem producit. Hoc enim postremo utimur in jejuniis, festisque servandis. Ea partitione liquet Joannem, qui cap. 13. 1. ait Dominum instituisse postremam coenam *ante diem festum Pascha*, non discrepare a ceteris Evangelistis, qui ajunt Pascha a discipulis praeparatum *primo die azymorum*. Ubi enim alii Evangelistae commemorant diem legale juxta mandatum Exodi 12. 6. Joannes diem communi, & usitata significatione usurpavit.

QUATUOR sunt cardines, a quibus dierum ducuntur initia. Ab oriente enim sole diem auspicabantur Babylonii: a meridie veteres Umbri; a solis occasu Athenienses, & Judaei, atque a medinoctio Romani. Id literis tradunt Plinius lib. 2. cap. 77. & Censorinus de die Natali. Vide & Legem Paulli, *More Romano, ff. de Feriis*. Non tamen perpetua fuit praedictarum Gentium consuetudo. Enimvero Judaei, posteaquam venerunt in ditionem Romanorum, retento in diebus festis

vetusto more, in aliis victores imitari cœperunt; atque ætate Anastasii Sinaitæ, qui floruit circa annum 560. Ægyptii ab initio noctis, & Athenienses ab ortu solis dies inchoabant. Quod Anastasius ipse testatur lib. 1. Anag. Contemplat. in Hexameron. Nec reprehendendus est Isidorus idem asserens in lib. de Mundo cap. 1. Morem itaque nostrum auspicandi diem ab oriente sole comprobant vetustior consuetudo, plurium consensus, necnon Ulpiani leges ff. de usucap.

DIERUM varia sunt apud profanæ, & apud sacræ Historiæ Scriptores, vocabula. Romanis ex Numæ instituto alii dies erant *Festi*, alii *Profesti*, alii *Intercisi*. *Festi*, dicebantur, qui dicati erant diis: *Profesti*, quibus publicæ, aut privatæ res administrabantur, hominesque procul erant a numinum religione; *Intercisi* autem illi, quibus fas erat nonnullis horis, & nonnullis aliis nefas erat jus dicere, quasi forent diis, hominibusque communes: Ac festi dies in sacrificia, epulas, ludos, seriasque dividebantur; siquidem aut sacrificiorum oblatione, aut divinis epulis, aut serias agendo sacra celebritas agebatur. *Profesti* quidam dicebantur *Fasti*, quibus prætori fari licebat, & ea verba proferre, *Do*, *Dico*, *Addico*: alii *Comitiales*, a comitio dicti, eo quod populus simul conveniret: *Comperendini* alii, quibus in perendinum, sive in diem alium differebantur judicia: *Stati* dies alii, qui cum peregrino iudicii causa constituebantur, ac demum alii *Praliæres*, quibus fas erat res repetere, & hostes laceßire. De his plura qui de Antiquitatibus Romanis pertractant.

SUNT & apud JCC. dierum nomina alia permulta. *Atti* enim dicuntur dies, quibus educere legiones, & acies cum hostibus committere religio non sinit. *Religiosi*, ac tristi omnino infames, & funesti, in quibus nec rem divinam facere, nec novi aliquid exordiri homines superstitiosi audebant. *Sigillarii*, in quibus deorum sigilla fictilia, & imagunculæ emebantur a pueris, & pro munere invicem missitari solebant. *Disfisi*, qui, re in alteram diem rejecta, quasi diffindebantur. Complures demum alii, ut dies actionis, condictus, solutionis, cretionis, sessionum, de quibus Lexica Juridica, & quotquot disserunt de significatione verborum.

INVENIES præterea apud sacrarum rerum Scriptores multa dierum nomina a præcedentibus diversa. Dies enim *Sancti* vocantur dies Quadragesimæ. Dies *Votorum* ii, quibus contrahuntur sponsalia, & fiunt nuptiæ. Dies *Ma-*

gnus,

gnus, festum Dominicæ Resurrectionis. Dies *Consecrati*, solemnitas Dominicæ Nativitatis cum tribus diebus sequentibus. Dies *Ægyptii*, quos ut nocivos quidam non absque superstitione solent adnotare. Dies *Neophytorum* illi octo, quibus recens baptizati albis vestibus induuntur: dies *Censorius*, vel dies *Humanus*, in quo ante supremi Judicis tribunal adstabunt homines universi.

C A P U T III.

DE FERIIS FESTISQUE DIEBUS.

FERiarum nomine non semper idem significatur. Apud Latinos enim *feriæ* dicuntur dies, quibus a forensibus negotiis, & ab operibus minime necessariis vacatur. In hac significatione feriæ vocantur tum publicæ celebritates, tum dies quibus Magistratus ob vacationem aliquam jus non dicunt, necnon nundinæ paganorum, idest, rusticorum gratia institutæ, & quotquot vacationes ab opere a prætore, vel sacrorum antistite indicuntur. Adde *privatas feriæ*, dies nempe, in quibus memoria agitur in peculiari urbe, aut familia vel expiationum, vel natalium, vel funerum. Atque hujusmodi dies *feriati* a feriendis victimis, sive a *ferendis* epulis appellantur, nisi mavis cum Vossio feriarum nomen repetere a *Festis*, s. in r. commutato.

IN HAC significatione dies in Dei honorem, Sanctorumque cultum dicati vocantur *Feriæ*, ut constat ex cap. *Pronunciandum*, de Consecrat. dist. 3. ex Novella 54. Leonis, & ex Cod. lib. 3. tit. 12. Hinc *feriari* in Ecclesiasticis sanctionibus idem sonat ac festum colere, & *Feriales* commemorati in epistolis Chromatii, & Heliodori ad Hieronymum sunt libri, aut catalogi festa Martyrum describentes. Vocantur item *feriæ* septem dies qui præcedunt, & septem qui sequuntur festa Dominicæ Resurrectionis, atque Nativitatis, in quibus nemo in forum compelli poterat, non tantum canone 6. Concilii VII. Toletani, verum etiam Imperialibus Constitutionibus, ut liquet ex præcitato tit. 12. lege 2. 7. & ultima. Adde ex Ivone lib. 4. cap. 15. dies tres Rogationum. Memorant etiam leges, & Canones *Ferias Messivas*: ex lege quippe Ulpiani, *Ne quis Messium*, ff. de Feriis 1. messis, & vindemiæ temporibus adversarius non potest cogi ad iudicium.

Ferias quoque *Jovis*, & *Mercurii*, quas interdum legimus interdictas Christianis, non aliud significare intelligimus, quam festa Paganicæ superstitionis.

HACTENUS explicavimus quid sit *feria*, in qua a negotiis, litibusque cessamus. Verum mos obtinuit, ut *ferie* dicantur singuli dies hebdomadæ, die solis excepto. In Vitis Romanorum Pontificum asseritur id constitutum fuisse a Sylvestro, ut clerici scirent se, abjecta ceterarum rerum cura, uni Deo vacare oportere. Quidam censent, ex quo Constantinus Magnus sancivit, ut hebdomada Paschæ esset feriata, inde factum, ut ab ipsa hebdomada, quæ prima erat anni Ecclesiastici, dies etiam reliquarum hebdomadarum vocarentur *Feriæ*.

QUINAM sint dies Festi, constat ex dictis. A Græco *ἑστία* quod est, *festum diem agere*, repetunt cum Gerardo Joanne Vossio etymologiam hujus nominis *Festum* doctiores Grammatici: *ἑστία* vero arcessunt Græci *ἑστία*, *ἑστία*, *foco*, seu *lare*: unde & *Vesta* ignis præses, virginisque *Vestales*. Festa enim agentes, apud larem suum, id est, domi amicos convivio excipiunt. Communis est persuasio, Festum esse diem, in quo jurgia, & laboriosa opera cessant: quod testatur etiam Tibullus libro 2. Elegia 1. eo versu,

Luce sacra requiescat humus, requiescat arator, & novem sequentibus.

PLURA in Festis Gentiles peragebant, a quibus non abhorrent Christiani, eadem specialis venerationis cultusque ratione exercentes. Hæc recenset, notisque e Libanio Sophista, Plutarcho, Arnobio, Liplio, aliisque follester collectis explanat erudita dissertatione Jo. Fronto Parisiensis Academia Cancellarius. Hujusmodi sunt referare templa, & simulacra detegere: indicere in profestis quietem, & operum cessationem; summo mane ad solemnitatem accedere: cum servis, & captivis, puerisque in pædagogio mitius agere: decorare terram floribus, advenas rogare apud se convivari, aurum effundere in pauperes, splendidis incedere vestibus, hymnos post epulas decantare, cessare jurgia, & reconciliari civem civi, hospitem hospiti, mulierem mulieri.

EX GENTILIUM quoque moribus derivasse videtur, ut Christiani natales, & emortuales dies tanquam Festos haberent. Natalem quippe mundi celebrarunt *Ægyptii* XII. Kal. Augusti; Romani Urbis suæ XI. Kal. Ma-

jas,

jas, quæta diem a Pale pastorum, & pabulorum Dea, Pa-
lilia dixerunt. Adde Natalia Deorum, ut Apollinis die 7.
Aprilis, Mercurii 17. Maji, & iis similia apud Dempster-
rum lib. IV. Antiq. Roman. Occurrunt ibidem, & Re-
gum, & Cæsarum natalitiæ festivitates, Romuli die 20.
Septembris, Octaviani Augusti die 23. ejusdem mensis,
Germanici diei 31. Sextilis. Meminere istiusmodi Festo-
rum sacri etiam libri, ut Natalis Pharaonis Gen. 40. 20.
Natalis Antiochi 2. Machab. 6. 7. Natalis Herodis Anti-
pæ Marc. 6. 21. Connumerabantur inter Natalia festa de-
dicationis templorum, inaugurationes regum, diesque, in
quibus ab imminenti periculo civitates & oppida evasis-
sent. Præter natales dies, emortuales, & anniversarios
recolebant, & mortuorum memoriam celebrabant funebri-
bus orationibus recitatis olim a consanguineis, erectis cip-
pis, ac statuis, inscriptisque monumentis, hymnis, & car-
minibus, atque depictis historiis, actisque in commentaria
relatis.

ÆQUUM erat, ut sublatis erroribus, consimilia Festa
institueret Ecclesia, ne videretur minoris æstimare virtu-
tem, quam Ethnici vitia. Quamobrem natalem diem
eorum, quos noverat Sanctos materno ex utero prodiisse,
ab Apostolicis Sæculis celebravit, videlicet, Repara-
toris nostri, & Præcursoris Joannis, addiditque postea Na-
tivitatem Beatæ Mariæ castissimæ ejusdem Reparatoris
nostri Parentis. Acta quoque Martyrum a Notariis per-
quiri, & litteris mandari curavit, templa arasque supra
illorum exuvias extruxit, imagines ad viventium exem-
plum atque præsidium exposuit, hymnos & psalmodiam
instituit, & quoniam soluti e corpore rapiuntur in viam
meliolem ac sempiternam, diem obitus consuevit appel-
lare *Natalem*. Ad hæc diem, qua Apostolorum Princeps,
cum Antiochiæ, tum Romæ sedere cœpit, ac diem pari-
ter consecrationis Pontificis, vel Episcopi, potiori jure,
quam inaugurationis Cæsarum, & Angustorum, coli an-
nua celebritate mandavit. Templorum item dedicationis
diem inter festa referre voluit, retento veteri nomine En-
cæniorum, quod extat 1. Mach. 4. 59. & Joannis 10. 22.
& significat *innovationem atri syonici*, propterea quod
Esdras mense Adar, Salomon mense Tisri, & Judas Ma-
chabæus mense Casleu, purgato, innovatoque templo Je-
rusolymitano, indixerant Encæniorum solemnia.

NEC studuit solummodo Ecclesia in hujusmodi Festis
quid-

quidquid superstitiosum est abolere; sed ulterius ritus quosdam Gentilium, qui vix eradicari poterant, consimili, sed religiosa ceremonia correxit. Etenim in festo Purificationis Deiparæ, quod Festum Græci *ὑπαπαντή*, idest; *occursum* appellant, quoniam tunc Simeon obviam Christo processit, instituta fuit a Gelasio, aut a Sergio R. P. benedictio Candelarum adversus lustrationes *amburbales*, quibus Ethnici accensis facibus ut iusta persolverent diis Manibus urbem expiabant seu februebant; live, ut aliis placet, ad eliminanda Luperçalia, quæ *februa sacra* vocabantur, & a quibus secundus mensis dicitur Februarius. Kalendis quoque Augusti, qua die consecrata fuit ædes Martis, & celebrabatur Claudii Imperatoris Nativitas, dedicatus est Titulus Æquittii, & S. Petri Vincula majori veneratione honorari cœperunt, ut in desuetudinem abirent memorata Claudii, & Martis Solemnia. Sunt denique multi, qui Natalem Domini alligatum putant VIII. Kal. Januarias, quoniam ipso die colebant Ethnici Solis nativitatem; quibus tantum in aliam diem ortum Solis iustitiæ, & Salvatoris mundi relegantibus, nequaquam possumus assentiri.

SECVLOS dies enumerare supervacaneum est; quisquis enim in Caledaria Romanæ Ecclesiæ conjiciat oculos, percipiet illorum numerum. In antiquioribus vero Caledariis desideratur festum Trinitatis, quartodecimo sæculo institutum a Joanne XXII. Ideo namque præcedentibus sæculis non colebatur Ss. Trinitatis festivitas, quoniam repetito Trisagio, aliisque precibus quotidie eam adoramus. Atterendum est idem de festo Sacratissimi Corporis Christi, quod etsi diebus singulis immolamus, ejusque institutio recolitur feria V. Majoris Hebdomadæ, solemniiori tamen ritu celebratur ab universa Ecclesia ab anno 1264. ex Urbani IV. Constitutione. Inter B. M. V. festivitates recentiores sunt Præsentationis, quæ in Occidentali Ecclesia cœpit anno 1372. & Conceptionis, quam post Sixti IV. & Pii V. decreta, religiose ac solemnius celebrari mandavit anno 1708. Clemens XI. Incœpit solemnitatis omnium Sanctorum sedente Bonifacio IV. ad summum Pontificatum evecto an. 608. Is enim Pantheon, quod M. Agrippa in honorem omnium Deorum edificaverat, consecravit in cultum B. Virginis, omniumque Martyrum. Festorum deinde numerum pietas fidelium, sacrorumque Antistitum religio adeo multiplicavit, ut desit modo tempus singula recensendi.

R U D I M E N T A. 11

INTER dies Festos quidam peculiari, nunc antiquato, vocabulo distinguuntur. Legimus enim alicubi *Festum Architriclini*, quo nomine appellabatur Dominica secunda post Epiphaniam: *Festum Stelle*, sanctorumque luminum; videlicet ipsam Epiphanix celebritatem: *Festum epularum*, idest, Cathedræ S. Petri Antiochenæ, in qua Ethnici convivium agebant ad sepulcrâ parentum. *Festum divisionis Apostolorum*, die 15. Julii, quo fertur in diversas mundi provincias illos abiisse.

C A P U T IV.

DE HEBDOMADA, SABBATO, ET DIE DOMINICA.

HEBDOMADAS ab ἑβδομα *septimus*, est septem dierum spatium, unde & *septimana* appellatur non vulgari tantum consuetudine, sed etiam in Cod. Theodos. l. 5. *de spectac.* Hebræi item spatium illud dierum vocant *Sciabuh* a radice *Sciabah*, *septem*. Hinc aliquando dies septimus hebdomada dicitur, ut in libris Josephi animadvertit illustri Vossius, & vicissim nomen *Sabbati*, quod significat diem septimam, interdum usurpatur ad significandam hebdomadam. Ita Marci 16. 2. habetur sanctas mulieres ad Christi monumentum venisse *valde mane una sabbatorum*; & Phariseus Lucæ 28. 12. agebat, *Jeiuno bis in Sabbato*: ac prima hebdomadæ dies vocatur *prima Sabbati* Matthæi 28. 1. & Marci 16. 9. In quibus, aliisque locis certum est, nomen *Sabbati* pro tota septimana usurpari.

Non solum hebdomadas dierum, verum etiam hebdomadas annorum legimus in sacris Bibliis, & in Hebræorum Commentariis. *Numerabis* (ita Levit. 15.) quoque tibi *septem hebdomadas annorum*, idest, *septies septem*, que simul faciunt annos 49. *sanctificabisque annum quinquagesimum*. Singularum autem harum hebdomadarum annus septimus est annus ille Sabbaticus, de quo lex Moysi eodem capite Levitici v. 4. *Septimo autem anno Sabbatum erit terræ, requietionis domini, agrum non seres, & vineam non putabis*.

INTER hebdomadas annorum celeberrimæ sunt illæ septuaginta, quibus Daniel Propheta cap. 9. 24. tempus futuræ redemptionis definierat. Quarium, sententia eorum qui Dominum cruci suffixum arbitrantur anno Vul.
Aeræ

Aeræ 29. talis esse debet partitio, ut harum hebdomadarum initium statuatur in anno 457. ante Aeram Christianam; hebdomada septuagesima, quam Propheta dixit, decisam esse & abbreviatam, inchoata sit anno ejusdem Aeræ 26., & in dimidio hebdomadæ, scilicet post alios tres annos, Christus occisus fuerit, prædicto nimirum anno 29. Enimvero si annis 457. addamus annos 29. resultat summa annorum 486. atque annus quadingentesimus octuagesimus sextus est dimidium hebdomadis septuagesimæ. Nam septuaginta hebdomadæ annorum sunt anni 490.

AB ANNORUM hebdomada ad hebdomadam dierum revocemur oportet. Insignitur hæc enim in Epistolis Romanorum Pontificum, & in libris ritualibus, necnon apud Historicos, nominibus quibusdam peculiaribus. Atque hebdomada præcedens Dominicam Resurrectionis a Græcis Latinisque vocatur *ἡβδομας μεγάλη*, hebdomada major, ob maxima Ecclesiarum officia: *indulgentiæ* item ob pœnitentium absolutionem. Vocatur quoque hebdomada *panalis* & *laboriosa* propter Domini passionem, Rursus hebdomada *authentica* in monumentis Ambrosianæ Basilicæ. Tertia post Pascha dicitur hebdomada *expectationis*, quod per id temporis Spiritus Sancti expectetur adventus. Quarta hebdomada Quadragesimæ, cujus Sabbato sacræ habentur ordinationes, in Gelasii primi, Innocentii III. aliorumque Pontificum litteris Hebdomada *Mediana* vocatur. Hebdomadæ autem reliquæ, ut *Paschalis*, *in Albis*, *Pentecostes*, pronuntiatio duntaxat nomine innotescunt.

NOMINA septem dierum, e quibus conflatur hebdomada, sunt cuique notissima, Eorundem nominum origo inde repetitur, quod singulis diei horis Ethnici præesse putaverint unum ex septem sideribus, quæ sunt Sol, Luna, Mars, Mercurius, Jovis, Venus, Saturnus; adeo, ut primæ horæ diei primi præsit Sol, secundæ Luna, tertiæ Mars, &c. primæ autem horæ secundi diei Luna, primæ horæ tertii diei Mars præsit, atque ita deinceps. Quare a planeta, aut sidere horæ primæ habet dies, ut appelletur dies Solis, dies Lunæ, dies Martis, &c. Legantur Dio lib. 37. & Philander lib. 9. Not. in Vitruvium, Verum, ut supra monuimus, Ecclesiastici ex decreto Sylvestri his nominibus, ortis vel ex Pythagoricis subtilitatibus, vel ex commentis Ægyptiorum, commune Feriarum nomen substituerunt, ita tamen, ut primam diem hebdomadæ appellerent *Dominicam*, septimam *Sabbatum*,

SABBATI etymologiam deductam a *Sciabah*; *septem*; tradidimus supra: sed repetita a *Sciabat* significat *cessationem*, & *requiem*; atque hoc pacto non totam denotat hebdomadam, sed diem septimam, in qua Deus *requievit ab omni opere, quod patrauerat*. Gen. 2. 2. Hinc Judæi creationis memores sabbatum colébant juxta legis præceptum Exodi 20. 11. & Deut. 5. 14. Persius Sat. 5. Judæos irridens horum festa vocat *Sabbata recutita*, & Rutilius ad Numantianum lib. 1. inquit, *Septima quæque dies turpidamata Veterno*: Ovidius pariter in libro 1. de Arte amandi, *Cultâ Palestino septima Festa viro*. Sabbatum anno Dominicæ Passionis incidens in hebdomadam azymorum dicitur *Magnus dies* Joan. 19. 31. non quod fuerit ipsa Paschæ solemnitas, sed quia populus non victimis pacificis per totam azymorum hebdomadam templum adibat. Dies vero hoc præcedens Sabbatum vocatur *Parasceve* Marci 15. 42. Est autem *παρασκευή* idem, ac *preparatio*; nam Judæi feria sexta post meridiem parant cibaria, mensasque sternunt pro die proximo. Hujus rei causa dies emortalis Christi dicitur in Evangelio *παρασκευή τῇ πένχῃ*. Commemoratur Lucæ 6. 1. Sabbatum *δευτέρου πρῶτον*; *secundo-primum*. Disceptatur adhuc quodnam Sabbatum indigiter Evangelista: sed inter varias interpretationes illam existimamus probabiliorem, quæ tradit Sabbatum *δευτέρου πρῶτον* fuisse quod immediate sequebatur secundum diem azymorum, quasi diceretur, *ἀπὸ τῆς δευτέρας πρῶτον*, *primum post diem secundam*.

SABBATI in diem Dominicum translata festivitas fuit abrogatio legis quantum ad determinationem diei, non quantum ad cultum divinitatis, divi horumque beneficiorum contemplationem. Cum enim dies Dominica sit illa, in qua Deus mundum condidit, in qua Christus resurrexit, & in qua Spiritus Sanctus descendit super Apostolos; in cultu ejusdem diei commemoratur beneficium creationis, cujus gratia observatio Sabbati primitus fuerat indicta, & memoria repetitur peracta redemptio, & sanctificatio animarum, ita, ut in hujus Festi observatione perficiatur, non defraudetur finis præcepti, *Memento, ut diem Sabbati sanctifices*.

PRÆ ceteris Dominicis præcipuam venerationem expulstant Dominica Paschatis, & Pentecostes. *Pascha* etymologiam sortitur a radice *Pasach*, *transiit*, non, ut quidam existimarunt, a verbo Græco *πάσχω*, *patior*.
Hebræi.

Hebræi solemnissimam habuere Paschatis celebritatem exeunte luna 14. mensis Nisan, idest, vespera diei quartadecimæ, unde initium sumebat dies XV. legalis, in cuius nocte angelus pertransiens exterminavit primogenitos Ægyptiorum. A quo transitu prima dies azymorum Phasæ, vel Pascha appellatur; legatur caput 12. Exodi. Qui in Paschate celebrando eandem lunam 14. observabant, *Quartadecimani* dicti sunt: eosque traditione derivata ab Apostolis secundo Ecclesiæ Seculo S. Victor I., & anno 325. Nicæna Synodus proscripsit, lata lege, ne alio, quam Dominico die Pascha ubique Gentium celebraretur; quod saluberrime institutum est, ne Christiani Judæis communicare viderentur, nec Agni typici, sed Christi, qui Pascha nostrum immolatus est, mysteria sacra recolerent.

EODEM plane modo *Pentecostem*, sive diem quinquagesimum, quem colebant Judæi in memoriam legis datæ in Monte Sinai quinquagesimo die egressionis ex Ægypto, Christiani colunt die quinquagesima post Dominicam resurrectionis, ob divini Spiritus charismata Apostolis distributa. Est enim *πεντηκοστή* idem, ac *Quinquagesima*: ac recte hoc nomen ob dierum numerum quadrat in Pentecostem Christianam, haud secus, ac *ἑβδομήκοντα*, *festum hebdomadarum*, & *ἡμέρα τῶν νέων*, *dies novorum*; quibus nominibus Exodi 34. 22. juxta versionem LXX. insignitur Pentecostes Judaica.

C A P U T V.

DE MENSIBUS VARIARUM GENTIUM, ET ROMANORUM PRÆSERTIM.

S EQUITUR, ut dicamus de Mensibus, quorum nomen venit a *metior*, ut docet Cicero lib. 2. de Nat. Deor. vel, ut Varroni, & Isidoro placuit, a *μῆν*, idest, motus, & lunæ decursus, vel etiam ab Hebræorum radice *Manah*, quod est *numerare*. Est itaque mensis spatium illud temporis, quo luna suum peragit cursum, sive anni pars duodena.

HEBRÆORUM menses sunt, (1)

Nr-

(1) Annus Hebræorum (Civilis incipit a septimo mense Ecclesiastico *Tisri*. In Hebræo Calendario hæc Festa recensentur. *Nisan* die 1.

NISAN, olim Avib, ita appellatus ab *Aviv*, *Spica*, quoniam eo mense incipit segetum spica virefcere.

Jar.

Sivam.

Tammus.

Ab.

Elul.

Tisri, dictus olim *Ethanim*.

Marschevvan.

Caslev.

Thebet.

Jejunium ob mortem filiorum Aaron. X. alterum ob Mariæ obitum : & eligeatur eo die Agnus maſtandus in Paſchate. Celebrandum ſtudeat die 14. ad velperam. XV. prima dies Azymorum. XVI. *Homor*, ſeu oblatio novi manipuli : hinc ſupputabantur dies Pentecoſtes. XXI. Ultima ſolemnitas Azymorum. XXVI. Jejunium ob mortem Joſue.

Iſar die X. Jejunium ob captam Arcam. XIV. Paſcha celebrandum ab iis, qui celebrare non potuerunt ſuperiori mense. XXVII. Jejunium ob mortem Samuelis.

Sivam die VI. *Pentecoſte*, ſeu Feſtum Hebdomadarum. XXIII. Jejunium ob defectionem decem Tribuum ſub Jeroboamo. XXV. Jejunium aliud ob quorundam Rabbiorum cædem. XXVII. Tertium Jejunium ob combuſtum Haninam cum libro Legis.

Tammuz, die XXVII. Jejunium ob fractas tabulas legis, aliæque poſteriorum temporum inſortunia.

Ab die I. Jejunium ob mortem Aaron. IX. Jejunium alterum ob incenſum cum urbe Templum, primo a Chaldeis, ſecundo a Romanis.

Elul die XVII. Jejunium ob mortem exploratorum terræ Chanaan. XXI. *ἑλοφεία*, nempe delatio lignorum ad Templum.

Tisri die III. Jejunium ob necem Godoliæ & Judæorum in Maſpha. V. Jejunium ob mortem 20. Iſraelitarum, & Achiba filii Joſeph. VII. Jejunium ob conſlatum vitulum, indiſtumque propterea gladium. X. Jejunium *Kippurim*, ſeu expiationis. XV. *Scenopogia*, ſive Feſtum Tabernaculorum. XXI. *ὀρχοφεία*, Feſtum Ramorum. XXIII. Legis & Moſis feſtiva memoria. Dedicatio item Templi Salomonis.

Marschevan die VI. Jejunium ob excæcatum Sedechiam, ejuſque filios a Nabuchodonſor interfectos. XXVII. Jove, ſive pluviæ in autumnno tempeſtivæ petitio.

Kislev die VII. Jejunium ob combuſtum a rege Joachim volumen conſcriptum a Baruch. XXV. *Encenia*, vel Dedicatio Templi, feſtumque Luminarium.

Thebet die VIII. Memoria Legis in Græcū ſub Ptolomæo rege converſæ, cum jejunio IX. & X. dies afflictionis ob obſidionem clademque Jeruſalem ſub rege Babylonis.

Sebebat die VIII. Mortis Juſtorum, qui extiterunt ſub Joſue lugubris cum jejunio recordatio. XXIII. Jejunium propter idolum Michæ, concubinam violatam in Gabaa, motuſque Iſraelitarum contra tribum Benjamin.

Adar die VII. Mors Moſis atque jejunium. IX. Jejunium ob captationes inter diſcipulos Sammai, & Scholam Hillel. XIII. Lætitia ob interfectum Nicanorem. XIV. & XV. Feſta Sortium.

*Thebet.**Schebat.**Adar.**Veadar*, sive *Adar* secundus.

Horum singuli a neomeniis inchoantur: & quoniam menses lunares sunt, ac breviores solaribus post tertium annum Judæi lunationem unam addunt, sive mensem decimum tertium, quem vocant *Adar* secundum.

NOMINA mensium apud Ægyptios sunt,

*Thoth.**Paophi.**Athyr.**Chojac.**Tybi.**Meckir.**Phamenoth.**Pharmuthi.**Pachon.**Payni.**Epiphi.**Mesori.*

Quorum mensis primus, idest, *Thoth* cum primum vagus, & mobilis foret, capta a Cæsare Augusto Alexandria anno V. C. 724. ante Æram Christianam 30. fixus est die 29. Augusti, ut colligitur ex Dione lib. 51. Rom. Hist.

ATTICORUM, sive Atheniensium mensium ista sunt nomina,

*Hecatombæon.**Metagitnion.**Bædromion.**Memæsterion.**Pyanepsion.**Posideon.**Gamelion.**Anthessterion.**Elaphebolion.**Munichion.* (1)*Thargelion.**Scirrhophorion.*

Primus mensis Atticus, videlicet, *Hecatombæon* initium duce-

ducebat a Neomenia proximior Solstitio æstatis paullo post Idus Junias, dum sol octavam partem Cancræ transmittens ad inferiores circulos incipit remeare.

APUD Macedones menses vocabantur,

Xanthicus.

Artemisius.

Dafius.

Panemus.

Lous.

Gorpiæus.

Hyperberetæus.

Dius.

Apellæus.

Audinaus.

Peritius.

Dystros.

Horum mensium primus *Xanthicus* concurrit cum Nisæ Hebræorum, *Hyperberetæus* cum Tisri, & Adar cum *Dystro*, ut constat ex Flavio Josepho lib. 2. Antiquit. cap. 6. & lib. 3. cap. 9. Ab *Hyperberetæo* annum auspicabantur Syro-Macedones, a *Dio* quidam alii inter Europæ fines.

PERSARUM menses sunt, qui sequuntur,

Pharavardin.

Adarpahafschth.

Chardad.

Thirmeh.

Merdedmeh.

Schaharimab.

Meharmab.

Abenmeh.

Adarmeh.

Dimeh.

Benmeh.

Asphandar.

Hi omnes menses sunt dierum 30. postremo autem mensi addunt quinque dierum epagomenas, sive appendices. Progreditur vero *Pharavardin* a neomenia mensis Ægyptii Chojac.

MENSES Armeniorum,

Sabani.

Tberi.

Cagusch.

Tom. I.

B

Arats.

Arats.
Mahich.
Arich.
Abili.
Mariri.
Narchats.
Harvatsis.
Navvasari.
Huri.

NEOMENIA Sahami concurrit cum sexta die mensis Ægyptiorum Chojac.

HAGARENORUM, & Arabum isti sunt menses,
Muharam, seu *Moharram*,
Tzeppharu, aut *Sasar*.

Rabiù Evel, sive *Rebiah primus*.
Rabiù Achir, vel *Rebiah secundus*.
Giumadi Evel, alias *Giomada*.
Giumadi Achir.

Rezeb, aut *Regiab*.
Sahaba, aut *Schaban*.
Ramadhan.

Schevval, vel *Shaval*.
Dul, *Kaidathi*, *Silcadè*, aut *Doul*, *Kadah*.
Dulhaga, *Silchrze*, aut *Doulhegiab*.

SUNT omnes lunares: (1) cumque nullos addant dies, ut annos suos exæquent solaribus, variat apud Hagarenos initium anni, seu mensis *Muharam*; qui anno primo Hegiræ, Christi 622. incidit in diem 16. mensis Julii.

ROMANORUM menses, ut modo enumerantur, cuique sunt noti. Romulus tamen ex decem mensibus annum constituit dierum 304. Januario, & Februario seclusis. Hos duos menses Numa addidit, qui annum instituit dierum 354. Duodeno hoc numero usus est etiam Julius Cæsar, ad dies 365. annum protrahens. Qui ergo in anno Romuleo primus erat, Martius a Marte, quod is pater Romuli credebatur, nomen accepit. Januario autem Numa Pompilius affixit anni primor-

(1) Primus scilicet *Muharam* dierum 30. secundus *Tzeppharu* dierum 29. & sic deinceps. Addita hæc mensibus nomina sunt variae tantummodo pronuntiationis. Necessarium non duximus alia mensium nomina apud Veteres reperta transcribere. Ea accurate collegit in suis Institutionibus ad studium Antiquitatis Everardus Audrichius Scholæ Piarum, omnium, ut puto, qui de hoc argumento scripsere, novissimus.

primordia deferens honorem Jano, quem aiebant colendæ terræ, quam belli gerendi fuisse studiosiorem, & volens a re bellica ad agriculturam Romanos transferre. Februarium a Februo Deo lustrationum denominari adnotavimus cap. 2. Aprilem quasi Aphrilem, ἀπὸ ἀφρός, *spuma*, ex qua nata Venus, cui mensis iste fuit sacer, vel potius quod annum aperiat, dictum volunt: Majum vel a majoribus, vel a Maja matre Mercurii; & Junium a junioribus, sive a Junone. Quinctilis, Sextilis, aliique a numeris sortiti sunt nomina; quamquam lege M. Antonii Quinctilis appellatus sit *Julius* in honorem Julii Cæsaris nati eodem mense; & Sextilis dictus sit *Augustus* in honorem Augusti, qui Sextili mense iniit consulatum, tres egit triumphos, Ægyptum devicit, & civilibus bellis finem imposuit.

APUD Latinos mensium dies Kalendis, Nonis, & Idibus distinguuntur. Kalendæ a καλῶ dictæ sunt, quod olim ad primum lunæ adspæctum sacrificio peracto Pontifex ad curiam Capitolii vocata plebe pronuntiabat quot numero dies usque ad Nonas superessent, aut quinquies, aut septies repetito verbo καλῶ, idest *voco*. Hinc prima dies, ex his, quæ calarentur, *Kalendæ*, & *Curia*, ad quam plebs vocabatur, *Curia Calabra* fuit nuncupata. Nonæ vero a nova lunæ observatione, seu potius quod incidant in diem nonum ante Idus, auctore Varrone lib. 5. de L. L. appellatæ fuerunt. *Idus* denique etymon habet ἀπὸ τῆς ἰδύς, quod eo die in anno Romuleo luna plenam speciem ostenderet, vel a verbo *Thuscorum iduare*, idest dividere, quoniam idus mensem dividunt ac findunt, ut inquit Horatius libro 4. Ode 11. *Idus tibi sunt agenda, Qui dies mensem Veneris marina, Findit Aprilem.*

QUA ratione singuli cujusque mensis dies designantur, perspicue docent qui pertractant de Kalendario; atque ad memoriam juvandam tetrastringon quoddam conscribunt. Hujus tamen loco placet nobis versus apponere ex Eclógario Ausonii Burdigalensis:

*At Nonas modo quarta aperit, modo sexta refert lux.
Sexta refert Maji, Octobris, Martisque recursum,
Et qui Solstitio sua tempora Julius infert.
Cetera pars Mensium quartis est prædita Nonis.
Omnes vero Idus octava luce recurrunt.
Post idus, quas quisque suas habet ordine mensis,
Diversa numero redeunt variante Kalendæ.*

CAPUT VI.

PERTRACTATUR DE ANNO, DE JUBILÆO,
ET DE SEculo.

ANNUM dici, quasi majorem circum, sicut annulus minor circulus dicitur, Varro, Servius, aliique tradiderunt. A Græcis tamen, qui annum *ἔτος* appellant, nomen hoc derivasse censet Festus Pompejus: nec desunt, qui illud arceant ab *innovatione*, sive *ἀπο τοῦ ἀνανεοῦσαι*, uti observat laudatus Servius ad versum Virgilii *Æn.* 1. *Triginta magnos volvendis mensibus orbes*. Est itaque annus tempus, quo sol Zodiacum percurrit, revolvitur, & cursum iterum innovat.

UNDE Veteres duxerint annorum initia, diximus cap. præcedenti. Sed animadvertendum est, Judæis duplicem esse annum, sacrum, qui incipit a Nisan, ut habetur Exodi 12. 2. *Mensis iste vobis principium mensium, primus erit in mensibus anni*: & annum civilem, incipiendum a mense septimo, seu Tisri, quando cuncta exacta messis, & vindemiæ tempore, *conduntur*, ut constat ex eodem libro cap. 23. 16. & 34. 22. Græci item, præsertim post Christi adventum, nunc a verno tempore, nunc ab autumnæ initium anni auspicantur. Et quamvis Auctor Chronici Alexandrini anni primordia statuatur in die 21. Martii, & Maximus Monachus in Aprili; communiter tamen annum Ecclesiasticum subducunt ab VIII. Calendarum Aprilium; unde & nos annos ab *Incarnatione* consecvimus numerare. Profecto reliqua annorum initia ex inferius tradenda Epocharum explanatione innotescunt.

QUEMADMODUM varia sunt annorum principia, ita varia est longitudo, ac extensio. Discrimen inter annum Romuli, Numæ, & Julii Cæsaris assignatum est paullo supra. Illud vero, quod inter annum solare, & lunarem intercedit, unicuique obvium est; siquidem lunarem annum constare diebus 354. & horis fere 9. solare autem diebus 365. & fere 6. horis nemo prorsus ignorat. Tempus itaque in istiusmodi quæsiuibus non est terendum.

NON contentenda videtur quæstio de annis Patriarcharum: nonnulli enim non percipientes quomodo vitam tam diuturnam egissent, opinati sunt annos illorum fuisse nostratibus breviores, adeo, ut decem eorundem annorum

horum unum dumtaxat communem annum conficerent, & Noë V. G. qui Gen. 9. 29. vixisse dicitur annis nongentis & quinquaginta, vixerit annis 95. Sed hæc opinio manifestæ falsitatis revincitur. Etenim Gen. 7. in anno sexcentesimo ipsius Noë distincte commemoratur mensis secundus, cujus die 17. cœpit diluvium; & proximo cap. 8. narratur arcam 27. die mensis septimi requievisse super montes Armeniæ, ac prima die mensis decimi apparuisse, aquis imminutis, cacumina montium: tum dies numerantur usque ad initia anni vitæ sexcentesimi primi, ut manifestum sit annos Noë duodecim mensibus constasse. Ad hæc cap. 5. ejusdem libri legimus Cainan genuisse Malaleel anno ætatis suæ 70. & Henoch Mathusalam anno 63. si autem quilibet annus Patriarcharum annos decem communes comprehendisset, Cainan septennis, & Henoch in minori ætate liberos procreassent. *Quis autem, inquit Augustinus lib. 15. de C. D. c. 12. generat homo septennis?*

QUÆRITUR insuper, cujus durationis fuerint anni Ægyptiorum, quorum aliqui ab Osiride ad Alexandrum numerabant annos 10000. aliqui 23000. auctore lib. 1. Hist. Diodoro Siculo. At primo tamquam fabulosa rejicienda est prodigiosa illa Ægyptiorum antiquitas. Deinde Plinio, Censorino, & præcitato Diodoro testibus, non fuit apud Ægyptios annorum forma, sed fuerunt anni unius, duorum, vel trium tantummodo mensium. Præterea Augustinus lib. 12. præcitati Operis cap. 10. ait: *Perhibentur Ægyptii quondam tam breves annos habuisse, ut quaternis mensibus finirentur.* Dynastiæ demum Ægyptiorum, a Julio Africano, & ab Eusebio descriptæ, ex quibus exsurgit portentosa illa annorum multitudo, implicitas, non successivas esse demonstrat in libro 1. de Idololatria Gentium Gerardus Joannes Vossius.

DIXIMUS superiori cap. 4. Judæos colere annum Sabbaticum, illum nempe, qui cum sex annis præcedentibus constituebat hebdomadam unam annorum. Fuit quoque illis celeberrimus annus quinquagesimus recurrens post septem hebdomadas annorum, idest, post annos 49. Annus iste quinquagesimus vocatur annus *Jubilei* Levit. 25. 11. nomine derivato a *Jubal*, *buccina*, sive a *Jabal*, adducere, quoniam clangore buccinæ annuntiabatur, & afferebat libertatem; atque eodem anno servi sui juris fiebant, & fundi redibant ad pristinos dominos. Bernardus Lamy, & alii, qui putant Jubileum solitum annuntiari

cornu arietis, ignorant arietum cornua, cum solida sint, non vacua, inflari non posse. Jubilæum Septuaginta dixerunt annum *remissionis*, τὸς ἀφίους.

JUBILÆUM Romani etiam Pontifices instituere. Tribuunt quidam hanc institutionem Bonifacio VIII., qui indulgit, ut centesimo quoque anno venia peccatorum donarentur quicumque inviserent Romana templa. At constat ex Const. ipsius Bonifacii lib. 5. Extravagantium communium, cap. *Antiquorum*, hunc Pontificem Jubilæum non instituisse, sed confirmasse. Ex quo autem Romani Pontifices anno centesimo, & non quinquagesimo indixerint olim Jubilæum, non videntur animum intendisse ad Judæorum consuetudinem; sed potius abolere voluisse superstitionem antiquorum Romanorum, qui centesimo quoque anno ab urbe Condita celebrabant Ludos Seculares. Clemens tamen VI. singulis annis quinquagesimis Jubilæum alligavit, Constit. *Unigenitus*, Extrav. Com. tit. de remis., & indulg. lata anno 1343. Sedentibus Urbano VI. Bonifacio IX. Martino V. & Nicolao V. Jubilæum post trigintatres annos repeti consuevit; ac demum Paulus II. & Sixtus IV. celebrandum esse mandarunt singulis annis 25. prout ab anno 1475. hactenus servatum est.

PRIOR itaque Jubilæorum institutio spectabat ad finem cuiusque Seculi; & quodlibet Sæculum comprehendit spatium annorum centum. Vel a *sequor*, quod ætate una abeunte sequatur altera; vel a *feco*, quod in minores partes spatium illud secetur; vel aliunde repetas Seculi etymologiam; parum refert. Quod nos dicimus *Sæculum*, Græci appellant *γεραι*, aut *αιών*. At *γεραι* apud Plutarchum aliquando significat annum; Artemidorus autem Sæculo tribuit annos septem, Heraclitus triginta, Verrius Flaccus centum & decem, Varro, & modo Scriptores omnes, annos centum. Nestor, cum vixerit annis 90., nimirum tribus Sæculis juxta Heracliti numerationem, quasi vitam protraxisset ad tria sæcula, ut definita sunt a Varrone, aperto mendacio ab Ovidio 12. *Metamorph.* ita loquens inducitur, *Vixi annos bis centum, nunc tertia vivitur ætas*. Eodem errore labuntur, qui per Nestoreos annos designari arbitrantur insolitam, ac prodigiosam senectam.

GRÆCORUM *αἰών*, & Hebræorum *Holam* aliquando æternum, aliquando sæculum, & aliquando diuturnum, & indefinitum tempus significant. Hac ambiguitate conantur Originistæ eludere illa Sacrarum Scripturarum loca,

loca, quibus damnatorum supplicia sempiterna esse enuntiatur. Verum eam ambiguitatem non habet aut hebraica phrasim, *Min holamhad Holam*, aut græca, *eis tui aiwra; tui aiwna*; scilicet; *in secula seculorum*; quæ phrasim impiorum cruciatus perenniter duraturus exprimitur Apoc. 20. 10. quàmquam ad Origenistas refellendos alia plura suppetant argumenta.

C A P U T VII.

QUIBUSDAM CYCLIS PRÆMISSIS, PERIODUS JULIANA EXPLANATUR.

EXACTIOR ceteris mensura annorum est Periodus Juliana, a Josepho Scaligero, Julii filio, seculo 16. ex variis compacta cyclis, & annis Julianis accommodata; unde ipsius Periodi Julianæ deoptomprum est nomen. Nequit ideo hæc periodus plane dignosci, nisi cyclorum; ex quibus fabricata est; præmittatur notitia.

HORUM cyclorum prior est Indictio, quam Græci *ἐννεαήμερον* vocant; idest, largitionem; a pensatione enim tributorum; quorum canon annis singulis indicebatur; Indictionis nomen derivant quamplurimi: Ab apparitione Crucis facta Constantino an. 312. Indictionem; quasi *indicationem*, dictam putat Panvinius: ab Actio autem promontorio, seu bello illic commissio; anno U. C. 723, ante Æram Christianam 31. etymologiam indictionis quidam Græculi nimium insulse deduxerunt; quasi Indictio vocanda foret *ἐννεαήμερον*: Auctor Chronici Alexandrini statuit Indictionum initia in anno I. Monarchiæ Julii Cæsaris, ante Chr. 48. ac primo Æræ Antiochenæ: Hinc Scaliger etiam auspicatur Indictiones; quas appellat Cæsarianas. Quidam vero Indictiones numerant ab anno secundo Cæsaris Augusti, idest, ab anno ante Ch. 30.; si computentur a pugna Aethiaca: At consentiunt omnes, Indictionem Constantinianam ab anno V. Æ. 312. & a Kalendis Septembris esse inchoandam; adeo; ut annus proximus 313. Kal. Jan. signandus sit *Indictione 1.*

Dixi Indictionem *Constantinianam*; nam sunt Indictionum diversa nomina, ac diversa principia. Constantiniana, ut nuper dixi, inchoatur a Kalendis Septembris; eamque rationem innuit S. Ambrosius in epistola ad Episcopos Emiliæ: eandem quoque tenent Epistolæ Gregorii Magni. At

Indictio *Casariana*, cujus generis est *Valentiaca* l. 9. de indulgentiis debitorum in Cod. Theodos. progreditur ab VIII. Calendarum Octobris : atque hinc Indictiones supputat Ven. Beda de Rat. temp. cap. 46. Indictio demum Romana, nunc Pontificia, a Kalendis Januariis ducit exordium.

EST autem Indictionum *πενδεκατηρίς*, sive Cyclos annorum quindecim, quibus exactis reditur ad unitatem. Igitur cum annus 313. Kal. Januariis signandus fuerit *Indictione* 1. congruit eadem nota anno 328. 343. 358. atque ita deinceps, ut annus 1582. Correctionis Gregorianæ notam habuerit Indictionis 10. & præsens annus 1760. Indictionis 8. Inveniendi autem numeri Indictionum in quolibet anno V. Æ. vulgarissimus canon comprehenditur sequenti disticho,

Si tribus adjunctis, Domini divideris annos

Ter tibi per quinos, indictio certa patebit.

DATO itaque anno Christi addantur 3. & summa dividatur per 15., ac numerus, qui neglecto quotiente residuus est, annum indicat indictionis ; & si nihil sit reliqui, indictionis annus erit 15.

SEQUITUR Cyclos alter, idest Lunaris, annorum 19. quem græco vocabulo passim *πενδεκατηρίς* vocant. Idem cyclos Metonicus appellatur a Metone celebri Astrologo Atheniensi Pausaniæ filio, qui illum edidit anno 4. Olympiadis 86, ante Aeram Christ. 433. (1) Dicitur quoque Aureus numerus, quoniam tanti eundem cyclum faciebat antiquitas, ut illum aureis pingeret characteribus. Inchoavit Meton cyclum suum a solstitio æstivo, sive potius a Neomenia illi propinquiore, unde progredi annum Articum prænotavimus cap. 6. Undeviginti illi anni, quibus lunæ astrorumque perficitur revolutio, Annus Metonus (forte Metonicus) vocatur a Diodoro Siculo lib. 3. de fabulosis antiquorum gestis. Invenitur annus Cycli lunaris, si dato anno Æ. V. addatur unitas, ac summa dividatur per 19. Ea enim partitione facta, numerus, qui seculo quotiente superest, indicat lunarem annum, & si nihil

rema-

(1) Rabbi Hillel Cyclum alium 19. annorum ad Neomenias investigandas Judæis tradidisse fertur anno Christi 358. imperante Constantio. Idem Hillel primus constituit Epocham illam Judaicam, quæ a creatione mundi usque ad principium Æræ Christianæ comprehendit annos 3760.

remaneat, erit annus Cycli lunaris 19. Juvandæ memoriæ
causa traditur canon iste arithmetictis sequenti disticho,

Unum addes annis Domini, summamque novenis

Et denis tribuas, numerus tibi ut aureus adsit.

Hæc regula adhibita constat aureum numerum hujus anni 1760. esse 13. Prætermitto periodum Calippi, qui anno 3. Olympiadis 112., idest, 330. ante Æ. Christ. animadvertens in anno octavo cycli V. Metonici variationem unius diei, instituit periodum ab ipso auctore *Calippicam* nuncupatam, tanquam subsidiariam Metonicæ, & conflata ex quatuor cyclis lunaribus, nempe ex annis 76. hujus enim nullus nobis in hisce institutionibus futurus est usus.

TERTIUS est Cyclus solis complectens annos 28. Hujus auctor fuit Sosigenes egregius Mathematicus, cujus præsertim opera anno Confusionis, ante Æram Dionysianam 46, usus est in Calendarii reformatione Julius Cæsar. Appellatur autem *Cyclus solis* a prima hebdomadis die, quoniam exacto duntaxat spatio annorum 28. iisdem litteris (quas vocant Dominicales) dies hebdomadæ prænotantur. Harum vero litterarum juxta Sosigenis institutionem ille erat ordo, quem indicat versiculus,

Gaudet Francus Equo, Dorus Cane, Baltasar Agno.

Cum itaque primus annus Cycli sit Bissextilis, quemadmodum 5. 9. 13. 17. 21. & 25, præsignabatur olim prior ille annus litteris G. F. At post correctionem Gregorianam, quæ contigit anno 1582, litteræ illæ interdum e loco suo dimoventur, atque modo ita Cyclus solaris procedit, ut primo hujus cycli anno affixæ sint litteræ D. C., secundo B, tertio A, quarto G. quinto F. E.; atque ita deinceps; duplicatis litteris in quolibet anno bissextili, quoniam huic una additur dies mensi Februarii, diesque Dominica de una in aliam feriam transcurrit, ut constat ex Calendario.

CANON investigandi annum hujus Cycli est hujusmodi. Dato anno Æræ Vulgaris adde 9. deinde summam divide per 28.; ac numerus, qui neglecto quotiente supererit, is cycli annum monstrabit; ac si nihil supersit, annus cycli erit 28. Hæc regula comprehenditur sequenti disticho:

Junge annis Domini ter ternos, perque viginti

Octo seca summam; Cyclus solaris habetur.

Invenies hujus canonis ope annum 1760. esse 5. cycli solaris; cui respondent, cum bissextilis sit, litteræ Dominicales F. E.

JAM VERO si cyclus solaris 28. multiplicetur per cyclum lunarem 19. resultat summa 532, quæ summa Periodus Victoriana, sive Dionysiana appellatur. Hanc enim periodum anno Christi 463. rogante Hilario Papa instituit Victorius Aquitanus, ut in celebrando Paschate cum Latinis Alexandrini in posterum convenirent, eandemque periodum recensuit & adhibuit anno 526. Dionysius Exiguus, ut ipsemet innuit in Epistola, quam laudat Beda de Rat. Temp. cap. 40. Est autem Victorianæ periodi hæc proprietas, quod iidem Lunæ & Solis characteres nonnisi transacto illo cyclo annorum 532. simul concurrent. V. G. annus 1. Æræ Ch. fuit cycli lunaris 2. & Solis 10. nec una simul redierunt similes cycli, nisi anno 532. ineunte; atque hoc anno 1760. est cycli Lunæ 13. & Solis 5, qui conjunctim redibunt anno 2584.

Nunc Cyclum Victorianum annorum 532. si multiplicemus per cyclum indictionum, consurget summa annorum 7980. quæ summa est Periodus illa Juliana, cujus gratia præmissa fuit aliarum periodorum explanatio. (1)

C A P U T VIII.

DE UTILITATE, ET USU PRÆDICTÆ PERIODI, NECNON DE GRÆCO-ROMANA, ATQUE NORISIANA.

PERIODI Julianæ multiplex est utilitas; nam primus si annus quilibet ejusdem periodi dividatur per 15. juxta canonem supra præmissum, habetur annus Indictionis; si per 19., annus cycli lunaris; si per 28., annus solaris cycli. Deinde potest hæc periodus tam annis, qui Æræ præcessere Christianam, tam iis, qui subsequuti sunt, immo ante mundum quoque confectis, ac perpetuo in posterum excogitatis aptari. Insuper hujus periodi opeprehenduntur Chronicorum errores, & præcipui Historiarum cardines retinentur memoria. Sat est, si dicamus Cl. Petavium, qui Scaligerum ubique exagitavit, in Magno Opere de Doctr. Temp. lib. 7. cap. 8. hæc litteris consignasse:

Magna-

(1) *Josbican* Periodum, seu *Canicularem*, traditam à Porphyrio, de qua Marsham, & Stanlejus, complectentem annos 1460. ante *Æræ Nabonassaris*, ceterosque Cyclos, quorum nullus nobis erit usus, necessum non est declarare. Cyclus vero Lunifolaris ab anno 1932. ab Augustino Aetini follietè deductus, utpote innixus supputationi LXX. Interp. acquirit nobis in usu esse perpetuo.

Magnopere Chronologiæ tyronibus auctor sum, uti Julianam hanc periodum, ejusque tractationem, & usum sedulo condiscant, certoque sibi persuadeant, sine hoc præsidio difficilem, & erroribus obnoxiam temporum esse doctrinam; e contra vero tutissimam ac facillimam iniri viam, si quis eam sibi, quam dixi, Periodum præscribat. Similia illustri Pagius dissert. prævia in Criticam Annalium Baronii.

UT EADEM utamus periodo in annis Æræ Christi, sciatur oportet, annum primum ejusdem Æræ esse P. Jul. 4714. quoniam anno Juliano 46, in quo communis Æræ statuuntur initia, fuit annus 4. Indictionis, 2. lunaris cycli, & 10. cycli solaris, quæ tres characteres nunquam inveniuntur rursus conjuncti, nisi post exactam totam periodum annorum 7980, at simul convenerunt anno hujus periodi 4714. Igitur cum annus P. J. 4714. sit primus Vulg. Æræ, dato quolibet anno Christi, adinvenitur cum quo anno P. Jul. concurrat, si addantur anni 4713, quibus P. Juliana antevertit Æræ Christianæ. Est itaque præsens annus 1760. P. J. 6473, quo diviso per 15. habetur indictio 8, diviso per 19. habetur annus cycli lunaris 13., & diviso per 28, habetur annus cycli solaris 5.

Ex QUO autem cum anno primo Æræ Vulgaris concurrat annus P. J. 4714, sequitur annum Mundi 4004, qui juxta recentiorum, & communiiori usu receptam Chronologiam est eisdem annus primus ejusdem Æræ, supputari ab anno P. Jul. 710, atque in hoc anno aspectabilis mundi consignandam esse productionem; siquidem ut anno 4714. respondeat annus 4004, necessum esse superaddere annos 710. Atque hæc de Periodo Juliana.

ADDAMUS nonnulla de Periodo Græco-Romana, quam exornavit, & ad Latinorum usum accommodavit Antonius Pagius. Juxta Æram Ecclesiasticam Antiochenam, & Constantinopolitanam (Æra enim civilis apud Græcos diversa est, ut dicam infra pertractans de Annis mundi) natus est Christus anno 5493, qui concurret cum anno Juliano 45. Ut hac periodo utamur, 1. debemus annum inchoare more Latinorum a Kal. Januariis. 2. a cyclo lunæ, quem exhibet hæc periodus, unitatem detrahere. 3. addere quatuor unitates cyclo solis. 4. Indictionem, uti exhibetur, retinere nihil detrahendo, & nihil addendo. Enim vero si annum P. Græcorum 5493. divides per 15, erit Indictio 3. si divides per 19, erit cycli lunæ annus 2., si divides per 28, erit cycli solis annus 5. Indictione igitur reten-

retenta, & a cyclo lunæ ablata unitate, cyclo autem solis quatuor unitatibus adjectis, habetur Indictio 3, annus cycli lunaris 1, & annus cycli solaris 9. qui sunt characteres anni Juliani 45, Periodi Julianæ 4713. Hæc regula cuique anno Æræ Vulgaris aptari poterit, dummodo ei superaddatur prædicta illa summa annorum 5493, qui juxta Græcos præcedunt ipsius Æræ Vulgaris initia.

NONNULLI denique induxerunt Periodum annorum 1932, quam appellarunt Norisianam, quod conflata sit ex 23. cyclis annorum 84, seu comprehendat 23. ogdoecontatefferæteridas, cycloque Paschales Latinorum, quos eruditissimis dissertationibus illustravit Cardinalis Norisius. Istius Periodi, quæ progreditur ab anno 1. Æræ Dionysianæ, sive ab anno Juliano 46, perutilis est usus ad invenendum cyclum solarem, novilunia, diemque Paschalem. Quæ enim competunt anno primo Æræ Christianæ, eadem, cyclo illo revoluta, convenient anno 1933; prout constat ex tabulis expansis in Calendario Romano F. Guiljelmi Bonjour.

C A P U T IX.

DE EPOCHIS, ÆRISQUE PRÆCIPUIS, AC PRIMUM DE MUNDIALI.

HACTENUS de Periodis: nunc de Epochis notioribus pertractabimus, a mundana ducentes initium. Εποχή apud Philosophos idem est, ac quædam mentis remora, vel cohibitio assensionis, a verbo *ἐπίχω*, *contineo*, *cohibeo*: apud astronomos autem *ἐποχή* est status cæli, situs siderum, & gradus planetarum in Zodiaco; atque apud Chronologos illustre aliquod exordium futuri temporis, quod & Æra appellatur.

ÆRAM vero Isidorus dictam putat a priori censu, qua C. Augustus universum orbem descripsit, & omnis orbis professus est *as reddere eidem Augusto*. Id contigit ex Lapide Aneyrano, & ex Dione libro 53. Cof. Augusto VI. & Agrippa, id. anno V. C. 726. ante Æ. Chr. 28. Quidam Æræ nomen derivant ex quo Arabis irruentibus in Hispaniam cœperint anni Epochæ Hispanicæ, quæ figitur anno 38. ante Dionysianam, adnotari hisce literis A. ER. A. *Annus erat Augusti*; vel potius ab eo tempore Hispani cœperint Romanis Æra perfolvere. Sunt deni-

denique nomen *Æræ* deducentes ab *Arab*, *supputare*. Frustra in origine nominum vestiganda immoraremur, posteaquam assecuti sumus eorum significationem.

PRINCEPS itaque Epocharum est Mundana, quæ scilicet a creatione mundi inchoatur. De hac pertractaturi supponimus mundum aliquando habuisse principium; neque id esse inanem persuasionem, fabulamque senilem, ut permulti effutiant apud Gisbertum Voetium in Opusculo de Atheismo, & apud Mersennium in Genesim. A qua opinione non abhorruisse Galilæum, & Thomam Hobbes censet Tribecchovius in dissertatione quam inscripsit, *Veritas creationis mundi*; quamquam mathematici plures non alia fortassis ratione tanquam athei audierint, nisi quod scripserint quæstionem de origine mundi non posse dirimi physicis argumentis.

ARBITRAMUR tamen nos humana quoque evinci ratione, mundum sempiternum non esse. *Æternitas* enim est *Numinis* attributum; & necessum est, ut quidquid est ex nihilo, aliquando non fuerit. Frustra etiam fingitur illa mundi longævitas, quam nullæ produnt histeriæ: quod pariter asserendum est de naufragiis & cataclysmis, quibus autumant periisse vetustissimarum rerum memoriam. Quis enim, si homines univærsi aut igne, aut aqua consumpti sunt, præteritorum vitam nuntiavit? Si vero a communi interitu servati sunt aliqui; cur il, secus, ac fecit Noe a diluvio servatus, nil prorsus de majoribus suis tradiderunt? Denique, ut cætera mittam, artes, scientiæ, bella, & quidquid novi decursu temporis contigit, fictam mundi æternitatem evertunt. Non fugit hæc ratio ipsos contemptores divinitatis, & religionis; inter quos T. Lucretius lib. 5. de Rer. nat. ait;

*Frateræ si nulla fuit genitalis origo
Terrarum, & cali, semperque æterna fuere,
Cur supra bellum Thebanum, & funera Trojæ
Non alias alii quoque res cecinere poetæ?
Quare etiam quadam nunc artes expoliuntur,
Nunc etiam augeſcunt?*

Tametſi autem hæc momenta nullum robur haberent; nihilominus ad asserendam mundi nativitatem & initium divina nos Scriptura compelleret.

VERUM quæstio agitur gravissima, num Hebraicorum, num Græcorum Codicum sit præferenda Chronologia. Illi nos adhærendum existimamus, quam exhibent Hebraica exemplaria, Principio nos movet, quod codicibus discrepantibus, confugiendum ad illos sit, qui primum editi fuerunt, & purior ex fonte, quam e rivulis aqua hauriatur. Deinde diversitatem numerorum, aliter se habentium in Codicibus Græcis, aliter in Hebraicis,tribuendam esse Scriptori, qui de Bibliotheca Ptolomæi Græca Biblia describenda prius accepit, monet l. 15. de C. Dei cap. 13. S. Augustinus, Præterea Hebraicam supputationem sequitur Latina Vulgata, quam Tridentina Synodus Canonicam definivit; etsi divinæ Scripturæ auctoritati sola numerorum varietas, vel similia Amanuensium errata parum officiant. Fieri ulterius non potuit, ut in codicibus tam multis, ac tam longe lateque dispersis Judæorum malitia annorum seriem perverteret; neque causa potest excogitari cur id attemptarent, cum sua potius, quam Græcorum chronologia, ipsorum confutetur impietas. Ad hæc Hieronymus ad Chromatium scribens Versionem LXX. corruptam atque violatam esse testatur; & Justinus Martyr in Dialogo cum Tryphone, atque Origenes Homilia 12. in Jeremiam vocant Judæos Hellenistas Scripturarum falsarios. Si denique non malitia, sed imperitia adulterata est in sacris Bibliis series numerorum, facilis id evenire potuit in Græcis codicibus, quam in Hebraicis, cum isti annos designent integris dictionibus numeralibus, non elementorum apicibus, notisque arithmeticis. Vide quæ sequenti capite dicentur de Epochâ universalis diluvii.

RECEPTA itaque Hebræorum Chronologia, Epochâ mundi figenda est in anno P. Julianæ 710. ante Aeram Christianam 4004. Etsi enim certo definiri nequeat quo anno mundi natus est Christus; tamen secundum illam supputationem a mundi exordio usque ad Nativitatem Domini fluxere, plus, minus, anni 4000., & ab ipsa Nativitate usque ad Aeram Vulg. anni 4. quæ est sententia recentiorum Chronologorum, æris paullo infra explicandis coherens, & juvandæ memoriæ aptior ceteris.

EPOCHÂ tamen Hebræis communior (nam variæ supputationes reperiuntur etiam apud Rabbinos) inchoatur ab anno 3761. ante Aeram Christianam, a *Tisri* septimo mense annos enumerando.

INTER Græcos Antiocheni a mundi exordio usque ad
In-

Incarnationem Domini enumerant annos 5493. (1) Constantinopolitani & Moschovitæ annos 5509. Alexandrini 5501. ; sed hi biennio Natale Christi præmittunt : Incarnatum enim, natumque ex Virgine Dei Verbum existimant anno 43. Juliano, C. Augusti 42. quum Antiocheni, & Constantinopolitani Incarnationem, & Nativitatem Domini consignent anno 45. Juliano, & C. Augusti 44. Itaque Antiochenorum Æra decennio discrepat ab Alexandrina, & hæc a Constantinopolitana annis 8. Juxta communioem Græcorum Æram natus est Christus anno a creatione mundi 5493.

IGITUR si dato anno Æræ Vulgaris addantur anni 4004., erit annus mundi juxta nostram, & omnium fere recentiorum Chronologiam : si addantur anni 3761. erit annus mundi juxta vulgatum computum Hebræorum ; & si addantur anni 5493. erit annus Mundi juxta Æram inter Græcos communioem. Ab aliis autem recentioribus in hoc discrepamus, quod hi in autumno, & die 23. Octobris, nos verno tempore, ac die 21. Martii, quando Sol constituitur in 1. gradu Arietis, arbitramur Deum produxisse cælum, & terram. Opinionis autem nostræ alibi munimenta produximus.

C A P U T X.

AFFERUNTUR EPOCHÆ SACRÆ, QUÆ AERAM
CHRISTIANAM PRÆCESSERUNT.

SEX SUNT illustriores Historiæ Sacræ Epochæ, unde a mundi creatione usque ad Christum totidem distinguuntur ætates. Ac prima est, quæ ab ipsa mundi productione ducit initium, de qua pertractatum est nuper. Altera, quæ inchoat ab universali diluvio. Tertia progrediens a vocatione Abraham. Quarta, quam auspicamur a Lege per Moysen lata. Quinta ducens initium ab ædificatione Templi. Sexta, quam a solata per Cyram captivitate exordimur.

EPOCHÆ diluvii figenda est in anno P. Jul. 2366: Mundi 1656. ante Æram Ch. 2348. Ex Chronologia enim Bi-

(1) Et si Moschovitæ Russique Græcorum Schismati hærentes ante Constantinopolitanam Æræ uterentur, attamen sub Petro I. ac sub initia postremi hujus Seculi XVIII. adhibere cœperunt communem vulgaremque supputationem Epochæ Dionysianæ, juxta tamen consuetudinem Protestantium, qui Correctionem Kalendarii factam sedente Romano Pontifice Gregorio XIII. nondum receperunt.

Bibliorum Hebraicorum, & Latinæ Vulgatæ Adam genuit Seth anno ætatis suæ	130.
Seth Enos an.	105.
Enos Cainan an.	90.
Cainan Malaleel an.	70.
Malaleel Jared an.	65.
Jared Henoch an.	162.
Henoch Mathufalam an.	65.
Mathufala Lamech an.	187.
Lamech Noe an.	182.
Diluvium vero cœpit anno Noe	600.

Conficiunt hi anni summam 1656.

GRÆCI quidem ab Orbe Condito ad Diluvium usque numerant annos 2242., & Samaritani annos 1307. At supra ostendimus præferendam esse Chronologiam Hebraici Textus, cui & Chaldeus, & Latinus consentiunt. Deinde Græci Codices inter se discrepant. Nam in Vulgatis editionibus LXX. habetur Adam genuisse filium Seth anno ætatis suæ 230. in Versione autem, quo usus est S. Joannes Chrysostomus, & in ea, quam adhibuerunt Flavius Josephus in Antiquitatibus Judaicis, & Theophilus Antiochenus lib. 3. ad Autolycum, necnon in Bibliis Aldinis legitur ab Adamo genitum Sethum *τριακόςῃ καὶ τριακοντῇ*, *trigésimo ac trecentésimo*: quam lectionem probarunt quoque Suidas, & Joannes Antiochenus, annos ab origine mundi usque ad diluvium 2342. non vero 2242. enumerando. Immo S. Clemens Alexandrinus lib. 1. Strom. aliam sequutus supputationem ab Adamo ad Diluvium numerat annos 2148. Non possumus itaque calculos adeo discrepantes, neglectis Hebraicis, approbare.

IDEM est asserendum est de computo Samaritanorum. Etenim S. Hieronymus libro Tradit. Hebraic. testatur tam in Hebræis, quam in Samaritanorum libris legi Mathufalam genuisse Lamech anno ætatis suæ 187., & nihilominus in autographo, ut fertur, Codice Samaritano, quem laudant Scaliger in notis Eusebianis, & Seldenus Præfat. in Martiana Arundelliana, habetur Mathufalam genuisse Lamech anno 77. atque in Bibliis Samaritanis in lucem editis, necnon apud Vossium diss. 4. Chronologica, & apud Petavium lib. 9. de Doctrina Temp. cap. 7. anno 67. A parte denique S. Epiphanius Hær. 55. sætur omnia Samaritanorum exemplaria in numeris discrepare. Atque hæc

hæc præstantiam Hebraicæ supputationis confirmant. Æra itaque Diluvii recte in anno Mundi 1656. constituitur : unde in Computo Judaico Hillel habetur, *Ab Adam ad Diluvium usque anni mille sexcenti quinquaginta sex.*

INCHOATUR tertia Mundi Epochæ ab Abrahami migratione, & exitu a Mesopotamia, sive a benedictione illa Gen. 12. 3. *In te benedicentur universæ cognationes terræ*, atque a promissione foederis Evangelici. Statuitur autem hæc Epochæ in anno P. Julianæ 2793. Mundi 2083. post diluvium 427. ante Æram Christ. 1921. Enimvero Æra Diluvii fixa est paullo supra in anno Mundi 1656.

Sem genuit Arphaxad anno ætatis suæ centesimo, & post diluvium 2.

Arphaxad Sale anno æt. suæ (1) 35.

Sale procreavit Heber an. 30.

Heber Phaleg anno 54.

Phaleg Rehu an. 30.

Rehu Sarug anno 32.

Sarug Nachor an. 30.

Nachor Thare anno 29.

Thare Abraham an. 130.

Thare autem post annos 75. vita functo, dum ætatis suæ annum ageret 205. Deus inivit foedus cum Abraham.

CONFICIUNT prædicti anni summam annorum 2083. & seculis annis 1656., qui fluxerunt ante diluvium, summam annorum 427.

GRÆCI tamen a Diluvii initio usque ad migrationem Abraham numerant annos 1311. & Samaritani annos 1077. ita, ut Codices Samaritani superent Hebræos annis 650. Græci Samaritanos annis 234., & Hebræos annis 884. At necessum non est repetere, cur Hebraicam supputationem computo Samaritarum Græcorumque præferamus.

SUNT nihilominus, qui nostræ adherentes Chronologiæ a Diluvio ad migrationem Abraham ex Haran urbe Mesopotamiæ, ubi Thare decessit, enumerant solummodo

Tom. I.

C

annos

(1) Inter Arphaxad, & Sale, quidam ducti auctoritate LXX. Interpretum, & S. Lucæ Evangelistæ, locant Cainanum; plura autem de ea questione, An inferendus ille sit, an abradendus, diximus in Theol. discipl. libro XXVI cap. 4.

annos 367. Hi nimirum natum putant Abraham anno Thare 70. non 130. Fulcitur hæc sententia verbis Gen. 11. 26. *Vixit Thare septuaginta annis, & genuit Abraham*: pagnatque pro illa acerrime Petavius lib. 9. de Doctr. temp. cap. 18. Sequimur tamen nos Usserium, aliosque viros doctissimos, qui docent Abraham natum anno Thare 130. Ratio est, quoniam ex præcit. cap. 11. Gen. versu 32. Thare mortuus est in Haran anno vitæ suæ 205. Quando autem Abraham iubente Domino, & patre defuncto egressus est de Haran, *septuaginta quinque annorum erat*, ex cap. 12. Gen. vers. 4. Si modo annos istos 75. Abraham subtraxerimus ab illis annis 205. vitæ Thare; residuerunt anni 130. Hac itaque ætate Thare genuit Abraham. Porro cap. 11. Gen. v. 26. non tantum Abraham commemoratur, sed etiam duo illius fratres. Legitur enim: *Vixit Thare septuaginta annis, & genuit Abram, Nachor, & Aran*. Fieri non potuit, ut hi tres eodem anno 70. Thare nascerentur. Abraham itaque priori loco nominatus est, non quia *παρὸντος*, & natu major, sed promissionis, & dignitatis causa. Hinc Aran, qui ante Thare patrem suum mortuus est in Ur Chaldæorum, genuit filiam nomine Melcham, quæ nupsit Nachor patruo suo. Videtur itaque Aran senior duobus fratribus suis Nachor, & Abraham. Eadem ratione, non ætatis, sed dignitatis privilegio, inter filios Noe primo loco nominatur Sem, Gen. 5. 31. *Noe vero cum quingentorum esset annorum, genuit Sem, Cham, & Japhet*; quamquam Japhet fuerit filiorum Noe primogenitus, ut probabilius existimant Rabbiorum doctissimi, R. Salomon, Abenezrae, R. Levi Ben-Gerson, Moses Gerundensis, necnon Procopius, Cajetanus, aliique apud Vossium diff. 5. Chronolog. cap. 5. Vossius idem, & Hugo Grotius in Genesim, atque Jacobus Usserius in Annalibus Vet. & Novi Testam. 1. & 2. æt. Mundi. His ad stipulatur quod Gen. 9. 24. Cham dicitur filius Noe *minor*, & Japhet 10. 21. juxta Hebraicos Codices, de quorum tamen sensu contentiose differitur, *magnus*, aut *major*.

QUARTA Epocha progreditur ab exitu filiorum Israel de Ægypto, & a lege data per Moysem. Egressi sunt autem Israelitæ de Ægypto anno P. Julianæ 3223. anno Mundi 2513. & anno ante Æram Christianam 1491. Enimvero quando Abraham egressus est de Haran agebat annum ætatis suæ 75. ut dictum est supra, ejusque anno centesi-

centesimo natus est Isaac. Numerantur itaque ab exordio peregrinationis Abraham usque ad Isaac anni 25.
 Isaac nascuntur Jacob, & Esau an. 60.
 Jacob cum universa familia in Ægyptum descendit annos natus 130.
 Moritur ibidem post annos 17.
 Fluxerunt deinde usque ad Exodum 198.

Sunt anni 430.
 Præcesserant vocationem Abraham annis a creatione Mundi 2083. Adde nunc annos 430. conficitur Epochæ Mundialis summa annorum 2513.

HABETUR de annis illis 430. peregrinationis, ac servitutis, illustre testimonium Exodi 12. 40. *Habitatio autem filiorum Israel in Ægypto fuit quadringentorum triginta annorum.* Enimvero annos istos 430. a peregrinatione Abraham supputandos esse, aperte docet Apostolus ad Galatas 3. 17. Consentiant Patres: inter quos S. Hieronymus in hunc locum inquit: *Computandi isti anni 430. ab eo tempore, quo Deus ad Abraham locutus est dicens: In semine tuo benedicentur omnes gentes.* Idem tradit Josephus lib. 2. Antiq. cap. 5. *Κατὰ τὴν αἰχμαλωσίαν, μετὰ ἑπτὰ τριάκοντα καὶ τετρακόσια ἢ τὸν πρόγονον ἡμῶν Ἀβραάμ, εἰς τὴν Χαναταίαν ἐλθεῖν.* Reliquerunt autem Ægyptum mense Xanthico, luna 14. anno quadringentesimo trigesimo, postquam pater noster Abraham in Chananeam venit. Abierunt in eandem sententiam Rabbiorum doctissimi necnon Severus Sulpitius, Beda, Rupertus, Tostatus, ut sexcentos alios omittam. Suffragatur quoque Versio LXX. quæ citato cap. 12. Exodi habet, *ἐν γῇ Ἀἰγύπτου, καὶ ἐν γῇ Χαναν.* Haud secus legitur in Codice Samaritano.

PROFECTI sunt Israelitæ Ramesse inferioris Ægypti urbe, quam putant aliqui eandem esse cum Arsenoite (1) die 15. mensis Abib, seu Nisan, Exodi 12. 37. Tertio autem post exitum mense Moses in monte Sinai, cunctis ab accessu prohibitis præter Aaron, sed majestatis fulgorem cernentibus ac trepidantibus, a Domino legem accepit Exodi 19. 20. Quare Epochæ Exodi, & Legislatæ eodem anno Mundi 2513. statuitur.

C 2

SUBDU-

(1) Vide Tabulas Geographicas Aug. Lubin. In Lexico Baudrand, *Ramesses* dicitur *Irkaal Laim Alstemes*, aliis *Busiris* memorata a Plinio, Strabone, &c.

SUBDUCITUR Epocha quinta a jactis a Salomone fundamentis templi, idest, exactis ab exitu filiorum Israel de Ægypto annis 479. & anno 480. inchoato, nimirum anno P. Jul. 3702. Mundi 2992. Ante Æram Chr. 1012. Fulcitur hæc Epocha hisce calculis.

Mosis post datam legem numerantur anni	40.
Josue, & Seniorum	17.
Judicum	299.
Heli Sacerdotis	40.
Samuelis, & Saulis	40.
Davidis item	40.
Salomonis jam completi	3.

Sunt in unam summam redacti 479.
Quibus si addantur anni 2513. qui a creatione mundi fluxerunt ante legem scriptam, consurgit annus Epochæ Mundialis 2992. in quo jacta fuerunt Templi fundamenta.

COMMONSTRANT hujus Epochæ initium quæ leguntur lib. 3. Regum 6. 1. *Factum est ergo quadringentesimo & octogesimo anno egressionis filiorum Israel de terra Ægypti, in anno quarto, mense Zio (ipse est mensis secundus) regni Salomonis super Israel edificari cepit domus Domino.* Idem legitur lib. 2. Paralip. 3. 2. Consentiunt Codices Hebræi, horumque Chronologia, quæ inscribitur *Seder Holam*. Idem habetur in Bibliis Græcis juxta editionem Complutensem, & melioris notæ alias; tamen in quibusdam pro *εὐδοντος* exaratum sit *τισσαρχος*. In depravatam hujus generis Codicem incidit Carolus Sigonius, qui Comment. in Historiam Sacram Severi Sulpitii inquit: *Capite 6. lib. 3. Regum in Codice Hebræo numerantur anni 480. in Græco 440. Habetur tamen in τῇ τισσαρχος καὶ τισσαρχιστος* in Romana LXX. Interpretum editione; sed mendum ipse quoque Sulpitius lib. 1. memoratæ Historiæ longe antea deprehenderat. Jam ergo anni 479. transacti erant ab Exodo, & decurrebat quadringentesimus octogessimus, quando a Salomone Templum cepit ædificari, ut diximus paullo supra.

SUPPUTATUR Epocha sexta a fine captivitatis Babylo-nice, & a libertate Judæis per Cyrum restituta, anno P. Jul. 4178. Mundi 3468. ante Æram Christianam 536. Nam a jactis Templi fundamentis usque ad invasionem Judææ factam a Nabuchodonosor, & ad initium captivitatis fluxerunt anni

In Captivitate Judæi permanserunt an.	407.
	70.

Sunt

R U D I M E N T A. 37

Sunt omnes anni 477. Addantur 2991. qui ante ædificationem Templi præcesserant, secundo enim mense anni Mundi 2992. incepta fuit sacræ ædis structura. Resultat summa annorum 3468. Mundanæ Epochæ.

Hujus Epochæ initia ex Chronologia Regum Juda, & Israel magis apparent. Defuncto enim Salomone cum regnasset annis 40. ex 3. Regum 11. 42. ideoque cum vi- xisset a fundatione templi annis 36. Roboam ejus filius decem a se Tribus avertit, quæ venerunt in ditionem Je- roboami; atque ita Regnum Juda, & Regnum Israel di- stracta sunt, & regnarunt ab anno M. 2992.

R E G E S J U D A. R E G E S I S R A E L.

Salomon.	36.		36.
Roboam.	17.	Jeroboam	22.
Abias	3.	Nadab	1.
Aza	41.	Baaza	24.
Josaphat	25.	Ela	2.
Joram	7.	Zambri 7. d.	
Ochozias	1.	Amri	12.
Athalia	6.	Achab	22.
Joas	40.	Ochozias	2.
Amasias	29.	Joram	12.
Ozias	51.	Jehu	28.
Joathan	16.	Joachas	17.
Achaz	16.	Joas	16.
Ezechias	27.	Jeroboamus II.	41.
Manasses	55.	Interregnum	11.
Amon	2.	Zacharias 6. m.	
Josias	31.	Selhum 1. m.	
Joachas 3. m.		Manahem	10.
Joachim	4.	Phacee	20.
Captivitatis	70.	Osee anno	9.
	—	venit in potestatem Sal-	
Summa	477.	manafaris regis Assyrio-	
		rum: unde ad liberta-	
		tem Judæorum nume-	
		rantur anni.	192.

Summa 477.

PERSPICUA erit hujus calculi ratio, si animadvertatur Capti- vitem Babylonicam cœpisse anno 4. Joakim, & Mundi 3398. Oseam vero regem Israel subjugatum fuisse a Salmanasare

anno regni sui 9. & Mundi 3276. a jactis Templi fundamentis 285. Sive autem anno M. 3398. addas annos 70. Captivitatis, sive anno M. 3276. addas annos 192. qui a Salmanasare ad restitutam per Cyrum libertatem fluxerunt, pervenies ad annum M. 3468. & a fundatione Templi 477.

A LIBERTATE Judaici populi, & a Monarchia Persarum fundata per Cyrum, usque ad Christi Nativitatem numerantur 532. nimirum a Cyro usque ad Alexandrum Macedonem computantur anni 201.
 Ab Alexandro ad Antiochum 112.
 Hinc ad Joannem Hircanum 90.
 Ab Hircano ad Herodem Magnum 93.
 Hujus anno trigesimo sexto, si ejus anni computentur ab eo tempore; quo salutatus fuit Rex a Romanis, natus est Christus. 36.

Summa annorum 532.

ADDATUR hæc summa Epochæ libertatis Judaicæ, sive anno Mundi 3468. & conflabitur summa annorum 4000. quos a mundi creatione usque ad Redemptoris nostri Nativitatem innixi eruditissimorum virorum calculis diximus numerandos.

HABET iste computus præsidium aliquod in traditione Hebræorum attributa Eliæ prophetæ in Thalmud lib. Sanhedrim cap. Helec, quæ est hujusmodi: *Sex millia annorum mundi, & postea interitus: duo millia inanitatis, duo millia legis, duo millia annorum Messie.* (1) Sed quoniam hæc traditio non est Eliæ Thesbitæ, sed Rabbini ejusdem nominis, qui floruit circa annum 154. a restituto Templo, atque nostrum non est definire futura tempora, quæ, ut legimus Act. 1. 7. *Pater posuit in sua potestate*; idcirco non alius erit nobis traditionis illius usus, nisi ad revincendam perveraciam Judæorum, qui licet exacti sint Herode alie-

(1) Nicolaus Cardinalis de Cusa in *Conjectura de novissimis dieb.* num. 12. & 13. verius esse opinatur, tot annos a Moylis morte usque ad Christum fluxisse, quot ab Adam usque ad dies Noe, & quot a diebus diluvii sub Noe usque ad mortem ipsius Moylis; adeo, ut tot fluere debeant a Christo usque ad complementum annorum. Ita præcunte Philone omne tempus dividit in quatuor partes; quarum postrema a Christi resurrectione ad mundi finem extendatur. Qua sententia, si vera foret, apertum esset quomodo Christus dicitur mortuus *in medio annorum*, & quare tempus, quod a morte Christi ad mundi finem decurrit, seu postremum quaternarium, appelletur *finis seculorum*, ac *tempus novissimum*. De hac pariter conjectura nihil temere dicendum.

alienigena inter ipsos regnante anni 4000. irritis tamen
yotis, & per orbem dispersi adhuc Messiam præstolantur.

CONSTAT ex dictis sex Mundi ætates ante Christi ad-
ventum distingui,

I.	A creatione ad diluvium annorum	1656.
II.	A diluvio ad vocationem Abrahæ	426.
III.	A vocatione Abrahæ ad Exodum	430.
IV.	Ab Exodo ad Templum	479.
V.	A Templo ad finem Captivitatis	477.
VI.	A soluta Captivitate ad Christum	532.

Summa annorum

4000.

C A P U T X I.

PROFANE EPOCHÆ, QUE PRÆCEDUNT ÆRAM CHRISTIANAM.

S EQUUNTUR modo Epochæ illustriores, quarum in Hi-
storia frequentior est usus. Harum prima est *Imperii Assy-
riorum*, cujus initia recentior Chronologia statuit in anno P.
Julianæ 3447. Mundi 2737. ante Christum 1267. (1) quo
tempore Ninus Beli filius, inito fœdere cum Arizo rege
Arabum, Asiam fere totam in sui potestatem redegit; ut
litteris tradiderunt Herodotus, Appianus Alexandrinus,
& Dionysius Halicarnassensis. Petavius tamen lib. 13. de
doctrina Temp. statuit imperii Assyriorum primordia

C 4

in an-

(1) Ita etiam in IV. Mundi Ætate Jacobus Ufferius. Plures sta-
tuerunt hujus imperii, regnique Babylonici initia in anno M. 1717.
eoquod Calisthenes Philosophus dixerit captam ab Alexandro Mace-
donem Babylonem anno Epochæ Assyriorum 1903. captam vero Baby-
lonem ab Alexandro anno M. 3619 a quo deductis annis solidis 1903.
manet initium Babylonis in anno 1717. Ita Calvisius; sed Alexandro
dedita est Babylon an. P. J. 4382. Mundi 3672. ante Christum, seu
ante Æram Christianam, 332. Franciscus Junius, Pareus, Piscator,
aliique auctorem Imperii Assyriaci faciunt non Assur, aut Ninum, sed
hujus parentem Nemrodum. Hunc autem & Ninum eundem homi-
nem fuisse contendit in sua Chronologia Mercator. Semiramidem
Nino uxorem fuisse tradit Diodorus Siculus. A Semiramide positum
Nino Epitaphium excisum in columna, in libro de *Æquivocis* refert
Xenophon. Epitaphium est quod sequitur; *Mibi pater Jupiter Be-
lus. Avus Saturnus Babylonius. Proavus Chus, Saturnus Æthiops. Ab-
avus Saturnus Ægyptius. Atavus Coelus Pœnix Ogyges.* Hunc esse Noe
perficiendum est; ideoque Saturnius Ægyptius est Cham: & Ninus fuit
filius Beli, filii Nemrod, filii Chus, filii Cham, filii Noe. Quare
ratione cogimur Epitaphium illud probare, & subscribere Xenophonti?

in anno P. Jul. 2604. ante Christum 2110. Is enim putat Ninum fuisse Assur filium Nemrod filii Chus, filii Cham, filii Noe, ac Nemrodum esse Belum, qui condidit Babylonem, de quo Gen. 10. 10. Non videtur mihi ea opinio inverisimilis; nam Babylonem conditam a Belo tradiderunt quoque Abydenus apud Eusebium lib. 9. de Præp. Evang. cap. 41. & Dorotheus Sidonius eo versu,

Antiqua urbs Babylon, Tyrio quæ condita Belo.

Nemrod autem dictus est *Belus*, quoniam Ninus, ut inquit S. Hieronymus in cap. 2. Osee, patrem suum in Deum retulit; ac Deus in Daniele *Bel* dicitur; unde *Belus* Assyriorum, & *Baal*, quem Sidonii, & Phœnices coluerunt.

CERTIOR est Epocha secunda *Excidii Trojæ*, regis olim, & clarissimæ urbis Phrygiæ minoris sitæ ad montem Idam, orantque maritimam. Nam Ilium eversum anno 408. ante primam Olympiadem fere omnes consentiunt, Cappelus, Petavius, Usserius, alii; idque Græcorum Chronica testantur, auctores Eusebio in X. de Præp. Evang. Quamvis autem Tatianus apud eundem Eusebium & Eratosthenes apud Clem. Alexandrinum in 1. Strom. a Trojæ excidio ad priorem Olympiadem numerent annos 407. hæc tamen unius tantum anni differentia nequit nos a communi opinione divellere. Annus vero 408. ante Olympiadem I. est annus P. Jul. 3530. Mundi 2820. Ante Christum 1184. In hoc itaque anno Troja capta, & Ilium dirutum est.

TERTIA est Epocha *Regni Argvorum*, quorum primus Rex Inachus in Peloponneso principatum iniit anno P. Jul. 2858. M. 2148. ante Æram Christianam 1856. Ab anno tamen superiori Inachi regnum auspicatur Petavius lib. 13. de doctr. temp. quod, cum minimum discrimen sit, non moramur.

PROXIMA est Epocha *Olympiadum*, quæ statuitur omnium suffragio in anno P. Julianæ 3938. Mundi 3228. ante Ch. 776. die 19. mensis Julii. Loquimur de Olympiadum supputatione, qua utuntur Græcorum Historiæ, ab hoc dumtaxat tempore meliori annorum rerumque serie digestæ, ac minus fabulosæ. At Græci enumerant Olympiades a prædicto anno P. Jul. 3938. quo anno ludos Olympicos instauravit Iphitus, & stadio vicit Coroebus Eleus. Hinc Olympiades istæ *Iphitæ* vulgo appellantur. Verum ante annos 430. agonem Olympicum constituerat Hercules Idæus, & quinto quoque anno iusserat celebrari, auctore Pausania in Eliacis. Est Olympias spatium annorum quatuor, ex eo appellata, quod juxta Olympiam Elidis civitatem, quæ & Pisa dicta

dicta est, quinto quoque anno fierent certamina gymnica in honorem Jovis Olympii. Ita Vossius in Etymologico. Quatuor itaque annis transactis nova inchoatur Olympias, adeo, ut Æra Christiana, quæ figitur in anno Iphitæo 777. initium ducat ab anno 1. Olympiadis 195.

QUINTA est Epocha *Urbis Condita*, constituenda in anno P. Jul. 3961. Mundi 3251. ante Æram communem 753. Quamvis enim diversa statuuntur a Chronologis Urbis initia, quæ a M. Porcio Catone, a Fastis Copitolinis, a Fabio Pictore & Lucio Cincio traduntur, atque in partes distrahunt Chronologos; nihilominus recentiores sensu unanimi auspiciantur Æram Christianam ab anno V. C. 754. ideoque supponunt ante eandem æram annos Urbis 753. præterisse. Atque recentiorum sententiæ suffragatur, quod hæc sit opinio Varronis, & communiori recepta plausu, unde anni U. C. hinc supputati appellari solent anni Urbis *Varroniani*. Deinde Dionysius Halicarnassensis lib. 1. Cato, alique scribunt conditam Romam anno 432. post Trojæ excidium, qui annus concurrit cum anno P. Julianæ 3961. Præterea juxta Varronem, & Plutarchum natalia Urbis statuuntur in anno Iphiti 24., idest anno 4. Olympiadis 6. (1) qui unus idemque est cum prædicto anno P. Julianæ 3961. ante Christum 753.

HANC itaque Epocham & nos sectabimur in annis Urbis enumerandis. At prætermittere nolumus non minori probabilitate inniti sententiam illorum, qui censent conditam Romam anno P. Julianæ 3966. Mundi 3256. ante Christum 748., idest toto quinquennio post Palilia Varroniana. Fulcitur hæc opinio, quam ceteris præferendam putant Panvinus noster, & Jacobus Usserus, Fabii Pictoris auctoritate, & Secularium ludorum, Fastorumque ratione; quibus momentis evincitur Romam fuisse conditam anno Iphiti 29. seu anno 1. Olympiadis 8. ante Æram Christianam 748. atque anno 6. Varroniano.

SEXTA Epocha est *Nabonassari*, statuenda in anno P. Jul. 3967. M. 3257. ante Chr. 747. Primum quoniam communi fere Chronologorum consensione prior annus Nabonassari incidit in annum Iphiti 29. labentem, sive in annum 1. Olympiadis

(1) Conditam Romam anno 2. Olympiadis septima ex sententia Cornelii Nepotis & Lutatii scribit Polyhist. cap. 1. Sotinus. Antea appellatam *Valensiam* quidam putant. Vide ibi *Exercis. Salmasti*. Ex nomine sententiarum est orta diversitas; siquidem & *Poma*, & *robur*, ac *Valentia* idem sonant.

piadis 8. itidem labentem; atque in annum U. C. 7. à Calendis Januariis, non à Palilibus computetur: atque hi omnes characteres quadrant anno P. J. 3967. Deinde in Canone Regum Babyloniorum edito à Ptolomæo à principio regni Nabonassari usque ad obitum Alexandri Magni numerantur anni 424. decessit autem Alexander anno P. J. 4390. ante Æ. Chr. 324. qui est annus quadringentesimus viceſimus quartus computatus ab anno P. Jul. 3967. Præterea Censorinus, qui scribebat librum de die Natali *Coff. Ulpio & Pontiano*, cap. 13. eundem Consulatum adſcribit anno Nabonassari nongentesimo octogesimo sexto. Incidit vero Consulatus Ulpii & Pontiani in annum Æ. Chr. 238. Adde huic numero annos 747. ante vulgarem æram, conficitur summa annorum 985. qui ante prædictum Consulatum fluxerunt. Igitur anno 747. ante Æram Chr. sive anno P. Jul. 3967. constituenda est Epocha Nabonassari. (1)

INQUIRITUR quisnam fuerit Nabonassar, cujus Epocham nuper definivimus. Andreas Oleander, Joannes Funckius, & Bontinghus existimant Nabonassarum esse eundem cum Salmanasare patre Sennacherib, de quo 4. Regum 18. 9. ac putant opinionem suam comprobari nominum similitudine; sed illos prolixè refellit Isagoge Chronologica Sethus Calvisius. Et quidem ratio temporum non convenit; nam quo tempore Salmanasar imperabat Assyriis, Babyloniorum rex erat Berodach Filius Baladan, Regum 4. 20. 12. sive Merodach Baladan, Is. 39. 1. Iste vero Merodach non alius est, quam Maidoch Cempad, qui juxta canonem Ptolomæi regnavit in Babylone anno 27. postquam imperium illud instituit Nabonassar. Igitur Nabonassar alterius imperii fuit moderator, alterius Salmanasar; & ille aliquantulum senior isto. Neque ulla est nominum similitudo; cum Salmanasar scribatur, *Salman esel*, & Nabonassar *Nebonepter* si recurramus ad fontes. Nabonassar itaque idem est, ac Baladan primus, unde genitus est Merodach Baladan memoratus ab Isaia. Appellatur idem Baladan ab Herodoto Belesus; atque is est, qui conspiciente Arbace, aut Pharnace Mediæ præfecto destruxit Im-

(1) Hac Æra Nabonassari nihil antiquius reperiri in Chaldæorum Astronomia plures viri docti observarunt, unde constat portentosam esse ipsorum Chaldæorum iactantiam, dum ab eo tempore, quo astra observari ceperunt usque ad expeditionem Alexandri Magni fluxille autumant annos 470000.

Imperium Assyrium, regnumque Babylonie occupavit. Ita imperii Baladan initia adeo fuerunt conspicua, ut Aeram hanc constituerent, quam dicimus Epocham Nabonassari.

SEPTIMA Epocha est *Cyri, seu Monarchia Persarum*, figenda in anno P. Jul. 4178. M. 3468. ante Aeram Christ. 536. Hoc enim anno Cambyse patre in Persia defuncto, Cyrus potitus est Monarchia totius Orientis, Judaeisque in Regno suo versantibus facultatem concessit in patriam redeundi, ac templum Jerosolymitanum iterum aedificandi, ut diximus cap. praecedenti.

OCTAVA Epocha est *Monarchia Graecorum*, cujus initia referri debent ad an. P. Jul. 4384. M. 3674. ante Chr. 330. Enimvero Alexander Philippi Macedo successit patri defuncto anno aetatis suae vigesimo, P. Jul. 4378. & anno 1. Olympiadis 111. quo anno Philippum inter ludos occisum a Pausania scribunt Diodorus, Plutarchus, & Arrianus. Delevit autem Alexander Darii copias, & ipse Darius Bessi parricidio interiit anno 3. Olymp. 112. P. Julianae 4384. atque ita Alexander anno regni sui sexto, ut Historici tradunt, toto Oriente potitus est; Aera itaque Graecorum, si computetur a Monarchia Alexandri, recte in anno 330. ante aeram Vulgarem constituitur.

ALEXANDRI tamen distinguuntur Aerae aliae duae: quarum prima supputatur a morte Philippi, idest, ab anno 1. Olymp. 111. ante Aeram Christianam 336. ut nuperrime dicebamus; altera vero ab anno 3. ejusdem Olymp. 111. ante Chr. 334. & P. Jul. 4380. quo anno idem Alexander electus Graecorum adversus Persas imperator in Asiam transiit, & Darii ad Granicum amnem illustri certamine superavit. Atque haec Aera in anno tertio regni Alexandri figenda, a Diodoro, Plutarcho, Curtio, ceterisque Historicis peculiari ratione adnotatur, iidemque Historici Olympiadem centesimam undecimam, in quam incidit, vocare solent antonomastice τῆς Ἀλεξανδρίας.

COMPLURES dum annos Graecorum enumerant, utuntur Epochae *Seleucidarum*, quam nono ponimus loco. Pro hujus Epochae intelligentia sciendum est, ab Alexandro, qui naturae concessit anno P. Jul. 4390. Olymp. 114. anno 1. & ante Chr. anno 324. posteaquam a morte Philippi regnasset annis 12. & mensibus 8. nullum designatum fuisse imperii successorem, tametsi apud Perdiccam, cui moriens animum suum dederat, summa potestas aliquandiu viguerit. Diviso itaque inter Macedones imperio, Seleucus Babylonem inva-

invasit, atque inde expulso Nicanore duce Antigoni, Mediam, Susianam, ceterasque finitimas regiones in suam redegit potestatem. Contigit id anno 1. Olymp. 117. idest, anno P. Julianæ 4402. Mundi 3692. ante Christum 312. & Urbis Conditiæ 442. Atque hæc est Epocha Seleucidarum, quam auctor libri 1. Machabæorum computat a mense Nisan, & a verno tempore; auctor autem 2. libri ab autumno & a mense Tisri. Quare nulla est contradictio quod lib. 1. Mach. cap. 7. 1. statuitur initium regni Demetrii in anno Seleucidarum 151. & lib. 2. cap. 14. 4. in anno 150. Hæc Seleucidarum Aera ab autumno subducta appellari consuevit *Aera Contractuum*, quod autumnali tempore collectis segetibus, & vindemia peracta, prædia novis colonis inito contractu locentur.

ME NON laret nonnullos supputare annos Seleucidarum, non ab initio regni Seleuci in Babylone, sed ab initio regni ejusdem Seleuci in Syria, idest, ab anno 4. Olymp. 119. ante Christum 301; in quo anno ab exercitu Seleuci, Lyfimachi, & Cassandri Antigonus, & Demetrius devicti fuerunt, & Seleucus condidit Antiochiam. Sed qui ita sentiunt, facili negotio refelluntur. Primo quoniam Eusebius in Chron. refert Natalia regni Babylonis, Syriæ, & superiorum locorum, in annum 1. Olymp. 117., & in lib. 8. Demonstr. Evang. in annum duodecimum post mortem Alexandri, ideoque in annum P. Jul. 4402. Deinde quia Concilium Nicænum, quod constat celebratum fuisse anno Ch. 325. Act. 2. Synodi Chalcedonensis, necnon ab Eusebio, a Dionysio Exiguo, a Cresconio, aliisque dicitur celebratum anno Græcorum 636. quod falsum erit, nisi Græcorum, five Seleucidarum Aeram computaverimus ab autumno anni 312. ante Christum. Postremo quoniam Cardinalis Norisius diss. 2. de Epochis Syromacedonum tam invicte hanc æram Seleucidarum definivit, ut nullus sit in præsentiarum Chronologus, qui hanc sententiam oppugnet.

JAM VERO Epochæ, quæ remanent explicandæ, inconcussam habent certissimumque principium. Decima itaque est *Aera subactæ a Romanis Judææ*, & debellatæ a Pompejo Jerosolymæ. Hæc æra in anno P. Jul. 4651. M. 3941. ante Christum 63. statuenda est. Nam Pompejus an. U. C. 691. Coss. Cicerone & Antonio, capto Templo in solemnibus Jejunio tertii mensis, hoc est, die 28. Casleu, vertente anno 2. Olymp. 179. Judæos fecit tributarios Romano populo; & licet Hircano reddiderit Pontificatum, abstulit illi

illi tamen diadema, & Syriam Scauro Quæstori suo regendam commisit. Quæ ex Josepho lib. 14. Antiq. cap. 8. & lib. 1. de Bello cap. 5. ex Dione lib. 37. ex Severo Sulpicio lib. 2. Hist. Sacræ, aliisque Historicis, satis comperta sunt. Profecto adnotatione dignum esse videtur, quod eadem die 28. Mensis 3. Jerosolyma ante annos 543. a Nabuchodonosor capta fuerat, eademque die post annos 26. rursus ab Herode, & Sosio fuit expugnata, ita, ut uno, eodemque die Judæorum populus olim Babylonis, deinde Romanis, postea Herodi Idumæo cœperit inservire.

UNDECIMA est *Æra Antiochena*, cujus initium locandum est in anno P. Jul. 4665. M. 3955. ante Chr. 49. sive anno 4. Olymp. 182. & U. C. 705. *Coss. Claudio Marcello, & L. Cornelio Lentulo*. Hanc Epocham illustravit prælaudatus Cardinalis Norisius dissert. 3. de Epochis Syromacedonum ex nummis sub Publio Licinio Muciano, & sub Pomponio Flacco procusis. Ex utroque enim numismate constat Epocham Antiochenam progredi ab autumno prædicti A. U. 705. & P. Jul. 4665. Nam Mucianus fuit Syriæ administrator an. U. C. 821. & Flaccus Syriam obtinuit anno U. 786. In priore autem numismate sub Muciano signatur annus Epochæ Antiochenæ 117., in altero sub Flacco annus ejusdem Epochæ 82. Ut vero annus Antiochenus 117. incidat in annum U. 821. necessum est, ut primus annus Epochæ Antiochenorum concurrat cum anno U. 705; idque pari ratione consequitur, si annus U. 786. sit *Æræ Antiochenæ* 82. His, aliisque gravissimis munimentis Norisius refellit Langium & Scaligerum, qui *Æram Antiochenam* inchoarunt ab anno U. C. 706. P. Jul. 4666. necnon Christmannum & Hervartum, qui annos Antiochenos cœpisse autumarunt una cum annis Julianis. Quod Norisius validissime propugnavit, tradiderant aliis monumentis innixi Petavius lib. 10. de Doctr. Temp. cap. 64. & Usserius ad annum P. Jul. 4665.

DUODECIMA est Epochæ *primi anni Juliani*, quæ omnium consensu computatur ab anno U. C. 709. ante *Æram* Chr. 45. sive P. Julianæ 4669. Mundi vero 3959. Siquidem annus iste, a Calendis Januariis computandus, primus est, qui sequitur annum *Confusionis*, & Reformationem Calendarii factam a Julio Cæsare, ut luxantes annos ad certos limites revocaret.

DECIMATERTIA est Epochæ *Cæsaris Augusti*, sive Romani Imperii. Principatus autem Cæsaris Augusti varia statuuntur initia. Vel enim computantur a nece Julii Cæsaris avunculi sui, qui Idibus Martiis occisus est in Se-

Senatu anno U. C. 710. atque ita Augustus imperare cœpit anno P. Jul. 4670. M. 3960. ante Æram Christianam 44. Vel numerantur ab inito Triumviratu, seu cœdere, & conspiratione Augusti, Lepidi, & Antonii, qui prætextu Reipublicæ constituendæ imperium indepti sunt anno U. C. 711. die 27. Novembris: atque ita cœpit Augusti principatus anno P. Jul. 4671. M. 3961. ante Christum 43. Vel supputantur a Pœgna Aſtiaca, seu navali certamine, quo apud Actium, urbem, & promontorium Epiri, Antonio devicto an. U. C. 723. quarto Nonas Septembris, cessit Augusto universum Romanum Imperium; & sic ipsius Principatus inchoatur ab anno P. Jul. 4683. M. 3973. ante Æram Christ. 31. Hæc a nullo erudito Chronologo controvertuntur, ac prolixa dissertatione etiam a nobis alibi complantur.

QUARTADECIMA est *Æra Hispanica*, computanda ab anno P. Julianæ 4676. M. 3966. ante Æram Chr. 38. Labente enim anno U. 715. *Coss. L. Marcio, & C. Sabino*, Domitius Calvinus Hispaniam Augusto subegit, ut libro 18. narrat Dio: ac a proximis Kal. Januariis anni U. C. 716. qui est P. Jul. 4676., cœperunt Hispani inire novum annorum computum. De hac Epocha S. Julianus Archiepiscopus Toletanus lib. 2. contra Judæos inquit: *Æra inventa est ante 38. annos, quam Christus nasceretur.* (1) Nunc autem acclamatur *Æra* 724. *Detrahis itaque 38. annis, ex quo æra inventa est, usque ad Christi Nativitatem residui sunt anni 686.* Diximus cap. 9. non deesse, qui ipsi commune *Æra* non repetant ab Epocha ista Hispanorum.

POSTREMA, & quintadecima Epocha est *Herodis Magni*, quo regnante in Judæa natus est Christus. At non unum est Regni Herodis principium. Is enim, cum alienigena esset, & Idumæus genere, teste Josepho lib. 14. Antiq. cap. 2. post occupatam ab Antonio Syriam, ejusdem Antonii opera declaratus fuit rex a Romanis, *Domitio Calvino, & Asinio Pollione Coss.* teste eodem Josepho cit. lib. cap. 14. & lib. 2. de Bello cap. item 14. Perspicuum est autem consulatam Calvini & Pollionis incidere in annum U. C. 714. & 1. Olympiadis 185. sive in annum 6. Julianum, & quintum principatus Augusti, si a nece Julii Cæsaris computetur.

(1) Loquitur S. Julianus de Natali *Dionysiano*, nimirum de tempore, a quo *Dionysianam*, communemque *Æram* auspicamur.

R U D I M E N T A. 47

retur. Atque annus iste est P. Jul. 4674. Mundi 3964. ante Ær. Chr. 40. At Herodes summa rerum potitus est *Vipsanio Agrippa & Caninio Gallo Coss.* anno U. C. 717. quando captis Jerosolymis periit Antigonus, quasi recurrente in idem temporis momentum illata a Pompejo Judæis calamitate, ut prænotatum est supra, & præcitatus Josephus scribit lib. 14. Antiq. cap. 28. Itaque ab anno U. C. 717. & 4. Olymp. 185. Juliano 9. & Augusti 10, sive, quod idem est, ab anno P. Jul. 4667. M. 3967. ante Æ. Chr. 37. computanda est hæc Epochæ Herodianæ. Hinc est, quod Herodes regnasse dicitur annos trigintaquatuor a morte Antigoni, triginta vero septem ex quo declaratus fuit rex a Romanis, teste eodem Josepho lib. 17. Antiq. cap. 10. & lib. 1. de bello cap. ultimo. Mortuus est autem Herodes anno U. 751. anno Juliano 43. C. Aug. 42. & P. Julianæ 4710. circa festa Paschalia, ut lib. 29. Th. Discipl. cap. 1. prop. 3. demonstravimus. Atque hæc de Epochis, quæ Nativitatem Domini præcesserunt.

C A P U T XII.

DE ANNO DOMINICÆ NATIVITATIS, ET DE ÆRA CHRISTIANA.

NON eadem est, ut quidam existimaverunt, Æra Christiana, & Epochæ Natalis Christi; nam hæc incerta est, illa vero omnino explorata, & singulis manifesta. Controvertitur quo anno intemerata Virgo Christum pepererit: omnesque tandem consentiunt vel anno U. C. 748. 3. Olymp. 193. P. Julianæ 3708. & Cæsaris Augusti 39. vel anno proxime sequenti, in lucem editum fuisse Generis nostri Reparatorem. Postremam sententiam nos post Norisium, Cappellum, Usserium, Natalem Alexandrum, Gravesonium, aliosque permultos, amplexati sumus; pro altera Pagio, Blanchinio, Schelestrateno, cum illustri aliorum Eruditorum copia, certantibus.

SENTENTIA igitur nostra Maria Primogenitum suum in lucem edidit anno 41. Juliano, Cæsaris Augusti 40. U. C. 749. Olympiadis 193. anno 4. P. Jul. 4709. & quinto ante Æram Communem ad finem properante, VIII. Calend. Jan. *Augusto XII.* & L. Cornelio Sulla Coss. Produximus vero sententiæ hujus nostræ munimenta cum lib. 29. Theologicarum disquisitionum cap. 2. tum in dissertationibus Chronologicis, quas prælo commisimus.

At

AT VULGARIS Aera progreditur a Calendis Januariis anni 46. Juliani. C. Augusti 45. U. C. 754. Olympiadis 195. anno primo, Per. Jul. 4714. solido quadriennio post Christi Nativitatem. Apertissime enim viri clarissimi, Petavius lib. XI. de doct. Temp. cap. 29. Norisius in dissert. de duobus Nummis Diocletiani & Licinii, & Pagius ad annum Ch. 284. demonstrarunt Æram Diocletianeam, seu Martyrum Alexandrinorum, incipere a Consulatu *Carini Augusti II. & Aurelii Numeriani A. II.* idest, a prædicto anno 284. P. Jul. 4997. & U. C. 1037. Detractis itaque ab Æra Diocletiani annis 283. qui præcesserunt ab exordio Æræ Christianæ usque ad imperium ejusdem Diocletiani, residuus erit annus P. Jul. 4714. & U. C. 754. in quo proinde rectissime constituuntur ipsius Christianæ Æræ principia.

HÆC Vulgaris Æra eadem est cum illa, quam Dionysianam appellant. Dionysius enim Exiguus loco Cycli annorum 95. quem S. Cyrillus cœpit ab anno 153. Diocletiani, Ær. Ch. 436. ac terminavit in anno Diocletiani 247. Christum 30. induxit Cyclum Victorianum annorum 532. suisque Cyclis noluit memoriam impii persecutoris innectere, sed magis elegit ab Incarnatione Domini tempora prænotare: ut Dionysius ipse testatur in sua ad Petronium Epistola. Quum autem idem Dionysius Cyclos suos inchoaverit ab anno Diocletiani 248. & Æræ Ch. 531. ut ibidem Dionysius declarat, & docet quoque Venerabilis Beda de rat. Temp. cap. 45., sequitur annum 1. Cycli Dionysii esse annum Julianum 45. qui proxime initia Æræ Christianæ præcessit, & eundem Cyclum ab Æra Dionysiana discrepare, ut demonstrat Petavius lib. 12. de doct. Temp. cap. 2. immo Vulgaris Æræ non Dionysium revera auctorem fuisse, sed Bedam, quemadmodum in dissert. 3. de Cyclo Paschali Ravennate cap. 5. animadvertit Norisius.

IN EO tamen a Bedæ computo discrepamus, quod is a Christi Domini Conceptione, nos ab ejus Nativitate, seu potius neglectis diebus septem anni exeuntis, a proximis Calendis Januariis annos Christianæ Epochæ supputamus. Quamquam rationem illam computandi annos a Dominica Incarnatione Orientis Ecclesiæ, & diu in publicis monumentis Florentini, aliisque servaverint. Immo Pisani ad nostra usque tempora unum annum Æræ Conceptionis Domini addiderunt, fortasse enumerationem illam sequuti Cycli decemnovalis, cujus præcesserat unus annus, *quando facta est Incarnatio*, ut inquit Beda præcitato cap. 45. & in libro

libro de argum. Lunæ pag. 215. Sed provide, sapienterque instituerunt paucis ab hinc annis Provinciæ nostræ Rectores, ut ad confusionem omnem vitandam *communi stylo* uteremur.

Nunc statuto Vulgaris Æræ principio in anno Juliano 46. U. C. 754. & P. Jul. 4714. facillimum est cum annis Christi Epochas illas componere, quas duobus præcedentibus capitibus explicavimus. Adde E. G. huic anno 1760. annos 776., & habebis annum Iphitarum, sive Olympiacum 2536. Adde annos 753. & emerget annus U. C. 2513. Adde annos 330. & erit annus Græcorum 2090. Adde annos 424. & conflabitur annus Seleucidarum 2184. Adde annos 45. & exurget annus Julianus 1805. Adde annos 38. & occurreret annus 1798. Æræ Hispanicæ. Adde annos 4713. & efficietur annus P. Julianæ 6473. Ita de reliquis Epochis agendum est, addendo annis Æræ Christianæ annos, qui eandem æram præcefferunt, alterius Epochæ cujus computus investigatur.

C A P U T XIII.

DE ANNIS CHRISTI, ET DE EPOCHA
TIBERII CÆSARIS.

DEFINITO anno Dominicæ Nativitatæ, arduum non est annos reliquos vitæ Salvatoris nostri adinvenire. Nam ex Ægypto, quo illum una cum Matre adsportaverat S. Joseph, ab Angelo monitus de proxima cæde Bethlehemiticorum puerorum, rediit Jesus defuncto Herode, & in Judæa regnante Archelao, anno U. C. 751. Juliano 43. Augusti 42. ante Æram Vulg. 3., atque ætatis suæ anno secundo; siquidem hoc anno contigit circa festa Paschalia mors Herodis, & peractio Paschate Archelæus Romanam veniens confirmatus fuit Ethnarcha super Judæam, Idumæam, & Samariam, ceteris regni Herodis provinciis Philippo, & Herodi Antipæ distributis, ut narrat lib. 17. Antiquitatum cap. 10. Flavius Josephus. De hoc reditu de Ægypto pertractat S. Matthæus cap. 2. 19.

Duodecim annos natus Jerosolymam a parentibus ductus Christus ad Festum Paschæ, Jerosolymis permansit, & per triduum quæsitus, inventus est in atrio Templi sedens, ac disserens inter Legisperitos, Lucæ 2. 40. Quod contigisse anno Æ. V. 8., Herodis Antipæ, & Philippi anno 11., Juliano 53. Cæsaris Augusti 52. & U. C. 761. ex prædefinito tempore Dominicæ Nativitatæ aperte consequitur.

BAPTIZATUM Dominum a Joanne, cum ingredi cœpisset annum trigessimum, testatur S. Lucas cap. 3. 23. ideoque consignandus est Christi baptismus anno Æ. V. 26. Juliano 71. U. C. 779. Herodis Antipæ, & Philippi 29.

INTER Christi baptismum, ejusque crucifixionem quatuor intercessisse Paschata colligimus ex Evangelica Historia : de quorum 1. agitur Joannis 2. 13. de altero Joan. 5. 1. de tertio Joannis 6. 4. Postremum vero illud est, quo celebrato affixus est cruci : ideoque passio Domini consignanda est anno ætatis suæ 33. Ær. Vulgaris 29. Olympiadis 202. anno primo, Correctionis Julii Cæs. 74. P. Julianæ 4742. Herodis Antipæ, & Philippi 32. Consulibus (ut memorabilem Redemptionis annum illustrioribus characteribus designemus) *Rubellio Gemino*, & *C. Fusio Gemino* : quibus Coss. Dominum subiisse pro nobis teterrimum crucis supplicium sententia est & antiquior, & communior, & verior.

VIDETUR tamen huic sententiæ adversari quod legitur Lucæ 3. 1. prædicationem & baptismum Joannis, a quo Dominus tinctus est in Jordane, cœpisse anno *quintodecimo imperii Tiberii Cæsaris*. Cum enim Tiberius imperium adeptus sit statim post mortem Cæsaris Augusti, qui decessit Coss. *duobus Sextis*, anno U. C. 767. die 12. Calendarum Septembrium, idest, anno Æ. Vulg. 14. & die 19. Augusti ; sequitur annum Tiberii decimum quintum incidere in annum Æ. Vulg. 29. & U. C. 782. quo anno, aut sequenti, Dominum venisse ad baptismum contendunt cum Usserio plerique recentiores. Qui proinde passionem Domini differre coguntur ad annum Æ. V. 33. veræ ætatis Christi trigessimum septimum, U. C. 786. ac Tiberii Cæsaris 19.

VERUM hæc sententia, quæ aperte & veterum traditioni, & , ni fallor, Evangelio quoque repugnat (propterea quod non anno 34., ut autumant recentiores illi Chronologi, sed anno tricesimo ineunte baptizatum Dominum Lucas narrat absque ullis involucris verborum,) nunquam mihi probari potuit ; atque ad Evangelicam cum Romana conciliandam historiam, cum viris eruditissimis recurrendum esse censeo ad Epocham Imperii Proconsularis Tiberii Cæsaris.

ITAQUE præter imperium Augusteum, quod diximus colatum Tiberio anno U. C. 767. die 19. mensis sextilis, admittendum est imperium Proconsulare ejusdem Tiberii ; de quo scribit Vellejus Paterculus lib. 2. cap. 121. *Senatus Populusque Romanus postulante patre ejus, ut jus æquum ei in omnibus provinciis exercitibusque esset, &c.* Atque hoc imperium

rium concessum Tiberio, dum ex Pannoniis, Dalmatisque triumphum egit, tradit eo loci Paterculus. Triumphus autem Tiberii consignatur a Scriptoribus Romanæ Historiæ *Tiberio Germanico Cesare, & C. Fontejo Capitone Coss.* anno U. C. 765. & Vulg. Æ. 12. Bene ergo se habet. Anno Æ. V. 26. quo consignavimus baptismum Domini, vertebatur annus imperii Proconsularis Tiberii Cæsaris *decimus quintus*, ut inquit Lucas Evangelista, & annus imperii Augustalis 12. absolvendus 14. Cal. Septembris: & anno Æ. V. 29. quo asserimus Christum in ara crucis fuisse immolatum, fluebat annus imperii Proconsularis 28. annus autem Imperii Augustei 15. Atque ita Tertullianus lib. adv. Judæos cap. 8. ait passum Christum *quintodecimo anno imperii Tiberii*, & in 1. contra Marcionem, *baptizatum anno 12. ejusdem Tiberii Cæsaris*. Quæ de solo imperio Proconsulari, prout a nobis fixum est, possunt intelligi.

C A P U T XIV.

DE EPOCHIS, QUARUM INITIUM STATUITUR POST
AERAM CHRISTIANAM.

CONSUEVERANT plerique Veterum supputare annos a *Passione Domini*, quam superiori capite consignandam diximus in Consulatu duorum *Geminorum*, & in anno Vulg. Æræ 29. S. Hieronymus de Script. Eccl. & S. Isidorus Hispalensis in libro de Vita, & Morte Sanctorum, docent Petrum Apostolorum principem coronatum fuisse martyrio *anno 37. post Domini Passionem*: & Hippolytus Portuensis apud Canilium, & Schelestratium, ait annum 13. imperatoris Alexandri esse a *Passione Christi* 206. At Petrum subiisse martyrium *Coss. Nerva, & Vestino*, anno Æræ Vulg. 65., affirmat S. Epiphanius h. 26. cap. 6., & consonat Catalogus Romanorum Pontificum tempore Liberii exaratus. Annus vero 13. imperii Alexandri, successoris Æliogabali, concurrat cum anno Æræ Vulg. 234. Nequit autem annus a *Passione Christi* 37. incidere in annum Æræ communis 65., neque annus ab eadem *Passione* 206. in annum Æræ 234. nisi Mors Christi consignetur in anno Æræ Vulgaris 29., & in Consulatu *Geminorum*: quæ aperte Epocham Dominicæ Passionis stabiliunt, & corroborant quæ de annis Domini dicta sunt capite præcedenti.

DIU etiam in usu fuit *Æra Diocletiani*, seu *Martyrum*,
quam

quam cap. 12. figendam dixi in anno Æræ Christianæ 284., quod Baronius ad eundem annum, Petavius de doctrina Temp. lib. 11. cap. 30., Norisius in Diss. de duobus Nummis Dioclet. & Licinii, & Emanuel a Schelestrate diss. 2. Antiq. Eccl. cap. 8., veteribus inscriptionibus, Ambrosii, & Evagrii testimoniiis, aliisque monumentis tanta evidentia statuerunt, ut rejecta opinione Scaligeri, Chronologi omnes in illorum sententiam descenderint. (1)

ILLUSTRIS item est *Epocha Constantini*, inter Imperatores, qui palam professi sunt religionem Christianam, (2) primi: quam Epocham quidam a devicto Maxentio, & a restituta Ecclesiæ pace, quidam vero a celebrata Nicæna Synodo auspicantur, Constantinus imperare coepit ex Fastis Idatio attributis, *Constantio Chlora Aug. VI. & Galeria Maximiano Aug. VI. Coss.*, nempe anno Ch. 306. VIII. Calendas Augusti. Maxentium vero superavit juxta præcitatos Fastos, *Constantino Augusto II. & Licinio Aug. II. Coss.*, scilicet, anno Ch. 312. V. Calendas Novembris, quo tempore, ut inquit Severus Sulpitius, impositus est finis persecutioni. Nicæna demum Synodus, ipso Constantino imperante, celebrata est *Coss. Paulino, & Juliano*, idest, anno Ch. 325. XIII. Calendas Julias, quemadmodum præter Historicos omnes testantur in præfat. ad Symbolum Patres Concilii Chalcedonensis.

Apud Arabes, & Saracenos in usum est Epochæ, quam *Hegiram* vocant, sive a fuga Mahumedis, sive ab Hagar, a qua gens Hagarena ducit originem. Statuendum initium Hegiræ in anno Christi 622. & die 16. Julii ineunte feria sexta, (3) cujus diei nocte Pseudopropheta ex urbe Mecha invalescentibus hostibus coactus est fugere, protritum est,

ac

(1) Æra Diocletiani, quam diximus appellari *Æram Martyrum*, ab Eusebio vocatur *Æra Persecutionis*, ab Æthiopicis *Æra Gratiæ*, & ab Mahumetanis *Æra Elkupti* seu *Coptitarum*. Cum subducatur ab obitu Numeriani, quo occiso Diocletianus assumpsit imperium anno Chr. 284. XV. kalendas Octobris: convineantur erasse quotquot aliunde hujus Æræ primordia sunt auspiciati.

(2) Dixi *Palam*, ut evitetur questio de Religione utriusque Philippi: de qua alibi.

(3) Die Julii 16. sive XVII. Kal. Augusti, ante inchoatur *Hegira*, erat dies lunæ 7. Epacta enim erat signanda XIV. & Aureus Numerus 6. Erat item annus Cycli Solaris 6, & notandus *lit. Domin. C.* ideoque *Dies Veneris*. Concurrebat autem annus ille 622. cum anno 1371. Æra Nabonassaris, ab U. C. supputata a Paliibus 1375., ab institutione Olympiadum 1398., atque vertebatur Heraclii Imperatoris annus XIII.

ac vulgare. Sed quoniam singuli Turcarum menses sunt Lunares, & ideo anni Hegiræ varia habere solent initia, ut prænotavimus cap. 5., ad revocandos annos Hegiræ ad annos Julianos nullam aliam viam adinvenimus, magis expeditam, quam si post triginta duos annos Julianos, exactos & absolutos dixerimus annos Hegiræ 33., siquidem intervallo annorum 32. communium redit Hegira ad idem fere principium, & dies 10. horæ 21. & minuta 12., quibus annus Hegiræ minor est anno Juliano, unum annum ejusdem Hegiræ superaddunt. (1)

ADDAMUS Epocham Caroli Magni, seu foundationis novi Imperii, atque finis Imperii Græcorum, & initii Imperii Turcarum. Carolum Magnum inauguratum fuisse solemni ritu a Romano Pontifice Leone III., faustisque populi acclamationibus dictum *Imperatorem Romanum*, & *Augustum*, anno Christi 800. hora secunda matutina diei 25. Decembris, scribit in ejus vita cap. 28. illius Cancellarius Eginhardus. Hinc itaque initia ducit Occidentis Imperium. Græcum autem ad Turcas pertransiit anno Christi 1453., quando Mahumtetes II. filius Amuratis II. anno tertio principatus sui, Hegiræ 857. Constantinopolim expugnavit. Mirum, quod primus in Oriente Imperator Christianus fuit Constantinus Magnus filius Helenæ, & ultimus Constantinus Palæologus itidem filius Helenæ!

(1) Omittimus Epocham Persarum institutam anno 631. dictam *ve-ro Yezdejerd* a Yezdejerdo filio Schariari Persarum rege: cujus Epochæ anni ratione quantitatis sunt Nabonassarei, sive Ægyptiaci veteres.



ECCLESIASTICÆ

HISTORIÆ

BREVIARIUM.



ONSTITUIT hoc Opere tyronibus sacrarum scientiarum studio animum intendentibus, memoriæ juvandæ causâ, improbique laboris vitandi, tradere universæ Ecclesiasticæ Historiæ Prospectum quemdam, vel Epitomen, iis, quæ ad res humanas profanasque attinent, penitus non prætermisiss. A Natali autem Salvatoris nostri *Dionysiano*, ad hæc usque tempora, factâ Seculorum partitione, Opus istud progreditur. Natali illo, communisque Æræ inspectis primordiis, misso vero Dominicæ Nativitatis anno in controversia maxima posito, illuxit primum Christiani nominis Sæculum, *C. Cesare*, & *L. Emilio Paulo Coss.* anno Octaviani Augusti 45. computato a cæde Julii Cæsaris Dictatoris. Inchoatus tunc erat annus quintus ætatis Christi, in sententia eorum, qui natum propugnant anno U. C. 749.

Pri-

Primus enim annus communis Æræ concurret cum anno U. C. 754. P. Jul. 4714. Correc̃t. Julianæ 46. & Primo Olympiadis 195. Anno autem ejusdem Æ. V. 26. decimoquinto Imperii Proconsularis Tiberii Cæs. incepit Præcursoris Domini prædicatio, quam subsecutus est Reparatoris baptismus. Is vero juxta vetustissimam Sanctorum Patrum traditionem immolatus in ara crucis pro universi humani generis redemptione lytrum persolvit anno communis Æræ 29. ætatis suæ 33. imperii Augustalis Tiberii 16. Proconsularis 19. *Coff. duobus Geminis*, ac primo Olympiadis 202. Postquam vero resurrexit, & quadraginta dierum spatio Ecclesiam, quam acquisivit sanguine suo, fidei ac mysteriorum traditione formavit; ad cælos victor conscendens, eandem Ecclesiam Romanis Pontificibus, vices suas gerentibus, instituendam regendamque commisit.



PRIMUM ECCLESIAE S E C U L U M.

C A P U T I.

DE ROMANIS PONTIFICIBUS PRIMI SEculi.

AD MINISTRARUNT itaque Romanam Ecclesiam primo seculo *Petrus, Linus, Cletus, & Clemens*.
 I. PETRUS Galilæus genere, Apostolorum princeps, & Cephæ, idest, *Petra* nomine insignitus, Romam sub *Claudio* venerat circa initia anni 42. Æ. V. id asserentibus Eusebio, Hieronymo, & Severo Sulpitio. Rediisse rursus ad eandem urbem imperante *Nerone*, nullus dubitat: nec desunt, qui hunc unum statuunt ejus in urbem adventum, innixi testimonio Lactantii in lib. *de moribus Persecutorum*. Ibidem Simonem Samaritanum, magum vaserrium, cui erectam a Romanis statuat affirmat Justinus Martyr (1) *Semoni Sango* Deo Sabinorum erectam fuisse putant alii) volare tentantem oratione e sublimi aere dejecit. (2) In persecutione Neronis obiit affixus Cruci *Coss. Nerva, & Vestino*, idest, anno 65., post passionem Domini 37. tertio Kal. Julias, cum a priori in Urbem adventu tenuisset ibidem Cathedram sacerdotalem circa annos 25.
 II. LINUS Volaterris, ut fertur, (3) exortus, & in Ecclesiasticis tabulis appellatus *e regione Tuscia*, successit Petro; seditque juxta vetustiores Catalogos, emendatosque Codices libri Pontificalis, annis undecim; & martyrio coronatus est, quamquam id negent recentiores nonnulli, anno Æ. V. 76. *Vespasiano VII. & Tito V.* nona die Kalendarum Octobris.

III.

(1) Etiam Eusebius lib. 11. H. E. cap. 14. Statuamque Simoni Mago erectam fuisse diversam a statua erecta *Semoni Sango* Deo Fidio demonstrat ad an. 44. Ven. Card. Baronius.

(2) Id quidam recentiores in dubium revocant; sed vide Ven. Baronium ad an. Chr. 68. & Ven. Bellarminum lib. 1. de Rom. Pontif. cap. 23. & lib. 2. cap. 2.

(3) *Linus natione Tuscus, patria Volaterranus*, inquit Baronius ad an. 69. & ita Pagius, ceterique; in Catalogis tamen & in libro Pontificali habetur dumtaxat, *Linus natione Italus e regione Tusciae, ex paire Herculano*, &c. Sunt qui procreatum scribunt ex præclarissima Maurorum gente.

III. SUCCESSOR Lini juxta traditionem Romanæ Ecclesiæ, præferendam Criticorum commentationibus, (1) fuit *Cletus* patria Romanus; qui Episcopatum gessisse dicitur annis 12. menses enim diesque in hac synopsi ut plurimum prætermittimus. Quare obiit *Coss. T. Aurelio Fulvo 11. & A. Sempronio Atriatino*, nimirum anno *Æ. V. 89.* eique in Pontificatu successit *Clemens*.

IV. HUNC Romanum, & præclarissimo natum genere opinabatur antiquitas: recentiores levissima ducti conjectura putant ex Judaica stirpe procreatum. Episcopatum tenuit annis 9. scilicet, usque ad annum Christi 98., quo imperante Trajano, in Chersonesum Thraciæ deportatus, post exactum ærumnis, & egestate biennium, in mare demersus est, anno tertio imperii ejusdem Trajani, *V. Æ. 100.* ut inquit Eusebius lib. 3. H. E. cap. 34. Hieronymus de Script. Eccl. Martyrologium Bedæ XI. Kal. Decembris, & MSS. Codices Florentini libri Pontificalis. Unde apparet recentioris Chronologiæ, Clementis obitum statuentis in anno 77. haud certa, & labilis supputatio. (2)

P A.

(1) Lino quidam Clementem, non Cletum successisse opinantur, & fulcitur hõrum opinio auctoritate SS. Optati Milevitani lib. 2. & Augustini epistola 165. Vetusta tamen Romanæ Ecclesiæ monumenta Clementem faciunt ordine quartum. Orta priorum sententia ex quo Cletum eundem esse cum Anacleto crediderint, nominis decepti similitudine. Fuerunt ex hæreticis, qui Cletum simul cum Lino sedisse autumarunt. Fallax assertio, traditioni, Catalogis pervetustis, & unitati Apostolicæ Sedis repugnans, æque absurda, ac sit illa, quæ Petrum, & Paulum eadem potestate, eodemque jure Ecclesiæ Romanæ afferunt præfuisse. Hæc est autem utriusque Pagii Chronologia, Romanus Petri Pontificatus incepit anno *Æræ Vulgaris 55. Lini 65. Clementis 67. Cleti 77. Anacleti 85. Evaristi 95. &c.*

(2) Chronologia Romanorum Pontificum, qui sederunt prioribus seculis, adeo implicata est, ut diversam supputandi rationem complures inierint. Vide Baronium, Petavium, Papebrochium, utrumque Pagium, Tillemontium, Pearsonium, Dodwellum, alios. Ad hanc præferendam nos impulerunt, quæ de Petri in urbem adventu, & de obitu Clementis Trajano impetante Veteres tradiderunt. Quod adversus Clementis Chronologiam ab Eusebio traditam opponunt ex Epistola ejusdem Clementis ad Corinthios Isaac Vossius epist. 2. ad Riverum, Pearsonius in Vindiciis epistolarum S. Ignatii, & Antonius Pagius ad annum 78. solvitur a Schelstrateno diss. 2. Antiq. Eccl. cap. 1. Legendus ad annum 69. & 93. Venerabilis Annalium Conditor Baronius. In ea, quam sequimur, Chronologia etiam Pontificatus Anacleti comprehenditur in primo Seculo. De illo tamen agendum seculo proximo, quoniam ei complures tribuant 9. aut decem annos Episcopatus, & hunc Ven. Baronius inter & 112. um 103. ann. circumscribit.

PATRIARCHARUM NOMINA.

Hoc primo Seculo Alexandrinam Ecclesiam rexerunt S. Marcus Evangelista, Anianus, Avilius, & Cerdo. Antiochenam post Petrum, Evodius, & Martyr Ignatius. Ierosolymitanam Jacobus Alphaï, & Simeon.

CAPUT II.

DE CONCILIIS PRIORI SECCULO CELEBRATIS.

TRIA primo vertente seculo celebrata fuerunt Concilia in Actibus Apostolorum descripta.

CONCILIUM primum congregatum fuit paullo post adventum Spiritus Sancti, ut alius Apostolus eligeretur in locum Judæ proditoris. Electus est autem *Mathias* in concursu Barfabæ cognomento Julii. Vide Act. Apostol. cap. 1.

IN ALTERO Concilio septem electi fuere diaconi, non administri duntaxat mensarum, ut inquit Novatores, sed liturgiæ inservientes, & ordinati manuum impositione. Quorum primus *Stephanus* sapientia & signis præclarus obrutus lapidibus retulit præsignatam nomine proprio coronam. Act. cap. 6. & 7. Hæc duo Concilia paullo post Ascensionem Domini contigere.

TERTIUM celebratum fuit circa annum Christi 50. jam promulgato in Palæstina Evangelio, decretumque ea in Synodo, ne regeneratis baptismate circumcisionis, rituumque legis Mosaicæ onus imponeretur, ibid. cap. 15. Convenierunt ad hanc Synodum Apostoli omnes, & presbyteri, non vero plebs, ac fidelium multitudo: omniumque primus locutus est, judiciumque protulit Petrus, sed ceterorum quoque Apostolorum nomine promulgata sententia; atque in futuris Sacerdotum conventibus præscripta forma.

SUNT qui putant aliud ab Apostolis coactum Concilium, ad condendum Symbolum, promulgandosque canones, qui *Apostolici* nuncupantur. (1) Verum quod ad *Symbolum* attinet, nec de tempore, nec de modo, quo conditum sit, conveniant historici. *Apostolicum* dici arbitramur, quod Apostoli-

(1) Quidam octo Apostolorum Concilia recensent, quorum tamen octavarum vel dubium, vel supposititium esse opinantur. Videbis Apparatum Annati lib. 5. Sectione 2.

Apostolicam comprehendat doctrinam. Eadem ratione laudati canones dicti sunt *Apostolici*: imo hos inter spurii extant nonnulli; unde liber, quo 84. continentur, can. *Sancta Romana* dist. 15. declaratur apocryphus.

C A P U T III.

DE HÆRETICIS PRIMI SECULI.

ERUPERUNT primo Seculo hæreses Simonis, Cerinthis, Menandri, Ebionis, Saturnini, Basilidis, & Nicolaitarum. (1)

SIMON genere Samaritanus, baptizatus a Philippo, in eam primum prolapsus est impietatem, ut crederit dona Spiritus Sancti pecunia obtineri. De se adeo superbe sensit, ut sese deum Judæorum legislatorem, mundiue Reparatorem, & Paracletum quoque jactaret. Helenæ, quam deperibat, sub Minervæ nomine cultum impendit patriæ: Dogmatizavit præterea mundum productum ab angelis, animosque solutis corporibus in alia corpora transmigrare. Fertur & negasse futuram mortuorum resurrectionem.

CERINTHUS in Asia natus, viventibus adhuc Apostolis, commentus est, Deum non esse Creatorem mundi. Legem Moyſis etiamnum ad salutem necessariam asseruit. Mille annorum regnum carnalibus voluptatibus, victimisque cruentis transigendum invexit; & Christum purum hominem ex Maria & Joseph procreatum ausus est affirmare.

MENANDER, & Ebion (2) eidem hæserunt luto, suisque unus Simonis conterraneus, & discipulus, alter e secta Phariseorum, & Pauli Apostoli insensibilis hostis, mendicus, quod ejus nomen sonat, & inops.

SATURNINUS, ac Basilides (3) fuerunt Menandri auditores.

(1) Omittimus hæreses sectasque adhuc persistentes, Judæorum nempe, *Phariseorum*, quorum origo refertur ad tempora Machabeorum, nomen vero est a *Pharas*, *segregavit*. *Sadduceorum*, qui dicti sunt a *Pſeadeh* vocabulo significante *justitiam*. *Essæorum*, obscuri nominis, neque in libris novi testamenti occurrentis. *Herodianorum*, de quibus cap. 22. S. Matthæus. *Primi* frivolas traditiones legi contrarias servabant. *Secundi* negabant animos post obitum permanere, esse spiritum, & futuram resurrectionem. *Tertii*, cum alioqui cœlibes essent ac religiosi, sacrificia exteriora damnabant. *Postremi* credebant Herodem fuisse Messiam in lege promissum. Adde *Samaritanos* a Judæis schismate separatos.

(2) Ebionem emeruisse statim post excidium Jerololymitanum tradit Eusebius.

(3) Tertullianus de Præscript. cap. 46. & S. Hieronymus in Amos ajunt, Deum omnipotentem a Basilide appellari *Abraham*. S. Irenæus in voce illa *Abraham* contineri docet numerum illum colorum 365. Perſpicua est computatio; nam Græce A valet 1. β 2. P. 100. α 1. ξ 60. α. 1.5 100. Quo-

tores. Addidere tamen illius erroribus peculiaria figmenta, ut 365. angelorum propaginem, parem cælorum membrorumque humani corporis numerum, & quosdam prophetas barbaris insulsisque nominibus designatos.

NICOLAITARUM impura secta admittebat mulierum, etiam conjugatarum, promiscuum usum, esumque carniū idolothyti. Nomen accepere a *Nicolao* Diacono, qui uxori imprudenter dimissæ facultatem fecit, ut nuberet cuicumque vellet. Commemorantur Nicolaitæ cap. 2. Apocalypf. Apollonius Tyanæus Romæ sub Domitiano exercebat præstigia. (1)

C A P U T IV.

DE SCRIPTORIBUS I. SECULI.

SI EPISTOLÆ Jesu Christi ad *Abgarum* regem *Edesse* norum, & *B. Mariæ Virginis* ad *Messanenses* & ad *Florentinos* exploratæ essent auctoritatis; principem sibi locum isto in capite vindicarent. Verum supposititiæ censentur; quamvis prima ob *Eusebii* assertionem lib. 1. *H. E. cap. 13.* propugnatores habeat complures. (2)

MEMORANDI sunt itaque Scriptores Agiographi, quorum libri in canone divinarum Scripturarum habentur; tum recensendi sunt ceteri.

S. MATTHÆUS, qui & *Levi*, Evangelium conscripsit Hebraica lingua, circa annum 8. a Christi resurrectione; ipse autem circa annum *Æ. V. 60.* martyrium perpeffus est Hierapoli in Parthia.

MARCUS ex Hebræo *Matthæi*, atque ex his, quæ audierat a Pe-

rum numerorum summa est 365. *Vossius* in 1. de *Idol.* eo nomine designari putat Deum Persarum *Mithram*, idest Solem, qui annuo cursu implet numerum illum dierum. *Basnage* & *Beaufobre* nomen illud reputant ab Ægyptiorum superstitione. Non sunt audiendi, qui in ipso vocabulo *Abraxas* Trinitatis & Incarnationis mysteria vestigant. *A.*, inquit, est *Ab Pater*, *B Ben Filius*, *R. Ruach Spiritus*, & *Achodes Sanctus Sarrapia Salus*, *A Arè Per*, &. *Evangelii Crucem*. Nemo non videt huius interpretationis auctorem modo ad Hebraicum, modo ad Græcum Alphabetum confugere, litterasque a suo loco amovere. Quis etiam credat vel Ægyptios vel Hæreticos primi Seculi propugnasse divinarum Personarum Trinitatem, & Domini Incarnationem? Idem dicendum de *Abracadabra*, voce a prædicto vocabulo *Abraxas* derivata.

(1) Quidam post *S. Philastrium* memorarunt *Judaistas*, qui prodicionem laudarent. Alii *Thebutis*, qui apostatavit a fide, *Hymenæi*, *Phileti*, & *Alexandri*, de quibus *Paulus Apostolus*, *Diotrephes*, de quo ep. 3. *Joannes*, mentionem fecere. At non omnes impii, & communiōe privati nomen Sectæ alicui dedere.

(2) De hac Epistola in utramque partem disputavimus lib. 19. de Theol. discipl. cap. 6. num. 4.

a Petro, Evangelium mandavit litteris Romæ, Græca, quæ tum communis erat, lingua, non autem Latina; idque circa annum 40. *Æ.* Vulg. & post decimum a Christi passione.

LUCAS Antiochenus, & medicus (Pictorem quoque nonnulli faciunt, scriptura, ac antiquitate silentibus) Evangelium Græce scripsit in Achajæ, vel Bœotix partibus circa annum *Æ.* V. 56. Scripsit & Actus Apostolorum; atque ipse martyrio affectus est in Bithynia, anno ætatis suæ, ut fertur, 84. cum vitam egisset cœlibem.

JOANNES filius Zebedæi, & Salomis Evangelium edidit reversus Ephesum, Nerva imperante, anno 77. cum tamen relegatus a Domitiano in insulam Pathmum, superiori anno 96. scripsisset *Apocalypsim*. Ephesi itidem, eodemque tempore, quod Evangelium, tres conscripsit Epistolas, quæ habentur in canone: senioque confectus tranquillo fine quievit post initia proximi seculi, idest, anno 104.

PAULUS, *Saulus* antea, Cilix ac patria Tarsensis anno *Æ.* V. 31. ad Christum conversus, & factus ex persecutore Apostolus Evangelium longe lateque promulgavit, suisque Epistolis erudiivit Ecclesiam. Extant Pauli epistolæ XIV. Una *ad Romanos*, & *ad Corinthios* duæ, scriptæ circa annum 57. *Ad Galatas* quarta, adversus Judæizantes, data ante priorem *ad Corinthios* juxta Dodwellum, & Caveum, seu potius anno 58. Ex urbe Roma scripsit circa annum 60. *ad Ephesios*, *ad Philippenses*, *ad Philemonem*, & *ad Hebræos*: epistola pariter *ad Colossenses* eodem tempore, eodemque loco scripta est. Duæ *ad Thessalonicenses* datæ videntur Corinthi anno 52. *ad Titum* scripsit ex Epiro, vel Macedonia anno 64., & *ad Timotheum* epistolas duas, paullo ante martyrium, consignandum anno 65., non, ut quidam autumant, 68. Afflicte autem ac suppositæ sunt, quæ sub Pauli nomine ab aliquibus laudantur, *ad Senecam*, atque *ad Laodiceenses*.

PETRUS quoque duas Epistolas Roma conscripsit ad electos Ponti, Asiæ, Bithyniæ, & finitimarum provinciarum Marcus Alexandriam profecturus Roma discederet; alteram postremo vitæ suæ tempore, instante jam depositione tabernaculi sui, scilicet, corporei carceris, ut inquit cap. 1. 14.

JACOBUS *Alphaei* primus Jerosolymorum Episcopus, *columna* appellatus a Paulo, epistolam scripsit argumento multiplicem, in qua docet fidem sine operi bus nihil prodesse: quæ Epistola appellatur *Catholica*, & edita est anno 61. paullo ante,

ante, quam præcipitaretur de pinna templi, & a Synedrio damnaretur procurante Anano Pontifice.

JUDAS, vel *Thaddeus* prædicti Jacobi germanus frater scripsit & ipse brevem Epistolam, de qua olim hæsitaverunt nonnulli, quoniam de libro *Henoch*, qui Apocryphus est, testimonium assumit. Sed communi tandem approbatione tamquam canonica recepta est. Ex versu 18. constat fuisse scriptam post secundam Petri. Libris hætenus recensitis Novum componitur Testamentum. (1)

MODO Scriptores laudabimus alios: ac primum *Clementem* Romanum Pontificem, cujus duæ extant ad *Corinthios* Epistolæ, quarum prima communi eruditorum consensu recipitur; aliam vero Hieronymus, Photius, & recentiorum plures existimant reprobendam. Eidem *Clementi* perperam adscribuntur octo *Constitutionum Apostolicarum* libri, *Itinerarium Petri*, disputatio *Petri & Apionis*, & epistolæ aliæ quinque.

BARNABAS, qui & *Joseph Levites*, unam conscripsit epistolam: quam tamen Hieronymus & Eusebius vocant *apocrypham*, nempe extra Canonem divinorum librorum.

HERMAS, seu *Pastor*, edidit Opus tripartitum, completens *visiones*, *statuta*, ac *similitudines*, sed *apocryphum* declaratur decreto Gelasii. (2) Scripsit Hermas circa an. 92.

ETIAM *Flavius Josephus*, & *Philo* Alexandrinus Judæorum doctissimi solent hic recenseri: ille ob testimonium de Christo, quod habetur libro 18. *antig. Judaic.* iste autem, quod in *vita eorum*, qui *Ascetæ* dicuntur, videatur plurimum commendare Christianos Alexandrinos. Utrumque tamen ambiguum est, atque obscurum. Commemorat S. Hieronymus in Catal. n. 24. *Justum a Tiberiade* Josepho æqualem.

PRÆTERMITTO *Acta presbyterorum Achajæ*, seu Martyrii S. Andreæ Apostoli, Scripta quæ tribuuntur *Prochoro*, *Lino*, & *Abdiæ*, Epistolæ *Martialis Episcopi Iemovicensium*. (3) atque *Acta Pilati*: de quibus varia sunt sapien-

(1) Codicem Apocryphorum librorum Novi Testamenti compilavit, ediditque Fabricius. Qui de Apostolis scripsere, a Sagittario quoque in Introduct. ad Hist. Eccl. & a Franc. Buddæo de Eccl. Apostolica laudantur.

(2) Olim tamen a pluribus magno in pretio habitus, & in quibusdam periculis Ecclesiis. Nicodemi Evangelium, aliaque spuria prætermittimus. *Dionysium Areopagitam*, ac primum Atheniensem Episcopum Eusebius lib. 5. H. E. cap. 4. ceterique commemorant. An sit auctor librorum, qui sub ejus nomine circumferuntur, & an distinguendus sit a S. Dionysio Parisiensem Antistite controversatur.

(3) Habendus eodem in loco *Aurelianus* S. Martialis auditor, & in Episcopatu successor.

sapientissimorum virorum iudicia, nec aliquid certi possumus definire. (1)

C A P U T V.

DE ROMANIS IMPERATORIBUS, MARTYRIBUS,
ET SANCTIS ALIIS PRIMI SECVLI
ILLVSTRIORIBVS.

OCTAVIANVM *Augustum* e Velitris oriundum, sed natum Romæ juxta Suetonium, Velitris auctore Dione, Romanum tenuisse imperium, quando natus est Christus, & ejusdem Cæsaris anno 45. inchoandam Æram Christianam, dictum est supra. Obiit autem Augustus *Coss. duobus Sextis*, idest, anno Æ. V. 14. die 19. mensis Sextilis, cum imperasset annis fere 58. vixisset autem 76. Augusto imperante, ab Herode Ascalonita Judæorum rege interfecti fuere in omnibus finibus Bethlehem cuncti infantes bimuli, quos Ecclesia numerat inter martyres. Contigit immanissima hæc cædes quarto ante Æram communem anno.

AUGUSTO successit in imperio *Tiberius* e gente Claudia, filius Tiberii Neronis, & Livie Drusillæ, Augusteum principatum indeptus eodem anno 14. cum tamen ante exactum biennium consecutus fuisset imperium Proconsulare, cujus Epocham sequitur Lucas Evangelista. Decessit autem Tiberius anno Christi 37. *Coss. Accerionio, & Nigrino*, die 16. Martii: eoque imperante anno 28. Ære vulgaris, iussu Herodis Antipæ, saltatrice puella petente, decollatus est S. Joannes Baptista, & proximo anno suffixus cruci Caput martyrum, mundique Redemptor. (2)

POST

(1) Dionysium Areopagitam, eique adscripta Opera, ob diffensiones Auctorum, cum de uno aut duplici Dionysio, tum de libris Dionysii nomine insignitis, consulto prætermisimus. Sed Areopagitæ libros, præter Maximum monachum, Syncellum, Suidam, Photium, aliosque Græcorum, laudant Trithemius, Facultas Parisiensis in sua contra Erasmi Censura, Sixtus Senensis lib. 2. Biblioth. S., Bellarminus lib. de Script. Eccl., Baronius ad an. 109. Possévinus in Apparatu Sacro, Nat. Alex. differt. 21. Seculi 1. Annatus, & alii, in oppositam partem abeuntibus Erasmo, Riveto, Dallæo, Launojo, Morino, Blondello, Caveo; Papebrochio item, sed hoc, aliisque orthodoxis alieno spiritu ab iis, qui Ecclesiasticam student evertere Hierarchiam.

Sibyllarum libri, qui modo extant, communiore Eruditorum iudicio habentur supposititii.

(2) Tiberius ob vitium ebrietatis *Biberius* a jocularioribus dictus, atque ob portentosam libidinem, cujus nefanda exempla in secessu insulae Ca-

Post Tiberium imperavit *Cajus* cognomento *Caligula* filius Germanici, & Agrippinæ, consohis a Cassio Cherea triginta vulneribus die 24. Januarii, dum quantum cum *Sentio Saturnino* gereret consularum, anno sc. Valg. Æræ 41. quo imperante egregiam fidei Catholica navavit operam S. Barnabas, eandemque fidem amplexus est Cornelius Centurio baptizatus a Petro: atque fideles an. 40. cœperunt Antiochiæ denominari Christiani. (1)

SUCCESSIT *Cajo Claudius* frater Germanici, & filius Drusi & Antoniæ, sublarus veneno in boletis sumpto, conscia uxore Agrippina die 13. Octobris, *Coss. M. Asinio Marcello, & M. Acilio Aviola*, nempe anno Ch. 54. A Claudio Herodes Agrippa adauctus Judææ & Samariæ principatu in Ecclesiam desæviit, & Jacobum fratrem Joannis occidit gladio, ac Petrum carceri, unde ab angelo ereptus est, mancipavit. (2)

Post Claudium imperium tenuit Nero e gente Domitia, filius Domitii Ænobarbi, & Agrippinæ, qui seipsum interemit die 10. Junii, *Coss. Silio Italico, & M. Galerio*, nempe anno Ch. 68. Undecimo Neronis anno, Ær. Chr. 64. exorta est prima, post Herodianam, seu Judaicam, persecutio, in Christiani fideles incendiis Urbis & exitiosæ superstitionis conflata calu-

preensis innoxit, *Caprineus* appellatus & *Hircas*: unde in Epigram. Ausonius.

Prenomen Liberi natus Nero prima juventa.

Tempora laudato gessit in Imperio.

Frustra dehinc solo Caprearum clausus in antro,

Quæ prodit vitiis, credit opera locis.

Protomartyr Stephanus lapidibus obrutus, Tiberio imperante, *Act. cap. 7.* Vide Baronium ad annum Christi 34. Per idem tempus persecutionem magnam factam in Ecclesia Jerosolymis testantur præcit. *Act. Apost. cap. 8. 1.* referenda potius ad anni 33. exitum. Suetonius & Tacitus tradunt Tiberium obiisse die 16. Martii, Dio autem die 26.

(1) Eodem anno 40. *Cajus Caligula* iussit statuum suam poni in templo Jerosolymitano. Verum id differente Petronio Syria præside, & contranitante Agrippa mandatum non fuit executioni: erratque Grotius asserens impletum in *Cajo* quod scribit Apostolus in 2 ad Thessalonicenses cap. 3. 4. & illud esse prænunciatum eo loci Antichristum. *Caligulam* dictum volunt a caligis, quas ornatas margaritis portaverit, vel potius a caligis, quas deserebant gregarii milites. Ausonius præmisso Tiberio,

Post hunc castrens caligæ cognomine Cesar,

Successeit sevo seivior ingenio.

(2) Repudiaverat *Claudius Æmiliam* Lepidam, *Plautiam* Herculanillam, & *Æliam* Petinam nobilissimas matronas. *Messalina* altera *Claudii* uxor, adeo impura, ut viro vivente palam nuberet *Cajo Silio*, jugulata est, proco quoque *Silio* necato. Agrippina filia erat fratris sui Germanici; unde a S. C. postulavit, Ut nuptiæ inter patruos neptisque ratæ haberentur. A Nerva abrogatum fuit hoc Senatus consultum, repugnans etiam divinis legibus *Levitici* 18. 12.

calumnia, (1) Non modo Romæ, sed ubique persecutio defrevit. Necati in Urbe Apostolorum Principes, *Processus & Martinianus*, *Basilissa*, *Anastasia*, *Herodion*, *Olympias*, aliique Apostolorum discipuli. Interfecti item Mediolani an. 65. *Nazarius & Celsus*, necnon *Gervasius & Protasius*. Per idem temporis *Torpes* Pisis martyr occubuit (2). Postremo autem Neronis anno *Marcus* Evangelista prope Urbem Alexandrinam, & *Evodius* Antiochiæ, cujus post Petrum gessit Episcopatum, martyrium perpeffi sunt. Fertur anno Neronis quarto obdormisse, & ad cælum fuisse assumptam beatissimam Christi Matrem; an Ierosolymis, an Ephesi, Patres, & Historici non consentiunt. Concurrit quartus ille annus cum anno Æ. V. 57. (3)

EXTINCTO Nerone, regnarunt unius anni intervallo *Sergius Sulpicius Galba*, *Marcus Salvius Otho*, & *Aulus Vitellius*: quibus, uno post alium, interfectis, imperium indeptus est *Flavius Vespasianus* anno Christi 69. Kalendis Junii. Anno Vespasiani 2. Æræ Vulg. 70. a morte Christi 42. a Tito ejus Filio expugnata est Jerusalem Kal. Sept. in cujus Urbis obsidione perierunt undecies centena millia Hebræorum, & 97. millia in captivitatem adducta sunt. (4) Vespasianus vero naturæ concessit anno Ch. 79. die 24. Junii,

Tom. I.

E

in

(1) Decem vulgo ante Constantinum Magnum enumerantur persecutiones Ecclesiæ, de quibus singulis suo loco. I. Neronis. II. Fl. Domitiani. III. Ulpii Trajani. IV. M. Aur. Antonini Veri. V. Sept. Severi. VI. Maximini Thracis. VII. Decii. VIII. Valeriani. IX. Aureliani. X. Diocletiani, & Maximiani.

(2) Decem millia Martyrum in eadem civitate sub Nerone martyrium perpeffi sunt. Putarunt nonnulli Neronem iterum venturum, & futurum fore præcurforem Antichristi. Tradit id Lactantius de Mortibus Persecut. cap. 2. At variant lectiones; & qui credunt Neronem esse translatum, & adhuc vivere, ibidem appellantur *deliri*. Reversurum scribit Instruct. 41. Commodianus.

(3) In fragmento Hippolyti Thebani inter Codd. Vaticanos habetur *Deiparam* vixisse post Domini Passionem annis XI., omnes vero illius annos fuisse LXI. Apostolis de quibus in I. P. adde LXXII. Discipulos Domini, *Timotheum* discipulum Pauli primum Episcopum, & *Cesarium* Tarracinensem, ac sanctis mulieribus, quæ Dominum secutæ sunt, *Mariam Cleopha*, *Salomen*, *Martham*, & *Mariam Magdalenam* sorores *Lazaræ*.

(4) Excidium Ierosolymitanum prædictum a Daniele cap. 9. 26. & a Christo Domino Matth. 24. 15. ante annos septem ingentibus clamoribus annuntiare cepit Jesus F. Anani, anno nempe Æ. V. 63. atque an. 65. die 31. Maji visi in aere currus exercitusque pugnantes, atque die 29. in festo Pentecostes audita vox illa excedentium Angelorum, *Migremus hinc*. Legitote Joseph de Bello.

Sub Vespasiano dirutum fuisse templum illud Judæorum in Ægypto. quod subscaverat ante annos fere 256. Onias a Jafone fratre suo deiectus Pontificatus. Ab hoc templo derivatam quidam putant fabulam *Asini*, quem

in Consulatu suo nono, imperiique anno 10. Sub Galba fertur in Achaja pro Christo mortem crucis pertulisse S. *Andreas* Apostolus, & anno post Jerosolymitanum excidium, nempe Æ. V. 71. *Bartholomæo* in majori Armenia detracta cutis, & caput abscissum.

IMPERAVIT post Vespasianum invictissimus ejus filius *Titus*, qui post biennium fatis cessit *Silvano & Pollione* *Coss.* anno Ch. 81. idibus Septembris. Post quem imperium arripuit *Domitianus* ejus frater, & filius Vespasiani, & *Domitillæ*.

DOMITIANUS imperium administravit annis 15. interiitque XIV. Kal. Octobris *Coss. Valente, & Antistio*, anno Ch. 96. Erupit Domitiano imperante secunda Ecclesiæ persecutio, anno Ch. 93. Pergami in Mysia *Antipas* inclusus in bovem æneum candentem: Romæ *Joannes* in olei ferventis dolium (1): *Flavius Clemens* Domitiani patruelis percussus gladio: *Flavia Domitilla* in insulam Pontiam relegata: cum duobus cunuchis *Nereo, & Achilleo*, postea Tarracinae martyrium passis: occisus *Ma. Acilius Glabrio* Exconsul: *Felicula* item Virgo inedia, fame, & equuleo necata; & *Nicomedes* presbyter plumbatis cæsus. Jussit quoque Domitianus occidi omnes posteros Davidis, ut inquit Eusebius lib. 3. H. E. cap. 19. (2) Hoc Cæsare quidam Athenis affectum martyrio ajunt *Dionysium Arcopagitam*, mortuumque *Onesimum* Ephesiorum Episcopum, repugnante tamen *Baronio*.

DOMITIANO successit *Nerva Cocceius* Narniensis, qui regnavit tantummodo usque ad diem 27. Januarii anni Ch. 98. quo obiit stomachi dolore correptus. Post Nervam autem imperavit *M. Ulpius Trajanus* Hispali natus: de quo proximo secundo seculo.

C A-

Judæi ab Ethnicis coluisse dicuntur; Neque enim inverisimile est illud, quod erat appellandum τὸ ἱερὸν Ὀνιον, appellatum fuisse neglecta minima littera *Jota* τὸ ἱερὸν Ὀνι.

(1) Eundem Joannem vixisse annos CX. usque ad Domitianum, legitur in prælaudato Fragmento; at post obitum Domitiani ex Pathmo rediisse Ephesum, ibique Ecclesiam rexisse usque ad Trajani tempora tradit Hieronymus.

(2) Alibi 10. Domitianus ipse dicitur a Juvenale *Calvus Nero*, a Tertulliano *Porcio Neronis in crudelitate*, a Lactantio *Non minor Nerone tyrannus*, ab Eusebio *Neroniana impietatis & odii adversus Deum successor*. Vide Not. Baluzii in lib. de Mortibus Persecut. cap. 3. Non videtur itaque a cæde Christianorum, ut Dodwellus & Gisb. Cuperus autumant, abstinuisse.

Dio in *Domitione* plures ab eo necatos commemorat, aliorumque interfectiendorum nomina sub pulvinari scripta in tabulis tiliaceis, maturatas

C A P U T VI.

DE PRIMI CHRISTIANI SEculi DOCTRINA,
AC DISCIPLINA.

Quidquid modo credendum proponit Romana Ecclesia, a Christo, vel Apostolis traditum fuit. Articulos fidei initio expositos colligitur e *Symbolo* edito pro initiandis baptisinate. Trium Personarum divinarum distinctionem, miracula quæ evenerunt baptizato Domino, & forma baptismi Evangelici aperte confirmant. Verbi divinitatem execratio hæresis Cerinthianæ, & Evangelium, Joannis præsertim, commonstrant. Eucharistiæ Sacramentum, & Sacrificium comprobatur institutione Dominicæ Cœnæ, litterisque Apostolicis ad Corinthios, & ad Hebræos. Sacramentalem absolutionem demonstrant collata Apostolis facultas ligandi, & solvendi. Extremæ Unctionis egregium est testimonium caput 5. Epistolæ Jacobi. Sacrorum librorum canonem ab initio conditum inde eruitur, quod non inveniatur a quo, & ubi primum fuerit institutus. Traditionem aliorum dogmatum ab ætate Apostolorum viguisse ostendimus, ex quo aliquo exorto errore, statim Ecclesia illum proscripserit. Ecclesiasticam Hierarchiam, distinctionem Episcoporum a presbyteris, & sacram ordinationem impositione manuum peractam, Acta declarant Apostolica, & Pauli epistola ad Titum. (1)

AD DISCIPLINAM quod attinet, abrogatis cæremoniis, quæ typus erant futurorum, retinendos crediderunt Apostoli ritus ad res divinas decentius tractandas peritiles, ut lumina, thura, indumenta. Statis diebus, septimo primum hebdomadis die, tum Dominico conveniebant in unum, festa-que religiose servabant. Pro templis fuerunt principio privatorum hominum ædes. Præmissis precibus, sacrorumque librorum lectione, unde Liturgia derivavit, fiebat oblatio,

E 2

& sub

in ejus necem insidias, Domitia uxore, Norbano P. P. & Petronio II. haud ignaris, inflixa illi vulnera, cadaver a Phyllide nutrice sepultum.

(1) Liturgiam in Ecclesiâ primordiis cum sola oratione Dominica, paucisque precibus peractam, post Gregorium Papam in Epist. ad Joannem Syrac. tradiderunt Valatrius Strabo, Rupertus, Stephanus Augustod. Honoratus, Durandus, alique de divinis Officiis, & sacris Ritibus pertractantes. Quare ab eruditis inter spurias rejiciuntur Liturgiæ, quæ sub nomine Apostolorum Petri, Matthæi, Marci, necnon Jacobi ceteris forte antiquior, atque XII. simul Apostolorum laudantur. De illa quæ legitur in Constitutionibus Clementis Rom. idem ferri solet judicium.

& sub utraque specie communio. Non omittebatur utilis exhortatio: & addebantur sobria quædam convivia, quæ Agapæ dicebantur. Communis erat fidelium vita, & in unum singula conferebantur. Gravioribus vitis polluti privabantur communionem sacrorum; quam poenam Apostolus inflixit cuidam Corinthio. Exortas controversias Apostoli aut voce, aut per litteras componebant: his denatis, dirimebat antistes; aut communi consensione terminabantur. Ne religionis nostræ mysteria irriderentur a paganis, arcani disciplina causæ servata est; unde fideles cœnæ *Thyestæ*, aliorumque criminum infimulabantur ab iis, qui nesciebant quid in eorum congressu ageretur. (1)

A P P E N D I X

DE EXTERNIS EVENTIBUS.

PERPAUCA ex profana historia hic ducimus subjicienda, ad Judæos, Romanosque spectantia.

ANNO 1. *Ætæ Christianæ* *Cajus Cæsar* iniit consulatum in Syria. 2. *Lucius Cæsar* repentino morbo obiit Massiliæ. 3. *C. Cæsar* Tigranem Armenia expulit, præcæcitque Ariobarzanem origine Medum. 4. *Augustus* renuit appellari a Populo Romano *Dominus*, & adoptavit Tiberium. 5.

Con-

(1) Auctor Constitutionum Apostolicarum lib. 5. cap. 18. affirmat instituta fuisse ab Apostolis Festa Dominicæ Resurrectionis, Dominicæ in Albis, Ascensionis Domini, & Pentecostes. Idem tradit de Paschatis custodienda vigilia. Jejunium 4. temporum esse pariter ex traditione Apostolica alibi diximus, idque non uno in loco asserit Leo Magnus. Apostolorum, & Stephani Protomartyris Festa indicta fuisse a Discipulis ipsorum Apostolorum, affirmat idem Auctor Constitutionum lib. 8. cap. 33.

Altaria quovis tempore ad oblationem Sacrificiorum erecta, Ecclesiæ etiam Christi ad Sacram Synagagum adhibuit. Lege Apostolum ad Heb. cap. 13 Tertullianum de O. at. cap. 14. & 1. ad Uxorem cap. 7. Cyprianum epist. 66. altaria tanquam primitus condita commemorantes. Lignea initio fuisse constat; sed aliqua pro locorum opportunitate fuisse lapidea censet lib. 1. Rerum Liturg. cap. 20. Cardinalis Bona. Idem præcedenti capite 19. ab Apostolorum ætate templa extitisse, & etiam a Pontificibus consecrata, plerumque tamen constructa in cæmeteris cryptisque Martyrum (unde Martyria quoque dicebantur) multiplici eruditione demonstrat. Quenam existerint in Urbe Roma docebit Aringhus. Primam vero Christianorum Ecclesiam fuisse apud domum, in qua Dominus celebravit postremum Pascha, & instituit Eucharistiam. Illic ordinatos septem diaconos, & consecratum Jacobum primum Jerusalemitanum Episcopum tradit Nicephorus lib. 2. cap. 3. ductus testimoio, non satis explorato, Evodii Episcopi Antiocheni, qui primus post Petrum sedet Antiochiæ, ut ait Eusebius libro 3. H. E. cap. 22.

Confpecta Romæ die 28. Martii eclipsis Solis, de qua Dio libro 55. *Agrippa* nepoti Augusti data toga virilis. 6. *Archelaus* Romam accersitus, & Viennam ob tyrannidem, quam in Judæos & Samaritas exercuit, pulsus est in exilium. 7. Judæa, Samaria, & Idumæa a *Sulpicio Quirino* redactæ sunt in provinciam, & oppressus est *Judas Galilaus*, qui concitaverat ad arma Judæos. 8. Dejectus Pontificatu *Joazar*, & substitutus *Ananus*: profanatum a Samaritanis templum, ossibus mortuorum ubique sparsis. 9. Lata ab Augusto in cœlibes lex *Papia Poppæa*: confectum a Tiberio bellum Pannonicum: Extinctus in Germania cum tribus legionibus *Quinctilius Varus*. 10. *Tiberius* suo, Drusique fratris nomine dedicavit Romæ ædem Concordiæ: & fato functa est Salome, soror Herodis Magni. 11. In Germaniam *Tiberius* & *Germanicus* irruerunt. 12. *Annius Rufus* missus est in Judæam Procurator: exautoratus ab ipso *Ananus*, & huic suffectus est *Ismael*. Romæ *Tiberius* de Germanis triumphavit. 13. *Augustus* in decennium, veluti invitus, suscepit regimen Reipublicæ. 14. Idem *Augustus* lustrum condidit, & Nolæ in Campania decessit. 15. *Drusus* Tiberii filius dictus est Cæsar. Procurator Judææ in locum Anni Ruffi *Valerius Gratus* constitutus est a Tiberio. 16. *Archelaus* Cappadociæ rex Romam evocatus, ibi angore senioque confectus est. 17. Triumphavit *Germanicus* de Cheruscis, Chattis, & Angriuariis. Pulsus in exilium *Ovidius*. Ingens terræmotus in Asia. *Valerius Gratus* detruso *Ismaele* Pontificem Judæorum subrogavit *Eleazarum* filium Anani. 18. *Germanicus* victo Orode res Armeniæ composuit; & Jerosolymis renuntiatus a Valerio Pontifex Jud. *Simon F. Camithi*. 19. Discussa Romæ Sibyllarum oracula: Ægyptia, & Judaica Sacra interdicta: dirutum Iliidis templum, & in Tiberim simulacrum demersum: *Germanicus* a Pisone, ut vulgo creditum, sublatu veneno. 20. *Piso* judicio postulatus sibi mortem conscivit. 21. Vita functus est *P. Sulpicius Quirinus*, qui censum peregit in Syria. 22. *Cn. Sentius* e Syria revocatus, eique suffectus est *L. Pomponius Flaccus*. 23. *Ælius Sejanus* Drusum Tib. F. veneno, ei per *Lygdum spadonem* propinato, e vita sustulit: *Livia* Drusi conjuge adulterio corrupta. Dejecto Simone P. Jerosolymis suffectus *Josephus Cajaphas*. 24. *Philippus Tetrarcha* instauratam Paneadem urbem vocavit *Cæsaream Philippi*. 25. *Pontius Pilatus*, revocato

Valerio Grato, factus Procurator Judææ. 26. (1) Thra-
ces domuit *Sabinus*. 27. *Herodes Antipas* Præcurforem car-
cere Macherunte detinuit. 28. Deducitur ab hoc anno *Vi-*
etoriana Periodus, quæ cum annis Æræ Vulgaris conjungi-
tur, si ab his anni 27. detrahantur. 29. Obiit *Livia Ma-*
ter Tiberii, 86. anno ætatis suæ. 30. *Sejanus*, dissimulan-
te Tiberio, honoribus afficitur a Senatu. 31. Idem e curia
in carcerem abductus occiditur, ejusque cadaver in Tiberim
demergitur. Judæis infensissimum appellat *Philo de lega-*
tione ad Cajum. 32. *Junius Gallio* immodicus Tiberii adu-
lator damnatus exilio. 33. Mortuo Pomponio Flacco Præ-
fecto Syriæ successit *L. Vitellius*. 34. Obiit *Philippus Te-*
tarcha. 35. In locum *Cajaphæ* Vitellius Pontificem re-
nunciavit *Jonatham Anani F.* 36. Visam in Ægypto phœ-
nicem *Dio*, *Plinius*, & *Solinus* testantur. 37. Mortui Ti-
berii successor *Caligula* Judææ procuratorem loco Pontii
Pilati constituit *Marullum*. 38. *Caligula* ad mortem ade-
git *Macronem P. P. Flaccum* hujus amicum in Andrum
insulam relegavit. 39. *Herodes Antipas* expoliatus est Te-
trarchia, & Lugdunum prius, tum in Hispaniam relega-
tus. 40. Orta Alexandriæ inter Judæos, & Græcos sedi-
tione, *Philo* Judæus, & *Apion* Grammaticus Romam ve-
nerunt. *Agrippa* a Cajo patrum Herodis Tetrarchiam ob-
tinuit. 41. Cajo *Caligula* occiso a *Cassio*, *Claudius Cæsar*
Agrippam catena aurea donavit: atque is Jerosolymam re-
versus, amoto a Sacerdotio *Theophilo Anani F.* substituit *Si-*
monem cognomento *Cantharam*. 42. Revocato *Petronio* Præ-
ses Syriæ renunciatus est *Vibius Marfus*. *Agrippa* *Simonem*
exiit Pontificatu, quem contulit *Mathia* fratri *Jonathæ*.
Ro-

(1) Pilatus jubente Tiberio anno Christi 35. vel 36. Romam venire
jussus; misso in Judæam Marcello, qui interim Procuratoris munere
fungeretur. Non pervenit tamen Romam Pilatus ante obitum Tiberii,
qui decessit anno 37. die 19. Martii, ut diximus cap. 5. Propria se manu
Pilatus interfecit anno Ær. Vulg. 39., juxta alios an. 40. Relegatus
dicitur a *Caligula* Viennam Gallie. Deportatum Lugdunum scribit in
Apologia contra Galli calumnias *Franciscus Petrarcha* pag. 1079. edit.
Basil. Ait ibidem *Petrarcha*, Pilatum fuisse Gallum. Quod ajunt Præ-
torem fuisse Aretii, ubi extant *Pilati* nomine ædes, crediderim esse po-
pularum credulitatem.

Prætermisimus hujus sæculi eventus alios complures, nempe ingentem
in Asia terramotum anno juxta *Eusebium* 30. incensum theatrum *Pom-*
peji anno 23. perniciosam amphitheatri ruinam in urbe *Pidenatium* cum
magna hominum elade memoratam a *Tacito*, allatam ex Ægypto mi-
ræ pulchritudinis phœnicem, de qua idem *Tacitus*? *Dio*, ac *Plinius*,
Lugdunum incendio conflagram *Aproniano* & *Capitone Coss.* idest,
anno Christi 59. &c.

Romæ laboratum maxima frumenti penuria. 43. Invasit *Claudius*, domuitque Britanniam: ademptum Mathiæ Pontificatum *Agrippa Max. Elionao* dedit. Fames prænunciata ab *Agabo* irrupit. 44. Triumphavit *Claudius* de Britannis: illi Romæ, & in Galliis arcus triumphalis decretus: *Messalina* ejus uxoris carpentum, ut olim *Liviæ A.* concessum. Obiit Judææ rex *Agrippa*; regnique Procurator missus est *Cl. Cuspius Fadus*, cui successit *Cassius Langinus*. 45. *Agrippa Junior* jus in templum, & sacrum ærarium consecutus, Pontificatu decoravit *Josephum Caneï F.* 46. *Messalina* *Claudii* conjux veneno sustulit *M. Vinucium* recusantem cum ipsa stupri consuetudinem. *Helena* *Adiabenes* in veteri Syria regina laborantes fame Judæos juvit; quod & fecit *Izates* rex illorum religionem amplexus. 47. *C. Silio Nervæ Messalina* palam in urbe nupsit, raptoque *Silio* ad supplicium, impurissima femina occisa est in hortis *Lucullianis*. Post *Cuspium Fadum* Judæam administravit *Tiberius Alexander*. Opera *Herodis* regis *Chalcidis* Pontificatus a *Josepho Caneï F.* translatus in *Ananiam filium Nebedæi*. 48. *L. Annaus Seneca* e *Corfica*, quo eum *Caligula* relegarat, a *Claudio* revocatus hortatu *Agrippinæ* alterius uxoris suæ, instituendæ pueritiæ *Neronis F.* præficitur. In procuratione Judææ *Tiberio Alexandro* successit *Ventidius Cumanus*; & per id temporis naturæ concessit *Herodes Rex Chalcidis*. 49. Missus ad regendam *Samariam Ant. Claudius Felix*, *Claudii Imp.* libertus, regnumque *Chalcidis* *Agrippæ Juniori* collatum est: Judæi Roma expulsi. *Seneca* gessit præturam. 50. *Claudius* operâ *Pallantis* liberti adoptavit *Domitium Neronem*. 51. Præfuit *Syriæ F. Vinidius Quadratus*: *Parthi* in *Armeniam* irruerunt, collatumque *Nero* ni fuit imperium *Proconsulare*. 52. Propter cuiusdam *Gallilæi* cædem, magni Judæos inter ac *Samaritas* excitati tumultus. *Claudius* edidit *Naumachiam*; *Nero Octaviæ Claudii* filiam duxit uxorem. 53. Propter rixas *Samaritarum* venerunt Romam *Jonathas*, *Ananias*, & *Ananus* principes *Sacerdotum*: *Agrippæ* præter regnum *Chalcidis* data *Philippi Tetrarchia*. 54. Extincto *Claudio* successit *Domitius Nero*, ejus gener, filiusque *Agrippinæ*. 55. Latronibus, magis, & impostoribus repleta Judæa, quam *Felix* præfectus animadvertendo in improbos purgare curavit. Interfectus tamen eo hortante etiam *Jonathas* Pontifex a *Dora* *Jerosolymitano*. 56. *Corinthii* scortis liberius abutebantur. 57. *Demetrius* faber argentarius

Dianæ Ephesæ conflabat & vendebat ædículas. 58. Parthi rursus cum Romanis pro Armenia certarunt. 59. Subortam Cæsareæ seditionem inter Judæos, ac Gentiles, utrisque urbem illam esse suam asserentibus, *Felix* minaci edicto studuit compescere. 60. Revocato *Felici* successor datus est *Porcius Festus*, qui latrones provinciam infestantes jussit comprehendi. *Agrippa* Pontificatum contulit *Ismaeli Phabei* F. 61. Propter magnum cornaculum ab eodem *Agrippa* ædificatum prope *Xystum*, unde prospiciebat quidquid agebatur in templo, in regem Jerosolymitani proceres surrexere. 62. *Nero*, dimissa *Octavia* causans sterilitatem, & relegata in Pandatariam, uxorem duxit *Poppæam* Sabinam. (1) Exauctorato Jerosolymis *Ismaele*, Pontifex creatus est ab *Agrippa Josephus Simonis* F. cognomine *Cabeus*; ac *Porcio Festo* defuncto successor missus a *Nerone Albinus*. 63. *Vologeses* Syriam occupans repellitur a *Corbulone* Proconsule: Rex *Agrippa* Pontificem *Max.* nominavit *Jesum* F. *Gamalielis* post *Jesum* alterum F. *Damasci*. 64. *Nero*, ut cerneret Trojæ ardentis imaginem, Romam incendit; & ad invidiam declinandam jussit Christianos exquisitissimis pœnis affici. 65. Interfecti a *Nerone Lucanus* Poeta, & *Seneca* præceptor suus: *Poppæa* etiam gravida ictu calcis perempta. Jerosolymis vacca ad aram mactanda peperit agnum: visæ per aerem discurrentes igneæ phalanges; atque vox illa excedentium angelorum, *Migremus hinc*. 66. Vexante *Gessio Floro* Judæos, hi contra Romanos delectis belli ducibus arma sumpserunt. 67. *Vespasianus* inita contra Judæos expeditione, recuperavit Galilæam, Jotapatam expugnavit, urbes alias in deditionem recepit, adaucto Romanorum exercitu legionibus, quas *Titus* ejus filius abduxit Alexandria. 68. *Vespasianus* compositis Galliarum motibus, in Judæam redux Jerichuntem occupavit; misitque Cæsarea Romam *Titum*, ut *Galba*, qui successit *Neroni*, gratularetur imperium, & novi principis jussa capelleret. 69. Ti-

(1) Rapuit postea *Nero* *Statiliam Messalinam* uxorem *Attici Vestini* Consulis, ipso nuptiarum tempore trucidato. Vim intulit *Rubrie virgini Vestali*, & *Sporum* exfectis virilibus duxit in conjugem, imo & ipse nupsit liberto *Doryphoro*. Turpissima patravit alia; de quibus *Dio*, *Suetonius*, *Tacitus*. Matris *Agrippinæ* eadem *Nero* mandavit *Aticeto* Centurioni, corpusque parentis vulneribus confossum ac denudatum inspicere ausus est. Apposita fuit ad *Agrippinæ* statuum tabella cum hac inscriptione, *Ego quid potui? Sed tu culcum meruisti*. Penam scilicet patricidæ descriptam a *Tullio* in *Orat. pro Sex. Roscio Amerino*. Vide *Pompejam* legem *Digest.* lib. 48. titulo 9. l. *Quamquam*.

69. *Titus* audita, dum præternavigaret *Achajam*, cæde *Galbæ*, remeavit ad patrem: extincto autem *Vitellio*, *Vespasianus* ad imperium evehitur, dum adhuc moraretur in *Syria*. 70. Patre in *Italiam* reverso, *Titus* *Jerosolymas* cinxit obsidione, paullo ante diem *Azymorum*, concurrentem cum 14. *Aprilis*: eamdemque urbem penitus occupavit die 8. *Gorpici*, seu 1. *Septembris*. 71. *Titus*, ac pater de subacta *Judæa* triumpharunt. Missus in ipsam *Judæam* legatus *Cæsaris Lucilius Bassus*. Indictus *fiscus Judaicus*, idest, jussi *Hebræi*, ubicumque degerent, pendere *Capitolio* binas *drachmas*, quas antea templo solvebant. 72. *Nazaræi*, qui *Legem*, & *Evangelium* servabant, sunt appellati. 73. Sublato e vivis *Lucilio Basso*, *Judæa* obtinuit regimen *Flavius Silva*. Sexcenti *sicarii* ad *Lupum* *Ægypti* præsidem adducti sunt puniendi. 74. *Jonathas* *Judæus* *Cyrenenses* pauperes in solitudinem adduxit, quasi illic miracula patraturus: at detecta, ac punita est impostura. 75. Advenit Romam *Berenices* *Agrippæ* majoris filia, quam *Titus* adamavit, & in *Palatio* detinuit; quod cum ægre ferrent *Romani*, iavitus invitam dimisit. 76. Claruit *Q. Asconius Pedianus* historicus. 77. Natus est Imp. *Hadrianus*. 78. Obiit *Ravennæ* S. *Apollinaris* martyr. 79. *Vespasianus* in villa sua apud *Sabinos* profluvio ventris extinguitur. Imperat *Titus*. *Vesuvii* incendium in *Campania* vicinas urbes, hominesque combussit. 80. Extruxit *Titus*, dedicavitque *Romæ* amphitheatrum, ac *thermas*. *Pantheon*, & *templa Serapidis*, *Isidis*, & *Neptuni* flamma vastavit. 81. *Domitianus* imperium indeptus *Septembrem Germanicum*, *Octobrem Domitianum* dici voluit: vites in urbe feri prohibuit: pepulit inde philosophos, & mathematicos. 82. In *Germaniam* *Domitianus* cum exercitu profectus, rediit ut victor, cum nullo hoste congressus. 83. Tres *Virgines Vestales* ob stuprum vivæ defossæ sunt. 84. Florebat hoc tempore *Apollonius Tyaneus*, sophista, mendaciis, ineptiisque celebris; cuius vitam descripsit *Philostratus*. 85. *Domitianus* *Consul XI.* de *Cattis*, *Dacis*, & *Germanis* triumphum egit. 86. Institutus fuit primus *agon Capitolinus*. 87. Deum se, ac *Dominum* appellavit *Domitianus*. 88. Celebrati fuerunt *ludi seculares*, & *Daci* rursus bello devicti. 89. Cœpit, ut inquit *Tacitus*, per intervalla ac spiramina *Domitianus*, interfectis viris illustribus, rempublicam exhaurire. L. *Antonius* *Præfectus Germaniæ* rebellavit, & a L. *Maximo* superatus, & captus. 90. Decennalia

lia Domitiani celebrata fuere. 91. *Apollonius* coniectus in carcerem & postea adductus ad Cæsarem, fertur ab huius oculis evanuisse. Edificata hoc anno Capitolium, Stadium, Forum transitorium, horrea piperatoria, fanumque Minervæ. 92. *Cornelia Maximilla* Vestalis viva ob stuprum defossa fuit. 93. Cœpit Domitianus omni sævitæ genere vexare Christianos. 94. Exornabat hoc anno *Flav. Josephus* libros Antiq. Judaicarum. 95. Lapidibus strata est via, quæ est inter Puteolos & Sinuessam. 96. Libertinorum conspiratione, nec uxore ignara, *Domitianus* interfectus est 14. Kal. Octobres. 97. Initio principatus *Nervæ*, decreto S. C. revocati ab exilio fuerunt quos relegaverat Domitianus, Sublata item Judaici fisci calumnia. Adoptatus a Cæsare *M. Ulpius Trajanus*. 98. Obiit *Nervæ*, tenuitque *Trajanus* rerum habenas. 99. Adveniens *Trajanus* Romam Congiarium distribuit, & a S. P. Q. R. *Optimus* appellatur. 100. Proficiscitur *Trajanus* ad bellum Dacicum. C. *Plinius Secundus* Consul successus fuit cum Cornuto Tertullo a Kalendis Septembris.

FLORUERUNT primo Christi Seculo litteris, *Pub. Ovidius Naso* Sulmonensis, Poeta facilis ac tersus, sed in elegiis paullo lascivior. *Titus Livius* Patavinus Romanæ pater Historiæ, cui ab *Asinio Patavinis* objecta. *Strabo* veterum Historiarum accuratus Collector. *Phædrus* Thrax, libertus Augusti, festivissimus, & latinissimus fabulator. *M. Annaeus Seneca* philosophus, declamator, & rhetor. *Valerius Maximus* dictorum, factorumque memorabilium collector, Ciceroni tam similis, ajebat *Erasmus*, quam mulus homini. C. *Vellejus Paterculus* Romanus Historicus, luculentus, pressus, ac nitidus. *Philo Judæus* Alexandrinus sententiis locuples, ac disertissimus, Platoni ab aliquibus comparatus. *Aulus Persius Flaccus* Volaterranus Satiricus, acutus quidem, sed obscurus. *Pomponius Mela* Hispanus Geographuselegans & accuratus. *Lucius Junius Moderatus Columella* Gaditanus, qui de re rustica, agrorumque cultu, neque rustice, neque inculte pertractavit. *M. Annaeus Lucanus* Cordubensis, Oratoribus potius, quam poetis annumerandus; quamvis carmine scripserit, mascula & concitata dictione. T. *Petronius Arbiter* Eques Romanus, scriptor purissimæ, ut inquit *Vossius*, impuritatis. C. *Silius Italicus*, qui majori cura, quam ingenio, carmina scripsisse fertur. C. *Valerius Flaccus* Campanus, qui *Apollonium* imitatus cecinit *Argonauticæ*.

cen. *Plinius Secundus* Veronensis, appellatus a Budæo veritatis antistes, cenforque liberrimus. *Q. Curtius Rufus* rerum ab Alexandro Macedone gestarum candidus, & elegans enarrator. *Epictetus* Hieropolitanus Philosophus Stoicus: cujus Enchiridion dici solet *Anima moralis philosophia*. *M. Valerius Martialis* Hispanus, a quo conscripta Epigrammata sale, felle, verborumque licentia. *M. Fabius Quintilianus* Calaguritanus, instituendæ pueritiæ artifex, & eloquentiæ magister. *Sextus Julius Frontinus* Vir Consularis, expositus, & minime verbosus Geometra. *Pub. Papinius Statius* Neapolitanus, Poeta cultissimus, prope ad Virgilianam majestatem accedens. *Fl. Josephus* sacerdotali regioque sanguine editus, quem S. Hieronymus Græcum Livium appellat. *Decius Junius Juvenalis* Aquinas, in Satyris, judicio Sciligeri, tanto melior Horatio, quanto Horatius Lucilio. (1)

COMMEMORAVIMUS in fine capitis quartæ *Acta Pilati*, & diximus non unum de iis esse virorum eruditissimorum judicium. Eadem quidem *Acta* extitisse compertum est; eadem etenim laudant Justinus Martyr in secunda Apologia ad Antoninum Pium, Tertullianus adversus Gentes cap. 21. & Eusebius libro 2. H. E. cap. 2. Adulterarunt ea tamen *Acta* tum Hæretici, ut inquit S. Epiphanius Hær. 1. num. 1., tum Gentiles, ut narrat prælaudatus Eusebius libro 9. cap. 5. Hac de re *Acta Pilati*, quæ citato cap. 4. inter dubia rejicimus, isto in loco rursus citavimus. *Plinium Secundum*, qui hoc labente Seculo, & inchoato sequente floruit, appellavimus *Veronensem* sequuti Christophorum Landinum, qui ejus

Histo-

(1) Fertur eodem anno, quo Ovidius, natus Romæ *Albius Tibullus* Hirtio & Pansa Coss. ab U. C. 711. Utriusque amicus fuit *Sex. Aurelius Propertius* ex Mevania Umbræ oppido. Floruerunt eodem tempore *Cassius Severus* Parmensis, *Domitius Marfus*, & alii, ut *Athenodorus* Tarsensis, *Socion* Alexandrinus magister Senecæ præstantes philosophi. Grammatici item *Theon* & *Apion* Alexandria Romanæ profecti, *M. Verrius Flaccus*, *Menelaus* de quo Genebrardus: Oratores per celebres *Q. Atherius*, *Cassius Severus*, *Clodius Arelatenis*, *Suvculus* Toloſanus; atque poetæ haud obsecuti, *Petronius* impurissimus, *Julius Pomponius* Tragicus comparatus Pindaro, *Sulpitia* matrona, &c. Claruit quoque imperante Augusto (nescio an ad Christi ætatem pervenerit) *Manlius*, cuius opera perfectum Obeliscum ad deprehendendas Solis umbras, ætate nostra effossum in Campo Martio, colligimus ex Plinio libro 36. cap. 10. A Manilio, qui Carmine tradidit Astronomiam, secernendus videtur. Synchronus huic *Strabo* Cretensis, *Pomponius Mela* Cosmographus, *Priscianus* Cæsarensis, & *C. Julius Solinus* Grammatici, prælaudatus *Plinius II.* Veronensis ad Imp. Domitianum libris XXXVII. Historiarum conscriptis, *Theo* Smyrnæus, alique hoc primo Seculo cæsisse satis dicuntur. Inter quos memorandus *Aurelius Cornelijs Celsus* rei Medicæ peritissimus, qui floruit sub Tiberio, sive ut liis placet, imperante Nerone, integro ante Galenum Seculo, &c.

Historiam donavit Italica lingua, & hanc esse testatur opinionem multorum, innixam auctoritati ejusdem Plinii, qui sibi communem patriam esse testatur cum Valerio Catullo, proculdubio Veronensi. Vide Prolegomena Cl. Jo. Antonii Vulpii in Catullum cap. 4. At complures Plinium *Novocomensem* fecerunt. Nolumus huic urbi talem auferre concivem. *Plinii* hoc seculo mentionem fecimus, quoniam Domitiano Imperatori Historiam suam nuncupavit.

SECUNDUM ECCLESIAE

S E C U L U M :

C A P U T I.

DE ROMANÆ ECCLESIAE PASTORIBUS.

ROMANAM Ecclesiam secundo Seculo gubernarunt *Anacletus, Evaristus, Alexander, Sixtus, Telephorus, Hyginus, Pius, Anicetus, Soter, Eleutherus, & Victor.*

V. ANACLETUS Atheniensis, quem ob nominis similitudinem nonnulli confundunt cum Cletō, sedit post Clementem annis 2. computato tempore, quo Clementis in Chersonesum deportati gessit vices. Obiit itaque anno 100. Trajano A. III. & Julio Frontino Coss. dicata in Vaticano sacra Aede Petri. (1)

VI. POST Anacletum Ecclesiam rexit S. *Evaristus* Bethlehemita annis 9. nempe usq. ad annum 109. quo Consules extiterunt A. Corn. Palma II. & C. Calvisius Tullus II. Coss. Distributi

(1) *Anacletum* post Clementem recensent ii quoque, qui *Cletum* omiserunt, ut lib. 2. contra Parmen. Optatus, & Epistola 165. ad Generosum Augustinus. In vetustissimis autem diptychis Romanae Ecclesiae, & in melioris notae catalogis Pontifices hoc ordine numerantur, *Petrus, Linus, Cletus, Clemens, Anacletus*. Auctor Carminis contra Marcionem *Anacletum* praeposit Clementi. Nonnulli Graecorum pro *Ἀνκλάτω*, quod idem sonat, ac *Revocato*, scribere *Ἀνεκλάτω*, *inculpato* scilicet, seu *irreprehensio*. Hinc Papebrochius contendens *Cletum* & *Anacletum* fuisse eundem Pontificem, inquit, Lini successorem *Cletum* ab Urbe expulsum a Vespasiano suadente Musonio cessisse Pontificatum Clementi, ipsoque Clemente jussu Domitiani pulso in exilium rursus *Cletum* pristina sedem occupasse; idemque appellatum fuisse *Anacletum*, nempe in Apostolicam Cathedram *Revocatum*. Verum istiusmodi conjecturis, quibus certiora testimonia adverantur, innitendum non esse alii nos admonent.

tributi ab Evaristo Tituli presbyteri, sacra nempe loca concionibus, & Sacramentis administrandis percommoda.

VII. SUCCESSIT *S. Alexander* Romanus, cui ritum benedicendi, & adspargendi lustrali Aquam adtribuunt. Seditque annis 8. usque ad Consulatum *Quinctii Nigri*, & *Aproniani*, nempe usque ad annum Ch. 117. (1)

VIII. DEINDE Pontificatum tenuit *S. Sixtus I.* qui post decennium subiit martyrium anno 127. Consulatum gerentibus *Gallicano*, & *Casio Titiano*. Trisagion liturgiæ a Sixto additum, formatasque litteras, unionis Ecclesiarum tesseram, ajunt indicatas.

IX. ADMINISTRAVIT deinde Ecclesiam *S. Telesphorus* natione Græcus ab anno 127. usque ad annum 138. intervallo undecim annorum: eremiticæ vitæ olim cultor, jejunii quadragesimalis inculcator, & coronatus martyrio in Consulatu *Sulpicii Camerini*, & *Q. Nigri Magni*.

X. EPISCOPATVM tum obtinuit *S. Hyginus* natus Athenis, post 4. annos, nempe an. 142. Coss. *Rufino* & *Quadrato*, damnato Cerdone, compositoque Clero, martyr effectus.

XI. SUBROGATUS Hygino *S. Pius I.* Aquilejensis. Is iussit, ut Pascha die Dominico juxta traditionem Apostolicam celebraretur: & postquam sedisset annis 16. non exactis, in Consulatu *M. Cesonii Silvani* & *C. Serii Augurini*, nempe anno 156., aut sequenti, sanguinem pro Christo fudit.

XII. REXIT postea Ecclesiam per annos 12. *S. Anicetus* natione Syrus, qui anno 168 in *Paulli*, & *Montani* Consulatu fuit præclara morte sublatus.

XIII. DEINDE Episcopatum Urbis suscepit *Soter* Fundis in Campania ortus, beneficentia in Christianos ad metalla damnatos, & in exilium detrusos clarissimus: cujus beata mors contigit octo regiminis annis expletis, idest, anno Domini 177. Coss. *Aurelio Commodo*, & *Plautio Quintillo*.

XIV.

(1) Heuschenius in Apparatu ad Chronologiam Pontificiam, & Papebrochius in Conatu Chronico-historico tradunt sedisse Alexandrum a Consulatu *Cornelii Palma*. & *C. Calvisii Tulli*, idest, ab anno 109. usque ad Cons. *Æmilii Eliani*, & *Lucii Antistii Veneris*, nempe, ad annum 116. exactum. Innotuntur antiquo Catalogo conscripto tempore *Liberii Papæ*. Alexandrum coronatum martyrio anno 117. quinto *Nomias* Majas alii tradunt. Uterque Pagius statuit *Anacletum* inauguratum Pontificem Maximum anno 85. *Evaristum* anno 95. Alexandrum anno 108. *Sixtum* 116. *Telesphorum* 116. *Hyginum* 137. *Pium* 141. *Anicetum* 151. *Soteren* 161. *Eleutherum* 170 & *Victorem* anno 185. Nos præmissa Seculo 1. Chronologia ad hanc impulit supputationem. Figentes tamen *Soteris* obitum in anno 177. *Eleutheri* in anno 192. hujusque seculi exitum in anno *Victoris* 9. consentientes habemus viros clarissimos.

XIV. SEDIT postea S. *Eleutherus* Nicopolitanus usque ad annum 192. quo anno expletis Episcopatus sui annis 15., *Commodo A. VII. & Pertinace II. Coss.* sancto fine quievit. (1)

XV. VICTOR Afer fuit successor Eleutheri: cui gravis cum Asiaticis de die celebrandi Paschatis contentio. (2) Decessit autem Pontificatus sui anno 10. & *Æræ Christianæ 201. L. Annio Fabiano, & M. Nonio Muciano* gerentibus Consulatam.

PATRIARCHARUM NOMINA.

SECUNDO Seculo Alexandria post Cerdonem federunt *Primus, Justus, Hymenæus, Marcianus, Celadion, Agrippinus, Julianus, & Demetrius*. Antiochiæ post Ignatium M. *Hero, Cornelius, Heros, Theophilus, Maximus, & Serapion*. Jerosolymis post Simeonem *Justus, Zaccheus, Tobias, Benjamin, Joannes, Mathias, Philippus, Seneca, Justus II., Levi, Ephras, Josès, Judas, (†) Marcus, Cassianus, Publius, Maximus, Julianus, Gajanus, Symmachus, Gajus, Julianus II., Capito, Maximus II., Antoninus, Valens, Dolichianus, Narcissus.*

C A P U T II.

DE SECUNDI ECCLESIE SECULI CONCILIIS.

QUI de Conciliis pertractant, solent communiter unum duntaxat coactum *Romæ* a Victore circa annum 198. commemorare; in quo statutum fuit non alia die celebrandum esse Pascha, quam Dominica ad Martii plenilunium sequente.

DE EADEM tamen re plura alia circa idem tempus habita fuerunt Concilia, quæ lib. 5. cap. 23. & seq. laudat Eusebius. *Cæsareense* in Palæstina sub Theophilo: in *Ponto* Ecclesiarum provinciæ Osdroenæ sub Palma: *Corinthiacum* sub Bacchyllo: *Lugdunense* sub Irenæo. Concilia hæc omnia Victoris, Romanæque Synodi comprobavere sententiam.

CON-

(1) Eusebius lib. 5. H. E. cap. 6. enumeratis Romanis Pontificibus usque ad Eleutherum inquit, Valefio interprete: *Hæc serie, & successione tum studio Apostolorum in Ecclesia, tum veritatis predicatio ad nos usque pervenit.* Ex legitima Pontificum successione comprobari veritatem Apostolicarum traditionum docet etiam S. Irenæus lib. 3. adv. Hæ. cap. 2. & 3.

(2) Ante Victorem quo die celebrandum sit Pascha definiat S. Pius. Vide Spondanum ad annum 159.

(†) Qui sequuntur, non fuerunt *Judei* genere.

CONTRA *Ephesina* Asiaticorum Synodus sub Polycrate statuit Pascha celebrandum luna 14. in quamcumque hebdomadae diem incidisset.

AUCTOR libri *Prædestinati*, & Baluzius meminerunt Synodi *Pergamensis* sub Theodoto, adversus hæresim Colorbasi paullo post describendam. At eruditi de hujus Synodi tempore non consentiunt.

IN LIBELLO *Synodico* recensetur quoque Concilium *Hierapolitanum* sub Apollinario contra Montanum & Theodotum Coriarium; atque hoc Concilium a nonnullis refertur ad annum Christi 173.

MEMINERUNT nonnulli Concilii cujusdam *Sicilie* sub Eulathio Episcopo Lilybæorum, ac Theodoro Panormitano, adversus Heracleonem hæreticum.

C A P U T III.

HERETICI SECUNDI SECVLI RECENSENTUR.

AGMEN Hæreticorum hujus seculi ducit *Carpocrates*. Alexandrinum vocat Clemens Alexandrinus, Epiphanius Samosatensem, Gnosticorum, hoc nomen sibi ob rerum notitiam arrogantium, Conditorem Eusebius. Erupit Carpocratis hæresis sedente in Petri Cathedra Aniceto. Ea Simonis & Cerinthi innovabantur figmenta, mundum non esse productum a Deo, dari transmigrationem animarum. Christum genitum esse ex concubitu, apparenter dantaxat subiisse crucem, omnemque licitam esse incestæ libidinis turpitudinem.

VALENTINI hæresis fabulosa Æonum procreatrix erupit imperante Antonino Pio. Fuit autem illè Ægyptius, patria Phrebonites. Fuerunt Valentini discipuli *Secundus*, *Protonicus*, *Marcus*, *Bardefanes* (1), *Colorbasus*, *Heracleon*, alii.

(1) *Bardefanes* juxta *Chronicum Edessenum* in lucem editum a Cl. Asseman, Edessæ natus est anno Ch. 154. S. Epiphanius H. 16. vixisse ait post mortem Abgari. Falli Epiphanium censet lib. 4. *Hist. Manich.* cap. 9. Beaufobre, quoniam Abgarus regnavit Edessæ ab anno 152. usque ad annum 187. Epiphanius autem eo loci tradit Bardefanem pervenisse ad imperium Lucii Veri. At Lucius Verus apoplexia correptus interit juxta Pagii *Chronologiam* anno 169. ideoque ante obitum Abgari. Nos ita Epiphanium intelligimus, ut Bardefanes vixerit sub Lucio Veri, & vitam protraxerit ultra obitum Abgari. Sunt vero plures, quibus nomen Abgari commune est; & ille, cui acceptus Bardefanes, fuit Abgarus filius *Maandæ*. Bardefanes ad frugem revocatus dicitur. Illius & Bardefanistarum conscripta Historiam Frid. Strunzius. Addendi *Floriniani* a Florino, & *Adamiæ*, quos hæc de Beaufobre exulare peculiari dissertatione conatur.

aliique nominis obscurioris: qui ad Æonum fabulam addiderunt commenta Basilidis; & , quod fuit Gnosticorum commune placitum, negarunt fas esse subire martyrium, & Christum corpus adsumpsisse æthereum dogmatizarunt.

FECUNDA Valentinianæ hæreseos foetura: illinc enim prodire, *Ophita*, *Archontici*, *Cajani*, & *Helcesita*. *Ophitæ* serpentem, a quo deceptus fuit Adam, *Sophiam*, seu Dei sapientiam putarunt, ab eoque nomen traxerunt; Græci enim serpentem *Ophim* vocant. *Archontici* spirituales substantias, tamquam ceterarum rerum principia venerabantur, ita appellati, quoniam *Archon* idem sonat ac princeps. *Cajani* Caim, ceterosq. turpiora perpetrantes facinora viris melioribus præferebant. *Helcesita* ab Helcesa Arabe denominati, Christum creaturam, & Spiritum sanctum feminam ejusque sororem esse dicebant; ad vitandam mortem thura immolabant idolis: jurabant per salem, ventum & elementa, tamquam per numina; ac pulverem hærentem pedibus, sputaque quarundam muliercularum religiose colligebant, & asservabant.

ENCRATITÆ auctorem habuerunt *Tatianum* Syrum, Sophistam, & Oratorem illustrem, qui floruit circa annum 170. Hi, præter Æones Valentinianos, damnarunt conjugia, negarunt Adami salutem, & a vino, etiam in sacris mysteriis, abstinerunt, dicti propterea Encratitæ *ἀπό ἰνκράτου*, quod significat esse continentem, ac temperantem.

MARCION Ponticus, patria Synopenfis, discipulus *Cerdonis*, hæresim disseminavit imperante Antonino Pio, appellatus *Antonianus hereticus sub Pio impius*. Fuerunt Marcionis dogmata, duo esse rerum omnium principia, unum bonum, alterum malum: (1) inhibitionem Adæ factam de non comendo

(1) Marcion Deo opposuit materiam innatam & infectam, deputavitque eidem materiem innatam ex Tertulliano lib. 1. cap. 15. Idem statuisse Bardesanem & Manetem asserit Epiphanius. Hinc plerique putant principium malum esse materiam innatam & informem, & ideo hanc adstruentes tradidisse mundum conditum ab angelis, quod Deo summo bono tribui nequeat creatio rerum materialium, quibus malum inhæret. Certe Hieronymus scribens ad Pammachium ait Marcionem dogmatizasse, a Deo bono invisibile, a Deo malo visibilia fuisse condita. Haustam hanc hæresim a Cerdone affirmat quoque Hæresi XVII. S. Philastrius. Diximus alibi, duarum principiorum, boni, & mali, dogma traditum olim fuisse a Zoroastre; & Marcionitarum, Manichæorumque principia patrum differre ab *Orosmade*, & *Arimanio* Persarum, *Iside* & *Osiride* Ægyptiorum, Græcorumque poetarum *Pandora*, & *Tiphone*.

dendo arboris fructu, legem, prophetarumque vaticinia, principii mali opus esse: Christum umbratilem assumpsisse carnem; & damnandas esse nuptias, tanquam intemperantiam ac stuprum. Quæ omnia circa annum 190. paucis immutatis adjectisque dogmatizavit *Apelles*.

VIXERAT ante Apellem *Montanus* e Mysia, oppidoque contermino Phrygiæ, Montanistarum, seu Cataphrygum parens. Duo ejus dogmata præcipua fuere; secundas nuptias a fornicatione nequaquam differre, & persecutionis tempore neminem posse fugam arripere. Illius insaniam, qua se spiritum Paracletum, impurasque feminas *Priscillam* & *Maximillam* divino afflatus numine prædicabat; non opus est patefacere. Montanum laqueo sibi gulam fregisse an. 172. tradit *Chronicum Eusebianum*. (1)

ACCESSERE *Theodotus Trapezita*, *Theodotus* alter *Coriarius* *Byzantinus*, *Artemon*, & *Hermogenes*. Affirmavit primus *Melchisedech* regem *Salem* fuisse Virtutem quamdam Christo superiorem. *Theodotus* *Coriarius*, & *Artemon* eundem Christum nudum hominem appellarunt: *Hermogenes* ædum *Stoicus*, pictor, falsarius, & adulter asseruit materiam Deo cœternam, & improductam.

C A P U T IV.

SECUNDI SEculi SCRIPTORES ECCLESIASTICI.

PERMULTI secundo Seculo floruerunt Scriptores: quorum agmen ducit *S. Ignatius*, *Θεόππος*; quoque appellatus. (1) Rexit is *Antiochenam Ecclesiam* post *Evodium* supra annos 40. atque a *Trajano*, qui bellaturus cum *Parthis* *Antiochiam* pervenerat, damnatus ad bestias, & *Romam* missus, ibi in *Amphitheatro* discerptus & comminutus fuit

Tom. L.

F

a leo-

(1) Montanistas, & præsertim horum unum, *Proclum* nomine, refutavit *Cajus presbyter*, cujus non semel meminuit *Eusebius*.

(2) An *Θεόππος* dictus sit, quod fuerit parvulus in ulnas sublatu a Domino, an quia ipse Christum fide, & sanctimoniam gestaverit, incertum. Videtur secunda opinio probabilior; nam in ejus Martyrio, quod edidit *Jacobus Usserius*, interrogatus *Ignatius*, quinam esset *Theophorus*, respondit; Is, qui Christum gestat in pectore. Passum *Sura & Seneciana Coss.* anno 107. ejus Acta apud *Ruinart* inveniunt. Sed vide ad hunc annum *Ant. Pagium*. De *Ignatianis* Epistolis egimus lib. 8. *Theol.* cap. 2. Ad illas, etiam ut editas a *Vossio*, & *Usserio*, rejiciendas tanquam spurias, post *Salmasium*, *Blondellum*, & *Dallæum*, nervos intendit in commentario de *Script. Eccl.* *Oudinus*. *Ignatii* martyrium Acta apud *Ruinart* referunt ad an. 107. *Norissus* in *Epist.* *Conulari* ad annum 113. *Pagius*, alique ad annum 116.

a leonibus anno 116. die 21. Novembris. Septem Ignatii epistolas eruditi fere omnes post multas altercationes receperunt, ut genuinas: at Opus inscriptum *Διδασκαλία*, quod in VII. libros Constit. Apost. quidam distributum fuisse affirmarunt, nullo certo testimonio eidem adscribitur.

SEQUITUR *Polycarpus* (1) Joannis discipulus, & Smyrnenfis Episcopus, cujus una extat ad Philippenfes epistola ab Eusebio, a Hieronymo, a Photio summis laudibus celebrata. In Actis Ecclesiæ Smyrnenfis apud Eusebium *lib. 4.* dicitur flamma consumptus VII. Kal. Majas. Annus passionis ejus incertus, creditur a plerisque 169.

JUSTINUS, qui gladio percussus sub M. Aurelio anno 163. migravit ad Dominum, ortus in civitate Samariæ Sichem, seu Neapoli Flavia, Philosophus Platonicus, duplici pro Christianis Apologia, confutatione Tryphonis Judæi, & Oratione Parænetica ad Græcos magnum sibi nomen comparavit; atque immerito dicitur a Sandio, & Episcopo negasse Verbi divinitatem. (2)

PUGNAVIT contra hæreses præsertim Valentinianam egregio Opere *S. Irenæus* Polycarpi discipulus, & Episcopus Lugdunensis, qui in persecutione Severi martyrii retulit palmam anno 202. Græce scripsit, non ut Erasmus putavit, Latine; eumque Tertullianus contra Valent. cap. 5. fuisse testatur *doctrinatum omnium accuratissimum exploratorem*. (3)

GRASSANTE persecutione, Apologetica Scripta pro Christiana religione ediderunt *Melito Sardinus* anno 170. *Tatianus Syrus* sophista, & orator anno 172. *Athenagoras* philosophiæ Platoniciæ sectator circa annum 169. *Theophilus Antiochenus* eodem anno ad Christum conversus, atque Hermogenis, & Marcionis acerrimus insectator. *Apollinaris* Hierapolitanus, cujus libros commemorat libro 4. cap. 27. Eusebius, quique per eadem tempora floruit, M. Aurelio, &

L. Ve-

(1) Quo anno S. Polycarpus Romam venerit, incertum est. Pearsonius id contigisse scribit anno Christi 142. Tillemontius an. 161. at ceteris antiquior Eusebius anno 157. aut sequenti.

(2) *Justinus* cum Crescentio Philosopho Cynico de religione certavit.

(3) Qui Patrum traditionibus bellum indicunt, ut Dalsæus, Barbeyrac, Clericus, Buddeus, alii, in priorum Seculorum scriptoribus adnotant absurda Platoniciæ Philosophiæ, assertum angelorum cum mulieribus concubitus, regnum Millenariorum, erroresque hujusmodi, idque ad illorum elevandam auctoritatem: sed perpetam; neque enim in quæsiunculis, in quibus discrepant, sed in doctrina, cui Catholici dogmatis fundamenta nituntur, eorum consensionem plurimum valere affirmamus. Lege Canum lib. 7. de Locis Theologicis.

L. Vero imperantibus. Et *Aristides*, & *Quadratus*, de quibus hoc unum scimus, Apologias obtulisse Imperatori Hadriano, qui Trajano, ut paullo infra dicemus, successit.

INTER ceteros claruit; imperante Severo, & vergente hoc seculo ad finem *Tit. Fl. Clemens* Alexandrinus, discipulus Pantæni, & præceptor Origenis, ac presbyter, non Episcopus, (1) a multis *Christiane antiquitatis Varro* appellatus. Laudantur Clementis *Protrepticum* ad Gentes, libri tres *Paragogi*, & *Stromatum octo*. Reliqua ejus Opera perierunt. Inexhaustæ doctrinæ, & sacræ atque exoticæ eruditionis copia mirifice fuisse præditum asserunt omnes, maxime *Cyrellus Alexandrinus* lib. 10. contra *Julianum*, & *Eusebius* lib. 2. de *Præparat. Evang.* necnon *Hieronymus* de *Script. Eccles.* (2)

FLORUERUNT eodem seculo alii percelebres, quos memorasse sat erit; nimirum *Abercius* Hierapolitanus, in cujus libro de disciplina Apostolicum fulsisse spiritum affirmat *Baronius* ad an. 163. n. 15. *Dionysius* Episcopus Corinthiorum martyrium perpassus circa annum 170. cujus epistolæ laudat lib. 4. cap. 23. *Eusebius*. *Hegesippus* ex Judæo Christianus, qui obiit imperante Commodus. Ejus libri de martyrio Jacobi fratris Domini, & *Simeonis Cleophæ filii*, alique de *Jerosolymitana Ecclesia*, & de *Seētis Judaicis* etiamnum extant. *Musanus* Encratitarum, ac *Modestus* Marcionitarum profligator, qui ambo vivebant an. 176. *Miltiades* rhetor, qui floruit circa annum 180. dictus a *Tertulliano* *Ecclesiarum Sophista*. *Asterius Urbanus* insectator Montanistarum, de quo *Eusebius* lib. 5. cap. 16.

F 2

Sera

(1) Episcopum tamen ac Præsulem dixit *Jacobus Gaddius* tom. 1. pagina 128. & *Christianus Lupus* Dissert. Proœmiali in Canones Nicænos cap. 10. tradit, antiquam fuisse Alexandrinæ Ecclesiæ consuetudinem, abrogatam tamen ab *Heraclea Patriarcha*, ut omnes presbyteri Episcopali consecratione decorarentur; ejus consuetudinis proferat congruam quoque rationem. Sedit *Heracles* III. Seculo, & *Clemente* e vivis sublato.

(2) Addendi *Aquila* Ponticus appellatus a *Hieronymo* *propheta* & *controversus interpres*, alicubi tamen laudatus, *Aristo Pellaus* Palæstinus auctor dissertationis *Jasonis*, & *Papisci*, & *Pantenus*, quam *Clemens Alexandrinus* ejus, ut diximus, auditor appellavit *Apim* *Stulam*. Item *Agrippa Castor* debellator *Basilidis*, laudatus a *Hieronymo* in Catalogo, *Papias* Hierapolitanus Episcopus *Chiliastrum* auctor, *Philippus* Cretensis Antistes *Marcionis* confutator, *Apollonius* Senator Romanus, qui scripto & sanguine pro fide Christi certavit, *Polycrates* Ephesinus *Quartadecimanus*, *Athenogenes* clarus doctrina ac martyrio; *Rhodon* Asiæ *Marcionis* impugnator, de quo *Nicephorus* post *Eusebium* & *Hieronymum*; *Heracitus* qui *Commentarios* edidit in *Epistolâ Pauli*, & *Candidus* qui scripsit in *Hexameron*, pariter ab *Eusebio*, & a *S. Hieronymo* laudati.

Serapion Antiochenus eorumdem hæreticorum debellator & hostis. *Theophilus* Cæsareensis, qui de die celebrandi Paschatis scribebat anno 196. *Maximus*, qui adversus Marcionem disputavit de origine mali, laudatus ab Eusebio lib. 7. Præp. Evang. cap. 22., male autem ab Huetio in Appendice ad *Origenian.* ad ætatem Constantini Magni detrusus.

COMMÉMORANDUS demum foret *Tertullianus*; sed quoniam dicitur vita functus circa annum 220. opportunius videtur de illo in historia proximi seculi pertractare.

C A P U T V.

DE ROMANIS IMPERATORIBUS, ET DE VIRIS CORONATIS MARTYRIO, ET SANCTI- TATE CONSPICUIS.

MULPIUS *Trajanus*, qui anno Ch. 98. successit Nervæ, ineunte secundo Seculo moderabatur imperium, tato tunc in urbe Ciliciæ Salinunte, *Q. Nigro* & *Vipsanio Aproniano* Coss. anno 117. die 10. Augusti. Tertiam excitavit in Christianos persecutionem anno 107. & anilis est fabula, illius animam precibus S. Gregorii Magni fuisse ab inferis liberatam. (1) In ea persecutione affixus cruci *Simeon* Jerosolymorum Episcopus citato anno 107. ætatis suæ 120. De *Ignatio* diximus præced. cap. Combustæ Antiochiæ mulieres quinque, earumque cineres permixtæ metallis, ex quibus conlati fuerunt in thermarum usum lebetes. Passi tum *Cæsarius* diaconus, & *Julianus* presbyter *Tarracinæ*, in Portu Romano *Hyacinthus*, *Heliopoli* *Eudocia*, *Edessæ* Episcopus *Barsimus*, ac *Sarbelius*, & *Burbea* ejus soror, Romæ *Victorinus* Episcopus *Amiterni*, & *Romulus* aulæ ipsius *Trajan* præfectus. (2)

Post

(1) Tametsi anno 102. *Plinio* in Bithynia Proconsuli *Trajanus* edixerit Christianos non esse inquirendos, jussit tamen accusatos puniri, quod huiusmodi magnam præbuit occasionem nocendi.

(2) Obierunt circa hæc tempora *Titus* discipulus *Pauli*, & *Marcus* adolescens sub *Antono*; *Alexander* item martyr, quorum Inscriptiones profert in Itinere Italico Cl. *Mabillonius*. Innumeros cineres Sanctarum celebrat hymno XI. vers. 140. ad *Valerianum* *Prudentius*; ac plures resellunt *Dorwellum* adstruentem differt. XI Cyprianica Martyrum paucitatem. Inpetante *Traiano* *Barchochebas* dux Judæorum, qui se Messiam esse actabat, exquisitis suppliciis plurimos Christianos necavit. Inter Martyres recensent quoque Martyrologia *Antistium* Macedonem, *Phocam* Episcopum *Synopsis* in *Ponto*, *Maronem* sociolque, *Eustachium* cum *Theopis*a conjuge ac liberis, *Eutropium* Episcopum *Xanthi* ceterosque sub *Traiano* interiectos.

POST Trajanum indeptus imperium *Ælius Hadrianus*, Hispanus genere, opera Plotinæ uxoris ejusdem Cæsaris, quæ illius capta erat amore, principis adoptionem mentiris, rempublicamque rexit usque ad annum 138. quo hydrope, & sanguinis effusione tabescens obiit apud Bajas Campaniæ oppidum 6. Idus Julias, *Camerino & Magno Coss.* & ejus cineres urna aurea reconditi sunt in Urbe ad pontem *Ælium*. (1) Quamvis autem sub imperio Hadriani persecutio aliquantulum remitteretur, perpeffi tamen martyrium sunt prælaudati Romani Pontifices *Evarestus*, & *Alexander*, (2) *Justinus*, & *Publius* Atheniensis Episcopus, *Marius* dux militum, *Faustinus* presbyter & *Jovita* diaconus, *Sabina* nobilissima matrona Romana a *Seraphia* virgine Christianæ fidei instituta præceptis, *Symphorosa* cum septem filiis, & *Getulio* viro, atque *Amantio* fratre, ipsius Hadriani tribunis, aliique plurimi: quorum nomina in libro vitæ inveniuntur descripta.

ADPTAVERAT Hadrianus *Antoninum Pium* filium Anni Veri fratris Sabinæ uxoris suæ, atque is extincto imperatori successit; imperavitque ultra annos 22. abreptus placida morte somno simillima anno 161. die 7. Martii, *Coss. M. Aurel. Antonino III. & L. Ælio Commod.* (3) A cæde Christianorum penitus Antoninum non abstinuisse, evincitur ex inscriptione Alexandri Mart. reperta in Cœmeterio Callisti, & ex Actis S. Felicitatis, & septem filiorum, quos nolentes idolis sacrificare vario poenarum genere affecit.

SED crudelius sæviit Gentilium furor, imperium moderante *M. Aurelio Antonino Vero*. Is, qui Pii gener erat,

F 3

vir

-
- (1) Hadrianum instante morte fecisse Spartianus inquit hosce versus:
Animula, vogula, blandula,
Hospes comesque corporis,
Que nunc abibis in loca?
Pollidula, rigida, nudula,
Nec, ut soles, dabis jocos?

Paraverat sibi tumulum ex pario lapide, quoniam Mausoleum Augusti oppletum erat. Ubi moles illa Hadriani, extat modo arx S. Angeli.

(2) *Alexandrum*, cum duobus presbyteris *Evensio & Theodulo* passum sub Aureliano Acta quædam testantur. Intellige Aurelianium Comittem & Judicem, non *Aurelianum* Imperatorem, ut legitur in quibusdam exemplaribus Ussardi. Passus circa hæc tempora *Onesimus* Pauli discipulus.

(3) *Antoninus Pius* ab anno 138. usque ad annum 161. tenuit imperium, eique successit *M. Aurelius Antoninus*, qui imperavit usque ad annum 180. Interea tamen ab anno 161. usque ad annum 169. rempublicam administravit etiam *Lucius Verus*, quem *M. Aurelius* adscivit in consortium imperii. Primum duorum simul imperantium exemplum.

vir nempe Valeriæ Faustinae ejus filia, principatum exercuit usque ad annum 180. quo anno interiit apud Vindobonam, nunc Viennam Austriae, 16. die Martii, *Fulvio Bruttio II. & Quintilio Candiano Coss.* Exorta hoc Cæsare IV. Ecclesiae Persecutio anno 162. in qua sepeliendis martyribus, alendisque pauperibus pietatem exercuere *Pastor* presbyter R. E., & *Pudentiana* atque *Praxedes* Virgines. Præter Justinum Romanosque Pontifices Pium, Anicetum, & Soterem superius laudatos, martyrii palmam sub M. Aurelio consecuti fuerunt circa an. 167. duodecim Philadelphenses, Smyrnae *Pionius*, Pergami *Parvus*, *Papylus*, & *Agathonica*, Martyres Lugdunenses 48. anno 177. quorum cineres projectos in Rhodanum scribit Augustinus in lib. de cura gerenda pro mortuis num. 8., Augustoduni *Symphorianus*, *Hermias* in Ponto, Atinae *Julianus*, Pontianus Spoleti, in Sardinia *Potitus*, Lugduni *Epipolius & Alexander*, Apameæ in Phrygia *Alexander* alter & *Cajus*, Cabilone *Marcellus*, Trinurtii *Valerianus*, Sidotece *Andochius*, *Thirsus*, & *Felix*, Mediolani *Gervasius & Protasius*, Vesuntii *Ferreolus* presbyter cum *Ferrutio* diacono, Valentia Allobrogum *Felix* presbyter cum diaconis *Fortunato & Achilleo*, Divinione *Benignus*, Sagaris *Laodicea*, Heraclææ *Glyceria*: quos ex ingenti Martyrum numero sufficiat commemorasse. (1) M. Aurelio cum Quadis ultra Danubium bellum gerente, & siti premente exercitum, Christianorum militum precibus & cælo prodigiosum cecidisse imbrem, & hostes fulminibus in fugam versos, Eusebius lib. 5. cap. 5. alique Scriptores posterorum memoriae tradiderunt. (2)

REGNAVIT post M. Aurelium L. Aurel. Commodus ejus filius, Marcia concubinae insidiis præsentissimo hausto veneno, dum illud evomeret, a Narcisso palæstrita suffocatus pridie Cal. Januarias anno 192. ipso Augusto VII. & P. Helvio Pertinace II. Coss. (3) Tranquillior fuit sub hoc prin-

(1) Apud Eusebium lib. 4. cap. 1. inter Martyres Lugdunenses commemorantur *Maurus* neophytus, *Asalus* Pergamenus, *Blandina*, & *Biblis*, *Ponticus* adulescens, & *Phoebus* Episcopus major nonagenario. Ex illo capite constat Gentiles objecisse Christianis Thyseas cœnas, & incestos Oedipi concubitus.

(2) Hanc Pluviam Gentiles diis suis referebant acceptam, ut constat ex nummis, & ex sculpta in columna Antonini imagine Jovis Pluvii. Vide citato loco Eusebium, & adnotationes Valesii. Ven. Baronius plura ad annum 176. De nomine legionis *fulminæ*, seu *fulminatrici*, quo designantur illi milites, complures adversantur Eusebio.

(3) Commodus uxorem habuit Crispinam Quintilii filiam, concubinas autem CCC. Apocritus fuit Cæsar anno Cn. 166. & anno proximo

principe status Ecclesiæ; tametsi anno 185. juxta Ruinar-
tium capitali sententia damnatus sit *Apollonius* ordinis Se-
natorii, a proprio servo delatus Perenni præfecto.

ARRIPUIT extincto Commodo imperium *P. Helvius Per-
tinax* ex civitate Alba Pompeja in Gallia Cisalpina ad Ta-
narum sita: sed Pertinace interfecto cum vix dies 88. im-
perasset, anno 193. die 28. Martii, imperium a Prætorianis pecuniæ pollicitatione, armorumque vi occupavit *M. Didius Severus Julianus Mediolanensis*: qui tamen promissorum inmemor a gregario milite trucidatus fuit eodem anno 193. Kalendis junii, *Q. Sesto, & Julio Erutio Coss.*

Renunciatus ab ea die imperator *L. Septimius Severus Pertinax*, interim Pescennio Nigro in Syria & Clodio Albino in Britannia imperii sibi arrogantibus auctoritatem: quorum unum apud Antiochiam proximo anno 194. Severus superavit; alterum vero sibi conciliare studuit oblata Cæsaris dignitate. (1) Movit Severus adversus Ecclesiam Persecutionem V. de qua proximo seculo tertio.

CAPUT VI.

QUENAM SECUNDO VERTENTE SEculo FUERIT
ECCLESIE DOCTRINA, AC DISCIPLINA.

EADEM semper, & invariabilis fuit doctrina Ecclesiæ,
sed pro temporum opportunitate juxta Apostolorum
traditiones majori in lumine collocata. Ipsæ traditiones,
F 4 quas

Augustus. Sororem Lucillam occidit, quæstionem exercente Perenne.
Perstringit illius vitia *Lampridius*. Sprevisse prudentum consilia scribit
Herodianus. Christianis pepercisse fertur ob preces concubinae suæ *Martine*. Latam ab eo legem adversus delatores Christianorum, punitumque
fractis cruribus accusatorem *Apollonii Martyris*, tradit *Eusebius* lib. 5.
cap. 21. Ceterum de *M. Aur. Antonino*, cognomento *Philosopho*, Com-
modi patre, ita *Aufonius*:

*Successore suo moriens, sed Principe pravo,
Hoc solo patria, quod genus, nocuit.*

Julius Capitolinus Commodum ex illegitimo concubitu natum putat.
Fuit enim *Faustina* ejus mater adulterii infamis.

(1) Severus parentes habuit *Marcum Getam*, & *Fulviam Piam*. Co-
gnominatus est *Pertinax* in honorem *Helvii Pertina*-is trucidati a *Didio*
Juliano. Ante imperium militari sorte obtinuerat Quæsturam *Boeticam*,
tum *Sardiniam*, postea legationem *Proconsulis Africæ*, deinde creatus
Tribunus plebis, & *Lugdunensis provincie Legatus*. Salutatus est imperator
apud *Carnutum* a Legionibus Germanicis. Lege *Asium Spartianum*.
Dicitur solus ex Atris ad Imperium evehus: unde *Aufonius*,

*Punica origo illi, sed qui virtute probaret,
Non obistere locum, cum vales ingenium.*

quas semper negarunt heterodoxi, a Romana Sede repetendas lib. 3. cap. 2. & 3. demonstrat adversus Valentinianos S. Irenæus. Is, alique Patres in dogmate Trinitatis convenere; atque de iis evulsi & eradicati sunt cuncti recentiorum hæreticorum scrupuli. Nævi quidam in PP. scriptis notati labefactare nequeunt fidem communi consensu firmatam. Celebrandum Pascha die Dominico, non luna 14. Statuta Pontificum, & hujus Seculi Concilia demonstrant. Adventus Polycarpi ab Asiaticis pro ea quæstione missi Romam ad Anicetum, & legatio Irenæi ad Eleutherum nomine Martyrum Lugdunensium; docent servandam esse cum Ecclesia Romana unionem, & majores causas ad Sedem Apostolicam referendas. Martyrum cultus, Sanctorum gloria, Paræciarum institutio, & Ecclesiastica hierarchia habent ex historia secundi seculi locupletissima testimonia. Sanctificatio item diei Solis, & fidelium conventus ad agendam Synaxim eodem seculo enituit.

QUANTUM attinet ad disciplinam, didicimus ex Justino collectis aliqua in domo tanquam in Templo fidelibus, illic Commentaria Apostolorum cum aliis divinis libris fuisse lecta, habitum Sacerdotis sermonem, oblatam deinde Eucharistiam. Hæc etiam laicis sub utraque specie fuit administrata, & lactentibus ori infusa Divini poculi pars exigua. Sævientibus persecutionibus data in laicorum manus ad proprios ferenda lares. Baptizandi ter in aquam in Trinitatis nomine nudi immergebantur. Adhibitas ceremonias Exorcismi, insufflationis, inunctionis, & impositionis manuum Sacerdotis baptismum administrantis, scripta Patrum declarant. Mel quoque, & lac degustandum tradebatur baptizatis ad spiritualem nativitatem, morumque simplicitatem, & innocentiam significandam. Fideles diebus Dominicis stantes orabant, ac ut plurimum facie ad Orientem conversa. (1)

AP-

(1) Tempia secundo Seculo peculiaribus in locis constructa. Talia fuisse distributi ab Evaristo Tituli. Inter istos domus Euprepie. Dicata a Pio successore Hypini Ecclesia in Thermis Novati. Enituit illic Præxedis virginis pietas. Est eadem sacra ædes perantiquus *Pæstoris* titulus. Reliquos alibi descripsimus. Septem Diaconis ad curam pauperum gerendam commissæ Urbis regiones; qui propterea appellati sunt *Regionarii*. Ex Ignatii Martyris epistolis accepimus ratam non fuisse sine Episcopo Eucharistiam, hujusque oblationem. Baptismum item ab illo, aut ejus saltem nutu, administrandum. Inde & *Hierarchiam*, ordinesque sacerdotum ministrorum didicimus, & Episcoporum præsertim a presbyteris distinctionem.

A P P E N D I X

DE EXTERNIS REBUS.

ANNO 101. *Trajanus* Decebalum Dacorum regem bello vicit. 102. Dacia in provinciam redacta: devicti Arabes: impositus pons Danubio. 103. Actus a *Trajano* de Dacis triumphus. 104. Alimenta ab imperatore 5000. pueris Italis assignata. 105. *Ædificatus* a *Trajano* portus Anconæ. 106. Secundo Dacico bello *Decebalus* sibi mortem conscivit. 107. Aquæ Martiæ ductus 23. milliariorum spatio refecti. 108. *Adrianus* Pannoniæ Pro-Prætor repressit Sarmatas. 109. Instaurata *Via Appia* a porta Urbis Capena ad Capuam usque atque inde Brundisium. 110. Dirutæ terræmotu tres Galatiæ urbes, ac Pantheon fulmine attactum. 111. *Trajanus* Romæ magnificas extruxit Bibliothecas. 112. Parthis Armeniisque bellum indictum. 113. Erecta in Foro, & dicata *Trajano* Columna. 114. Assyria venit in potestatem P. R. *Trajani* Forum, & Basilica Ulpia Romæ dicantur. (1) 115. Ingenti terræmotu quassata est Antiochia: Judæi Cyrenenses irruerunt in arma, & innumeros Romanos Græcosque occiderunt, eorumque viscera depasti sunt. 116. In eisdem Judæos Ægyptum vastantes missus a *Trajano* *Marcus Turbo* ingentem profstravit illorum numerum. 117. *Trajanus* Ctesiphontem cepit, ad Oceanum pervenit, Syriam adiit, in Cilicia decessit. 118. Remisit *Hadrianus*, crematis tabulis, Judæorum tributa. 119. *Trajanus* inter Deos relatus: Jerosolyma dicta est *Ælia*. Judæi in pago Terebintho equorum pretio venumdati. 120. *Hadrianus* in Sarmatas movit: everse terræmotu Nicomedia urbesque finitimæ. 121. Circum Romanum *Hadrianus* refecit. 122. Barbaros a Romanis muro 80. M. divisit. 123. *Ædem* Augusti *Tarracone* restituit. 124. Sacra Eleusina celebravit Athenis. 125. *Serenius Granus* Proconsul Asiæ iniquum credidit Christianos nullo objecto crimine occidi. 126. Transmisit *Hadrianus* in Africam. 127. *Jovis Olimpio* *Ædem*, sibi que Aram Athenis *Hadrianus* dicavit. 128.

(1) Coss. *Hasta*, & *Vopisco*, idest, anno 114. Judæi deficientes a *Trajano* eodem proximoque anno occiderunt in Ægypto hominum ducenta millia; atque in Cypro insula ducenta quadreginta millia itidem crucidarunt; ab hoc autem tempore capitale illis fuit illud appellere.

128. *Sabinam* dicit Augustam: cum rege Parthorum Cosrohe iniit amicitiam. 129. Terræmotu Nicopolis & Cæsarea corruerunt. 130. *Pelusium* veniens Imperator Pompejii tumulum magnificentissime ornavit. 131. Mergitur *Antinous*, quem Hadrianus perditæ amabat, in Nilo; refertur inter Deos, atque ex ejus nomine *Antinoia* civitas conditur. 132. Atheniensem miri operis bibliothecam *Hadrianus* extruxit, & edidit agonem. 133. Missus *Julius Severus* contra Judæos Palestinam depopulantes. 134. Equatæ solo 50. Judæorum arces, & 980. vici ferro & igne vastati. 135. Judæis omnibus agro Hierosolymitano interdictum. (1) 136. Alani contra Romanos concitati repressi sunt a *Flavio Arriano*. 137. Absolvit *Phlegon* Hadriani libertus Opus de *Olympiadibus*. 138. Obiit Calendis Januarii *Ælius Verus* ab Hadriano creatus Cæsar, & adoptatus. 139. *M. Aurelius* ab Antonino Pio renunciatus est Cæsar, 140. Obiit Antonini uxor *Faustina*. 141. *Marcion* advenit Romam. 145. Uno partu mulier enixa est quinque liberos, 158. Restituit *Antoninus Pius* ædem Augusti. 161. Sequuta est Antonini mortem ejus apotheosis. 162. Exundavit Tiber, & Parthi cæsis Romanorum copiis Syriam vastarunt, & occuparunt Armeniam, 163. In Armeniam *Statius Priscus* irrupit. 164. Parthi ultra Euphratem pelluntur, & *Vologeses* illorum rex a *Cassio* vincitur. 165. *Peregrinus Cynicus*, si fides habenda est Luciano, sese in rogam injecit. 166. Medos *Marcus Verus* invasit. 167. *M. Aurelius*, & *L. Verus* triumpharunt de Parthis. 168. *Avidius Cassius* vicit Bucolicos. Pestilentia multas vexavit provincias. 169. Germania Romanis subjicitur. 170. *Lucius Verus* extinguitur apoplexia. 172. Marcomanni transitu Danubii a *M. Aurelio* delentur. 173. In deditionem recepti, atque illorum plurimi in Italiam translati sunt. 174. Insignis de Quadis reportata victoria. 175. Arripuit *Avidius Cassius* tyrannidem: togam virilem induit *Commodus*. 176. Perii ex podagra in vico Hahale ad radices montis Tauri *Faustina* junior, conjunx *M. Aurelii*, sed adulteriis infamis. 177. *Commodus* Crispinam

(1) Ad annum imperii Hadriani 18. refert Eusebius lib. 4. cap. 6. edictum ne Judæi in regionem circa Hierosolymam sitam auderent pedem inferre, citatque Aristonem Pellæum. Auctor seditionis Judaicæ debitas penas perfolvit. Fuit is *Barchochebas*, quod nomen stellæ significat, commemoratus cap. 5. in Notis ad Trajanum. Hunc ad fucum Judæis faciendum stipulam in ore accensam anhelitu ventilasse, ut flammam evomere videretur, scribit S. Hieronymus II. adversus Rufinum Apologia.

spinam duxit uxorem . 178. De Quadis & Hermaduris relata Victoria . 179. A Paterno barbari superantur . 180. Sirmii M. *Aurelius Antoninus* decessit . 181. Triumphavit *Commodus* de Germanis . 182. Alexandriae *Serapidis* templum incenditur . 183. Daci & Germani recusantes *Commodi* imperium bello imperantur . 184. Britanni rebelles a ducibus Romanorum devicti . 185. In *Commodum* cum aliis conspiravit foror *Lucilla* . 187. Idem *Commodus* Anubim colit , & sacra *Isidis* celebrat . 189. Pestis in urbem Romanam , & in Italiam desæviit . 190. Fames grassatur Romæ , & evitatis insidiis *Commodus* *Cybeli* sacrificat . 191. Palatium , *Ædes Vestæ* , urbisque pars maxima incenditur . 192. *Marcia* pellicis , & *Electi* cubicularii *Commodus* interficitur . 193. *Pescennius Niger* a Syriacis Legionibus dicitur Imperator . 195. A *Severo* Nisibis , urbesque aliæ captæ fuerunt , vastata Arabia , Parthi , & *Adiabenzæ* devicti . 197. Byzantini ad deditionem compulsi . 198. *Albinus* in Galliis a *Severo* expugnatur . 199. Is ad bellum Parthicum proficiscitur . 200. Captæ a *Severo* *Babyloniæ* , *Seleucia* , *Ctesiphon* , ac tota *Parthiæ* provincia .

CELEBRES secundo Seculo humana sapientia fuerunt *Plutarchus* Cheronensis sacerdos *Pythii Apollinis* , qui *Ethica* , *Historica* , & *Politica* limatissimo stylo conscripsit , *Dio Chrysostomus* orator , quem *Synesius Aquilam* & *Cygnum* appellat *Aulus Gellius* Grammaticus Noctium Atticarum candidus elucubrator . *Cornelius Tacitus* , cujus dictio in Libris Historiarum uberior , in Annalibus pressior habetur . *Arrianus* Nicomediensis , *Epicteti* discipulus , philosophus , orator , historicus , dictus novus *Xenophon* . C. *Suetonius Tranquillus* , cujus XII. Cæsarum Vitæ plus habent nervorum , quam corporis . *Appianus Alexandrinus* scriptor historiæ utilioris viris militaribus , quam civilibus , *Claudius Ælianus* Prænestinus Attica præditus eloquentia . *Pausanias* Cappadox Græciæ antiquitates erudite , licet minus facunde , decem libris complexus . *Claudius Ptolomæus* Pelusiensis in Geographiis , & Astrologicis sapientissimus . (1) *Diogenes Laertius* Cilix

(1) Mittimus *Apollodorum* , *Sextum Julium Frontinum* , *Rob. Eliæ* , & *Rob. Ada Babylonium* . De *Claudio Ptolomæo* Alanus in Anti-Claudiano ;

Divitis ingenii vena Ptolomæus inundans

Deversus superas curru rationis in arces ,

Colligit astrorum numeros , loca , tempora , cursus .

Pervenisse traditur ad tempora *Marsi Antonini* , qui inauguratus est Imperator anno Chr. 161. *Epistetus* Hierapolitanus Philosophus Stoicus ,

Cilix veterum Philosophorum sedulus indagator. *Justinus* Historicus *Trogi Pompeji* præceptoris sui abbreviator nitidus, ac disertus. *Claudius Galenus* Pergamensis alterum ab Hippocrate decus Medicorum. *Athenæus* scriptor *Δειπνοσοφιστῶν*, idest *Sermonum Convivialium*, dictus ab aliquibus *Varro Græcorum*. *Hermogenes* Tarenſis rhetor, *Antiochus sophista* vocatus. *Lucius Apulejus* Platonius, de quo *Vives*, *Apulejus in Asino plane rudit*. *Lucianus* Samosatensis Atheus, qui, ut aiebat *Lactantius*, nec diis, nec hominibus pepercit. (1) *Julius Pollux* Naucratica laudatus ob varietatem & copiam verborum. *Celsus Epicureus*, qui fidem, moresque Christianorum Opere inscripto ἀληθολόγῳ oppugnavit. *Phlegontis* liberti Hadriani meminimus paullo supra. *Atticus*, Platonius, *Herodianus* Græcus Historicus, *Oppianus* Cilix, qui carmine scripsit de Piscibus, *Papinianus* cognominatus Asylum Juris, *Maximus* Tyrius philosophus, &c. (2)

TER-

cujus *Enchiridion* Græce scriptum Latinitate donavit Angelus Politianus; ac tantæ admirationis, ut ejusdem Epicteti lucerna fictilis venum ierit tribus drachmarum millibus. Existimo tamen fuisse aliquantulum seniore. Romæ enim servivit Epaphrodito familiari Neronis, & imperante Domitiano rediit in Phrygiam. Nero autem seipsum interemit anno Chr. 68 qua ætate cum Epictetus adultus fuerit, videtur mortem obiisse antequam M. Aur. Antoninus auspicaretur imperium. Accedit, quod sub Hadriano, qui an. Ch. 117. successit Trajano, floruit Flavius Arrianus Nicomediensis, Philosophus, Historicus, & Jureconsultus percelebris, alter *Xenophon* dictus, & qui Epicteti fuerat discipulus & auditor. Non abs re erit utriusque hoc in loco meminisse, licet Epictetum commemoraverimus in appendice I. Seculi.

(1) *Lucianus*, & *Celsus* circa idem tempus dicuntur vixisse, & illum quidam referunt ad Trajani ætatem, quidam ad Marci Aurelii, & ad Commodi imperium. *Lucianum* discerptum a canibus tradit Suidas.

(2) Hujus sunt generis *Plinius* Junior, qui Panegyricum dixit Trajano. *L. Florus* brevis, & expolitus Historicus, *Solinus* Polyhistor. *Dionysius* Milesius Historiographus, *Juvencius* & *Julius Cæsar* ICC. *Philostratus* scriptor Vitæ Apollonii Tyanci vaserriimi hominis, & Sophistarum, qui usque ad tempora Severi Imperatoris vixerunt. *Spartianus* in Adriano commemorat ICC. quibus is in causis dijudicandis utebatur: præter *Julium Celsum*, *Morantium Priscum*, *Domitium Laetorem*, & *Sesvium Julium*.

TERTIUM ECCLESIAE

S E C U L U M :

C A P U T I.

ROMANI ENUMERANTUR PONTIFICES.

PRÆFUERUNT Romanæ & Apostolicæ Ecclesiæ tertio Seculo *Zephyrinus, Callistus, Urbanus, Pontianus, Antherus, Fabianus, Cornelius, Lucius, Stephanus, Sixtus II. Dionysius, Felix, Eutychianus, & Cajus*: quos omnes inter Sanctos veneratur Ecclesia.

XVI. ZEPHIRINUS, qui Pontificatum inierat an. 201. decessit VIII. Kal. Sept. anno 319. juxta Baronium, cujus chronologia aberrat biennio, 321. Defecisse ad Montanistas videtur innuere cap. 1. adv. Praxeam Tertullianus, sed hujus libro *de Pudicitia* calumnia ista retunditur.

XVII. SUFFECTUS ei est *S. Callistus* 1. cujus Pontificatus ab anno 219. usque ad annum 224. protenditur. Eo anno post ædificatam Basilicam Transiberinam, & amplum in via Appia cœmeterium *Coss. Claudio Juliano II. & Crispino* in puteum demersus est pridie Id. Octobris, & ingestis ruderibus suffocatus. (1)

XVIII. TENUTI deinde Pontificatum *S. Urbanus* filius Pontiani Romani civis usque ad annum 231. quo martyrio coronatus est die 25. Maji, *Claudio Pompejano & Feliciano* gerentibus consulatum.

XIX. Creatus postea *S. Pontianus* Calpurnii filius, relegatus ab Alexandro Severo in Sardiniam, & sub Maximino fustibus cæsus die 14. Martii anno 235. *Severo, & Quintiano Coss.*

XX. ORDINATUS in ejus locum *Antherus*, qui nondum expleto Pontificatus anno, a Maximo P. V. 111. Nonas Janua-

(1) *Callistum* ad sacrum ministerium vasa argentea confasse tradit Ven. Baronius ad an. 233. Sacro regeneravit baptismate SS. Cæciliam, Valerianum, ac Tiburtium, de quibus infra cap. 5. Basilicam Transiberinam dicatam Visæini ab eodem Callisto Platina, Pagus, aliique asserunt. Idem Callistus Romanus fuit, & filius Domitii. Ejus decretalis, quæ exat 1. Conciliorum Volumine, & aliæ usque ad Siricium creduntur passim suppositiæ.

Januarias occiditur in tertio *Jul. Maximini A. Consulatu*, nempe anno 236. (1)

XXI. Post Antherum Pontificatum gessit *S. Fabianus* Romanus ad annum usque 250. electus, ut ajunt, columba super caput ejus desuper advolante; martyrioque coronatus in persecutione Decii, die 20. Januarii, ipso *Decio II. & Grato Coss.* (2)

XXII. GUBERNAVIT deinde Ecclesiam *S. Cornelius*, schisma constante Novatianus; & exortis circa lapsos contraversiis, coronatus & ipse Martyrio secundo Pontificatus sui anno. *Æ. V. 252. decimo octavo Cal. Octobris*, in consulatu *Galli, & Volusiani*.

XXIII. SEDIT deinde *Lucius* Porphyrii Romani filius, exiguo & ipse tempore; cum martyrium subierit in 2. Consulatu *Volusiani*, idest, proximo anno 253.

XXIV. LUCIO successit *Stephanus* patria Romanus, traditionis de non repetendo baptismo assertor, & vindex, (3) & fidei, quam effuso sanguine confirmavit, propugnator illustris. Obiit 4. Nonas Augusti, *Valeriano IV. & Gallieno III. Coss.* nempe anno 255.

XXV. EPISCOPATUM deinde gessit *Sixtus II.* Atheniensis uno tantum anno, animadversus in cœmeterio, ut inquit *S. Cyprianus*, non, ut ait *Prudentius*, affixus cruci, VIII. Idus Augusti, anno 258. *Coss. Tusco & Basso*.

XXVI. Ad Pontificatum evehctus est post Sixtum *Dionysius* presbyter Rom. E. a SS. Basilio, & Dionysio Alexandrino summopere commendatus: qui migravit ad Dominum die 26. Decembris an. 271. in 2. *Aureliani A.* consulatu. (4)

XXVII.

(1) Quidam hoc in loco intrudunt Pontificem *Cyriacum* nomine, de quo in Actis SS. Ursulæ, & Sociarum. Fatentur omnes eruditi hunc Pontificatum esse fictitium, Astorumque Ursulæ fidem labascere. Eai de his in dissertatione de SS. Pontiano, & Anthero. *Antherus* genere *Gæceus* fuit, diligens Astorum Martyrum collector, unde & habetur Martyrologii primus auctor.

(2) *S. Fabianus* damnavit *Privatum* Lambestanum Episcopum, etiam in Concilio 90. Episcoporum in Africa condemnatum. Ignota *Privati* hæresis. Missos a Fabiano in Gallias Apostolicos viros scribit *S. Gregorius Turonensis* lib. 1. Hist. Fr. Celebratur Idem *Fabianus* laudibus *S. Cypriani* ep. 56. ad Corn.

(3) Fuere qui controversias de hæreticorum baptismo inter *Stephanum* & *Cyprianum*, hujusque Concilia, & epistolas de eodem baptismo pertractantes rejecerunt inter apocrypha. Sed vide quæ scripsimus lib. 31. de *Tb. disc. cap. 13.* Lege & tres Joannis Sbaraleæ contra Missorium dissertationes, necnon secundam Epistolam *Eusebii Philaletis* ad *Franciscum Morenas*.

(4) Quidam eum *Antonio Pagio* censent *Diopysium* decessisse *Coss.*

XXVII. IN PETRI cathedra sedit post Dionysium *S. Felix I.* qui & martyr decessit III. Kal. Jun. anno 276. consulatum *Tacito & Æmiliano* gerentibus.

XXVIII. ROMANAM deinde Ecclesiam gubernavit *S. Eutychianus* Lunensis, qui suis manibus sepelivit martyres plusquam 342. Sedit autem an. 8. & decessit die 7. Decembris, an. 283. In Consul. *Caji A. II. & Carini.*

XXIX. CAJUS Dalmata, & Salonitatus ad Episcopatum Romanum post Eutychianum evectus, sanctissime illum administravit usque ad VI. Consulatum *Dioletiani*, idest, annum 296. coronatus X. Kal. Majas. Sedit postea *Marcellinus*, de quo in Seculo proximo.

PATRIARCHARUM NOMINA.

TERTIO Seculo præfuerunt Alexandrinæ Ecclesiæ post Demetrium *Heraclas, Dionysius, Maximus, Theonas*: Antiochena post Serapionem *Asclepiades, Philetus, Zebeus, Baby-las, Fabius, Demetrianus, Paulus Samosatenus, S. Domnus, Timotheus, & S. Cyrillus*: Jerosolymitanæ post Narcissum *Dio, Gordius, Alexander, Maxabanus, Hymenæus, & Zabdas.*

CAPUT II.

TERTII SEculi RECENSENTUR CONCILIA.

OCCURRUNT primo Synodi Rebaptizantium, nullius in Ecclesia auctoritatis. Quarum prior est Agrippini *Carthaginensis*, celebrata circa annum 215. Aliæ indictæ fuere ab Agrippini successore Cypriano, una anno 255. altera anno 256. & alia rursus eodem anno frequentior ac plenior. Eodem anno, sive, ut sentit Baronius, 258. coactæ item fuerunt Synodi *Iconii, & Synnada*, quibus omnibus rejicitur latum ab hæreticis baptisma.

DIXI eas Synodos nullius auctoritatis; quoniam valere hæreticorum baptismum decrevit Stephanus Papa, & ea quæstio finita postea fuit, ut inquit Augustinus, *Plenario Con-*

Claudio II. & Paterno, idest, anno 269. Petavius vero ait vita functum *Coss. Antiochiano & Orfito*, anno nimirum 270. Pagii autem hæc est Chronologia: *Zephyrinus* creatus fuit Pontifex anno 197. *Callistus* 217. *Urbanus* 222. *Pontianus* 230. *Antherus* 235. *Fabianus* 236. *Cornelius* 251. *Lucius* 252. *Stephanus* 253. *Sixtus II.* 257. *Dionysius* 259. *Felix I.* 269. *Eutychianus* 275. *Cajus* 283. *Marcellinus* 296.

Concilio, quod alii putant fuisse Nicænum, alii autem Arelatenſe.

IN CAUSA vero lapſorum, & contra libellaticos Synodis Patrum ſaluberrima edita fuerunt decreta: *Carthagine* ſub Cypriano an. 251. & 252. ac rurfus 254. in cauſa Baſilidis Legionenſis, & Martialis Aſturicenſis Epifcopi contendentium, quamvis Libellatici forent, propriis ſedibus reſtitui. Actam pariter de recipiendis lapſis ſub *Cornelio* an. 241. coaſto Romæ 60. Epifcoporum Concilio.

ADVERSUS hæreſes ea, quæ ſequuntur, indiſta ſunt. Contra Origenem anno 230. *Alexandrinum* ſub Demetrio. (1) Adverſus Privatum anno 140. *Lambeſitanum* in Africa. Adverſus Beryllum *Boſtrenum* in Arabia anno 244. Adverſus Noetum *Ephelinum* an. 255. Duobus *Antiochenis* 265. & 270. damnatus Paulus Samolaſatenus. (2)

C A P U T III.

HERETICI, ET HÆRETICORUM COMMENTA.

PRAXEAS a Phrygia, quem circa annum 209. refutavit Tertullianus, unus a Cataphrygibus, ſeu Montaniſtis, *Patripaſſianorum* ſectam inſtituit, eorum ſcilicet, qui aiebant Patrem deſcendiſſe in utero Virginis, & crucis ſubiſſe patibulum. Praxeam ſequenti ſunt *Beryllus*, & *Sabellius*; qui SS. Trinitatis perſonas tria duntaxat eſſe nomina putaverunt.

BERYLLUS Boſtrorum in Arabia Epifcopus, auſus aſſerere Dominum, antequam inter homines verſaretur non ſubſtiſſe in propriæ differentia Perſonæ, ut inquit Eufebius lib. 5. cap. 33. hæreſim diſſeminabat anno 230. *Noetus* Ephelinus, quamvis Theodoretus illum vocet Smyrnemſem, circa annum 145. veſtigia Berylli calcavit, & Chriſtum eundem eſſe cum Patre, & Spiritu Sancto dogmatizavit. *Sabellius* vero Ptolemaide natus circa annum 256. tam pervicaciter tres divinas Perſonas in unam hypotaſim, tanquam tres appellationes convenire affirmavit, ut ab ipſo Divinæ Triadis oppugnatoreſ denominentur *Sabelliani*.

PROPUGNAVIT Sabellianum dogma *Paulus Samolaſatenſis* favore

(1) Origenes ea in Synodo damnatus eſt, non propter hæreſim, ſed quoniam ordinatus fuerat in aliena diœceſi, & genitalibus abſciſſis. Vide diſſert. 4. in III. ſeculum.

(2) Alias Synodos contra Paulum celebratas innuit Eufebius Lib. 7. H. E. cap. 28. Poſtremam, quam conſignavimus anno 270. qui cum Pagio Dionyſii Papæ obitum ſigunt die 26. Decembris anni 269. ad hunc annum retrahunt, immo ad annum 266. Pearſonius.

favore Zenobiæ reginæ Palmyrenorum evectus ad Episcopatum Antiochenum, & damnatus duobus Conciliis supra commemoratis. (1)

VIXIT eodem Seculo *Novatus* presbyter Carthaginensis fautor Novatiani Antipapæ, qui circa annum 251. tradidit lapsis post baptismum non esse impendendam absolutionem. (2)

DETERIOR ceteris videtur hæresis *Manichæorum*, exorta anno 277. Hujus auctor *Cubricus*, Persarum lingua *Manes*, Græca *Manichæus*, quasi fundens manna, vocatus. Is duo principia post Marcionem, bonum unum, alterum malum constituit: hinc duas in homine oppositas animas, pugnam concupiscentiæ & rationis, certamen carnis & spiritus, & boni malique commixtionem in qualibet re creata adstruebat; a principe tenebrarum Vetus Testamentum, a Deo bono editum Novum opinabatur. Christum apparenter crucifixum, ejusque animam in globo solis residere putavit. Præluferunt ei *Terbinthus*, & *Scythianus*, his prædictus *Marcion*, & *Bardesanes* Syrus; atque istis Ægyptii, ac Persæ, qui *Isidem* & *Osiridem*, seu *Oromasdem* & *Arimanum*, aut qualicumque appellaverint nomine, duplicem invexerunt cunctarum rerum causam, bonam, & malam. (3)

FUERUNT hæretici alii nominis obscurioris: *Nepos* Ægyptius, qui Papiæ, sive Millenariorum recoxit errorem: *Valesii* sibimet, & hospitibus virilia secantes: *Angelici* cultum latræ angelis impendentes; & *Apostolici* eos, qui utuntur uxoribus, a sua arcantes communionē.

Tom. I.

G

CA-

(1) Paulum Samosatensem renovasse hæresim Artemonis, & Theodoti Coriarii, autumantium Christum nudum esse hominem, affirmat Eusebius lib. 5. Hist. Eccl. cap. 28. Cum summo dedecore Paulum ex Ecclesiâ exturbatum scribit idem Euseb. lib. 6. cap. 30.

(2) Auctores complures, præsertim Græci, Novatum cum Novatio confundunt, decepti nominum similitudine.

(3) Apud Eusebium lib. 6. H. E. cap. 37. memoratur hæresis quædam cognominata *Arabica*, asserentium animas hominum simul cum corporibus interire, & simul pariter resurrecturas, eandemque hæresim refutasse, & extinxisse fertur Origenes. *Rebaptizantes*, quorum memini superiori capite, & *Millenarios* quosdam, non Cerinthi, sed Papiæ Sectatores, quoniam errant, vel non explorata traditione, vel nondum expressis Ecclesiæ definitionibus, & quoniam abscissi non fuerunt a fidelium communione, non ausim hæreticos appellare. Meminit proximo capite 38. Eusebius hæresis *Helcosaisarum*, qui integrum Paulum repudiabant, & asebant indifferentem rem esse Christum abnegare, alia comminantes absurda: quæ tamen hæresis simul nata & extincta est. Videntur alia dogmatizasse ab Helcelitis, de quibus superiori Seculo cap. 3. Hos recensitos ab Eusebio sub Gordiano & Julio Philippo, hoc nempe Seculo III., describit Origenes in Psalmum 82.

CAPUT IV.

DE SCRIPTORIBUS ECCLESIASTICIS TERTII
SECVLI.

PRÆTERITO, ac præfenti feculo floruit *Q. Septimius Tertullianus* presbyter Carthaginensis, quem defecisse ad Montanistas tradunt circa an. 192. obiisse autem circa 220. Se fuisse Gentilem, & patre Centurione natum, prodidit in lib. de Spectaculis. Scriptor sententiis creber, locutione difficilis, pro Christiana religione strenue contra idololatrias pugnavit: Marcionem, Praxeam, Valentinianos, & Cainianos exagitavit; sed in plura etiam lapsus est paradoxa, affirmans rationalem animam, & fortassis etiam Deum, esse sui generis corpus, angelos cum filiabus Cain incestam perpetrasse libidinem, & secundas nuptias esse tanquam supra damnandas.

HIPPOLYTUS Portuensis Episcopus florebat circa annum 234. ad quem usque Chronicum suum protraxit, prout constat ex Cathedra ejus marmorea, anno 1551. reperta in Agro Verano, & asservata in Bibliotheca Vaticana. (1) Hujus martyrium hymno XI. πρ' σφ celebravit Aur. Prudentius.

EADFM cum Hippolyto ætate floruerunt *Minutius Felix*, *Ammonius Alexandrinus*, & *Julius Africanus*. Minutius in dialogo, quem inscripsit *Octavius*, refutavit profanorum fabulas, dictus propterea a Lactantio *idoneus veritatis assertor*: Ammonius cognomento *Sacca* edidit de *Concordia Moysi cum Jesu* Opus elegantissimum; & Julius Africanus tradidit concisa methodo Chronographiam, explanavit historiam Susannæ, & in epistola ad *Aristidem* Salvatoris nostri Genealogiam. (2)

FUIT Ammonii discipulus *Origenes Adamantius*, Alexandrinus natus ex Leonide martyre: an. 203. præfectus Cate-

(1) Scripsit Canonem Paschalem, annorumque XVI. periodum incipientem ab anno I. Alexandri Severi, Christi 222. de quo Canone Viri doctissimi *Egidius Boucherius*, *Franciscus Blanchinius*, & *Jo. Dominicus Cassinus*. An Hippolytus episcopus fuerit *Portus* Romani, an *Ponti*, an *Metropolita Arabis*, controvertitur. Quidam illum cum Hippolyto Thebano confundunt.

(2) *Serapionis*, qui scriptis revocare studuit ad frugem Dominum, qui persecutionis tempore a fide desciverat, meminit Eusebius lib. 6. H. E. cap. 12.

Catechumenis instituendis, sed ob audaciam, qua se eviravit, pulsus a Demetrio Episcopo Alexandria: ordinatus presbyter Hierosolymis ab Alexandro anno 228. & post varia itinera & discrimina mortuus Tyri anno 259. ætatis suæ 69. Innumera scripsit Opera, inter quæ eminent multiplices in libros utriusque Testamenti lucubrationes, & *Tetrapla*, *Hexapla*, & *Octapla*, accuratæ scilicet Versionum divinorum librorum Complexiones. Errores tamen docuit petmultos, ut Pelagianorum *ἀναμάρτιας*, spirituum, animarumque perpetuum circulum, & post iniquorum expiationem finem gehennæ. Damnatus fuit a Theophilo Alexandrino, ab Epiphanio in Synodo Cypria, & a Vigilio in V. Œcumenica: ejusque libri decreto Gelasii declarati fuerunt apocryphi. (1)

DIONYSIUS Alexandrinus Episcopus fuit auditor Origenis, obiitque anno 265. Colitur inter Sanctos a Græcis V. Non. Octob., a Latinis 15. Cal. Decembris. Laudantur ejus Epistolæ ad Fabium Antiochenum, Ammonem, & Cononem, & ad Cognominem Rom. Pontificem. Accusatus a Pentapolitanis de hæresi Sabelli naviter se ipsum purgavit.

PRÆTERMITTENDI non sunt S. *Cyprianus* Episcopus Charthagenensis, & S. *Gregorius* Neocæsariensis, cognomento Thaumaturgus. *Cyprianus* discessit quidem a sententia Stephani circa hæreticorum baptismum; sed errorem, si admisit, purgavit anno 258. falce martyrii. (2) In ceteris libris & Epistolis Ecclesiæ disciplinam, idolorum vanitatem, unitatem Ecclesiæ, Virginum, Sacerdotum, omniumque mores, servavit, ostendit, firmavit, instruxit.

GREGORIUS vero, qui & *Theodorus*, mirabilem operum patrator, & a Basilio Magno comparatus Apostolis,

G 2

& Pro-

(1) Claruerunt inter Origenis discipulos *Ambrosius* olim Marcionita, fidem amplexus cum *Theodotisto*, Maximino imperante; *Trypho* Sacræ Scripturæ peritus, sensusque allegorici scrutator; & *Beryllus*, qui fuit Episcopus Bostræ in Arabia, de quo cap. 3.

(2) Epistolas, quibus rejicitur hæreticorum baptisma, in dubium revocant nonnulli. Enituit ea in re Raymundi Missorii ingenium & elegantia. Missorio alii præhuserant, quibus adhæsit in sua Historia Eccles. Franciscus Morenas. In Missorium acuit stilum Joannes Sbaralea; in Morenam Eusebius Philalethes. Nostrium judicium pronuntiavimus Lib. 23. Theol. discipl. cap. 5 & lib. 31. cap. 13.

Cyprianus ad fidem Christianam conversus opera Cæcili presbyteri, hujus sibi cognomentum adscivit. Illius Vitam scripsit *Ponsius* ipsius Diaconus.

& Prophetis, relicta *μετάφρασις*, idest, *Expositione* in Ecclesiastem, & Epistola Canonica de Lapsis approbata a VI. Synodo, sancto fine quievit post Synodum Antiochenam anni 265. cui interfuit, & in qua Paulum Samosatensem damnavit; atque inter Sanctos colitur a Græcis, Latinisque XV. Calendas Decembris.

ADDO SYMMACHUM Samaritanum, qui edidit Græcam Veteris Testamenti Translationem. (1) *Cajum* presbyterum R. E. qui scripsit contra Artemonem, & Theodotum: *Geminum Antiochenum*, qui teste Hieronymo pauca reliquæ ingenii sui monumenta: *Hymenæum Hierosolymitanum*, cujus libros testatur se legisse S. Maximus Scholiasies S. Dionysii Areopagite: *Anatolium* Episcopum Laodicenum, qui *Canones Paschales* exaravit: *Commodianum*, qui se nominat *Mendicum Christi*, (2) scriptorem *Instructionum* adversus Paganos: *Archelaum* Cæchorum in Mesopotamia Episcopum, qui contra Manichæos disputavit: *Victorinum* Martyrem & Pannonia, qui in Sacros libros egidit *Commentaria*, omnesque hæreses exagitavit: *Pamphilum*, qui scripsit libros quinque *Apologeticos* pro Origene, & martyrii palmam obtinuit: *Lucianum* denique, & *Hesychium* martyres, qui in conferendis corrigendisque Græcis Divinæ Scripturæ Codicibus sedulam navarunt operam, (3)

C A P U T V.

DE ROMANIS IMPERATORIBUS, ET MARTYRIBUS.

INEUNTE III. Seculo Romanum regebat imperium *Septimius Severus* (4) Afer, filius Marci Getæ ac Fulviæ Piæ. Is enim principatum adeptus anno 193. cum administravit

(1) *Symmachum* fuisse Ebionæorum hæresi infectum ait Eusebius lib. 6. H. E. cap. 17. Ab illo Ebionitas appellatos esse *Symmachianos* constat ex Augustino lib. 1. contra Cresconium cap. 31. & lib. 19. contra Faustum, &c.

(2) Videtur *Commodianus* vixisse temporibus S. Sylvestri, siquidem cap. 33. hortatur Ethnicos, ut ad ejusdem Sylvestri gregem accedant, quamquam hic nonnulli mendum subesse opinantur.

(3) Confutavit Montanistas *Zoticus* Episcopus Ostrenus ac Martyr. In eodem stylo acuit *Cajus* discipulus Origenis, de quo lib. 6. H. E. Eusebius. Contra Origenem J. *Methodius* M. Episcopus Tyri. Adversus Manichæos *Archelaus* Cæchorum in Mesopotamia Antistes: *Malchion* presbyter Antiochenus contra Paulum Samosatensem.

(4) Cognominatus *Pertinax*, extinctus in Anglia ingluvie & stomachi cruditate. Restituit *Pantheon*, subegitque Britannos.

travit usque ad consulatatum *Elpidii Rufi*, & *Pomponii Bassi*, ad annum 211.; quo mortuus est Eboraci quarta die Februarii. Orta est Severi edicto quinta, (1) eaque savissima persecutio anno 202. Trucidati tamen fuerunt anno 200. Carthagine *Speratus*, alique undecim Martyres Scyllirani. (2) Interfecti eadem persecutione grassante pater Origenis *Leonides*, *Plutarchus*, *Serenus*; *Heraclides*, *Hera* adhuc Catechumena; alique, de quibus lib. 6. Eusebius. Illustre fuit martyrium virginis *Potamiana* post acerbissimos cruciatus cum matre *Marcella* igni damnata, & cujus exemplo permulti Alexandrini cives subiere martyrium. SS. *Perpetue* & *Felicitatis*, necnon *Rutilii* & *Mavilii*; qui anno 203. martyrium in Africa passi sunt; meminerunt præter Martyrologia Tertullianus & Augustinus: Passus item circa hoc tempus Albæ Helvetiorum *Adaleon*, de quo Tom. 2. Maji pag. 35. Bollandistæ: *Andeoli* Subdiaconi in quatuor partes ense ligneo conscissi memoriam colunt Martyrologia Calendis Maji.

SEVERO defuncto imperatores creati sunt *M. Aurel. Bassianus Antoninus*, dictus *Caracalla* a veste ad talos demissa, & *Septimius Antoninus Geta*, filii Severi, & *Julia*; (3) at Geta, nondum exacto mense a fratre in gremio matris occiditur. Ipse fratricida, cum imperasset an. 6. & 2. m. a Martiale Centurione prope Carras urbem Mesopotamiae

G 3

(1) Origo persecutionis fuit a Plautiano, quem Severus in Orientem proficiscens reliquerat. Præfectum Urbis. Idem Severi & Bassiani vitæ insidias molitus interfectus est, ut refert Herodianus.

(2) De *Sperato*, qui Carthagine securi percussus fuit, & de *Proconsule Saturnino*, qui illum damnavit, & paucis post diebus captus est oculis, vide Tertullianum ad Scapulam cap. 3. *Hera* in Martyrologio Romano die 22. dicitur Irais, & ab Eusebio item lib. 6. cap. 4. *Hera*. Tres *Heraides* distinguendas esse monet eo loci Valesius. Meminit Eusebius proximo cap. 5. S. Martyris *Basilidis*, unius ex apparitoribus, qui Potamianam duxerant ad supplicium, ad Christum S. Virginis apparitione conversi. Nec abstinuit Severus a cæde *Philippi Præfecti Aegypti*, quoniam Christianæ religioni addictus erat. Sequenti cap. 6. idem Eusebius, & Nicephorus lib. 4. cap. 33. scribunt existimasse nonnullos adventisse imperante Severo tempora Antichristi, atque in ea opinione fuisse Scriptorem quemdam, Judæ nomine, qui disseruit de LXX. hebdomadibus Danielis.

(3) *Julia* fuit secunda uxor, nam prior fuit Marcia, quam aliqui matrem Caracallæ falso putarunt. Julia adeo fuit impudica, ut se cum eodem Caracalla incestu polluerit; sibi quoque necato Antiochia mortem conscivit. Privi enim cum noverca & germana matre connubium damnat lex divina Levit. 18. Deus. 2. 12. Lex naturæ 1. ad Corin. 5. Lex Civilis 1. ult. de Rir. nups. & Virgilius apud inferos puniri ait Æn. 1. Qui thalamos nata invadit vestroque hymenæo.

tamiæ fuit interfectus, anno 217. *Coss. Prasente & Extricato.*

At brevior fuit principatus *Opelii Sev. Macrini*, ejusque filii *Diadumeniani*, quos an. 218. *Coss. ipso Diadumeniano & Advenio*, milites obtruncarunt, opera *Julia Mæxæ* aviæ *M. Antonini*. Successit in imperio idem *Antoninus*, dictus, quod fuerit solis Sacerdos, *Heliogabalus*, & in nummis *Elagabalus* (1). Is 4. imperii sui anno, *Æ. V.* 221. militari tumultu occisus fuit, & projectus in Tiberim 6. Idus Martias. Impurissimus fuit, & appellatus a *Dione Pseudoantoninus & Sardanapalus*, ab aliis *Tiberinus*, *Tra-Eitius*, *Impurus*.

IMPERAVIT deinde *Aurel. Severus Alexander*, natione Syrus, & *Alagabali* consobrinus an. 13. occisus a militibus 15. Cal. Aprilis *Coss. Severa & Quinctiano*, idest anno 235. Sub *Alexandro* autem martyres occubuerunt *Romæ Calepodius* presbyter, *Cecilia* virgo cum Sponso *Valeriano*, hujusque fratre *Tiburtio*, *Palmatius* Consul cum liberis & uxore; *Felix* cum conjuge sua *Blanda*, *Martina* virgo. Item *Quiriacus* Episcopus Ostiensis, *Asterius* Presbyter, *Tatiana* matrona, *Aurea* virgo, *Julius*, & *Hesychius* milites, cum aliis permultis apud Ostia Tiberina peremptis. (2)

EXTINCTO *Alexandro* imperium tenuit *Julius Maximinus* e Thracia, opilio olim & pastor, trucidatus ab exercitu mense Octobris *Coss. Perpetuo*, & *Rustico*, ac simul inauguratus est imperator in Africa *M. Ant. Gordianus*, qui seipsum interemit mense Maio iisdem *Coss.* nempe anno 237. Orta sub *Maximino* persecutio Ecclesiæ sexta anno 236. Affectæ Martyrio *Barbara* *Nicomediæ*, & *Alexandriæ*

(1) *Heliogabalus* filius fuit *Caracallæ*; an ex *Julia* matre, an ex *Sæmiade* concubina, incertum. Perit trucidatus in latrina, florentissimæ ætate, annos natus 16. aut 18. tribus jam compressis, & repudiatis uxoribus, *Julia Cornelia Paula*, *Aquilia Severa* Vestali, & *Annia Faustina*, quam occiso illius Basso rapuerat. Nupit quoque *Zotico*, ut inquit *Lampridius*. Ridicula patravit, modo colligens decem millia pondo aranearum, modo eandem copiam mustelarum & murium, adhibuitque in convivio 8. luseos, 8. calvos, 8. surdos, 8. insigniter nigras, 8. laborantes podagra, 8. notabiliter obesos, 8. natos, ita servans proloquium, αὐτὰρ ὅτι.

(2) *Aurelius Alexander Severus* matrem habuit *Juliam Mammam* Sororem matris *Heliogabali*, Christianam feminam. Repudiata priori conjuge filia *Martiani*, duxit *Memmiam* filiam *Sulpitii* viri *Consularis*. *Apollonii*, *Abrahami*, *Orphei*, necnon Christi coluisse fertur imagines. Videbis §. 7. *Lampridii*.

Prohibuisse balnea mixta refert *Dion*.

dræ Catharina: (1) cujus acta sunt admodum ambigua. A Maximino alios in crucem sublato, alios animalibus nuper occisis inclusos, alios feris obiectos, alios fustibus elisos, affirmat etiam Capitolinus. (2)

DEVOLUTUM deinde Imperium ad *M. Antonium Gordianum Juniores*, (3) interfectum a Philippo Arabe anno 244. Tum ad *Philippum*, de cujus religione disceptatur, confossum Veronæ a militibus anno 249. trucidato circa idem tempus Romæ a cohorte Prætorie *Julio Philippo* illius filio, adscito in consortium imperii; ac deinde ad *Q. Trajanum Decium*, natum in inferiori Pannonia, peremptum a Scythis & in paludem demersum, exēunte anno 251. ipso III. & *Herennio Etrusco Coss.* (4)

MOTA sub Decio Persecutio Ecclesiæ VII. Tradunt sincera Martyrum Acta, sub Decio *Metram* lapidibus obrutum,

G 4

(1) Alias *Ecaterina*.

(2) *Maximinus* Parentes habuit Miceam Gothum, & Ababam Alanam, ut inquit Capitolinus. Appellatus est *Pessis reipublicæ*. Eo autem interfectus Alexander, qui redeuntem e Thracia amantissime exceperat; & creaverat Legionis a se institutæ Tribunum. Mactati in Persecutione Maximini *Lucianus* presbyter Antiochenus eruditione clarissimus, *Pamphilus* presbyter Laodiceus ædificator Bibliothecæ Cæsarensis, cujus nomen Eusebius pro suo cognomine adhibuit; *Dorothea* virgo Alexandrina formæ, & decoris gloria percelebris. Plura de hac Eusebius lib. 8. cap. 14. Sed ibi Dorotheæ nomen non lego, ejusque certamen refertur ad tempora alterius Maximini, & Galerii: de quibus seculo proximo. Sub hoc tamen Maximino floruisse Dorotheam alii tradunt. Martyrologium Germ. XV. Cal. Nov. memoriam agit *S. Triphoniam* aut *Triphenam* filii ipsius Decii uxoris; & *S. Cyrilla* ejusdem Cæsaris filia locum habet in Martyrologio Adonis. In Romana Ecclesia coluntur *Abdon*, & *Sennen* Persæ, *Venantius* Camers miræ constantiæ adolescens. Illustres quoque in Tabulis Ecclesiasticis SS. MM. *Epimachus* & *Alexander*, *Pionius* presbyter, *Amaranthus* Aquitanus, *Marina* virgo Antiochena, &c. Vingt Christianorum millia Antiochiæ in templo combusta in nocte Dominicæ Nativitatis Nicephorus lib. 7. cap. 6. & Genebr. tradiderunt. Contigit horum triumphus Seculo desinente, vel sub initia sequentis.

(3) *Gordianus* senior patrem habuit Metium Mamillum, matrem Ulpiam Gordianam, uxorem vero, quæ illi peperit *M. Anton. Gordianum Juniores*, Fabiam Orestillam Antonini proneptem.

(4) Decio cognomen Trajani tribuit se natus. Messium Decium alii vocarunt. Ejus patria Bibalis. Suscepit ex conjugē Tryphoniam filium Decium, quem constituit consortem imperii magnopere laudatum a Valerio Maximo. *Execrabile animal* dicitur a Lactantio de Mortibus Persecutorum n. 4. Incepta Decii persecutio statim ac imperium obtinuit, anno 249. ac perduravit usque ad ejus mortem, idest, usque ad finem Novembris anni 151. Quo anno in tertio ipse Decii Filiiq. consulu Fasti Idatiani hanc persecutionem consignant. Inter Paludes victus, & cum exercitu deletus nec sepultura potuit honorari. Id Lactantius loco citato, Cyprianus de Lapsis, & Hieronymus in Zach. 14. ultioni divinx adtribuunt.

ratum, *Apollonia* dentes excussos, *Serapionem* e cœnaculo dejectum, *Julianum* flagris cæsum & igne consumptum, *Ammonarium*, *Mercuriam*, & *Dionassiam* gladio cæsas, *Iselionem* per media viscera transfixum; *Saturninum* Toloianum Episcopum pedibus circumactō tauro alligatum, & omni membrorum parte laceratum, *Alexandrum* Ierosolymitanum Episcopum, & *Babylam* Antiochenum in carcere extinctos, *Pionem* Smyrnæ cum *Sabina* & *Asclepiade*, & *Metrodoro* stipiti affixum, *Maximum* lapidibus obrutum, *Petrum*, *Andream*, *Paulum*, & *Dionysiam* Lampfaci gladio peremptos, *Tryphonem*, & *Respicium* Nicææ capite truncatos, *Lucianum*, & *Marcianum* Nicomedie flammis exustos. De his sincera *Ruinartii* Acta. Sed alii plures sub Decio martyrio coronati fuere, ut *Aretii Pergentinus* & *Laurentius* fratres, *Catanæ Agatha* Virgo, *Ravennæ Fusca* & *Maura*, *Romæ Abdon* & *Sennen*, atque in Tuscia *Secundianus*, *Marcellianus*, & *Verianus*. Sub Decio itidem contigit passio *S. Miniatis*, quem Florentini colunt. Furente hac persecutione *Paulus* Heremitarum pater in Thebaidis antra secessit, & Ephesi septem *Dormientes* in spelunca referato ostio consummarunt martyrium.

AD Imperatorum revertendum est seriem. Trucidato Decio, Augustus inito cum Scythis fœdere dictus est *Cajus Vibius Trebonianus Gallus*, qui imperii consortem fecit filium *Volusianum*: sed inchoato principatus anno tertio, ambo Interamnæ occisi sunt anno 254. ac successus *M. Æmilianus Maurus*, & ipse a militibus prope Spoleum occisus, nondum transacto tertio imperii anno. Acclamati sunt itaque Imperatores *Pub. Licinius Valerianus*, & *Pub. Licinius Gallienus* illius filius: quorum *Valerian.* an. 259. captus a Sapore Persarum rege ignobili servitute confenuit, ac tandem detracta cute miserrime obiit. *Gallienus* vero in expugnatione Mediolani a suis interfectus est *Coss. Paterno & Maximiano*, anno 268. die 21. Martii.

EXCITATA sub Valeriano anno 257. in 4. ipsius Consulatu Persecutio VIII. *Antichristi* appellata a *S. Dionysio Alexandrino*. In qua Christo testimonium reddidere Romæ eodem anno *Stephanus* Papa, & *Tarsicius* Acolythus, & anno 258. *Sixtus* una cum *Quarto*, *Hippolyto*, *Felicissimo*, *Agapito*, & clericis aliis octo, ac paulo post levita *Sixti Laurentius*, *Rufina* & *Secunda* sorores, *Eusebius* presbyter & *Marcellus* diaconus. (1) in Africa vero

præ-

(1) Coeptam persecutionem anno 3. imperii sui, & Christi 327. adiunt

præter *Cyprianum*, de quo supra, *Uticæ* demersus fuit in calcem 300. Sanctorum exercitus, quem a fornace calcaria *Massium Candidam* appellarunt. De aliis Martyribus vide *Eusebium* lib. 7. cap. 15. & 16. & *Theodoricum Ruinart* pag. 200. & seqq. Sub *Valeriano* item martyrio coronati sunt Romæ *Eugenïa* Virgo, *Tarracone Fructuosus* Episcopus, *Viennæ in Galliis Florentius*, &c. *Gallieno* itidem imperante securi fuerunt percussi *Protus & Hyacinthus* prælaudatæ virginis *Eugenïæ* eunuchi.

SUBLATO e vivis *Gallieno* suffectus fuit *M. Aurel. Claudius II.* & huic post biennium pestilentia correpto, succellit anno 270. *Lucius Domitius Aurelianus* Sirmienfis occisus inter *Heracleam* & *Byzantium* anno 275. (1) *Movit Aurelianus*, aut instauravit Ecclesiæ persecutionem, quæ

docti viri. Incunte enim imperio mitissimus fuit, ut non tantum testatur *Trebellius Pollio*, sed etiam *Eusebius* lib. 7. H. Eccl. cap. 10. Ut læviret in Christianos incitavit Archisynagogus magorum *Ægypti*. Meminit *Eusebius* cap. 12. trium martyrum *Cæsareæ* in *Palæstina* damnatorum ad bestias, quorum unus dicebatur *Priscus*, alter *Malchus*, tertius *Alexander*. Fuit *Valerianus* ex *Cornelia* familia, filius *Valerii Flacci*, & cognominatus *Colobius*. Captus a *Sapore*, huic equum, aut vehiculum adscendenti terga vertere & dorsum, cui rex pedem imponderet. curvare coactus est. Detracta ejus cutis, & infecta rubro colore posita fuit in templo idolorum ad clarissimi triumphii memoriam. Vide librum de *Mortibus Persecut.* cap. 5. Acta *S. Ponsii* Martyris a *Baluzio* in lucem edita cap. 24. & *Hugonem Floriacensem* in *Chronico*. *Licinius Gallienus* ejus Filius insidus *Macriani* & *Heracliani* ductum interfectus est anno imperii sui 14. completo, ætatis 51. Fuit litteris egregie excultus, ejusque legitur epithalamium illud, recitatum dum filios fratrum suorum iungeret matrimonio:

Ite, ais, o pueri, priter sudate medullis

Omnibus inter vos: non murmura vestra columbe,

Brachia non hedere, non vincunt oscula conche.

(1) *Aurelianus* imperium iodeptus est *Coss. Antiochiano & Orfito*, ex fastis *Idatii*, ideoque anno 270. Occisus in 4. suo consulatu, anno 275. die 29. Januarii. Patrem habuit editum, obscuri generis, & matrem *Solis* sacerdotem. Alii *Sirmii*, alii in *Moesia*, alii in *Dacia* natum putant. Erumpentes *Sarmatas* cum trecentis tantum præfidiariis attrivisse narrat *Vopiscus*. Pugnavit contra *Gothos*, *Svevos*, *Marcomannos*, & reginam *Zenobiam*, eoque de Oriente, & Occidente triumphum. In libro de *Mortibus Persec.* dicitur natura *vesanus & præceps*, a *Vopisco Pedagogus Senatorum*. Persecutionem excitavit paulo ante mortem, exeunte anno 274. aut incunte sequenti. Interfectus est enim *Cænophryii* inter *Heracleam* & *Byzantium* anno 275. mense Januario, unde *Eusebius* libro 7. H. E. cap. 30 interemptum ait, *Compositis contra nos edictis subscribentem* Occisum malitia *notarii sui*, & manu *Mucaporis* scribit lib. 9. *Eutropius*: *Notarius ille Mnestheus nomine affixus est signi, ferisque objectus*. *Sex. Aur. Victor* in *Epitome* ait ab *Aureliano* septem Urbem validioribus, & laxioribus muris, primum apud Romanos usum capitis diademate, gemmisque & veste aureata.

quæ dicitur Nona, *Coss. Quieto, & Voldumiano*, idest, anno 272. Augustoduni *Symphorianus*, Cæsareæ in Cappadocia *Mamantes*, *Athenodorus* frater S. Gregorii Thaumaturgi in Ponto, *Chariton* in Isauria, *Iustus & Patroclus* in Galliis, *Philomneus* Ancyrae, alique permulti martyrium perpassi sunt. Vixit circa hæc tempora *Felix Nolanus*, quem S. Paulinus Natali v. vocat Confessorem ac Martyrem.

Reliqui Imperatores tertii Seculi sunt, *M. Claudius Tacitus*, qui obiit die 13. Aprilis anno 276. *M. Annius Florianus* frater Taciti, a militibus Tharsi post duos menses peremptus: *Probus* post Florianum acclamatus Augustus, septimo imperii anno, id. 282. apud Sirmium occisus: *M. Aurel. Carinus* proximo anno 283. interfectus: *M. Aur. Carinus & M. Aur. Numerianus* filii *M. Aur. Cari*, & ipsi occisi anno 284. Denique *Valerius Diocletianus Jovius*, Diocles antea dictus, obscuro genere Salonis in Dalmatia ortus, eodem anno 284. unde subducitur *Aera Martyrum*, adeptus imperium, socium adscivit anno 286. Cal. Aprilis *M. Aur. Maximianum* cognomento *Herculium*: qui sese imperio abdicarunt anno 304. dum *Diocletianus* nonum, & *Maximianus* octavum gereret consulatum, sive, ut recentiores contendunt, anno 305. Calendis Maji. Mota postremis Diocletiani temporibus Decima Ecclesiæ Persecutio, de qua sequenti Seculo quarto. (1)

CA-

(1) *Diocletianus* Anulini Senatoris libertinus, a Dioclea matre nomen suum derivavit, Grajum vocabulum in Romanum morem convertens. Vocatur in libro de Mort. Perfec. num. 7. *scelerum inventor, & malorum machinator*. Indicta persecutio 7. Kal. Martias, dum celebrarentur Terminalia, idest, dum ageretur dies festus Romanorum ob Deum Terminum, in 8. Diocletiani, & 7. Maximiani Consulatu. Ita in Fastis Idatianis. Ea dies est 23. Februarii anni 303. De hac die num. XII. de Mortib. Perf. usurpantur verba Virgilii *Æn.* 4.

Ille diis primus læthi, primusque malorum Causa fuit.

Occurrebat annus imperii Diocletiani XIX. ut teste Eusebius in Chronico, & libro 8. H. E. cap. 2. Proposita tunc imperialia edicta, quibus jubebatur Ecclesiæ dirui, sacros codices flammis absumi, honoratos notari infamia, plebejos libertate expoliari. Additum paulo post, ut omnes Ecclesiarum Antislites ubicunque conicerentur in vincula, & diis cogerentur sacrificare. Acerbissimam hanc persecutionem per decem continuos annos depopulatam fuisse Christianas plebes ait libro 2. cap. 47. Severus Sulpitius. De illa prædicto libro de Mort. Perf. num. 16. *Vexabatur ergo universa terra, & præter Gallias, ab oriente usque ad occasum tres acerbissima bestia saeviebant.*

Non mihi si lingue centum sim, oraque centum,

Ferrea vox, omnes scelerum comprehendere formas,

Omnia punarum percussus nomina possum.

Sunt tres illæ acerbissima bestia, Diocletianus, Maximianus Herculus, & Galerius Maximianus: de quibus cap. 5. proximi Seculi.

CAPUT VI.

TERTII SEculi DOGMATA, ET DISCIPLINA.

TRADITIONE Apostolica, & decreto Stephani definitum est ratum esse baptismum verbis Evangelicis consecratum, etiamsi ab hæreticis conferatur. Nullum esse peccatum, quod per claves Ecclesiæ nequeat remitti, Ecclesia Christi declaravit adversus Novatianos. Fides Trinitatis damnatione hæreticorum magis magisque confirmata est. Unum esse Deum Veteris. & Novi Testamenti auctorem, & Divinum Verbum veram assumpsisse carnem, vere suffixum fuisse cruci, non est hæsitandum. Commentitium esse æternum mali Principium cum naturali philosophia religio revelata suadet.

UT EPISCOPO divinam rem peragenti adstarent presbyteri, Zephyrinus constituit. Sacri ministerii vasa, quæ vitrea erant, cœperunt Urbano sedente ex argento confici. Lapsis in persecutione concessa est indulgentia; sed *libellatici*, & *thurificantes* ex Clericis ad communionem tantum laicam admissi fuerunt. Institutæ Stationes, sive gradus pœnitentium, *προσκλαυσις*, *Fletus*, *ἀρχαῖσις*, *Auditio*, *ὑποπύσις*, *Substratio*, & *σύσσις*, *Consistentia*. Viguit a Callisti ætate jejunium quatuor temporum. Diaconi septem regionibus Urbis præerant, ut pauperum curam gererent. Sepeliebantur religioso cultu cadavera martyrum cum dalmatica, aut colobio purpureo, id Eutychiano jubente. Supra eorundem Martyrum Memorias ab ætate Felicis I. Milsæ celebrabantur; unde morem derivasse ajunt consecrandi altaria cum eorum reliquiis. (1)

AP.

(1) De rigore disciplinæ cum lapsis servandæ legito epistolæ Cypriani. Qui carceribus mancipati constabantur Christum, *Confessores* nondum perpeffi martyrium appellabantur. Tempore quoque persecutionum, pestilentiarum, maximæque calamitatis, celebratos a fidelibus festos dies, in quovis loco, & interdum in agro, in solitudine, in navi, in stabulo, sacros conventus tanquam in templo habitos, sepultaque religioso cultu, gentilibus prorsus contrario, fidelium defunctorum cadavera, testatur S. Dionysius Alexandrinus apud Eusebium libro 7. H. E. cap. 22. Adhibitos in funere cereos ex vetusto Christianorum more, Acta S. martyris Cypriani testantur.

A P P E N D I X

DE REBUS EXTERNIS MEMORABILIBUS :

VARIOS commemorabimus Seculi hujus eventus, dein-
de clafiora bella, postremo celebrioris Scriptores :
Igitur anno Christi 204. Ludi Sécularés exhibiti fuerunt Ro-
mæ, celebrati rursus anno 248. sub *Philippis* : Medici, qui
noluerant Severum occidere, ipsi anno 211. interfecti fue-
runt jussu Antonini. *Papinianus* JC. nolens Getæ eadem
excusare, ab eodem Antonino anno 212. morte afficitur :
Thermæ Antonianæ dictæ anno 215. fuerunt in Urbé
constructæ. Occiditur anno 222. a Prætorianis militibus
Ulpianus, quoniam severiorem exercebat disciplinam : 226.
Thermæ Alexandrinæ vocatæ in urbe Roma ædificatæ
fuerunt. *Talmud* Jerosolymitarum anno 232. dicitur edi-
tum. *Pupienus*, & *Balbînus* interficiuntur anno 237. tem-
pore agonis Capitolini : Pestilentia provincias plurimas, ac
præsertim Ægyptum, & hujus metropolim Alexandriani
anno 252. occupavit. Imperanté *Gallieno* insurrexere (1)
XXX. Tyranni affectantes principatûm : *M. Cassius Post-
humus*, qui imperium arripuit Colonia : *C. Junius Cas-
sius Posthumus* ejus Filius, a Gallis dictus *Augustus* : *Cy-
riades* Saporî Persarum regi confœderatus : *L. Ælius*
Pannoniæ rector : *Lælianus*, qui sublato Posthumo in
Gallia salutatûs est imperator : *M. Piavonius Victorinus*
Læliani occisor, & successor : *L. Aurel. Victorinus*
illius filius : *Victoria* Victorini Senioris mater, quæ filio
ac nepote sublatis Tetricum movit ad capeffendum im-
perium : *Mamurius*, ferri olim opifex, gladio, quem ipse
consecerat, occisus a milite : *Q. Ninnius Regillianus* e
Dacia acclamatus in Illyrico a *Mœsiis* : *M. Acilius Au-
reolus*, olim pastor, coactus a militibus imperium fume-
re in contemptum Gallieni. *M. Fulvius Macrianus*, ejus-
que filii *Q. Fulvius*, & *Cajus Fulvius Quietus* in Orien-
te acclamati : *Servius Anicius Bolista*, occisus in Daphnæ,
dum in tentorio cubaret : *Domitius Domitianus* dux Au-
reoli : *Odenatus* Rex Palmyrenorum : *Herodianus* filius
Odenati : *Heremianus*, & *Timolans* Odenati pariter filii :
Zeno-

(1) Ex Trebellio, de quo cap. ult. sive in Append. proximi Seculi.

Zenobia regina uxor *Odenati* de stirpe *Ptolomæorum*: *Maconius*, qui *Odenato* vitam imperiumque rapuit: *Valerius Valens* renunciatus Imperator apud *Macedonas*: *L. Calpurnius Piso*, qui se in *Theffalia* nominavit Augustum: *T. Cestius Æmilianus* in *Ægypto* declaratus Imperator ab exercitu: *Publius Saturninus* a militibus item electus: *C. Pessvius Tetricus* memoratus supra in *Victoria*, seu *Victorina*: *Tetricus* Junior ejus filius, simulque *Cæsar* factus in *Galliis*: *C. Annius Trebellianus* in *Isauria* acclamatus; *T. Cornelius Celsus* Tribunus *Africæ*. Hi triginta imperium invadentes, & Augusti declarati, brevi tempore miserrime perierunt.

BELLA hujus seculi illustriora confecta sunt anno 209. a *Severo* in *Britannia*, quæ circumducto per insulam muro fuit validiori præsidio munita. 216. Pugnavit *Antoninus*, vicique *Artabanum* *Parthorum* regem. 229. Idem *Artabanus* cum *Perlis*, (quorum imperium circa annum 226. restauraverat *Artaxar* gregarius antea miles) bellum gerens occisus est, & in illo extinctum regnum *Parthorum*. 234. *Varius Macrinus* in *Illyrico*, & *Junius Palmatus* in *Armenia* felici eventu pugnarunt. 240. Commissum in *Africa* bellum contra *Sabinianum*, qui a *Gordiano* defecerat. 242. Idem *Gordianus* ingentibus copiis contra *Perfas* tetendit, horumque fudit exercitus. 258. A *Gothis*, *Scythis*, *Marcomannis*, *Perlis*que in arma ruentibus, *Romanum* imperium fœdissime laceratur. 260. Victi ab *Odenato* *Perlæ*: *Sapor* Orientem aggressus: *Scythæ* irruerunt in *Asiam*, 263. in *Scytharum*, *Gothorum*que irruptionibus incensum est templum *Dianæ Ephesiæ*, reputatum *Asiæ* miraculum. 270. Ad *Hæmimontum* *Thraciæ* *Gothorum* exercitus fuit peste & fame consumptus. 273. Imp. *Aurelianus* non procul ab *Antiochia* superavit *Zenobiam*, quæ imperium Orientale occupaverat, eamque captam suo reservavit triumpho. 296. *Alexandria* cum toto *Ægypto* recuperata a *Diocletiano*, qui ita se extulit, ut ad imitar *Dei* adorari voluerit, pedesque osculandos præbuerit salutantibus.

INCLARUERUNT litteris tertio Christiano Seculo *Papinianus*, (1) & *Ulpianus* JCC. præstantissimi superius laudati.
Censo-

(1) Imperante *Caracalla* Horuerunt JCC. plerique *Papiniani* auditores, *Tarruntius*, *Paternus*, *Macer*, *Terentius*, *Clement*, *Menan-*

Censorinus doctissimus Grammaticæ artis, auctor libri *de die Natali*, Chronologis utilissimi. (1) *Dionysius Longinus Cassius* præceptor Porphyrii, & Zenobiæ reginæ Palmyrenorum a consiliis, quem Eunapius vocat βιβλιοθήκη ἱμψοχον, καὶ περιπατῶν μουσίων. Memoratus *Porphyrius* Philosophus religionis nostræ infensissimus hostis, qui cum *Plotino* Romam advenit circa annum 263. (2) *Philostatus* Lemnius Apollonii Tyanei mendacissimus, blasphemusque laudator. *Julius Titianus*, qui scripsit *Provinciarum* libros pulcherrimos, *simia sui temporis* appellatus. *Dion Cassius* Nicænus Historicus, qui grandi utitur stylo, ac *Thucydidem* imitatur, sed immerito in præstantissimos viros invehitur. *Herodianus* styli perspicui, sed fidei in *Alexandro*, & *Maximino* nutantis. *Asinius Quadratus* qui Ionica dialecto Romanam scripsit Historiam. *Dionysius* Historicus, cujus meminit *Jornandes* de rebus Gethicis cap. 49. *Oppianus* Cilix ob singulos versus donatus ab *Antonino* *Caracalla* *statere* uno, idest viginti millibus nummorum aureorum, unde ejus carmina *Aurea* dicuntur. *Ælius Spartianus*, Historiæ *Augustæ* Auctor, in quo deprehenditur rerum repetitio, & confusio. (3)

 QUAR-

der, *Arcadius*, *Rufinus*, *Papyrius Fronto*, *Anthius*, *Maximus*, *Hermogenianus*, *Africanus*, *Florentinus*, *Tegphonius*, *Iustus Callistratus*, *Vennulejus*, *Celsus*, *Serenus Sammonicus*. De his *Raphæel Volaterranus*, *Rutitius*, *Pancirolos*, *Gravina*, &c. *Domitius Ulpianus* collegit *versaria rescripta Principum* adversus Christianos. Vide *Lactantium* lib. 5. *Instit.* cap. 11.

(1) Dicitur fuisse e gente *Martia*, quæ originem traxerat a duobus Romanorum regibus *Numa*, & *Anco*. Legi apud *Carolum Patinum* in *Familiis Rom.* pag. 169. tres inscriptiones ad *Marciam* Gentem spectantes, in quibus *Censorini* nomen occurrit. Pertinere puto ad *Censorinum*, qui anno Urbis 746. octavo ante *Aeram* Christianam cum *Asinio Gallo* gessit *Consulatum*. Sed ostendunt tamen haud insolitum in *Familia Martia* gentilitium nomen. Aureum de *Die Natali* *Opusculum* editum a *Censorino* fuit anno Christi 338.

(2) *Porphyrius* fuit natione *Tyrius*, *Syrorum* lingua appellatus *Malchus*, discipulus *Plotini*, natus anno 12. *Severi Alexandri*, Christi 333. & mortuus *Romæ* septuagenario major postremis annis *Imp. Diocletiani*. *Plotinus* vero obiit anno ætatis suæ 66. *Aeræ* *Vulg.* 370. quo *Claudius H.* occumbente levatus est *Aurelianus*.

(3) Claruerunt itidem hoc Seculo, *Alexander Aphrodisæus* primus *Commentator Aristotelis*, *Philemon* *Comicus Syracusanus*, *Nicostratus* *Sophista Trapezuntinus*, *Amelius* *Platonicus*, *Volcatius* *Historicus*, *Nemesianus* *poeta*.

QUARTUM ECCLESIAE

SECVLUM.

CAPUT I.

DE EPISCOPIS ROMANÆ URBIS.

IN ROMANA Petri Cathedra federunt quarto Seculo
Marcellinus, Marcellus, Eusebius, Melchiades, Silve-
ster, Marcus, Julius, Liberius, Felix II. Damasus, Si-
ricius, Anastasius.

XXX. MARCELLINUS subrogatus Cajo dicitur coronatus martyrio XVII. Calendas Apriles, *Diocletiano IX. & Maximiano VIII. Coss.* scilicet anno Æ. V. 304. Narrantur ejus thurificatio, & habitum de hac re Siquessanum Concilium. Verum S. Pontificis lapsus videtur a Donatistis confectus, & Concilium illud a plurimis commentitium censetur. Martyrium, quod nonnulli in dubium revocant, comprobant vetusta Martyrologia, & Romanæ Ecclesiæ traditio. (1)

XXXI. SUFFECTUS *Marcellus* (2) qui Episcopatum tenuit usque post Consulatum X. *Maximiani Herculi*, idest, usque ad annum 309. quo obiit inedia & loci situ confectus in domo *Lucinæ*, quam ipse in Ecclesiam, *Maxentius* in Catibulum redegerat.

XXXII. SEDIT postea S. *Eusebius* natione Græcus, qui supremum diem obiit anno 311. in Consulatu VIII. *Maximiani* cognomento *Armentarii*.

XXXIII. AD EPISCOPATUS apicem eveetus deinceps est S. *Melchiades*, aut *Miltiades*, Afer genere. Is Donatistas repressit, absoluto *Cæciliano* Carthaginensi Episcopo, quem Traditionis Sacrorum Codicum ipsi Donatistæ insimulabant. E vivis excessit *Constantino A. III. & Licinio A. III. Coss.* idest, anno 313. mense Decembri.

XXXIV.

(1) Juxta *Fagii* Chronologiam *Marcellus* creatus est anno 308. *Eusebius* anno 310., eodemque anno post menses quatuor *Melchiades*. *Silvester* anno 314. *Marcus* anno 335. In reliquis Seculi hujus Pontificibus nulla occurrit discrepantia, aut saltem minima.

(2) Hunc quidam ob nominis similitudinem cum *Marcellino* confundunt, ut contigit *Ides Clet* & *Anacleto*, sicuti prænotavimus in primo Seculo.

XXXIV. REXIT deinde Ecclesiam supra annos 21. hoc est, usque ad exitum anni 335. quo plenus meritis obiit *Coss. Julio Constantio, & Rufo Albino, S. Silvester Romanus*, primus omnium Pontificum ob restitutam Ecclesiæ pacem & libertatem redimitus corona. (1)

XXXV. SILVESTRO *S. Marcus* filius Prisci.

XXXVI. MARCO *S. Julius I.* successit: quorum primus obiit post menses octo anno 336. *Coss. Nepotiano & Facundo*, die 7. Octobris: alter vero post annos 16. mortuus est die 12. Aprilis in Consulatu *Constantii Aug. V. & Galli Caesaris*, nempe anno 352.

XXXVII. LIBERIUS Romanus post Julium præfuit Ecclesiæ usque ad annum 366. quo anno *Coss. Gratiano & Dagalaipho*, die 24. Septembris migravit e vita. Hunc aliqui ex Pontificum numero excludunt, quod apud Sirmium exul subscripserit formulæ Arianorum. At ea formulæ non damnabat *opusculum*, nec erat expresse hæretica.

XXXVIII. PULSO in exilium Liberio ab Imperatore Constantio, & sponte cedente Episcopatu, commissum Ecclesiæ regimen *S. Felici II.* qui anno 359. martyr occubuit. Liberius vero Romam reversus Ecclesiæ rursus præficitur. Plures Pontificatum Felicis oppugnant, quem nos alibi vindicavimus.

XXXIX. AB ANNO autem 366. emortuali Liberii usque ad annum 384. exercuit Pontificis Maximi munus *S. Damasus* plurimis virtutibus clarus. (2) Compresso Ursicini schismate, refutatis falsis criminationibus, Arianis, & Apollinaristis damnatis, de Ecclesia optime meritus obiit prædicto anno 384. die 11. Decembris, Consulibus *Rechimero & Clearcho*.

XL. DAMASO e vivis sublato gubernavit Ecclesiam *S. Siricius* annis tredecim, obiitque VIII. Calendas Martias anno 398. *Honorio A. IV. & Eutychiano Coss.* Hujus, & sequentium PP. recipiuntur Decretales epistolæ; nam præcedentium suppositæ, aut saltem dubiæ creduntur.

XLI.

(1) Exolevit opinio afferentium Constantinum Magnum a Silvestro regeneratum fuisse baptismo, tradente Eusebio, cui Patres Scriptoresque gravissimi subscribunt, baptizatum fuisse morti proximum prope Nicomediam. Nutant etiam quæ de Donatione Constantiniana traduntur.

(2) Sanctos Damasum Pontificem, & Laurentium M. Hispanos, quos nonnulli recentiores Romæ exortos scribere, Hispaniæ asseruit, vindicavitque vir Cl. *Franciscus Perezius Bayerius*,

XII. SUFFECTUS Siricio S. *Anastasius* Romanus, Maximus filius, (1) qui annis quatuor Romanam gubernavit Ecclesiam, ad cælestem patriam profectus, *Arcadio V. & Honorio V. Coss.* nimirum anno Æ. V. 402., posteaquam damnauerat errores Origenis; & Rufinum, qui libros *πρὸς ἑβραῖον* latinitate donavit, Romam ut se purgaret, adire iusserat, & renuenti obtemperare anathema inflixerat.

PATRIARCHARUM NOMINA.

SEDERUNT Alexandria post Theonam *Petrus, Alexander, Athanasius, Petrus II., Timotheus, & Theophilus.* Antiochiæ post Cyrillum *Tirannius, Vitalis, Philogonius, Paulinus, Eustathius,* (2) *Eulalius, Meletius, & Flavianus.* Ierosolymis post Zabdam *Hermon, Macarius,* (3) *Maximus, Cyrillus, Joannes II.*

C A P U T II.

QUARTO SECCULO CELEBRATA CONCILIA.

PLURA quarto Seculo celebrata fuerunt Concilia: quædam pro Ecclesiastica disciplina: quædam adversus hæreses, maxime Arianam; quædam etiam ab iisdem heterodoxis ad eludendas Ecclesiasticas definitiones.

CONCILIA primi generis sunt, *Eliberitanum* in Provincia Hispaniarum Boetica anno 305. (4) *Cirtense* in Numidia, provincia Africæ, eodem anno: *Ancyranum* anno 314. aut 315. *Neocæsariense* in Ponto circa idem tempus: *Carthaginensia* anno 390. 398. & 399. *Hipponense* anno 393. In his collapsa Ecclesiarum disciplina fuit editis saluberrimis, ac tempori congruentibus definitionibus, restituta.

Tom. I.

H

Ad-

(1) *Anastasi* nomen idem significat ac Hebraicum *Jesim*, quod interpretatur *Domini resurrectio*. Resurrectio enim dicitur *ἀνάστασις*. Vide Adnor. ad proximum caput 3. ubi de *Photino*.

(2) *Euphronius*, quem Eustathio dejecto substitutum inquit Sozomenus lib. 2. ab Eusebianis intrusus fuit.

(3) Inventa est Ierosolymis sedente Macario Crux Domini, & huius inventionis historia traditur a Rufino lib. 10. H. E. cap. 7. & 8. a Sozomeno lib. 2. cap. 1. & a Theodorito lib. 1. cap. 18. Ex his, quæ narrantur, hauserunt Scriptores ceteri.

(4) Circa Epocham Concilii Eliberitani viris eruditissimis, sequimur vulgarem calculum.

ADVERSUS Donatistas in Africa plures coactæ fuerunt Synodi. Atque in memorata Urbe *Carthagine* duæ, una anno 306. altera anno 348. *Romana* sub Melchiade anno 313. & *Arelatenfis* convocata a Constantino anno 314. Donatistæ etiam factionis suæ Synodos congregarunt, *Carthagine* anno 308. & 311. necnon *Baga* in Numidia, anno 394.

CONTRA Arianam hæresim celebrata fuere quæ sequuntur Concilia: *Alexandrinum* sub Alexandro Antistite anno 315. Ibidem alterum, cui omnes Episcopi *Ægyptii* cum Osio Cordubensi interfuerunt, anno 324. Proximo autem anno 325. celebratum fuit celeberrimum *Nicænum* Concilium, primum *Œcumenicum*, in Bithynia. Interfuerunt Episcopi, qui in damnationem Arii consenserunt, 318. (1) præter Clericorum, aliorumque virorum ingentem numerum. Adfuit & religiosissimus Imperator Constantinus. In hac Synodo Verbum Divinum declaratum est Patri *Consubstantiali*, extinctum schisma Meletianum, & finita de die Paschatis controversia.

NICÆNAM fidem confirmarunt adversus Arianam perfidiam *Concilium Sardicense*, seu *Illyrici*, celebratum præside Osio anno 347. *Mediolanense* anno 355. in quo Catholici nolentes subscribere condemnationi S. Athanasii pulsati sunt in exilium: *Ariminense* anno 359. in quo Episcopi 400. primum Fidem Nicænam decreto firmarunt, sed postea fraudibus circumventi, minisque tentati, plures formulæ subscripserunt supprimenti *Omoousion*. *Romanum Julii* anno 342. & *Damasi* anno 370., necnon aliud 378. & *Alexandrinum* anno 339. quo S. Athanasii causa discussa fuit, & vindicata innocentia; quemadmodum in *Ierosolymitano* anno 350.

EUMDEM quippe Athanasium Ariani Conciliis Episcoporum suorum coactis non semel deponi, & in exilium detrudi curarunt. Actum id anno 334. in Synodo *Cæsareæ* in Palæstina: anno 335. in Synodo *Tyria*: (2) anno 336. in

(1) Inter istos miraculorum gloria claruisse *Papnuthium* Episcopum in superiori Thebaide, & *Spyridionem* Episcopum Trimithuntis in Cypro, refert Socrates lib. 1. cap. 11. & 12. Qui Nicæno Concilio præfuisse putarunt Romanum Pontificem Julium, apud Gelasium Cyzicenum, ubi scriptum erat, *πῶλεος Ρωμαίου ἐπίσκοπος*, forte pro *πῶλεος*, aut *πῶλιος*, legerunt *ἰσῆλιος*. Videtis Petrum de Marca in Concordia Sacerd. & Imp. lib. 5. cap. 3.

(2) In hac Tyri Synodo *Archep̄s*, qui S. Athanasium accusaverat, quoq; manum Arsenio præcidisset ad maleficia patranda, ipsomet Arsenio

336. in *Constantinopolitana* Eusebianorum : anno 341. in *Antiochena*.

ALIIS insuper pseudosynodis aut Ariana perfidia, aut versutia obstitit veræ fidei. Nam in *Sirmiensis* Semiarianorum anno 351. qua depositus fuit Photinus, nulla *Consubstantialis* facta fuit mentio: in *Sirmiensis* altera anni 357. eadem vox rejecta fuit, atque proscripta; & in *Sirmiensis* tertia, paulo post celebrata, eadem, ac in priori Synodo, callide in Fidei formula omissa est vox *ὁμοούσιον*, *Consubstantiale*. Sed pseudoconcilia hæcenus enumeravimus: ad Orthodoxa revertamur, oportet.

IN CONCILIO *Casaraugustano* provinciæ *Tarraconensis* anno 380. damnati fuerunt Priscillianistæ: in *Aquilejensi* anno 381. Palladius Arianus: in *Burdigalensi* anno 385. rursus Priscillianus, & Instantius: in *Capuano* anno 389. Bonosus: in *Mediolanensi* anno 390. Jovinianus.

LAUDANDUM est specialiter celebratum anno 381. *Constantinopoli*. Est enim Concilium *Oecumenicum II.* Adfuerunt Episcopi Catholici 150. & Macedoniani 36. Sed hi nolentes approbare *ὁμοούσιον* discesserunt ex urbe. Confirmata est in hac Synodo Fides Nicæna, damnata hæresis Macedonii, addita Simbolo verba, quæ Spiritus Sancti enuntiant divinitatem. Ad horum intelligentiam necessaria est notitia, quæ infra subjicitur, hæreticorum.

THEOPHILUS Alexandrinus sub finem hujus Seculi, & anno 399. juxta Baronium, juxta Pagium autem anno 401. damnavit in Synodo *Alexandrina* Origenistas, ejecitque his adhærentes Monachos Nitrienses: quos cum, ignota expulsionis causa, excepisset Chrysostomus, orta sunt inter Clarissimos hos præfules dissidia.

H 2

CA-

comprehensio, & cum utraque manu adinvento, confusione permotus & conspectu Patrum cum ceteris calumniatoribus se subduxit. Vide Athanasium Apol. 1. Fuit Archaph Episcopus factionis Meletianæ apud Memphis. Appellabatur quoque Joannes. Irrepsit mendum apud Socratem lib. 1. cap. 30. ubi vocatur *Ἀρχαῖος*, *Achaab*. Legendum, *Ἀρχαῖος*, *Archaph*. Arsenii tamen historiam ad Synodum Arianorum *Cæsareæ* anno 334. aut præcedenti coactam plures referunt. Vide eruditorum notas in Sozomeni librum 2. cap. 23.

In Antiochena Synodo depositum *Eustachium* ejus urbis episcopum Nicænæ fidei propugnatorem, eique suffectum *Euphronium*, narrant Socrates lib. 1. cap. 24. Sozomenus lib. 2. cap. 19. Eusebius *Vita Const.* lib. 3. cap. 59. Id refert Theodoretus ad annum 330. Philostorgius ad annum 329. Baronius ad annum 314.

CAPUT III.

SCHISMATA, ET HERESSES IV. SEculi.

TRIA Schismata, præter excitatum Romæ ab Ursicino, sedente Damaso, exorta sunt quarto Seculo. Ac primum *Donatistarum*, cujus auctor fuit *Donatus* a Casis nigris Episcopus in Numidia, ac promotor *Donatus* alter successor Majorini in Episcopatu Carthaginensi. Erupit circa annum 311. & sese continuit intra Africae limites, *Donatistæ Circumcelliones*, quod vagarentur, etiam vocati, in sua tantum communione Ecclesiam contineri jactabant, irritumque censebant baptismum ab improbis administratum.

SCHISMA alterum fuit *Meletianum* ineunte Seculo a *Meletio* Lycopolitano, seu Munienti Episcopo nuncupatum; qui, cum in persecutione Maximini immolasset idolis, e sede dejectus a S. Petro Alexandrino (1) aram contra aram erexit, disciissis Ægyptiorum Ecclesiis.

TERTIUM Schisma *Luciferianum* dictum est a *Lucifero* Calaritano, qui cum Antiochiæ, cujus urbis Episcopatum gerebat Meletius, consecrasset Paulinum, anno 362. occasionem præbuit, ut alii Meletio, alii Paulino adhererent. Ad ordinationem tamen Paulini impulerunt *Luciferum* Catholicorum dissidia; neque *Lucifer*, quem inter Sanctos colunt Sardi, alicujus hæreseos aperte vincitur; quamquam *Luciferiani* quidem traderent rationalem animam gigni ex traduce, & in Cod. Theodosiano Eusebius, e secta *Luciferianorum* vocetur hæreticus.

DETERIORES autem hæreses fuerunt, *Arii*, *Macedonii*, *Apollinaris*, *Photini*, *Priscilliani*, *Helvidii*, & *Joviniani*, *Arius* presbyter Alexandrinus, filius Ammonii cepit post annum 315. pestilentissimæ hæresis propinare venena, affirmans *Trinitatis* personas pares non esse gloria, ac majestate, sed *Verbum* esse initium creaturarum, expers paternæ substantiæ, & factum ex non extantibus. Ad latrinam secedens urgente alvi necessitate animam cum intestinis effusa-

(1) Meletius a S. Petro Synodali sententia damnatus, & depositus fuit anno 305. Vide 2. Apologiam Athanasii.

efflavit anno 336. Inter Arianos vero alii Filium creaturam Patri *dissimilem* asseriebant, ut Aetius, Eunomius, Eudoxius: atque hi appellati sunt *Anomæi*; ἀνομοί enim idem est, ac *dissimilis*. (1) Alii *similem* quidem, sed non *Consubstantialem* dicebant, ut Narcissus, Demophilus, ceterique Episcopi Semiariani tertiæ Synodi Sirmiensis; a quibus approbatum est ὁμοούσιον, *substantia simile*, non probatum ὁμοούσιον, *Consubstantiale*. His accesserunt *Eusebiani*, qui ab Eusebio Nicomediensi partibus Arianorum addicto nomen traxerunt. (2)

QUOD Arius de Verbo Dei, *Macedonius* asseruit de Spiritu Sancto, hunc ad conditionem deprimens creaturatum. Macedonius Constantinopolitanum adeptus erat Episcopatum, cum circa annum 360. cœpit disseminare hæresim, in Thracia præsertim, in Bithynia, & Asia propagatam. Ei adhærentes ab illius nomine *Macedoniani*, a dogmatē autem, quo Divini Spiritus majestati bellum intulere, *Pneumatomachi*, ἀπὸ πνύμα, καὶ μάχουμα, sunt appellati.

APOLLINARES duo fuerunt, pater, & filius, presbyter unus, & institutor Grammaticæ, alter Rhetoricæ præceptor, & in Ecclesia Lectoris functus officio. Pater Alexandria Berytum, Beryto migraverat Laodiceam, ibique vetiti a Theodoto Episcopo Laodiceno uti consue-

H 3

tudine

(1) Auctor Anomæorum *Eunomius*, qui Cyzicenam regebat Ecclesiam, & non in Trinitatem, sed tantum in Christi mortem baptizandum esse docebat, ut inquit Sozomenus lib. 6. cap. 15. Cum Eunomio conspirarunt *Eudoxius* invalor patriarchatus Antiocheni, apro silvestri comparatus, *Arius*, quem a Flaviano accusatum Leontius exuerat diaconatu, *Georgius* Alexandrinæ insidiator Ecclesiæ, alique hujus fursus.

(2) Pro Arianis pugnarunt *Eusebius* Nicomediensis, *Theognis* Nicænus, *Eustathius* Antiochenus Sabellianus, alique plures, qui Nicænam fidem tentantur subvertere. Soerates lib. 1. ait, jussu Eudoxii C. P. Eunomium, de quo supra, sermonem ad populum habuisse in die *Theophania*, & utrumque ausum dicere, Josephum post ineffabilem partum coivisse cum Virgine, & Filium, ac Spiritum Sanctum esse ministros & servos Patris; quod asserit quoque Philostorgius lib. 6. cap. 1. Apud eundem Historicum lib. 4. cap. 15. fit mentio hæresis *Barborianorum* in Cilicia degentium. Eisdem commemorat etiam S. Philastrius. Laudabant hæc carnalem concupiscentiam, negabant futurum judicium, & incedebant oculo faciem oblitiscientes. Hinc nomen traxerunt; cœcum quippe Græce dicitur *κῆκλον*. Hæretici *Θεωματοί*; *miraculorum* nempe *effectores*, qui absurda jactabant miracula, fuerunt, ut opinor, perditissimi Ariani; recententur enim in istorum classe apud eundem Philostorgium initio libri 9. *Aetius*, *Eunomius*, *Leontius*, *Candidus*, *Evagrius*, *Arrianus*, *Florentius*, & *Theophilus* Indus: quos ille tamquam *Consubstantialis* opugnatores deprecatur.

tudine Epiphaniï Sophistæ, ne ad Gentilium superstitionem delaberentur; Apollinaris filius id ducens contumeliæ loco, novam hæresim condidit, imperante Constantio, dogmatizans hominem absque anima assumptum fuisse a Deo Verbo, ac postmodum assumptam quidem animam, sed mente destitutam, cui proinde loco mentis esset idem Verbum. *Apollinaristæ* hoc autumantes dicuntur.

PHOTINUS e Galatia, sed Sirmii in Pannonia Episcopus, & Marcelli Ancyрани discipulus, adhæsit aliquando hæresi Sabellianæ: tum addidit Christum esse *ἑν ὡς ὁ πατήρ*, idest, purum putum hominem, neque ante Mariam extitisse, depositus, & damnatus in 1. & in 2. Synodo Sirmienſi. Cœpit blasphemias evomere anno 341. obiitque in Galatia anno 377. *Photini* sequaces a Vigilio Tapsenſi, & ab Augustino appellantur *Homuncionistæ*. (1)

PRISCILLIANUS in Hispania ortus familia nobili ac prædivite, seductus a Marco quodam Ægyptio Gnostico, & Manichæo (2), duorum principiorum, atque fatalis necessitatis errores innovavit, mendacium ac perjurium licitum esse tradidit, promiscuas probavit libidines, Sabellianorum fovit deliramenta, ac traducta sub humilitatis specie flagitiosissima vita, Treviris damnatus est capitis anno, ut fertur, 388.

PER-

(1) A Photino in hæresim fuisse pertractum Romanum Pontificem *Anastasium* affirmat Danthes celeberrimus Poeta Etruscus *Inferni* Cantu undecimo. Christophorus Landini, & Alexander Vellutelli in Commentariis suis ad prædictum cantum XI. ajunt, *Anastassium* Photini hæresi infectum, fuisse Romanum, eandem hæresim palam tradidisse, dum autem illam confirmare studeret, infelici obitu periissa. Ac Vellutellus hunc Pontificem fuisse ait *Anastassium* hujus nominis Quartum. Hæc autem nulla ratione consistunt. Nam *Anastassius IV.* Romanus sedis Seculo duodecimo, *Photinus* autem hæresim spargebat suam Seculo Ecclesiæ quarto. Verum hoc Seculo Ecclesiæ administravit *S. Anastassius* hujus nominis Primus, quem Photinianum hæreticum appellare audacia est maxima. Primo enim *Anastassius I.* inter Sanctos Romanæ venerationis Ecclesiæ. Deinde hunc Romam habere non meruisse, recte scribit ad annum 398. venerabilis Cæsar S. R. E. Cardinalis Baronius. Insuper quis hunc hæreticum dixerit, quem Apostolicæ sollicitudinis anxium, sibilantia hydræ hæreticorum ora compescuisse, & libros Origenis *Periarchon*, horumque interpretem *Rufinum* damnasse, ad Principiam, & ad Deme-triadem scripsit S. Hieronymus? Idem Anastasium in Epistola ad Geruntiam summogere commendavit. Quanti insuper Anastasium Pontificem fecerit S. Paulinus, apertum est ex hujus litteris ad *Dalphinum* in Gallia Episcopum. Hinc perspicuum est, Poetas sibimet quodlibet audendi, ut Venustinus aiebat, factam sibi existimare potestatem.

(2) Ægyptii Seculo IV. magna ex parte Manichæis adhæserunt. *Hieracius* hos Manichæos legimus fuisse appellatos. Horum unus fuisse creditur *Marcus* seductor Priscilliani, & Memphis ortus.

PERPETUAM Deiparæ virginitatem denegarunt *Helvidius*, & *Jovinianus*: Quorum primus discipulus Auxentii Episcopi Mediolanensis Ariani circa annum 380. vix primis imbutus litteris conscripto libello tradidit Mariam post Domini nativitatem alios filios ex Iosepho carnali concubitu peperisse. *Jovinianus* vero Monachus Apostata, & auditor Helvidii docuit ulterius servandam non esse pudicitiam, nuptias solatia esse ad despumandas libidines, atque meritorum & præmiorum sustulit discrepantiam, damnatus sedente Romæ Siricio, anno 390. & lege Honorii anno 412. quo adhuc superstes conventicula agebat, plumbatis cæsus, & in Bubum Dalmatiæ insulam relegatus.

Hæ quidem fuerunt præcipuæ quarti Seculi hæreses: sed quasdam alias commemorat Epiphanius, videlicet, *Audianorum*, ab Audæo Syro, qui affingentes Deo humani corporis delineamenta, *Anthropomorphita* sunt appellati ab ἀνθρωπος, homo, & μορφή, figura: (1) *Antidicomarianitarum*, asserentium cum Helvidio Virginem post partum copulatam fuisse viro; unde dicti sunt *Mariæ adversarii*; ἀντιδίκαι enim, & *adversarius* idem sonant: *Collyridianorum*, qui Deiparæ tanquam numini sacrificabant, nomen sortiti a κολλυρίς, *siliginea placenta*, Virgini ab illorum oblata feminis: *Messalianorum* denique, asserentium omittis omnibus aliis operibus orationi tantummodo esse vacandum, nullumque ex Ecclesiæ Sacramentis, Baptismi etiam, & Eucharistiæ, percipi fructum. Hos *Euchistas* ab εὐχή, oratio, & *Enthusiastas* ab ἐνθουσιάζω, Numine ager, vel, infansio, dixerunt. (2)

(1) Ab Origenistis etiam Catholici *Anthropomorphita* sunt appellati, quasi rejicientes Origenis allegorias etiam Scripturæ loca, quæ Deo manus, pedes, ceteraque adtribuunt humana membra, sensu duotaxat literaliter exponerent. A qua insimulatione neque Sanctissimi viri Epiphanius & Hieronymus, apud Joannem Jerosolymitanum & Rufinum, fuerunt immunes.

(2) In *Historia Philostorgii* lib. 8. n. 3. describitur hæresis cujusdam Episcopi *Theodosii*, qui, Joviano imperante, ad impia Eunomianorum dogmata addebat, Christum eximio virtutum studio ex natura mutabili immutabilem evasisse, & Deum neque loqui posse, neque audire, quoniam lingua caret & auribus.

CAPUT IV.

DE ECCLESIASTICIS SEculi IV. SCRIPTORIBUS.

BREVITATI studentibus locus non est plurimos Seculi hujus distincte recensere Scriptores. Præcipuos itaque, & litteris æque, ac sanctitate celebres laudabimus separatim, tum coacervatim reliquos.

OCCURRIT primo *S. Athanasius* Alexandrinus insectator Arianorum acerrimus. (1) Interfuit anno 325. Nicæno Concilio, & anno proximo susceptus est Alexandro in Episcopatu patriæ suæ. Non semel Arianorum machinationibus coactus est solum vertere, fractusque ærumnis succubuit anno 371. aut sequenti. Exquisitissimis lucubrationibus Arianam hæresim profligavit.

ANTONINUS quoque Ægyptiorum Monachorum parens, claro ortus genere Comæ non procul ab Heraclea an. 252., in solitudinem profectus anno ætatis suæ 18., & mortuus anno 357. ætatis suæ 105. scripsit sermones quosdam, & perutilia ad Monachos documenta. Quod idem præstitere *Macarii* duo, prior Ægyptius & Antonii discipulus, qui obiit nonagenarius anno 391. alter incola Nitriensis eremi, qui centenarius decessit anno 404. necnon *Pachomius* in Thebaide ortus, & auctor monachorum Tabenesium, in quorum uno monasterio 1040. ascetæ simul vixerunt, qui decessisse fertur anno 360. Hos vero propter instituti similitudinem una conjunximus.

SAPIENTIA itidem inclaruerunt *Cyrillus* Jerosolymitanus, *Hilarius* Pictavenis, *Zeno* Veronensis, *Eusebius* Vercellensis, *Ephrem* Syrus, & *Pacianus* Barcinonensis. *Cyrillus* in Ecclesia Jerosolymitana anno 350. successit Maximo, ediditque Catecheses tam ad *Competentes*, quam *Mytagogicas* ad initiatos. *Hilarius* ob eloquentiam comparatus Rhodano rapidissimo Galliarum flumini, circa annum 335. creatus Episcopus Pictavorum in Aquitania, exinde Synodis, scriptisque Arianos plurimum exagitavit. *Zeno* antistes Veronensis, qui fertur martyrium perulisse circa an. 360. homilias plures conscripsit; sed an illæ, quæ ejus circumferuntur nomine, genuinæ sint, hæsitatur. *Eusebius* Vercellensis in Insubria Episcopus, exilium fidei causa, & ærumnas perpeffus imperante Constantio, ad hunc, atque ad Patrophilum Arianum, & ad Ver-

(1) Quod narrant de Athanasio puero alios pueros baptizante, magna laborare suspitione demonstrant in ejus Vita doctissimi PP. S. Mauri

Vercellenſes ſuos conſcripſit Epiſtolas, atque ex Græco vertit Commentarios Eufebii Cæſarienſis in Pſalmos, necnon Evangelia Matthæi, & Marci: cujus *Verſionis* codex ipſius S. Eufebii manu exaratus Vercellis etiamnum aſſervatur. Obiit autem, & immarceſcibilem coronam obtinuit circa annum 370. *Ephrem*, Propheta Syrorum cognominatus, orationes ſupra mille, hymnosque & carmina ſcripſit; obiitque circa annum 378. *Pacianus* deceſſit anno 390. ſenex admodum, inſtituitque ſcriptis Catechumenos, ac Pœnitentes, & reſutavit Novatianos.

GENERIS claritudine, parentum confeſſione, propriiſque virtutibus *Magni* cognomentum adeptus fuit *Baſilius* Cappadox, monaſtici Inſtituti promotor egregius, & Eccleſiæ Cæſarienſis Epiſcopus, Libanium rhetorum huius ſæculi principem eloquentia ſuperavit, hæreticos, præſertim *Eunomium* perſtrinxit, Monachos regulis & ſanctionibus imbuir, ſacras interpretatus eſt litteras; atque ad cæleſtem gloriam evocato circa annum 378. parentatum fuit ſplendidiffimo funere, & lacrymis quoque Judæorum, Gentilium, & advenarum.

ACCEDUNT *Gregorii* duo, *Nyſſenus*, & *Nazianzenus*. Ille *Baſilii Magni* frater, iſte eidem *Baſilio* amicitia, & conſuetudine conjunctus. Primus *Nyſſæ* in Cappadocia Epiſcopus, reſutavit ſcriptis *Apollinarem*, *Eunomium*, & *Manichæos*, divinos libros expoſuit, orationes & epiſtolas edidit elegantiffimas: & obiit an. 395. *Gregorius* alter Epiſcopus *Nazianzi* admodum valuit metro, ac ſoluta oratione, quemadmodum illius ſcripta cædore digna teſtantur. Vita ſunctus eſt Orator, & Theologus præſtantiffimus anno 389.

HÆRESEON conſcripſerunt Hiſtoriam *Epiphanius*, & *Philaſtrius*. Ille in *Panario*, huiusque Operis *Anacephaleſis*, ſive Epitome: iſte in libro, cui titulus *de hæreſibus*. Fuit *Epiphanius* gente Palæſtinus, ſed Epiſcopus in Cypro *Salaminæ*, ſive *Conſtantinæ*, diemque ſupremum obiit anno 402. *Philaſtrius* vero fuit Italus, & Epiſcopus *Brixiensis*, obiitque, ut ajunt, anno 387.

SNMMA laude, & admiratione dignus eſt Epiſcopus *Mediolanenſis Ambroſius*; nam cum ſecularibus litteris, cauſiſque actitandis dediſſet operam, & *Æmilie* ac *Liguriæ* gereret præfecturam, inopinato electus Epiſcopus anno 374. in ſacra eruditione adeo profecit, ut libros de Patribus Veteris Teſtamenti, de Teſtamenti Novi Myſteriis

& Sa-

& Sacramentis, de Ministrorum Officiis, in Evangelium Lucæ, ac plures varii argumenti epistolas, & orationes credite eleganterque exornaverit. Decessit anno 397. pridie Nonas Apriles.

CETEROS eloquentia, scriptorumque copia & delectu superavit S. *Joannes Chrysostomus*, ortus Antiochiæ ad Orontem fluvium circa annum 354., a Flaviano presbyter ordinatus an. 386., locatus in sede C. P. anno 398., renitente licet Theophilo Alexandrino; multaque hujus, & quorundam aliorum Antistitum, necnon Eudoxiæ Augustæ causa perpeffus, deposuit exuvias mortalitatis in Comana Pontica anno 407. die 14. Septembris. Ut vero ejus ad populum Antiochenum, ceterasque Homilias, Orationes de Sanctorum virorum laudibus, libros de Sacerdotio, contra Gentiles, contra Vituperatores vitæ Monasticæ, atque in Evangelium Matthæi, in Epistolas Pauli, & in Vetus Testamentum lucubrationes laudaremus amplissimas, illa orationis facundia opus foret, quæ ipsi peperit *Chrysostomi* appellationem.

DE HIERONYMO, Augustino, & Paulino Nolano, in quinti Seculi Synopsi agemus.

JAM VERO eos, qui sapientia, non sanctitate floruerunt, carptim attingimus. Initio seculi adversus Gentes libros 7. florenti dictione scripsit *Arnobius* Afer, non omnino expers errorum. Gentilium pariter Theologiam in libris *Institutionum* impugnavit *Lactantius Firmianus*, (1) cui & librum de Mortibus persecutorum, aliosque adscribunt; claruit autem sub Constantino. Versatus est in eodem argumento *Julius Firmicus Maternus*, qui edidit librum *de errore profanarum religionum*. (2) De Ecclesiastica historia optime meritus est *Eusebius* Episcopus Cæsareæ in Palæstina, sed de Arianismo suspectus: eique debemus etiam, missis aliis, de Præparatione, & de Demonstratione Evangelica libros eruditissimos. Adversus hæreticos certarunt, & in divinos libros Commen-

(1) *Lactantius* videtur eruditus compluribus Afer, non Italus, utpote *Arnobii* auditor *Sicca*. Fuit *Crispi Cæsaris* Præceptor. *Institutiones* scripsit circa annum 310. exorta persecutione *Licini*. Erravit cum *Millenariis*: & negasse Spiritus Sancti *Substantiam*, inquit ad *Pammachium* S. Hieronymus. Obiisse dicitur *Treviris* senectute extrema. At locus & annus mortis, incerti.

(2) *Julius Firmicus Maternus* natione Siculus ex gentili Christianus scripsit ad Constantium & Constantem Impp. circa annum 339.

mentaria ediderunt, *Titus Bostrensis* in Arabia Episcopus, qui obiit anno 363. *Didymus* Alexandrinus Hieronymi, & Rufini præceptor, qui anno 392. excelsit ætatis suæ annum 83. *Victorinus* Afer, qui naturæ concessit circa annum 370. Evangelicam Historiam quatuor Carminum libris circa annum 330. complexus est *Juvenus* Presbyter genere Hispanus.

PRÆTERMITTO *Basilium* Ancyranum, & *Tichonium* Atrum, Semiarianum unum; alterum Donatistam.

C A P U T V.

QUARTI SECULI IMPERATORES, ET MARTYRES.

INEUNTE Seculo IV. *Diocletianum*, & *Maximianum* *Herculium* imperasse dictum est supra. Cœpit *Diocletianus* anno 301. *Coss. Posthumio*, & *Nepotiano* levire in milites, anno 303. in VIII. suo Consulatu adversus Christianos. Hæc est Ecclesiæ persecutio X. omnium crudelissima, incœpta *Nicomediæ*, ubi Ecclesia everfa est VII. Cal. Martias. Omnem fere orbem sacro Martyrum cruore infectum scribit *Severus Sulpitius*: interfecta uno die XVII. fidelium millia, & in sola *Ægypto* trucidata CXLIV. millia, unde *Copti* novam Aeram subducunt. (1)

DIOCLETIANUS, & *Maximianus* *Herculius* purpuram exuerunt anno 305. juxta *Balutium*, præcedenti anno juxta alios, & nuncuparunt *Angulos*, *Maximianus* *Herculius* *Maximianum* *Galerium* cognomento *Armentarium*, quod olim in *Dacia* pastoritiam exercuisset artem; *Diocletianus* vero *Constantium Chlorum*. Uterque anno 293. ab *Herculio* & *Diocletiano* adoptati fuerant, & *Cæsares* dicti; nam *Chlorus* uxorem duxerat privignam *Herculii* *Theodoram*, repudiata *Helena*, ex qua genuerat *Constantinum*; *Galerio* autem *Maximiano* nupserrat *Galeria Valeria* filia *Diocletiani*. (2) Eadem die, qua
Con-

(1) Persecutionis incentores fuerunt Gentiles Philosophi: præ textus incendium regii *Nicomediensis* palatii Christianis falso adtributum, ut imperante *Nerone* Urbis conflagratio. Fraude *Galerii* nondum *Augusti* occultis ministris ignis palatio fuit subiectus. Quare *Diocletianus* iussit omnes suos excarnificari & igne torqueri. Lege *Last. de Mort. Persec.* num. 14. Ibidem num. 16. laudatur *Donatus* novies sub tribus *Judicibus* tortus. Fuerunt hi *Bithyniæ* præfides, *Flaccianus*, *Hierocles*, & *Priscillianus*.

(2) Priusquam *Diocletianus* & *Maximianus* *Herculius* exuerent pur-

Constantius, & Maximianus declarati fuerunt Augusti, Cæsares creati sunt *Severus*, & *Maximinus Daza*: & uterque erat nepos *Armentarii* ex sorore.

Non diu *Constantius Chlorus* regnavit; sed extinctus est Eboraci (1) anno 306. eique *Constantinus Magnus* successit suprema patris voluntate, militumque consensu. Interca Cæsarex *Maximinus* persecutionem instauravit compellens omnes sacrificare. (2) Romæ autem imperium invalit *Maxentius* Maximiani Herculi filius, qui patrem in Campania commorantem ad imperium rursus evexit. Severo item, qui contra *Maxentium* ducebat exercitum, apud tres Tabernas occiso, Maximianus Galerius Augustum nominavit anno 308. *Valerium Licinianum Licinium*, & hunc persecutorem crudelissimum Christianorum. Inierunt concordiam cum *Maxentio* Maximianus Hercules, & Galerius Maximianus: at illum *Constantinus* anno 312. ad pontem *Milvium* superavit, (3) insigni illa victoria, quam Crucis mirabilis apparitio præsignaverat. Habemus persecutionem sævissimam, inceptam sub Diocletiano, & usque ad annum 312. subsecutam. (4)

SINGULOS recensere in hac persecutione peremptos non vacat; oportet enim omnia desthorare Martyrologia. Quosdam enumerabimus tamen. Nondum lata erant persecutionis edicta, & Namnetis in Britannia lancea confossi obierunt *Rogatianus* & *Donatianus* germani fratres.

ROMÆ *Sebastianus*, Mediolanensis transfixus sagittis, & *Felix* cum *Adaulfo* securi percussus. Nicomediæ *Pantaleo* nobilis medicus equuleo tortus, gladioque necatus. Tarfi abscissum caput *Bonifacio*, qui cum *Aglæ* matrona

puram, regia illius sedes fuit Nicomedia Bithyniæ metropolis, Herculiæ Mediolanum, Constantii (Chlori) sedes fuit Augusta Trevirorum in Gallia, Maximiani autem Galerii Sirmium in Pannonia. Galerius pro Christianis, ne diutius vexarentur, edictum Nicomediæ edidit anno 311. pridie Kal. Majas. Horrenda tunc consumptum legitur in libro de Mort. Persec. n. 35. Rufinus lib. 8. cap. 15. & Orosius lib. 7. cap. 28. ajunt agitarum furis vim sibi intulisse. Obiit Idibus Maji prædicto anno 311. Nullum ex Valeria filium suscepit. Candidianum ex concubina procreatum Licinius occidit anno 313.

(1) In Anglia.

(2) *Maximinus* Valeriam Galerii viduam, ejus raptas recusantem, relegavit cum Prisca matre & uxore Diocletiani in desertas Syriæ solitudines.

(3) *Milvium* Vistor, Prudentius contra Symmachum, Paulus Diaconus, alique dixerunt.

(4) In Persecutione Diocletiani uno mense coronatos martyrio XVII. mille Christianorum, inter quos *Marcellinus* Papa una cum *Claudio*, *Cypriano*, & *Antonino*. Vide Martyr. Rom. VI. Kal. Maji.

trona Romana stupri habuerat consuetudinem . Puteolis martyrio cum sociis coronatus *Januarius* Beneventanus Episcopus . Coronatos in eadem persecutione complures memorat Eusebius lib. 8. H. E. & in subjecto libro de *Martyribus Palestinae* . Ait Nicomediae vario mortis genere affectos *Dorotheum* , aliosque pueros Imperatoris cubicularios , *Gorgonio* elisas laqueo fauces , *Anthimum* Episcopum truncatum capite , innumeros projectos in mare . In Armenia , in Palæstina , in Thebaide , ceterisque provinciis tanta sacrorum ministrorum comprehensa est multitudo , & capitis damnata , ut carceres , quibus continerentur , deessent . Illustre fuit martyrium *Phile* Episcopi Thmuitarum , *Adaukti* Romana dignitate conspicui , Quatuor Coronatorum , aliorumque , de quibus Passi Sanctorum VI. Idus Novembris , *Luciani* presbyteri Antiocheni , *Petri* Alexandrini , *Felicitis* Carthaginensis , *Theodori* Ancyranum una cum septem Virginibus , *Romuli* cum Infante , cujus martyrium describit Prudentius . Inter Martyres Palæstinos celebrantur *Procopius* , *Alpheus* , *Zaccheus* , *Timotheus* , *Timolaus* , *Dionysius* , &c. Passi itidem in Cilicia *Cosma* & *Damianus* , ἀγᾱγῶν nuncupati , quoniam gratis medebantur ægrotis : Gallicæ prope Nicomediæ *Justina* , *Cyprianus* , & *Theoclistus* : in Africa *Saturninus* , *Crispina* , alique complures : Alexandriae *Didymus* & *Theodora* : Chalcedone *Euphemia* : Tyri in Tuscia *Christina* : ad Aquas Gradatas *Chrysogonus* : Hadrianopoli *Philippus* Hecacleensis : Valentia in Hispania *Vincentius* : Emerita *Eulalia* : Augustæ Vindelicorum *Afra* antea meretrix : Amateæ *Theodorus* : Nicomediae *Barbara* : Syraculis *Lucia* : in Achaja *Arcadius* : Romæ *Susanna* & *Agnes* , *Cyriacus* , *Largus* , *Samaragdus* , alii . Foro Cornelii , seu Imolæ *Cassianus* : Bononiæ *Vitalis* & *Agricola* , (1) : Cæsaraugustæ sub Maximiano Martyres XVIII. Sebastæ in Armenia *Blasius* , & XL. Martyres sub Licinio , &c.

SUPERATO devictoquo Maxentio , *Constantinus M.* primum cum Licinio , deinde solus imperavit ad annum usque 337. quo Achirone prope Nicomediæ obiit XI. Cal. Junias , *Coss. Titiano* & *Feliciano* : eodemq. anno V. Idus Sept. renuntiantur Augusti tres illius filii ,
Con-

(1) Floruit ibidem circa hæc tempora , & Seculo tertio ad finem vergente , *J. Eusebius* Episcopus , *Ambrosio* Mediolanensi amicitia conjunctus , & *J. Simplicianus* ejusdem Ambrosii successor .

Constantinus, *Constantius*, & *Constans* (1). Diuturnior fuit principatus Constantii, quam fratrum: nam *Constantinus*, occisus fuit prope Aquilejam *Coss. Acindino & Proculo*, anno 340. die 6. Aprilis: *Constans* a Magnentio in Gallis interfectus fuit sub initia anni 350. Consulatum *Sergio*, & *Nigriniano* gerentibus; *Constantius* vero obiit *Coss. Florentio*, & *Tauro*, idest anno 361. tertio Nonas Octobris. Arripuit tunc imperium *Flavius Claudius Julianus* filius Constantii (2) & Basilinæ, qui a Christi fide ad cultum idolorum descivit, *Apostata* idcirco denominatus. Sæviit & is in Christianos anno 362. cum conflagrasset templum Apollinis in Daphne. (3) Sed *Apostata* sceleratissimus istu cælitus immisso miserrime interiit die 27. Junii anno 363. ipsemet *Juliano IV. & Promoto Coss.*

In persecutione Juliani martyrio coronati fuerunt Antiochiæ *Artemius*, Alexandria Gallicanus, Cæsareæ in Capadocia *Euphychius*, Aretii *Donatus* Episcopus, & *Hilarinus* monachus, Romæ *Gordianus* & *Epimachus*, Joannes & *Paulus*, *Bibiana* virgo, &c.

EXTINCTO *Juliano*, imperator a militibus renunciatus est *Flavius Jovianus*, aliis *Jovinianus*, e Pannonia; & *Joviano* mortuo anno proximo 364. die 17. Februarii (4) successit *Flavius Valentinianus*, ejusque frater *Fl. Valens* Orienti præfectus. *Gratianus* quoque filius *Valentiniani* & *Severæ* a patre appellatus est *Augustus* anno 367.

IX.

(1) Magni Constantini avi fuerunt *Eutropius*, & *Claudia*: parentes *Constantius Chlorus*, & *Helena*; noverca *Theodora*: fratres a *Theodora* geniti *Hanniballius* pater Dalmatii, *Constantius* pater Galli, & *Juliani* *Apostata*: sorores *Constantia* *Licinii* conjux, & *Anastasia* uxor *Basiani*: uxores *Minervina*, ex qua genuit *Crispum*, quam *Sex. Aurelius Victor* ait fuisse concubinam, & *Maximiana Fausta* filia *Max. Herculi*, ex qua suscepit *Constantinum*, *Constantium*, *Constantem*, *Constantiam*, & *Helenam*.

(2) *Constantius* pater *Juliani* fuit *Constantini* Magni frater, non filius. Idem *Constantius* non ex *Helena*, sed ex *Flavia Maximiana Theodora* genitus fuerat, ac frater fuit *Hanniballii*. Apud *Suidam* *Julianus* dicitur *Parabata*. Uxorem habuit *Flaviam Maximianam Helenam* filiam *Constantini* Magni.

(3) Eodem anno 362. *Julianus* ad Hebræos scripsit Epistolam 25. reedificationem *Jerusalem* Templique suadens: quod illi opus proximo anno 363. æquevisi sunt, sed frustra.

(4) Id quidem juxta *Socratem*, aliosque afferentes diem *Joviani* mortalem fuisse XIII. Kal. Martias: sed in *Cod. Theod. lib. 9. tit. 25.* extat ejusdem *Joviani* lex contra raptores biduo post latam, nempe XI. Kal. Martii, & die 19. Februarii. Obiit *Dadasthanæ* inter *Galatiam* & *Bithyniam*. Post *Joviani* obitum designatus Imperator *Sallustius P. P.* dignitatem renunciavit senectutem causatus; concurrentibus in ejus solum studiis, ait hunc vero nimium esse juvenem.

IX. Cal. Septembris. Deceffit *Valentinianus* anno 375. die 17. Novembris, eique fuffectus est *Valentinianus Junior*, illius & *Justinæ* filius, & ex patre frater *Honorii*. *Valens* occubuit anno 378. die 9. Augusti, *Gratianus* anno 383. die 25. Augusti. *Valentinianus Junior* occifus est ab *Eugenio* anno 392. die 15. Maji. Imperarunt tum *Theodofius*, & *Arcadius*; quorum ille filius *Honorii* & *Thermantiæ* (1) a patre *Augustus* dictus fuerat an. 379. *Arcadius* vero filius *Theodofii* & *Flaccillæ* a patre confors imperii declaratus est cum *Honorio* filio itidem *Theodofii*. Obiit *Theodofius* anno 395. die 17. Januarii: atque hinc subducitur *Arcadii*, & *Honorii* principatus: quorum anno 6. *Coff. Aureliano* & *Stilicone* defuit quartum *Ecclefiæ* Seculum.

IMPERANTE *Honorio*, aut *Gratiano* ab Hunnis martyrio affectæ sunt *Urfula*, & aliæ Virgines: (2) quarum numerus fidem fuperat, & forte in *Aëtis*, pro *Undemilia*, undecim mille irrefpere. Floruerunt etiam hoc Seculo eximia fanctitate, præter enumeratos præcedenti capite inter Scriptores, *Hilarion* & *Paphnutius* monachorum patres, *Jacobus* Nifibi in *Mefopotamia*, *Euthathius* *Antiochenus*, *Nicolaus* *Mirenfis*, *Dionysius* *Mediolanenſis*, *Martinus* *Turonenſis*, *Zenobius* *Florentinus* *Antiftes*; ac matronæ fanctiffimæ, *Helena* mater *Conſtantini*, *Monica* *Auguftini* parens (3), *Marcellina* ſoror *Ambroſii*, & *Paula* *Romana*.

C A P U T VI.

QUÆ SECVLO IV. DOCTRINA, ET DISCIPLINA VIGUERINT.

DEI VERBUM eſſe Patri *Conſubſtantiale*, & unum *dei* quomodo traditur in *Evangelio*, confirmatum eſt perfidiæ *Arianicæ* confutatione. Retinendum didicimus *ὁμοούσιον*, & *ὁμοιούσιον* caute uſurpandum, atque in ſenſu

(1) *Honorius*, & *Thermantia* parentes *Theodofii Magni* confundendi non ſunt cum *Honorio* filio ipſius *Theodofii* & *Flaccillæ*, & *Arcadii* fratris, & cum *Emilia* Materna *Thermantia* filia *Stiliconis*, & *Honorii* ſecunda uxore.

(2) Harum quidam putant mentionem fieri in *Philopatro* *Luciani*, idæoque inficetum libellum huic adjudicant: ſed locus ambiguus eſt.

(3) *Marcellina* inter Virgines colitur.

sensu Semiarianorum rejiciendum. Divinam in Christo humanamque naturam, & in ista rationalem animam mentemque inesse, ut divinæ dispensationis postulat ordo, declaratum est luculentius. Spiritus Sancti propugnata est contra Macedonianos divinitas. Perpetua Deiparæ Virginitas vindicata. Deum carere corporeis membris, prout naturalis etiam ratio suadet, liberum arbitrium non constringi fatali necessitate, ex hujus seculi expulsi erroribus evidentius dignoscitur.

EUCCHARISTIA nomine *Fermenti* ad fidelium unionem servandam hoc seculo dirigebatur ad *Titulos*. Chrisma a solis Episcopis conficiebatur; quamvis eo presbyteri lini-
rent verticem baptizati. Episcopus Ostiensis in consecratione Romani Pontificis pallio utebatur. Siricii constituto Sacerdotes, & Diaconi, nonnisi cœlibes eligebantur, & clericorum officiis aggregari cœperunt Monachi, quos morum gravitas commendabat. (1)

POST-

(1) Dirutis hoc seculo fanis & simulacris idolorum, plurima erecta sunt Christiani cultus templa. Nam in solo libro III. Vitæ Constantini. ab Eusebio descriptæ numeratur templum ad Sepulcrum Domini cap. 33. Bethlehemiticum ab Helena illius matre constructum cap. 43. magnificentissimum in honorem Salvatoris Nicomediæ cap. 50. in loco, qui vocabatur Mambre, cap. 51. apud Heliopolim cap. 58. &c. De Ecclesiis autem imperante, & adjuvante Constantio Romæ, Albani, Neapoli, Constantiæ in Numidia, & in regia præsertim urbe Constantinopolis, legendum Opus Joannis Ciampini de Sacris Ædificiis a Constantino Magno constructis. Complura quoque Theodosius Magnus, ejusque filii Arcadius & Honorius construxerunt. Dirutum inter alia *consule Manlio*, nempe anno 399. Carthagine simulacrum *Celestis*. Hinc S. P. Augustinus lib. 18. de Civit. Dei cap. 54. demonstrat quam falsum sit jactatum a Gentilibus oraculum, per annos solummodo 365. Christi nomen fuisse colendum, postea vero religionem nostram penitus fuisse delendam. Lege & Prosperum lib. 3. de prædict. capite 38. Ubi *Celestis*, seu Junonis, erat templum, consecrata est ab Aurelio Carthaginiensi Antistite amplissima Ecclesia. Condita Constantiopolis a S. Gregorio Nazianzeno Sacra ædes, quam *anastasias* nominavit, quod illic fides languescens videretur revivisse. Vide ejusdem Gregorii orationem 31. Distinguenda hæc est ab *Anastasia* Ecclesia Novatianorum memorata a Socrate lib. 2. cap. 38. Idem Historicus lib. 6. cap. 6. laudat templum S. Euphemii Chalcedonæ, ubi inter Gainam & Arcadium Imp. iniis concordia fuit. Meminit quoque eo loci Constantinopolitanæ Ecclesiæ Gothorum, & alterius Joanni Apostolo dicatæ, quæ ab urbe distabat septem millibus passuum. De *Serapio* Paganorum templo in Ecclesiam Alexandriæ commutato legendus Sozomenus lib. 7. cap. 15. Circa annum 330. *Prumex* Abyssinos ad Christi fidem convertit.

De Monachis in Thebaide degentibus, eorumque institutis & disciplina, item de Scetienisibus, de Nitriensibus, & monasteriorum Cellis, de Palæstinis, Syris, & Edessenis, vide Sozomenum lib. 6. Palladium in Hist. Lausiaca, &c.

POSTQUAM erim in Thebaide Eremiticæ vitæ tyrocinia posuerat *Paulus* vita functus anno 343. ætatis suæ 113. cœperunt Monachorum propagari instituta, *S. Antonius* Abbas iis vivendi leges præbuit anno 310. Paulo post *Pachomius* auctor fuit Tabennesium. *Basilus* regulas Monachis tradidit circa annum 363. Instituit etiam Congregationem & monasterium erexit an. 380. *S. Ambrosius*. Institutum monasticum in Italiam a *S. Athanasio* allatum, invexit in Africam *Augustinus*, & prope Tagastem cum *Eremitis* exercere cœpit anno 387. Idem creatus Hipponensis Episcopus communem vivendi formam anno 395. præscripsit clericis; unde *Canonicorum Regularium* Augustinensium manavit Ordo: Maronitæ in Syria a *Marone* monacho ac presbytero religiosissimam vitam agente ad Orontem non procul ab Apamea, hoc exeunte seculo originem nomenque traxerunt.

A P P E N D I X

DE REBUS EXTERNIS MEMORABILIBUS.

BELLA Cæsarum, aliorumque, eventus quosdam memoria dignos, Scriptoresque celebres breviter recensebimus. *Constantinus Magnus* (1) post cædem *Maxentii*, anno 313. in Gallias concesserat, rebus cum *Licinio* compositis; sed bellum inter illos anno 315. exortum est, mortuo etiam *Maximino*: qui anno 313. a *Licinio* in Illyrico devictus fugit in Asiam, & *Tarsi* in Cilicia toto corpore exeso, & desiliens e capite oculis miserrime periit. (2) Bellum tamen Augustorum aliquandiu cessavit, inito rursus foedere. *Sarmatas* anno 316. *Constantinus* expugnavit, occiso illorum rege *Rosimundo*. *Gallicanus* dux eodem anno *Scythas* compressit. Exortum

Tom. I.

I

ite-

(1) Superatus *Maxentius* an. 312. VI. Kal. Novem. De cælesti signo, quod *Constantino M.* apparuit, vide *Euseb. lib. 9. Hist. E. cap. 9.* & lib. 1 de Vita Const. cap. 40. ubi etiam inscriptio posita ad basim statue sue dextera vexillum crucis gestantis: quam statuem illam esse puto, quæ servatur in atrio Basilicæ Lateranensis a *Clemente XII.* exornatæ. Vide & librum de Mortib. Pers. c. 40. notasque *Stephani Baluzii*, & *Gisb. Cuperi*.

(2) *Maximinus* bellaturus cum *Licinio* Jovi votum vovit, ut si victoriam retulisset, Christianorum nomen extingueret, funditusque dele-ret. *Licinius* autem ab angelo præmonitus cum toto exercitu preces obtulit summo Deo. Pugnatum pridie Calendas Majas.

iterum anno 323. bellum inter Licinium & Constantinum. at Licinius tribus præliis a Constantino victus sese imperio abdicavit, per uxorem Constantiam Constantini forem impetrata salute. Verum idem Licinius anno 325. Theſſalonicae novas res molitus fracto gutture occiditur, illata etiam morte Martiniano, quem Cæsarem nominaverat. (1) In Gothos anno 332. Constantinus victrices manus convertit, eosque apud Sarmatas debellavit. Quando prope Nicomediam anno 337. decessit, parabat adversus Persas expeditionem. Constantinus Junior anno 340. intulit bellum Constanti, & latrocinii specie in illius fines irrupit; sed interfectus, & in Alsam fluvium (2) profectus fuit. Domuitque anno 341. Constans Francos. Contra Magnentium, qui anno 350. apud Augustam arripuit imperium, & Constantem occidit, anno proximo 351. castra movit Constantius. Pugnatum apud Mursam in Pannonia; ac primum vires Romani imperii fuerunt attritæ: victus tamen Magnentius, qui desperatis rebus anno 353. apud Lugdunum seipsum interemit quemadmodum apud Senones laqueo sibi mortem intulit Decentius, quem ille Cæsarem appellaverat. Julianus anno 357. ingentes Germanorum copias apud Argentoratum fudit, capto Chonodomaro rege. Gerebat anno 363. bellum contra Persas, dum miserabili, ut supra dictum est, periit fato. (3) Valentinianus anno 370. Saxones ejecit e Galliis: 371. in fugam

(1) Divisit Constantinus anno 330. Romanum Imperium in duas partes, Orientis unam. Occidentis alteram; unde Aquila Imperii stemma pingitur biceps: quæ pertinet versus,

Pisſa biceps Aquila hinc Oceasum, hinc adſpicit Ortum.

(2) Non procul ab Aquileja.

(3) Quidam & S. Mercurio Martyre Julianum lanceæ transfixum scripsere. Moriens vero cruorem e vulnere manantem manu haustum projecit in aerem, dicens, *Viciſti Galilæe, viciſti* Obiit 2. imperii anno, ætatis suæ 31. Exuſi in anno 368. igne ad preces S. Babylonæ M. & cælis emiſſo templum Apollinis in Daphne ſcribit S. Joannes Chryſoſtomus oraſ. in Babyloniam, & contra Gentes, necnon Sozomenus lib. 3. H. E. cap. 20. Fuerat primum Julianus in Eccleſia Lector, baſilicam in honorem Martyrum conſtruxerat, revocaverat ab exilio pulſos a Conſtancio Episcopos, Meleſium Antiochenum, Athanaſium Alexandrinum, Eufebium Vercellenſem, Luciferum Calaritanum, &c. Factus autem apoſtata *Apollinem Pythium* apud Daphnem conſultuit, ſacra vaſa in publicum ætarium juſſit inferri; templorum fores obſtruxit, ſacram menſam fertur perminxiſſe. Chriſtianis, quos *Galilæos* aut filios *Galilæorum* appellabat, inhibuit ſtudia, eosque expelli mandavit a militia, in urbe Panæade ſubverſa ſtatua, quam erexerat mulier a preſſuſio ſanguinis a Chriſto liberata, propriam locavit, igne e cælis elapſo ſtatim diſciſſam

fugam vertit Germanos . Gothi , qui anno 376. ab Hunnis expulsi , permissu Valentis in Thracia sedem fixerant , sarae compulsi propter avaritiam Maximi ducis , anno 377. rebellarunt a Romanis ; & ipso ac sequenti anno Romanorum legiones in Thracia interecione pene deletæ sunt . At annis 380. Theodosius multis præliis Gothos vexavit , eosque expulit e Thracia . Idem Theodosius anno 386. delevit Gurtungos Istrum transgressos . Superavit quoque anno 388. tertio ab Aquileja lapide Maximum , qui imperium per seditionem usurpaverat . Tanta demum sorte anno 394. prostravit ingentem Gallorum & Francorum exercitum ab Eugenio tyranno collectum , ut vento vehementer flante hostium tela in ipsos retorquerentur . Hinc Claudianus ita adloquitur Theodosium ,

*O nimium dilecte Deo , cui militat æther ,
Et conjurati veniunt ad classica venti .*

DIXIMUS de præliis : eventus modo attingamus alios . Anno 326. Crispus Constantini filius occisus est , quasi de stupro Faustam novercam interpellasset . Interfectus est etiam Licinius Junior filius Licinii A. & Conitantiæ , juvenis innocens & egregius . Helena ad levandum dolorem Jerosolymam profecta , illic Crucem Domini humi defosam invenit . Encænia novæ urbis Constantinopolis anno 330. celebrata fuere , cunctis idolorum templis everfis . Interfectus anno 354. in Istria jussu Constantii patruelis sui Gallus Cæsar ob affectati Imperii suspicionem . Terræmotu anno 365. adeo totus orbis concussus est , ut mare litore egrederetur , & populi innumerabiles opprimerentur . Prodierunt anno 379. ex peninsula Scandia (1) Langobardi , regionemque Vandalorum occupare . Anno 390. ignea columna visa est per dies triginta ex aere pendere cum magno omnium terrore : ejecta ab Arcadio privigno Galla Placidia ; & patrata a Theodosio cædes

I 2

Thessa-

Judæis indulsit , ut rursus Jerosolymitanum templum erigerent , quod terræmotu lapides diruente , flammisque e fundamento erumpentibus perterriti , dispersi , consumpti frustra tentarunt . Eodem momento , quo contigit , scelestissimi principis cædes revelata divinitus fuit *Juliano* Sanctissimo anachoretæ . Hæc ex Socrate lib. 3. Sozomeno libro 5. Theodoro libro 3. Eccl. H. & ex Marcellino , aliisque Historicis deprompta sunt .

(1) Scandia inter mare Svecicum ad austrum , & Septentrionale ad Arctos , sive inter Norvegiam & Sveciam *Vagina* dicitur a *Jornande* , quod inde Gothi , Vandali , & Langobardi prodierint ad aliorum perniciem .

Thessalonicensium, quod interfecissent Boterichum præfectum militum in Illyrico. Postremo hujus seculi anno Alaricus Gothorum ductor e Pannonia (1) in Noricum, hinc vero in Italiam, per saltus Tridentinos irrupit.

CONSCRIPSERUNT hoc seculo historias *Asclepiodotus* a Vopisco laudatus: *Trebellius Pollio*, qui Volumen hitoricum inscripsit *de XXX. Tyrannis*, inter quos Valentem falso connumerat: *Julius Capitolinus*, in quo Sigonius reprehendit nimiam verborum: *Ælius Lampridius*, dictus *pedester & humilis*: *Flavius Vopiscus*, qui trigam edidit imperatorum, *Cari*, *Numeriani*, & *Carini*, & vitam *Aureliani*: *Ælius Spartianus*, cujus pauca extant excerpta: *Aurelius Victor*, cui tamen supponitur libellus inscriptus, *Origo Gentis Romanæ*: *Eutropius Sophista*, & *Sextus Rufus* vir Consularis, qui Epitomes, seu Breviaria ediderunt: *Ammianus Marcellinus*, cujus libri primi XIII. perierunt, veritatis studiosissimus scriptor: *Eunapius*, cujus extat *de Vitis Sophistarum* Opus elegans & venustum. Vario autem scientiarum genere clartierunt *Chalcidius* Timæi Platonis commentator: *Jamblicus* Porphyrii discipulus, qui erudite scripsit *de Chaldeorum, Ægyptiorumque mysteriis*: *Themistius* philosophus, doctissimus Aristotelis Paraphrastes: *Julianus* A. historicus & rhetor, (2) Deo simul & hominibus exosum animal: *Macrobius* reconditæ scientiæ auctor, omnigena in *Saturnaliis* argumenta pertractans: (3) Poetica insuper arte excelluerunt *Aurelius Prudentius*, quem Card. Bona appellabat *Pindarum Christianum*: *Ausonius* Burdigalensis, in quo multiplex eruditio, ingenium peracutum, sed durusculus stylius: & *Claudianus* Latine, & Græce doctus, ut in eum diceretur anima Virgilii, & Homeri transfusa. (4) Denique adversus Christianam religio-

(1) Pannonia Europæ regio inter Danubium & Savum, atque inter Noricum & Mysiam. Noricum complectitur Austriam, Stiriam, Carinthiam, Carinthiam, partem Baviaræ, necnon loca quædam Comitatus Tyrolensis Boream versus.

(2) *Juliani* libris adversus religionem Catholicam refutatis a S. Cyrillo Alexandrino, & reliquis a Petavio illustratis, vide Caveum in Seculo Ariano. De libro, quem inscripsit, *Μισανθρωπία*, Sozom. lib. 5 cap. 19.

(3) *Pappus* Alexandrinus Philosophus a Suida laudatus, & *Rufus Festus Avienus* illustris poeta, qui floruerunt postremis Theodosii Magni temporibus.

(4) Quidam Florentinum faciunt, cum tamen suprit Alexandrinus.

legionem scripserunt *Hierocles* Philosophus, & *Alexandrinæ* Urbis Præfectus, quem refutavit *Eusebius*: *Libanius* Antiöchenus Sophista, cujus auditor fuit S. Jo. Chrysostomus adolescentulus. (1) *Aur. Symmachus* urbis Senator, quem strenue confutavit S. Ambrosius; & *Maximus* Madaurenfis irrisor Martyrum, cujus ludicram ineptamque nugacitatem S. P. Augustinus perstrinxit.

Q U I N T U M E C C L E S I Æ S E C U L U M.

C A P U T I.

E N U M E R A N T U R P O N T I F I C E S M A X I M I.

PASTORES Romanæ Ecclesiæ quinti Seculi sunt, *Innocentius I.* *Zosimus*, *Bonifacius I.* *Cælestinus I.* *Sixtus III.* *Leo Magnus*, *Hilarus*, *Simplicius*, *Felix III.* *Gelasius I.* *Anastasius II.* & *Symmachus*, omnes albo Sanctorum adscripti.

XLII. INNOCENTIUS I. Albanensis inauguratus anno 402. (2) causæ S. Joannis Chrysostomi contra Theophilum Alexandrinum patrocinatus, pulsus ex Urbe Novatianis, & Pelagianis, ut verbis utamur Prosperi, Apostolico mucrone percussus, post annos Pontificatus 15. *Coss. Honorio A. XI. & Fl. Constantio II.* anno 417. cessit e vita.

XLIII. SUBROGATUS est *Zosimus* Græcus genere, qui cum Cælestio aliquando lenius se gessit, sed ejus fraude detecta, ipsum, ceterosque Pelagianos damnavit; obiitque post annum Episcopatus in *XII. Consulatū Honorii A.* anno 418.

I 3

XLIV.

(1) Huic Libanio petenti a ludimagistro Christi cultore quid ageret filius fabri, responsum fuit: *Conditor universi, quem tu per ludibrium fabri filium appellas, ligneum secretum domino tuo Juliano fabricatur.* Id contigit paulo ante Juliani obitum. Conferantur verba Sozomeni libro 6 H. E. cap. 2. cum iis, quæ leguntur apud Theodoretum lib. 3. cap. 23.

(2) Qui Pagii sequuntur Chronologiam Innocentium creatum Pontificem trahunt anno 401. *Cælestinum* anno 412. *Simplicium* æq. 463 in ceteris vero nulla est discrepantia.

XLIV. ECCLESIE deinde præfuit S. *Bonifacius* Rom. quamquam perpauci favore Symmachi P. V. Pontificem nominarent Eulalium Archidiaconum; quem Honorius principio favore profecutus, ut ex urbe pelleretur mandavit, Bonifacio munus suum obeunte ad annum usque 423. quo e vita migravit *Consule Mariniano*.

XLV. POST hunc sedit ultra annos 8. S. *Celestinus* I. qui Novatianos ejecit, Nestorianos damnavit, Semipelagianos compescuit, & concessit naturæ VIII. Id. Apriles *Coss. Valerio, & Actio*, anno scilicet 432.

XLVI. INAUGURATUS tum Pontifex *Sixtus* III. Juliani Eclanensis, aliorumque Pelagianorum insectator acerimus. Qui administrato annis tere 8. Pontificatu, obiit V. Cal. Apriles anno 440. (1) *Coss. Valentiniano A. V. & Fl. Anatolio*.

XLVII. S. *Leo* I. hæreticorum omnium, præsertim Eutychianorum oppugnator, sanctitate, sapientia, facundia, qua Attilam, & Genfericum linivit, ac deterruit, vere Magnus, & jure, meritoque a Benedicto XIV. declaratus Ecclesie Doctor, successit Sixto, & supra annos 20. rexit Ecclesiam, mortuus *Coss. Dagalaipho & Severino*, an. 461.

XLVIII. Suffectus Leoni M. *Hilarus* natione Sarduus, (2) Is Eutychem, Nestorium, & Macedonium rursus damnavit: obiitque IV. Idus Septembris anno 467. *Coss. Pusco & Joanne*.

XLIX. Decessorum exempla secutus S. *Simplicius* Tivertinus irritos reddidit Eutychianorum, iisque faventium Zenonis Augusti, & Acacii conatus, præfuitque Ecclesie ultra annos 15. vita functus *Consule Anicio Fausto*, nimirum anno 483.

L. Pontificatum deinde auspicatus est Felix III. qui rejecit Zenonis *Henoticum*, (3) & anathemate percussit Acacium C. P., Petrum Moggum, & Fullonem, obiitque

(1) Id confirmatur auctoritate S. Prosperi. Supra 40. dies Romanam Ecclesiam fuisse sine Antistite, mirabili pace ac patientia expectando adventum Leonis Diaconi, scribit idem Prosper.

(2) *Hilarus* vulgo dictus. Defunctum expletis sex Sacerdotii sui annis tradit etiam Idatus in Chronico. *Hilarus* dicendus: nam extant ad Lateranum Inscriptiones; *Hilarus Episcopus plebi Dei. In honorem Joannis Baptiste Hilarus Episcopus Dei famulus offert. Liberatori suo Joanni Evangeliste Hilarus Episcopus famulus Christi*.

(3) Decretum *Unirivum*, seu *Conciliatorium*, latum in favorem Eutychianorum, ut in communionem reciperentur a Catholicis,

que novo Pontificatus anno, V. Æ. 492. *Anastasio A. & Ruso Coss.*

LI. Sedit post Felicem S. *Gelasius Afer*, corporeis vinculis solutus anno Episcopatus sui quinto, *Post consulatum Viatoris*, idest, an. 196. post expunctum e diptychis *Acacii* nomen, ejectos *Manichæos*, recisa germina *Pelagianorum*, *Canonicos* ab apocryphis libris distinctos, sublataque *Lupercalia*.

LII. Tenuit postea Episcopatum *Anastasius II. Romanus*, pro *Orientalis & Occidentalis Ecclesiæ* unione, quam epistolis, legatis, probatisque ordinationibus *Acacii* a communione segregati, curavit quammaxime, mirum in modum sollicitus: defunctus 2. Pontificatus anno, Æ. Com. 498. *Consule Decio Paulino*.

LIII. Deinde euectus est ad supremum Ecclesiæ regimen *Symmachus* e *Sardinia*, Pontificatu functus summa animi constantia adversus schisma *Laurentii* ultra annos 15. Fuit enim illi extrema dies XIV. Cal. Augusti an. 514. *Consule absque collega M. Aur. Cassiodoro Senatore*.

PATRIARCHARUM NOMINA.

ALEXANDRINÆ Ecclesiæ præfuerunt post *Theophilum Cyrillus*, *Proterius*, *Timotheus Solophaciolus*, *Joannes Talaita*, *Eutychianis* prætermittis: *Antiochenæ* post *Flavianum Porphyrium*, *Alexander*, *Theodorus*, *Joannes*, *Domnus*, *Maximus*, *Basilus*, *Martyrius*, *Julianus*, *Joannes*, *Stephanus*, *Stephanus* alter martyr, *Calendio*, *Palladius*: *Jerosolymitanæ* post *Joannem Praylium*, *Juvenalis*, *Anastasius*, *Martyrius*, *Salustius*, & *Elias*.

CAPUT II.

SEculi ECCLESIE V. CONCILIA.

IN TRES classes plura Seculi V. Concilia dividimus quæ adversus hæreticos, quæ pro variis disciplinæ capitibus, & quæ rejicienda sunt, secernentes.

ADVERSUS Donatistas, Pelagianos, Nestorianos, & Eutychianos celeberrimi habiti sunt sacrorum Antistitum conventus: & primo contra Donatistas in Catholicos armis irruentes anno 404. congregati *Carthagine* Episcopi Afri ediderunt *Commonitorium Synodicum* ad *Honorium*

Augustum. Duobus proximis annis 405. & 406. in eadem Urbe Episcopi congregati de ipsorum Donatistarum, & paganorum molitionibus certiosem reddiderunt Imperatorem, & contra illos Honorii obtinuerunt Rescripta. Synodos eandem ob rem coegerunt anno 408. & 410. & impetrarunt a principe, ne palam convenirent, ritusque suos exerceant, proscriptionis ac mortis poena proposita. Habita anno 411. celebris *Collatio Carthagenensis* coram Marcellino Tribuno, triplici absoluta congressu. Convicia, & mendacia in Collationem illam a Donatistis conficta, refutata fuerunt in Concilio *Cirtensi*, habito in Numidia anno 412.

CELEBRATAS in causa Pelagianorum 24. Synodos, Augustino superstite, enumerat Garnerius; sed celebriores tantummodo recensabo. Primo Pelagius & Cælestius damnati fuerunt in Synodo *Carthagenensi* sub Aurelio anno 412. In *Ierosolymitana* sub Joanne an. 415. In *Diospolitana*, ubi tamen Pelagius callide fidem suam occultavit, anno ipso 415. sub Eulogio. In *Milevitana* sub Primate Numidiæ Silvano, anno 416. In *Romana* sub Innocentio I. anno 417. & in altera eodem anno sub Zosimo. In *Constantinopolitana* sub Attico, & in *Antiochena* sub Theodoto, eodem pariter anno. In plenaria *Carthaginiensi* ex omnibus Provinciis Africæ anno 418. ab Aurelio collecta. *Anazarbi* in secunda Cilicia sub Maximiano anno 422. In *Africana* Universalis, & in *Romana* sub Cælestino, anno 425. In *Arelatensi* sub Honorato anno 427. Post Augustini autem obitum damnati fuerunt Pelagiani in Concilio *Ephesino*, de quo infra.

ADVERSUS Nestorianos indixere Synodos *Romæ* Cælestinus anno 430. & seq. quo tempore etiam *Alexandriæ* Concilium coegit S. Cyrillus. Anno autem 431. Pontificis nutu, ac Theodosii Divali habita est Synodus *Ephesina*, inter Œcumenicas III. S. Cælestinus vices suas commisit Cyrillo. Interfuerunt Episcopi 274. Damnatus Nestorius, & rursus Pelagius: una in Christo propugnata persona, atque intra utramque naturam unitio, quam Theologi appellant *Hypostaticam*. Virgo Maria declarata est Θεοτοκος. Nestoriani *Simoniani* dicti fuerunt, eorumque libri proscripti anno 435. in Concilio *Armenorum*.

HÆRESIM Eutychianam Nestorianæ oppositam, & unam asserentem Verbi Incarnati naturam, proscripsit anno 448. Synodus *Constantinopolitana* sub Flaviano, &
alia

alia ibidem celebrata anno 450. Proximo anno 451. Marciano Imperante celebratum est Concilium *Chalcedonense*, quod est *Œcumenicum IV.* convenientibus 690. ut fertur, Episcopis. Damnati sunt Eutyches & Dioscorus: approbata Leonis Magni *Epistola ad Flavianum*, atque actitata est causa Theodoreti, & Ibæ Edeffeni. Synodis istis contra hæreses celebratis adde Romanum anni 444. sedente Leone Magdo contra Manichæos, & plenariam *Hispanicam* anni 447. aduersus Priscillianistas, de cuius loco non constat.

FIRMATA Ecclesiæ disciplina anno 401. circa parvulos ab hæreticis baptizatos in Concilio *Africano*: de causis Episcoporum synodali iudicio finiendis anno 402. in Concilio *Numidicæ*: de reconciliandis Donatistis anno 403. in Concilio III. *Carthagenensi*: de irritis ordinationibus anno 405. in Synodo *Toletana*: de Andronico Libyæ Præfecto anathemate a subditorum vexatione cohibendo, anno 411. in Synodo *Ptolemaidis*: de electione Heraclii, ut Augustino in Episcopatu succederet, anno 426. in Synodo *Hipponensi*: de purgatione criminum, quorum insimulabatur Sixtus, anno 433. in Concilio *Romano*: de rebus multis ad ius Ecclesiasticum pertinentibus anno 441. in *Arauscano*: de diversis Ecclesiasticis legibus an. 452. in Synodo *Arelatensi*; & de retinendis, rejiciendisve libris in *Romana* Gelasii anno 494.

REPROBATUR Synodus ad *Quercum* prope Chalcedonem anni 403. sub Theophilo Alexandrino contra S. Joannem Chrysostomum: *Latrocinialis Ephesina* pro Eutychete anno 449. sub Dioscoro, cuius acta statim Leo Magnus abolevit. *Constantinopolitana* Eutychianæ factionis anni 496. qua approbatum fuit Zenonis *Henoticum*; & *Constantinopolitana* celebrata Anno 499. jussu Anastasii Imp. in qua Epistola S. Leonis Papæ, Concilium Chalcedonense, omnesque confitentes duas in Christo naturas impio damnati sunt anathemate.

C A P U T III.

EXORTÆ QUINTO SECVLO HÆRESSES.

CONSTAT ex dictis, tres erupisse quinto seculo hæreses præcipuas, Pelagianam, Nestorianam, & Eutychianam. Priori nomen dedit *Pelagius* Britannus, ex eo Monachorum genere, qui sui juris adinstar philosopho-

sophorum vivebant. Fuit Romæ sedente Anastasio, atque inde discessit circa annum 409. Ibi audivit Rufinum, scripsitque librum *Eulogiarum*. In Siciliam cum Cælestio, hinc in Africam, mox in Palæstinam transmissit. Vivebat adhuc anno 420. Post hæc tempora altum de illo silentium. Negavit originale peccatum transfundi in posteros Adæ, & a gratia præveniri liberum voluntatis arbitrium affirmans eandem gratiam dari secundum merita nostra. Pelagii hæresis etiam *Cælestiana* dicta est a Pelagii discipulo *Cælestio*, quem alii Scotum faciunt, alii Campanum. Affinis Pelagianæ hæresi fuit error *Semipelagianorum*, qui licet Christi gratiam necessariam assererent ad faciendam perficiendamque iustitiam, illam tamen non requirebant ad initium fidei, & ad primum bonæ voluntatis affectum. (1)

CONJUNCTI necessitudine quadam erroris Pelagianis fuerunt *Nestoriani*; nam hi dogmatizabant Christum *purum* hominem natum ex Virgine, suisque meritis, & liberi arbitrii viribus ad talem gratiam pervenisse, ut Filius Dei diceretur. Haussit hoc venenum a Theodoro Mopsuesteno *Nestorius* Syrus, qui anno 428. Sisinio successit in Episcopatu C. P., & duas in Christo dogmatizans personas, seu Deum hominemque, non *ἑνωσάς*, sed morali tantum unione conjunctos, contendebat Virginem hominem peperisse, non Deum, ac proinde *Χριστόν*, non *Θεόν* esse vocandam. Damnatus a Patribus Ephesinis, & in exilium pulsus, post multos errores periit circa an. 440. Oasi in Libya terræ allisus, eique erosa vermibus lingua. (2)

EUTYCHIANIS nomen dedit *Eutyches* C. P. Archimandrita.

(1) Inter propugnatores hæresis Pelagianæ, post eos, qui ejusdem hæresis sparserunt semina, *Origenem*, *Theodorum*, *Rufinum*, & *Anianum* Diaconum Celedensem, principem locum deberi *Juliano* Eclanensi Episcopo, cui cum Augustino diuturnum fuit acerrimumque certamen, nemo unus ignorat.

(2) Præfuserat Nestorio *Theodorus Mopsuestenus*, qui plurimum laudatur a Theodoro lib. 5. Eccl. H. cap. 40. & ab aliis citatis eo loci a Valeño. Hujus rei causa Historia illa rejicitur a Gregorio Magno epist. 35. libri 6. De Theodoro plura Norisius in dissert. de 5. Synodo, & Garnerius de primis auctoribus hæresis Pelagianæ. Fuit Theodorus patria Antiochenus, acceptumque a Paulo venenum in Pelagianos, Nestorianosque transfudit. Ad Nestorium quod attinet, non defuerunt qui hunc defendere, & S. Cyrillum ejus oppugnatorem vellicare, postremis quoque temporibus, studuerunt: sed quam longe a veritate, & a fide Nestorius aberraverit, demonstrant Scripta collecta Tomo III. Biblieth. Orient. Clement. Vatic. p. 2. a viro Cl. Jos. Sim. Assemano, Nestorium a Leporio monacho seductum ait Cassianus.

dr̄ita . Is jam senex circa an. 448. cœpit asserere unam esse in Christo naturam , ex divina atque humana permixtam . Magna nactus est patrocina ; eique adhæserunt *Dioscorus* Alexandrinus , & qui ejusdem factionis subsecuti sunt , *Timotheus Ælurus* , *Petrus Moggus* , *Athanasius* , *Joannes Hemula* , necnon *Petrus Fullo* , qui anno 471. Sedem invasit Antiochenam , quique *Trisagio* , ut Divinam naturam passam assererent , additamentum illud apposuerunt , *Qui crucifixus es pro nobis* , ab aliis tamen Catholicis acceptum sensu , relatumque ad secundam Trinitatis personam , non ad divinitatis substantiam . His quoque accessere , qui pugnantes pro Zenonis *Henotico* communionem cum Eutychianis servabant . (1)

PRÆTERMITTENDA non est hæresis *Vigilantiæ* , quem joco S. Hieronymus vocabat *Dormitantium* , improban- tis cultum Martyrum Reliquiis exhibitum , cereosque in illorum Memorii accensos : *Acephalorum* , qui duce Seve- ro , a quo & *Severiani* dicti sunt , neque Catholicis , ne- que hæreticis copulabantur ; neque cum suo conveniebant Episcopo , *Acephali* idcirco appellati , scilicet , sine capi- te : *Abelianorum* denique , qui ab Abele sese denominan- tes continentiam profitebantur , & quamvis nuptias con- traherent , numquam tamen fas esse putabant dare ope- ram gignendis liberis ; atque ne destituerentur heredibus , filios inopum finitimorum adoptabant . Prope Hipponem regium habitasse , sed ad mentem sanio- rem revocatos , asserit Augustinus . (2)

CA-

(1) *Synesius Cyrenensis* philosophus præstantissimus , & ex gentili Christianus , atque Episcopus Ptolemaidis haud recte sensit de corporum resurrectione , saltem autem Episcopatum , ut scribit Evagrius lib. 1. c. 25. Ex- ponebat enim eandem resurrectionem juxta Platoniorum , Origenisque sententiam . Ejus ad Evoptium Epistolam 105. in qua agit de resurre- ctione , & de uxore retinenda , haud serio fuisse scriptam censet ad an- num 410. Ven. Baronius . At aliud est Petavii , Valesii , & Holste- nii judicium . Cum Synesius dicatur , admonente Theophilo , veram sen- tentiam amplexus , nolumus illi injuriam irrogare ipsum inter hæreticos recensendo .

(2) Commeniorant nonnulli hæresim *Prædestinatorum* exortam , ut ajunt , in Africano monasterio Adrumeti : sed nos arbitramur esse fâctitiam . E Chronico Edessæ edito in Bibliotheca Orientali ab Assema- nio habemus anno 428. emeruisse hæresim asserentium *peccatorum naturam infinitum* , illustris Editor legendum putat , *nequaquam naturæ infinitum* . Si id probes , nova non est hæresis , sed Pelagianorum , negantium origina- le peccatum , & adstruentium *impeccansiam* : at si priori lectioni adhe- reas , hæc hæresis Manichæismi est germen , vel surculus . Præter Fortuna-

CAPUT IV.

DE SCRIPTORIBUS QUINTI SEculi
PRÆSTANTISSIMIS.

ANNUS 420. supremus fuit *Hieronymo* Stridone in Dalmatia nato, & in Latino, Græco, Hebræoque sermone, cunctisque disciplinis doctissimo. Natus dicitur anno 329. & vita functus ætatis suæ 91. in secessu Be-
 • tlehemitico, Donatum in Grammatica, Victorinum in Rhetorica, Didymum in Græcorum doctrina, Bar-haninan in Hebraicis litteris habuit institutores, & a Paulino Antiocheno presbyter fuit ordinatus (1). Quantum in sacris litteris enituerit, divina ejus Bibliotheca demon-
 • strat, sacros scilicet complectens Hebræorum, Græco-
 • rumque Codices, quos latinitate donavit. Illustravit eos-
 • dem libros exquisitissimis Commentariis, eloquenti stylo instruxit matronas, virgines, monachos, & cujusque ge-
 • neris viros: acriori Helvidium, Jovinianum, Vigilantium, necnon Rufinum, cunctosque sibi adversantes pu-
 • pugit.

Quid dicendum est de *Augustino*? Natalis ei annus 355. emortualis 430. Mirum ejus ingenium ostendit, quod adolescentulus in patria Tagaste Grammaticam, & Carthagine Rhetoricam docuerit artem, & superiores di-
 • sci-
 • plinas nullo tradente didicerit. Paganos aureo *de Ci-
 • vitate Dei* Opere confutavit. Donatistas, Manichæos, Pelagianos, ceterosque ævi sui hæreticos, exagitavit li-
 • bris numero, doctrina, ac pondere argumentorum ma-
 • gno pretio æstimandis. Conciones quoque, & epistolas con-

con-

tum, Adimantum, Felicem, Secundinum, Faustum, aliosque Manichæos refutatos a S. P. Augustino, mulier etiam quædam, *Julia* nomine, Manichæa multos apud Gazam Palæstinæ urbem seduxit, sed cum S. Porphyrio Episcopo ausa inire disputationem infelici morte perempta est, ut legitur apud Surium ad diem 26. Februarii.

(1) Cum S. Hieronymus fuerit presbyter Antiochenæ Ecclesiæ, & non Romanæ, ut ipse testatur ep. ad Pammachium, negant complures, inter quos lib. 1. de Cler. cap. 16. Ven. Bellarminus, connumerandum illum esse inter S. R. E. Cardinales; quamvis id singulari Opusculo demonstrare conatus fuerit Alphonsus Ciacconius. *Rufinus* adversarius Hieronymi plura conscripsit, & Eusebii Historiam latinitate donavit, uti & Josephi libros, multumque pro Origene adlaboravit. Num ab isto, vel a *Rufino* alio Syro Cælestius acceperit non dari traducem originalis peccati, non eadem est recentiorum Criticorum opinio.

conscriptis plurimas, & in sacris explanandis libris egregiam navavit operam. Nihil eo humiliter, nihil humanius, nihil indefessum magis, & in Ecclesiasticis & civilibus negotiis pertractandis magis assiduum. Ecclesiae fulgidissimum Lumen, Scholasticorum Theologorum Duce, & Gratiae & Caritatis Magistrum universi appellant, atque suspiciunt.

CONDIGNA ulterius habenda est mentio *S. Cyrilli*, qui fuit in Episcopatu Alexandrino successor Theophili vita functi anno 412., & Nestorianae haereseos invictissimus oppugnator; quamvis in eo redargutus a Theodoro aliisque, quod Verbi Incarnati dixerit *μία φύσις . Ὡς ἑκείνη* *Naturam*. At certum est *ἑκείνη* vocabulum loco *ὑποστάσεως* usurpasse ad unam significandam Christi personam. Præter quinque contra Nestorium libros, ac de Trinitate, de Incarnatione, de recta Fide, & suimet apologias, & homilias, epistolaeque permultas, decem libros edidit contra Julianum, atque in Pentateuchum, in Prophetas, & in Evangelium Joannis locupletissima Commentaria. Obiit autem Fidei athleta anno Æ. Chr. 444.

UT CONTRA Nestorianos Cyrillum, ita contra Eutychem Deus defensores Ecclesiae suae suscitavit: inter quos *Leonem I.* Romanum Pontificem, & *S. Petrum Chrysologum* Ravennatem Antistitem. Is natus apud Forum Cornelii a Sixto III. præmonstrantibus Petro Apostolo, & Apollinare Martyre, consecratus est Episcopus Ravennae, atque ex hac vita migravit circa annum 450. Præter Sermones tali conscriptos facundia, ut inde illi accesserit *Chrysologi* cognomentum, hortante prælato Leone Magno scripsit ad Chalcedonenſe Concilium contra haeresim Eutychetis, necnon ad Eutychem ipsum, ut haeresiarcham revocaret ad frugem.

QUAMQUAM vero hætenus laudati quinto Ecclesiae Seculo lucem attulerint splendidissimam; non defuerunt tamen præclarissimi Scriptores alii, qui vel eruditionis ornatu, vel rerum gestarum narratione, vel sacra etiam poesi locum in hac Epitome sibi vindicant. Refero ad priorem classem *S. Chromatium* Aquilejensem, quem Hieronymus vocat sui temporis Episcopum *doctissimum*, & *sanctissimum*, vita functum anno 413. *Polychronium* Sgarum, quem summa cum laude memorat Theodoretus, solum corporis nexu circa annum 427. *Isidorum*, a Monasterio Pelusii prope Nilum, denominatum *Pelusiota*, qui

qui vivebat adhuc annō 430. & decem millia Epistolarum scripsit, si fidem promereatur Nicephorus: *Marium Mercatorem* studiosissimum Augustini, Fideique Catholicæ adversus Pelagianos, & Nestorianos Vindicem strenuum, ex hac ereptum vita circa ann. 450. *Joannem Cassianum* Scytham, Chrysostomi discipulum, qui decessit Massiliæ, ubi monasterium ædificaverat, anno 448. *Salvianum* ejusdem civitatis presbyterum: *Nilum Nitriensem*, & *Honoratum*, *Maximum*, *Hilarium*, *Vincentium* & *Eucherium* Lirinenfes Monachos doctrina, & sanctitate percelebres: Sanctum *Remigium* Francorum Apostolum, *Julianum Pomerium*, &c. (1)

NARRARUNT vero res in Ecclesia gestas *Sev. Sulpicius*, & *Palladius*, Seculo quinto ineunte: quorum primus natione Gallus *Historiam Sacram* usque ad annum 400. stylo facili, & supra genium Seculi terfo, alter Galata *Historiam Lausiacam* Vitas SS. Patrum nascentem, ita nuncupatam, quoniam ad *Lausum* præfectum Cubiculi inscripta fuit, de rebus a Chrysostomo gestis, & de Gentibus Indiæ, ac Bracmanibus, sedulo diligenterque conscripsit. Subsecuti sunt Sancti viri, & discipuli Augustini, *Paulus Orosius*, & *Possidius*. Ille Hispanus genere, & presbyter Tarraconensis Historiarum libros 7. contra Paganos, eodem monente Augustino, circa annum 417. complevit: iste autem Calamensis in Africa Episcopus, anno 430. S. Patri morienti adfuit, & res ab eo gestas librosque recensuit. *Paulinus* Mediolanensis Vitam Ambrosii, cujus Diaconus fuerat, & de Benedictionibus Patriarcharum scripta exaravit. Præter Opera alia complura, Ecclesiasticam Historiam ab anno 322. ad annum 427. deduxit *Philotheus* continentem Ascetarum elogia, & Hæreticorum descripsit Fabulas *Theodoretus* genere Antiochenus, & Cyrensis Episcopus; qui obiit septuagenario major circa annum 457. Vir magnus, quamvis aliquando patrocিনatus Nestorianis. Vixit, floruitque circa eadem tempora *Gelasius* patria Cyzicenus, & Episcopus Cæsareæ in Palæstina, qui Nicænæ Synodi scripsit Historiam. Accinxit se ad Ecclesiæ Histo-

(1) Ex his *Cassianum*, *Hilarium*, *Vincentium*, necnon *Faustum Reginum* & *Gennadium* fuisse Semipelagianos censent viri clarissimi: quod illorum fidei, atque sanctitati non officit; cum error Semipelagianorum nondum fuerit ab Ecclesiâ proscriptus.

Historiam scribendam anno 440. *Socrates C. P.* appellatus *Scholasticus*. Hunc Novatianum plurimi vocant, sed nititur vindicare *Valesius*. Superatur elegantia ab *Hermia Sozomeno Palestino*, qui per eadem tempora libros novem *H. E.* edidit, & nuncupavit *Theodosio*. Accesserunt *S. Prosper* Aquitanus Augustinianæ doctrinæ Vindex, cui *Chronicum* adscribunt deductum usque ad annum 455. (1) *Victorius* itidem Aquitanus, (2) a quo in calculis mathematicis admodum exercitato scriptus est anno 457. *Canon Paschalis*; & *Victor* Vitenſis Episcopus in *Byzacena* Provincia, a quo apud Constantinopolim exule litteris tradita est anno 487. Historia Persecutionis Vandalicæ. Postremo *Gennadius Massiliensis* anno 405. absolvit *Catalogum Virorum illustrium*, una cum libro de *Ecclesiasticis Dogmatibus* ad R. P. *Gelasium*.

AT QUINAM stylum in sacra exercuerunt poesi? Initio *S. Paulinus* Nolanus Episcopus patricio genere ortus *Burdigalæ*, & vita functus anno 431. non solum epistolas 50. soluta oratione, verum *Natales X.* S. Felicis M. aliaque plura eleganti metro composuit. Tum *Aurelius Prudentius Hispanus*, *Psychomachiam*, *Cathemerinon*, *ἡμερησίως*, *Apotheosim*, *Hamartigeniam*, contra *Symmachum*, idest, de pugna vitiorum & virtutum, hymnos diurnos, de coronis, de divinitate, de peccatorum origine, & contra idolorum cultum, varis & venustis carminis contexuit poemata. *Nomus Ægyptius* inter cetera scripsit hoc seculo adolescente Græco turgidoque carmine *Paraphrasim* Evangelii S. Joannis. *Amicia Falconia Proba*, quæ post captam Romam ab Alarico, anno 410. cum filia Juliana, & nepte Demetriade confugit in Africam, scripsit de rebus a Christo gestis *Centonem Virgilianum*. *Athenais* quoque Atheniensis, anno 432. desponsata *Theodosio Imp.* & vocata postmodum *Eudocia Augusta*, absolvit *Centones* Homericos, condiditque heroico carmine *Metaphrases*, Historiam SS. MM. Cypriani & Justinæ, & Poema de Victoria a *Theodosio* viro suo e Persis reportata. Etiam prelaudatus *S. Hila-*

(1) Adde Cyclum Paschalem, de quo S. Isidorus Hispalensis lib. VI. Originum cap. 17. & Vossius de Historicis Latinis, &c.

(2) *Victorius* dicitur a *Gennadio* in *Catalogo* cap. 38. Hunc Canonem edidit, & Commentario illustravit anno 1633 typis Plantinianis Ægidius Bucherius S. J. De Periodo Victoriana annorum 522. dixi cap. 7. Chronologia.

Hilarius Arelatenſis, qui in Episcopatu ſucceſſit S. Honorato an. 429., præter deceſſoris ſui vitam, Carmen Heroicum condidit Hiſtoriæ Geneſeos. Adde *Calium Sedulium* natione Scotum, qui conſcripſit Carmen *Pafchale* de miraculis Chriſti, diſtributum in libros quinque, Collationem utriuſque Teſtamenti verſibus Elegiacis, & Jambis *Pæan* inſcriptum, Carmen de rebus a Domino geſtis: & C. *Sollium Apollinarem Sidonium* Arvernorum Episcopum, generis claritudine, & multorum librorum ſoluta, numerisq; adſtriſta oratione conſcriptorum illuſtrem, laudandum rurfus in Notis ad proximum caput ſextum. Demum *Claudianus Mamertus* præbyter Viennenſis, qui florebat circa annum 462. carmine *vanos Poetas* perſtrinxit, Hymnoſque Eccleſiæ, cui erat addiſtus, concinne digeſſit.

C A P U T V.

DE AUGUSTIS PRINCIPIBUS, VIRISQUE SANCTITATIS EXIMIE.

SUPRA dictum eſt, deſuncto Theodoſio M. anno Æ. V. 395. incepiſſe *Honorii*, & *Arcadii* principatum. Ille in Oriente, ille in Occidente imperabat: atque exinde duo diſtinguuntur Imperatores, vel potius unius Imperii Collegæ; nam leges, & reſcripta utriuſque nomine ſignabantur. (1)

IN OCCIDENTE itaque ſublato e vivis Honorio Romæ ex aqua intercuti, *Coſſ. Aſclepiodoto & Mariniano*, id. anno 423. die 25. Auguſti, & imperii ſui a morte patris 28., tyrannidem Ravennæ arripuit primicerius Notariorum *Joannes*: quem Theodoſius Aſparem in Italiam mittens oppreſſit, & ad imperii conſortium evexit *Valentinianum III.* filium Conſtantii Cæſaris, & Gallæ Placidie, anno 425. in conſulatu ejuſdem *Theodoſii XI.* Octobri menſe labente. Idem *Valentinianus*, cum manu ſua interfeciſſet Aetium, cujus ſummam apud milites ſuſpectam

(1) Imperante Honorio *Marcellinus*, qui anno 411. præſuit Collationi Carthaginenſi, opera Donatiſtarum martyr occubuit. Sanctiones multas adverſus prædictos Donatiſtas, Pelagianos, ceteroſque hæreticos Honorius & Theodoſius Junior promulgarunt. Extant in Cod. Theodoſiano cit. de Hæreticis. Latæ vero contra Pelagianos apud Voſſium quoque, Garnerium, Norſium, &c.

etiam habebat auctoritatem, occisus est, *Maximo* instigante, ab Aetii militibus *Trafila*, & *Oprila*, anno 455., se Consule VIII. cum *Anthemio*, 17. die Martii. (1)

POST hæc mutata in Occidente Imperii facies. Extincto enim *Valentiniano*, ejus imperium, viduamque *Eudoxiam* (2) rapuit *Petronius Maximus*, qui capta a *Genferico* urbe fugam capessens, impetitus est a concitato populo lapidum imbre, membratim dilaniatus, & projectus in *Tiberim*. Sed & imperium ipsum laceratum est, ac discerptum, *Africam* *Vandalis*, *Hispaniam* *Gothis*, *Gallias* *Francis*, *Italiam* permixtis *Barbaris* occupantibus.

TRUCIDATO tamen *Maximo*, electus est anno 455. *Fl. Mecilius Avitus*, qui legatione fungebatur apud *Gothorum* regem *Theodoricum*. Sed & *Avitus* coactus est a *Ricimere* *Barbarorum* duce abdicare se principatu; & *Placentiæ* creatus *Episcopus* mœrore animi dicitur obiisse. *Avito* autem anno 457. successit *Flavius Julius Majoranus*, & ipse inchoato anno imperii quinto a *Ricimere* occisus prope *Dertonam*. *Majorano* anno 461. successit *Vibius Severus*, cui *Ricimeres* ipse fertur abstulisse vitam propinato veneno. Idem fatum *Anthemio*, qui ducta in matrimonium *Ricimeris* filia, fœderi opera anno 467. obtinuit Imperium; sed ab eodem fœcero per insidias captus, & occisus est *Romæ*, vix sexto imperii anno inchoato. Commissum tum Imperii regimen *Fl. Anicio Olybrio* *Placidia* filia *Valentiniani III.* marito, post paucos menses, ipso inaugurationis suæ anno 472., vita privato. Post *Olybrium* anno 473. electus est *Glycerius* *Romanæ* Urbis Senator, e folio proximo anno dejectus a *Julio Nepote* filio *Nepotiani*, pulsus in *Dalmatiam*, & consecratus, ut fertur, *Episcopus Salonensis*. Pari sorte *Julius Nepos* exauctoratus est ab *Oreste* *Gotho*, cui ille demandaverat exercitus præfecturam; & subrogatus. *Julio Flavius Romulus Augustus* filius *Orestis*, *Augustulus*

Tom. I.

K

nun-

(1) *Valentinianus III.* anno 437. nuptias celebravit *Thessalonica* cum *Eudoxia* filia *Theodosii Junioris*, quæ illi bimula anno 424. fuerat desponsata. Filias ex ea suscepit duas, *Placidiam II.* & *Eudoxiam III.* quæ una cum matre captivæ abductæ fuerunt a *Vandalorum* rege *Genferico*. *Augustus* a *Theodosio* declaratus est anno 425. *Maximi*, qui in ejus mortem conspiravit, illata vi uxorem vitiaverat. Hanc *Procopius lib. 1. de Bello Vandalico*, ut formosissimam, ita castissimam vocat.

(2) *Eudoxiam* filiam *Theodosii Junioris* & *Eudociæ*, vel *Athenajdis*: quæ ad ulciscendum mariti mortem accersivit ex *Africa* *Genfericum* *Vandalorum* regem.

nuncupatus, anno 475. Non explevit *Augustulus* annum imperii primum; nam a factione Julii Nepotis in Italiam vocatus *Odoacer* rex Herulorum ingentibus Brabarorum copiis Ticini Orestem obsedit, superavit, occidit; ejusque filium *Augustulum* cedere imperio coactum relegavit in Lucullanam parvam Campaniæ insulam, Megarim olim dictam, prope Neapolim: Ita Romanum Imperium, quod incepit sub *Augusto*, sub *Augustulo* extinctum est:

IN ORIENTE autem imperatori Arcadio successit anno 408. *Theodosius* Junior, ei ex Eudoxia natus; pius, & orationi deditus princeps, institutor Academiæ Constantinopolis, & Bononiæ; & Codicis nomine suo inscripti promulgator. (1) *Theodosio* vita functo anno 450. die 19. Julii, ad imperium, & ad nuptias Pulcheriæ Virginis fororis *Theodosii* electus est *Fl. Valerius Marcianus*, in Thracia humili loco natus, sed clarus virtutibus, pacator imperii, & defensor Ecclesiæ, extinctus, ut creditur, veneno, Asparis Patritii machinatione; anno 457. die. 26. Januarii. Proclamatus inde Imperator *Leo I.* Thracius, favore Asparis, pietate, & clementia; atque erga Deiparam devotione commendandus: qui non semel *Genfericum* fudit, e Sicilia barbaros expulit, atque ipsum *Asparem* Arianum, ac proditorem obruncavit, e mortali vita sublatus anno 474. Huic successit nepos *Leo II.* filius *Zenonis* Isaurici, qui eundem parentem suum declaravit *Augustum*, eodem-

(1) Codicem *Theodosianum* promulgatum *Gothofredus* demonstrat anno 438., non, ut putabatur, anno 435. Publicas vero Scholas C. P. anno 425. *Theodosius* aperuit. *Athenaidem* filiam *Heracliti* philosophi, *Eudociam* in baptismo appellatam, litterisque exultam anno 431. duxit uxorem. De hac præcedenti cap. 4. *Theodosius* Junior idolorum templa funditus everti iussit, adeo, ut nullum pristinae superstitionis remaneret vestigium: In eum castra movens *Roila* Scytharum regulus immixtus cælis igneis turbinibus extinctus fuit. Illum quoque aggressos *Perlas* vehementissimo imbre, & ingenti grandine, Deus compulit ut retrocederent. Hæc ex lib. 5. *Hist. Eccl. Theodoriti* cap. 37. Templum antea diratum *Dæmoniis*, appellatumque *Tychæum*, a *Theodosio* consecratum *Ignatio Martyri*, locatis ibidem hujus reliquiis translatis in urbem ex cimiterio, quod erat extra portam *Daphniticam*, refert lib. 1. cap. 16. *Evagrius Scholasticus*. S. *Joannis Chrysostomi* anno 430. reliquias Constantinopolim *Theodosius* magnificentissima pompa deferri curavit, parentibus suis veniam humillime deprecatus. Obiisse *Theodosium* Juniores extra tum e fluvio *Leuco*, in quem prolapsus ex equo fuit inter venandum, & lectica semivivum ad reiciam urbem reductum, scribunt auctor *Chronici Alexandrini*, *Theodorus Lector*, *Nicephorus Callistus*, alii.

Eodemque anno mense Novembri decessit. Zeno itaque post filium susceptum ex Ariadna filia Leonis I., turpis facie, sed moribus turpior; imperium tenuit ab anno 474: usque ad annum 491. quamvis ei principatum subripere tentaverit anno 476. *Basiliscus*; hortatu *Æliæ Verinæ* sororis suæ, quæ fuerat uxor Leonis I. Mortuo Zenone præcitato anno 491. die 6. Aprilis; opera Ariadnæ viduæ ab ipso Zenone relictæ, e scriba factus est imperator *Fl. Valerius Anastasius*; a diversitate coloris in oculorum pupillis *Dicorus* denominatus; & ortus in urbe Macedoniæ *Dyrrachio*. Anastasius prælaudatam Ariadnam duxit uxorem; imperavit annis 27. labe infectus *Entychiana*; unde percussus fulmine interiit anno 518. die octava Julii.

HIS CÆSARUM, Rēgumque temporibus, floruisse complures singulari præditos sanctitate, ex primo, & quarto capite conjicitur. (1) At collustrarunt universum Fidelium cœtum alii quamplurimi. Venerando Episcoporum ordini maximum contulerunt ornamentum *Casarius* Episcopus Arelatensis in Gallia Narbonensi; *Alipius* Tagastensis in Numidia Africæ; *Turibius* Asturicensis in Hispania Tarraconensi; *Patritius* Hibernorum Apostolus; *Epiphanius* Ticinensis in Ithubria; *Eucherius* Lugdunensis; *Honoratus* & *Hilarius* Arelatenses; *Lupus* Trecentis; *Severinus* Noricorum Apostolus; *Germanus* Antifiodorensis in Galliis; *Petronius* Bononiensis; *Exuperius* Tolosanus; *Flavianus* Antiochenus; *Marutha* in Mesopotamia; *Mamertius* Viennensis in provincia Narbonensi; *Gaudentius* Brixianus in Cenomanis. (2) Martyrii palmam retulerunt in Persia sub Isdegerde cum aliis innumeris *Jacobus* interitus; (3) Pamixæ, seu Appamiis in Occitania *Antoninus* regia ortus stirpe; Alexandriæ *Proterius*; Constantinopoli *Flavianus*; in Corsica *Julia* virgo; in Africa sub Gensericō *Martinianus* & *Saturianus* cum aliis 270. Virginem pariter coronatarum sub Hunnerico multiplex chorus. Quanta

K 2

vero

(1) Imperantibus Arcadio & Honorio hujus seculi initio vixit *S. Alexius* Romanus. Quidam *Alexium* cum *Joanne Calybisa* confundunt.

(2) Adde *Crescentium* presbyterum, & *Eugenium* diaconum, Florentinos.

(3) Persecutionem Isdegerdis Baronius aliique referunt ad annum 430. Ante quinquennium exortam demonstrat *Antonius Pagius*.

vero pudicitiae laus in *Maxima* ipsarum Africanarum Virginum matre, in *Pulcheria* Theodosii A. sorore, in *Eustochio* ad Præsepe Domini cum aliis Virginibus enutrita, in *Genovefa* immortalis gloria. Parisiensium? Matronarum item decus fuit *Melania* Junior, &c. Suos quoque proceres connumerant monachi & anachoritzæ, ut *Sabbam* Palæstinorum Ascetarum jubar, *Maxonem*, a quo Maronitzæ denominantur, *Arsenium* Scetis Ægyptii montis incolam, *Alexandrum* Accemetarum, idest, insomnium, vigilamque parentem, *Joannem* Palæstinum *Silentiarium*, duosque, *Stylitas* (quis enim universos commemoret?) *Simeonem*, & *Danielem*. (1).

C A P U T VI.

QUINTI SEculi DOGMATA, ET DISCIPLINA.

DIDICIMUS, ex hujus Seculi historia quod præmonstraverat Apostolus, omnes in Adam peccasse, ejusque prævaricatione peccatum, & per peccatum intrasse mortem in mundum: gratiam non dari secundum merita nostra, neque ex præscientia futurorum operum naturalium: necessariam illam esse ad singulos actus, nec fieri, aut cogitari absque ea aliquid posse, quod ad æternam salutem conferat. Prædestinationis nostræ exemplar est Christus, ad maximam omnium gratiarum divino beneplacito electus, ad unionem scilicet hypostaticam, Qua divinam humanamque naturam in una conjunctas esse persona, permanente proprietate utriusque, commonstrant contorta in Nestorium & Eutychem anathemata, definitiones Ecclesiæ, scriptaque Patrum Orthodoxorum. Unum de Trinitate crucifixum ita Fides Catholica tradidit, ut nullatenus passio in divinam referatur naturam, Beatam Virginem appellandam esse *θεοτόκος*, utpote quæ genuit Deum hominem, definitum fuit, & Sanctis, horumque Reliquiis religiosum cultum esse præstandum. (2) Veram esse

(1) Supra columnam Symeonis sæpe visam, etiam a seipso, rutilantem Stellam, tradit lib. 1. cap. 14. Evagrius.

(2) Quantum attinet ad *Reliquias* Sanctorum, Arcadius Imperator anno 406. e Silo Palæstinæ oppido Constantinopolim magna pompa adportari curavit exuvias Samuelis Prophetæ. Id religiosæ pietatis exemplum vocat adversus Vigilantium Hieronymus. In eandem regiam urbem anno

esse religionem seclusa cum Episcopis Catholicis commu-
nitione, est deliramentum Acephalorum.

PACIS osculum post consecrationem, & Missa Præsan-
ctificatorum in Parasceve Paschatis quinto seculo obtine-
runt: Utebantur diaconi ad lavam pallis linostimis, scia-
licet, ex lino & lana contextis. Sanctimonialibus contin-
gere sacratam pallam, & in Ecclesia thus adolere inhi-
bitum fuit. Alternatim psalmi canebantur Davidici, repe-
titiis antiphonis. Decantatus itidem Dominicis diebus, &
in Natalitiis Sanctorum hymnus Angelicus. Suspecti erant
erroris Manichæorum, qui a sacri Calicis abstinebant my-
sterio. *Lirineses* monachi, *Sabbaitæ*, atque sub Joanne
Patriarcha Jerosolymitano *Carmelita* fuerunt, prout pleri-
que opinati sunt, instituti. (1)

TANTA fuit Monachorum in Capraria, & Lirino, seu
Lerina, insulis multitudo & celebritas, ut illustrium quoque
Poetarum hujus ævi describantur carminibus. (2)

K 3

AP-

409. advesti cineres Sanctorum *Joseph* filii patriarchæ Jacob, & *Zache-
rie* patris Præcursoris. Revelatione divinitus facta Luciano presbytero
anno 415. inuenta, & decenti loco fuerunt condita Corpora *Stephani*
Protomartyris, *Gamalielis*, & *Aliboni*. S. Jo. *Chrysostomi* Corpus an-
no 438. e Ponto Constantinopolim solemnî pompa translatus. *Catena*
S. Petri Jerosolymis ab Eudocia missa, C. P. una, altera Romam ad
filiam Eudoxiam. Inventum anno 453. Emesa in Syria Caput S. *Joan-
nis Baptiste*.

(1) Ab Eudocia Augusta bis Jerosolymam profecta, nempe annis
438. & post eadem Paulini ejus causa interfecti anno 440. edificata
fuerunt monasteria, quæ *Lauras* vocavit. Laura a cœnobio differt, quod
istud uno clauditur muro; Laura vero habet cellulas lunge disjunctas.
In Laura Anachoreta, in cœnobio debebant monachi. Vide adnotatio-
nes in librum 1. Evagrii cap. 21. Narrat ibidem Historicus, *Lauras* in-
colentium alios nihil proprii habere, nec aurum, nec vestem, nec escu-
lentum; pallio, vel tunica, quibus hodie unus induitur, uti postea alium;
diu nocturne preces ad Deum fundere, ac per bidduum etiam, vel tri-
duum servare jejunium. Alios vero solos includi domiciliis, alios in igno-
tis terræ latibulis, alios in solitudine a sole perusta. Tam ergo eremitis,
quam religiosis aliis severioris, rigidiorisque instituti, antiqua propo-
sita fuerunt exempla. In excerptis Theodori Lectoris legitimus Eudociam
misisse Jerosolymis ad Pulcheriam Imaginem Deiparæ, ἣν ὁ Ἀριστοκλὴς
Ἀββάς κἀδίσκηπτεν, Quam Apostolus Lucas depinxerat. Florebat Theo-
dorus Seculo 6. ineunte. Non est ergo de pingendi arte Evangelistæ opi-
nio commentum sero excogitatum. Imaginem illam Pulcheria colloca-
vit in Basilica a se edificata in *Hodegis*, ubi cæci lumen recipiebant.
De Basilicis autem ab eadem Pulcheria erectis pertractant ipse Theodorus
lib. 1. num. 5. & Nicephorus libro 14. cap. 2. Vide adno. Valesii ad
Theodorum.

(2) Referta erat hoc seculo sanctissimis Monachis *Capraria* Insula
maris Tyrreni inter Corsicam oramque Thuscæ. De hac enim insula
legitur apud Rutilium Numatianum, qui floruit Henrico Augusto im-

APPENDIX.

EXTERNE RES ATTINGUNTUR.

QUONTAM diximus cap. 5. plura regna hoc seculo exorta; illorum præcipua commemorabimus. *Augu-
stulum*

perante, scripsitque verso stylo, & ubere vena ingenii duos *Itinerarii* libro ad Venerium Rufum,

*Processu pelagi jam se Capraria tollit,
Squalles lucifugis insula plena viris.
Ipsi se monachos Grajo cognomine dicunt,
Quod soli nullo vivere teste volens.*

Verum tamen est Rutilium Christianæ religionis hostem acerrimum illorum monachorum vitam adeo infectari, ut hæc præmissis verbis subijciat,

*Munera fortune metuus, dum damnaverentur.
Quisquam sponte miser, ne miser esse queat.
Quenam perversæ rabies tam stulta cerebri,
Dum mala formides, nec bona posse pati?
Sive suas repesunt ex fasa ergastula penas,
Tristia seu nigro viscera felle tument.
Sic nimia bilis morbum assignavit Humerus
Bellerophonæis sollicitudinibus.*

Bellerophonum, cum post varia vitæ discrimina ælulum petere conaretur, inde a Jove excussum equo decidisse in Alejum Lyæm campum, ubi cæcus erravit, donec periret, fabulæ narrant posturum.

De Lirinenſi autem Cænobio, cujus aliquos incolas doctrina simul & sanctissima conspicuos laudavimus superiori capite quarto, hæc scripsit *C. Sollius Apollinaris Sidonius* vita functus anno 484. cujus *Opera* studiose collegerunt Joannes Savaron, & Jacobus Sirmondus, in carmine Eucharistico ad Faustum:

*Sou te Lirinus priscum complexa parentem est,
Qua tu jam fractus permagna sepe quiesce
Discipulis servare penitis, vixque otia somni,
Vin coctos capere cibos, abstemius avum
Ducis, & insensis pinguis jejunia psalmis,
Fratribus insinuans, quantos illa insula plana
Miseris in celum moniter, que sancta Capras
Vita senis, juvenisque Lupi: qua gratia patrem
Manſe Honoratum, fuerit quis Maximus ille,
Urhem tu cujus monachusque, anistes & abbas
Bis successor agis, celebrans quoque laudibus illiq
Eucherii venientis iter, redcuntis Hilary.*

Commendantur itaque hoc Carmine a Sidonio Lirinenſis monasterii cultores percelebres, expressoque nomine Caprasius, Lupus, Honoratus, Maximus, Eucherius, & Hilarius. Ad Honoratum, pristino *Lirini* abjecto nomine, *Insulam S. Honorati* appellant modo.

Illustrat quoque Monasticam vitam hoc Seculo *Piranius* eandem amplexus anno 419. quo tempore in cellulam ad montem Oliveti sese incluserat *Melania* junior. Consecrata etiam *Teo Margerita* Antiochena, ex turpissima vita a Nonno Episcopo Edeſſeno anno 411. ad frugem revocata, & appellata deinde *Petagia*. Sabbaitæ a Sanctissimo viro *Sabbæ* cognominantur, sub cujus disciplina Joannes Silentarius, alique plurimi hoc Seculo Borquerunt.

stulium anno 475. ad Imperium fuisse evectum, dejectumque ab *Odoacre* rege *Turcilingorum* & *Herulorum*, qui e *Pannonia* & *Norico* irruerunt in *Italiam*, narratum est supra. Ab anno itaque 476. *Coss. Basilisco, & Armato*, *Odoacer* iste *Italiae* regnum obtinuit. Hunc anno 493. interfecit *Theodoricus* rex *Gothorum*, quem superioribus annis *Zeno* Imperator rogaverat, ut ad *Italiam* liberandam copias conduceret. Quare ab anno 493. atque a *Theodorico* supputatur regnum *Gothorum* *Italicum*.

IN *GALLIIS* *Burgundiones* e *Maotide* egressi palude, ducce *Marcomiro* in *Franconiam* concedentes, regem creaverunt anno 420. ipsius *Marcomiri* filium *Faramundum*: huic anno 431. successit *Clodio* *Comatus*, sive *Crinitus*. Consecuti deinceps regnum anno 449. *Meroveus*: anno 459. *Childericus*: anno 495. *Clodoveus*, qui anno 499. baptizatus est a *Remigio* sanctissimo *Remensium* *Antistite*.

REGNUM *Vandalorum*, qui anno 427. in *Mauritaniam* trajecerant, coepit in *Africa* anno 439. quo anno *Genfericus* occupavit *Carthaginem*. Mortuo autem *Genferico* anno 477. (1) regnavit *Hunnericus*; & huic vita functo anno 484. successit *Guntabundus*, e vivis sublatus anno 496. Post *Guntabundum* ad annum usque 505. regnum *Vandalicum* administravit *Trafamundus*.

GOTHORUM regnum in *Hispania* initium habuit ab *Arbaulpho*, qui anno 411. successit *Alarico*, & anno 414. pulsus e *Galliis* irruit in *Hispanias*, sed anno proximo jugulatus est *Barcinone*. Regnavit deinde anno 415. *Singericus*, eodem anno interemptus. Huic successit *Wallia*, qui obiit anno 428. Adeptus tunc regnum *Theodoricus*, qui satis cessit anno 451. *Thorismundus* deinde potitus regno, proximo anno 452. jugulatur. *Theodoricus* secundus fraticida & ipse ab *Eurico* (2) trucidatus est anno 466. Ab hoc anno usque ad an. 485. idem *Euricus* moderatus est regnum. Regnavit postmodum annis 23. idest, usque ad annum 507. filius *Eurici* *Alaricus*. Fuerunt hi omnes contagione *Arianæ* hæreseos infecti.

PROSEQUAR modo quædam notatu digna, ac primo eadem *Stiliconis*, jussu *Honorii* *Generi* sui anno 408. cum filio *Eucherio* interfecti, quasi affectassent imperium, jugulata etiam

K 4

con-

(1) *Genfericum* a capta *Carthagine* imperasse *Vandalis* annos 39. tradit lib. 1. de *Bello Vandalico* *Procopius* *Cæsarensis*.

(2) *Evaricum* vulgo appellant.

conjugē Stiliconis *Severa*. (1) Obfessa ac direpta fuit Roma anno 409., aut fequenti, (2) a Gothis duce *Alarico*, captaque Placidia foror Honorii A., quæ nuptui tradita Athaulpho fratri Alarici, viri in Romanos animum mitigavit, multumque profuit Imperio. Anhelante Alarico in Urbis excidium citato anno 409. in Hispanias Alani, Vandali, & Svevi irruerunt, quas subinde domitas partiti funt invicem. Hunni item Italiam vexarunt sub *Attila*, quem Honoria Valentiniani foror ab Eugenio stuprata, & expulfa, atque ad Theodofium transmiſſa anno 434. adverſus Occidentale imperium, ſuis oblatiſ nuptiis, improbo concitavit conſilio. *Attila* vero poſt multos excuſus anno 452. Aquilegiam, Ticinum, Mediolanum, urbefque finitimas devaſtavit. Tunc a plerifque confugientibus ad æſtuario maritimaſque paludes condita fertur civitas, & reſpublica Venetorum. Miſerrimo exitu an-

no

(1) Conſugerat *Stilico* ad aſylum *Ecceſium*, quod ipſe temere violaverat, idque etiam exeunte præcedenti Seculo, ideſt anno 399. Eutropio contriſt. Ante urbis excidium, detenta ab Herculiano annona Africana, in Urbe tam dira famēs graſſata eſt, ut humane carnes laniarentur, matreſque comederent parvulos. Legantur *Zofimus* lib. 5. & *Hieronymus* in *Epiftola* ad Principium. Enituit tunc *Leta*, ejuſque matris *Paſſimæ*, *Proba*, & *Plavia Conſtantia* in pauperes liberalitas. De Herculiani autem tyrannide, militari apparatu, & interitu vide libro 7. cap. 42. *Paulum Oroſium*.

(2) Dixi Romam ab Alarico obſidione vallatam, direptamque fuiſſe anno 409., aut ſequenti. Quidam enim cum illuſtri Pagio referendum id putant in annum 409., & in octavum Honorii Conſulatum; quidam vero in Conſulatum *Fl. Varris*, & in annum 410. quæ eſt ſententia communior. At ſententia Pagii comprobatur Faſtis Idatii, in quibus legitur. *Honorio Aug. VIII. & Theodoſio Aug. III. Coſſ. Alaricus rex Gothorum Romam ingreſſus*. In Chronico etiam Ivonis Carnoteniſis habetur: *Tempore Innocentiſ capta eſt a Gothis Roma anno D. 409. indiſt. 9.* Hæc tamen facile ad concordiam revocantur; nam Alaricus anno 409. Romam profeſſus, Imperatorem nominavit Attalum Præf. Urbis, & Viſtmiſque Senatam commovit adverſus Honorium, ut *Zofimus* lib. 6. *Oroſius* lib. 7. & *Sozomenus* libro 9 litteris tradiderunt. Verum Conſule *Parare*, & anno 410. Alaricus Romam cum exercitu rediens occupavit illam, delevitque; & dies excidii huius fuit, ut inquit Auctor Hiſtoriæ *Miſcellæ*, IX. *Kalendas Septembris*, non, ut ait *Calviſius*, *Kalendarum Aprilium*. 9. Hieronymus cladem urbis commemorans repetebat Maronis verba 2. *Æn.*

Quis cladem illius noſtiſ, quiſ funera ſando

Explicuit, aut poſſit lacrymis aquare dolorem?

Urbis antiqua ruit, multos dominata per annos.

Plurima perque vias ſparguntur inertia poſſim

Corpora, perque domos, & plurima mortis imago.

In maxima nihilominus calamitate hoc Religioni Chriſtiane decorum accidit, quod miſeris Baſilicæ Sanctorum, ac præſertim Apoſtolorum *Petri*, & *Pauli* præbuerunt Aſylum: quod in libro I. de Civitate Dei explicat ornatiffime S. P. Auguſtinus.

no 453. juxta Cassiodorum, aut anno 454. juxta alios, memoratus Attila impurissimam efflavit animam. Alteram cladem Romæ attulit an. 455. exercitus Vandalorum sub *Genferico*, qui præda onustus Eudoxiam Valentiniani viduam una cum filiabus abduxit in Africam. Cum barbarorum armis elementa quoque pugnarunt. Etenim anno 447. vehementi terræ concussione corruerunt cum turribus 57. muri Constantinopolis, diraque subsecuta est ex aeris infectione contagio. Romæ anno 467. dum *Lupercalia* celebrarentur, pestis ingens irruit. Vesuvium an. 472. tantam emisit copiam flammaram, ut maxima pars Europæ obscurata fuerit caligine, hujusque incendii in urbe Constantinopolitana quotannis innovaretur memoria. In ipsa Constantinopolis civitate anno 476. consumpta est igne Bibliotheca cum centum viginti millibus librorum, inter quos erant Homeri Opera aureis scripta litteris in membranaceo intestino serpentis pedum geometricorum 120.; narrante Zonara.

CHRONOLOGICUM Opus exararunt quinto sæculo *Pandorus*, & *Amnianus* Monachi Ægyptii, de quibus *Georgius Syncellus*, & *Scaliger* in Animadversionibus Eusebianis, prætermisisti superiori cap. 4. (1) *Philostorgius* hæreticus Eunomianus elucubravit historiam, qua *Arianos* extollit, & conviciis proscindit Catholicos, caput *Deo invisum*, ut appellat *Nicephorus* (2). A. Suida

(1) In pretio fuerunt sub *Arcadio Theodosii M. filio*. Sæculo nimirum V. ineunte.

(2) In Historia *Philostorgii*, a *Photio* in compendium redacta, innumera occurrunt mendacia. Ait enim lib. 1. n. 3. Arium suffragia, quæ in eum protegebant, ut eligeretur Patriarcha Alexandrinus, sponte in Alexandrum transulisse. Lib. 2. Constantinum litteris quaquaversum missis reprobasse vocem *Consubstantialis*, & fidem dissimilis *substantia* confirmasse: eundem Constantinum in poenam cadis illatæ *Crispo* a fratribus veneno fuisse necatum: Indos ab Apostolo Bartholomæo imbutos Christi fide profiteri dissimilem Filii substantiam: *Agapeto* ejusdem hæresis sectatori maxima adscribit miracula: ait Christianos imagini Constantini supra porphyriticam columnam positæ sacrificia obtulisse. Libro III. Aetium hæreticum impense laudat, & num. 15. jactat ei divinitus datum, ut in disputationibus a nemine vinceretur: addit infantissimos demonstrasse Basilium Ancyraeum, & Eustachium Sebastium episcopum diferentes de *Consubstantiali*. Num. 21. Constantem a Magnentio tyranno fuisse occisum ob studium erga Athanasium. Ait libro 4. num. 10. Synodum Nicomediensem terræmotu dissipatam, concussa Ecclesia, in qua congregati Patres Nicenam fidem confirmare putabant. Sequenti num. 11. Basilium Magnum, quasi hominem ignavum, timidum, animique pusilli deridet. Mentitur lib. 7. n. 3. Georgium pseudoeppiscopum

da laudatur *Timotheus Gazeus* Grammaticus, ab Evagrijo sapenumero *Joannes Rhetor Historicus*, quem Vossius confundit cum Joanne Epiphaniensi, qui floruit imperante Justino Seniore proximo seculo. *Claudius Rutilius Numatianus* carmine eleganti scripsit *Itinerarium*, odium spirans religionis Judaicae, & Christianae: eadem pariter Stiliconis, ac Romam captam ab Alarico, metro descripsit, Vossius, & Scaliger eruditum quidem, sed barbarum vocant *Martianum Capellam* Carthaginensem, (1) qui versibus simul & prosa scripsit septem libros *de nuptiis Philologiae* (2). Historiarum libros 22. *Sylvae* titulo ad Theodolium Juniores scripsit *Olympiodorus* Thebanus, & sex pariter libros *Zosimus* Comes, Latine versos a Leunclavio, uterque addictus superstitioni Gentilium, & Christianorum Principum fugillator. Desinente hoc seculo celebris erat fama *Procli* Lycii Philosophi, & Scholiastae dialogorum Platonis (3), necnon *Hesychii* Alexandrini Grammatici, quem licet Julius Scaliger dixerit ineptum ac futilem, Salmasius tamen, Tanaquillus Faber, & alii jure vocant *Glossographorum* facile principem.

SEX.

Alexandrinum, eosque, qui cum Aetio sentiebant, a gentilibus fuisse peremptos consilio Athanasii, permoti aviditate illius sedis recuperandae. Studet ubique adornare Eunomii, & sectatorum ejus vindicias. Atque ex iis, quae ex multis selegimus, constat quam fidem promereatur historicus ille, *Consubstantialis* hostis intensissimus, & mendacissimus.

(1) Ita quidem multi. At *Madaurenses* fuisse puto.

(2) Sedente in Cathedra Alexandrina S. Cyrillo miserrime obtruncata fuit *Hypatia* filia Theonis, Scholae Platonicae moderatrix, quae plura scripsit commemorata a Suida, habuitque discipulos plurimos, inter quos Synesius Cyrenaeus. Videtur Socratem lib. 7. cap. 15. Nicephorum Callistum lib. 14. cap. 16. & Aegidium Menagium in Hist. Mulierum Philosopharum.

(3) *Proclus Lycius* post Porphyrium scripsit adversus Christianos. Fuit discipulus, & in Schola Atheniensi successor Syriani, obiitque Athenis anno Chr. 485. Vide *Procli* Vitam editam a Joanne Alberto Fabricio.

SEXTUM ECCLESIAE S E C U L U M.

C A P U T I.

ROMANORUM PONTIFICUM SERIES PRODUCITUR.

POST SYMMACHUM, quem rebus exemptam humanis anno 514. diximus paullo supra, Romanam gubernarunt Ecclesiam sexto Seculo *Hormisdas*, *Joannes I.*, *Felix IV.*, *Bonifacius II.*, *Joannes II.*, *Agapetus I.*, *Silverius*, *Vigilius*, *Pelagius I.*, *Joannes III.*, *Benedictus I.*, *Pelagius II.* & *Gregorius Magnus*.

LIV. UBI e vivis excessit Symmachus, *Magno Cassiodoro* Consule, anno 514. inauguratus est Pontifex *Hormisdas*, Campanus genere, patria Frusinone. Sublatum ejus opera Acacii schisma: controversiam de uno e Trinitate in carne passio, a Monachis Scythis excitatam (1) ob novitatem doctrinae, & ne ab Eutychianis in malam partem traheretur, studuit compescere: atque adversus Faustum Rejentem confirmavit quae de Gratia, & libero arbitrio tradiderat Augustinus. Novem expleverat Pontificatus sui annos quum decessit cum sanctitatis odore *Cof. Anicio Maximo*, idest, anno 523. VIII. Idus Augusti. (2)

LV. DEMANDATUM post Hormisdam Ecclesiae Romanae regimen *S. Joanni I.* natione Etrusco, (3) Is a Theodorico Rege legatus Constantinopolim ad Imperatorem Justinum, novo, & illustri exemplo eundem corona, & Augustalibus insignibus decoravit; ac multis patratibus miraculis in Italiam redux carceri a Theodorico, quoniam nihil egerat in gratiam Arianorum, mancipatus, illic gloriosa

(1) Plura de Monachis Scythis Norisius noster lib. 2. H. P. cap. 18. in Dissert. de Uno ex Trinitate in carne passio, atque in Apologia pro ipsidem Monachis scripta.

(2) Chronologiae Pagii nostrae in hoc sexto Seculo non adversatur.

(3) Multi Senensem appellant. Vide pag. 137. Sandinum. Joannis ad Justinum Imp. legatio consignatur in Chronico Marcellini *Coff. Philoxeno & Anicio Probo Juniore*, idest, ann. 525. Decessit Ravennae. Vide *de Gregorium Magnum* lib. 3. Dialogorum.

riosa morte obiit die XVIII., aut XXVII. Maji, anno 526. *Cof. Anicio Olybrio Juniore.*

LVI. TRADITUR tum Pontificatus *S. Felici IV.* Sancti-
ti sive Aprutino: qui ædificata Romæ SS. MM. Cosinæ
& Damiani Basilica, & in egenos munificentissimus & ma-
xima præditus simplicitate, mortalem deposuit sarcinam die
18. Septembris anno 530. *Lampridio & Oreste Coss. (1)*

LVII. ELECTUS deinde *Bonifacius II.* Romanus: ac
simul a Cleri factione *Dioscorus*, quo tamen paucis post
diebus extincto, cessavit & schisma. Sed & brevis fuit
Bonifacii legitimus Episcopatus: nam proximo anno 531.
P. C. Lampadii & Orestis, seu potius anno 532. Iterum
P. C. obiit XVII. Calendas Novembris. (2)

LVIII. SUFFECTUS Bonifacio *Joannes II.* e regione
Coelii montis, qui naturæ concessit anno 535. *Cof. Be-
lisario*, die autem 6. ante Cal. Julias. Is illam positio-
nem, *Unus de Trinitate crucifixus est carne*, quam Hora-
misdas sensu Eutychiano reprobaverat, catholico, & Ne-
storianis opposito ratam habuit, inflicto monachis *Acce-
metis* illam impugnantibus anathemate. (3)

LIX. Brevior quoque fuit Pontificatus *S. Agapiti*: nam
ex Archidiacono R. E. post Joannem II. creatus Ponti-
fex Maximus, coactus a Theodoro Gothorum rege adire
Constantinopolim, illic deposito Anthimo Trapezuntino
Eutychiano, (4) rebusque Ecclesiæ compositis, e vita
migravit V. Calendas Majas anno 536. *P. C. Belisarii*,
primo Pontificatus anno nondum exacto.

LX. AUDITA Agapiti morte, electus est Papa Hor-
misdæ filius *Silverius*: a Vigilio diacono Agapiti, qui
Theodoræ Augustæ Eutychianæ, & Belisarii favore spe-
rabat consequi honorem Sacerdotii supremum, accusatus
quasi

(1) Ignoro cur *Felitem IV* omiserit lib. 2. *Papirius Massonus.*

(2) Hunc Bonifacium in Epistola ad Joannem II. ejus successorem
appellavit *Sanctissimum Papam* Athalaricus rex Gothicus, ejus litteræ
extant apud Cassiodorum lib. 8.

(3) *Ἀκοιμητοί, Accoemsi*, dicti sunt quasi *Insomnes*, quod in eo-
rum Cenobiis nulla hora cessaretur a Dei laudibus. Argunt de his Theo-
dorus Lector, Evagrius, Theophanes, Cedrenus. Achimitenes vocat
Liberatus Diaconus in Breviario cap. 18: Vide Glossarium Caroli Du
Roi.

(4) Loco *Anthimi* Constantinopolitanum Antistitem ordinavit *Men-
nam*, repugnante licet Theodora Justiniani conjugē. Mennam sedisse post
Epiphanium falso scribit Evagrius lib. 4. cap. 36. Quanto studio huma-
niores litteras Agapitus prosequeretur, præfatione ad libros divinarum
Institutionum tradit Cassiodorus.

quali Gothis spopondisset traditurum se urbem, primum in Pataram Lyciæ, deinde in insulam Palmariam fuit relegatus, jura interim summi Sacerdotii invadente *Vigilio*. Ea in Insula S. Silverius inedia consumptus est, ut inquit Liberatus, vel potius ferro necatus ab Eugenio famulo Antoninæ uxoris Belisarii, ut tradit Procopius Cæsariensis. Coronatus est autem martyrio XII. Cal. Julias anno 540. *Justino Juniore Cos.*, sive *P. C. Paulini VI.*

LXI. TUNC ergo Romanus Clerus ductus pacis studio, & formidans Belisarii potentiam consensit in electionem *Vigilii*: atque is saniore consilio obstitit Theodoræ, anathema in Eutychianos, & in Acephalos innovavit, Chalcedonensem confirmavit Synodum, & Romam rediens e Constantinopoli, *tribus Capitulis* damnatis, & approbata Synodo Quinta, qua in re diu animo fluctuaverat, in Sicilia interiit ex calculorum dolore, anno Æ. V. 555. & legitimi Pontificatus 16. IV. Idus Januarias, *P. C. Basilii XIV.*

LXII. PELAGIUS Romanæ Ecclesiæ Diaconus post *Vigilium* tenuit Pontificatum annis fere quinque. Ob *trium Capitulorum* controversiam nondum sopitam, & quoniam credebatur auctor malorum, quæ *Vigilius* Constantinopoli fuerat perpeffus, adeo invisus initio fuit, ut in tota Italia tres Episcopi, qui ejus consecrationi adessent, minime invenirentur, Adlaborandum itaque illi fuit, pro Quintæ Synodi auctoritate, & proscriptione prædictorum *Capitulorum*: quod præstitit invictè, prudenterque. Supremus illi dies *P. C. Basilii XX.* scilicet, anno 560. VI. Nonas Martias.

LXIII. REXIT deinde Romanam Ecclesiam annis fere 13. *Joannes III.* cognomine *Catelinus*, (1) de mortali vita sublatus, cum fuisset Synodi V. acerrimus propugnator, anno 573. III. Idus Julii. Fasti Coss. desinunt anno 566. *P. C. Basilii XXV.*

LXIV. Christianæ Reipublicæ post Joannem præfuit *Benedictus I.* appellatus quoque *Bonofus*, sed electus anno 574. III. Nonas Junias. Interpontificium ortum est ex perturbata irruptionibus Langobardorum Italia. *Benedictus* vestigiis decessorum insitens confirmavit Synodum V. obiit-

(1) Evagrius lib. 4. cap. 39. errat, scribens Joannem successisse *Vigilio*: cui successit Pelagius.

V. obiitque post quatuor regiminis annos, III. Calendas Augusti anno 578. (1)

LXV. Inauguratus deinde Pontifex *Pelagius II.* qui sedit ultra annos 11. extinctus inguinum morbo, anno 590: VI. Idus Februarias, postquam adversantes Synodo Quintæ represserat, & acta Joannis C. P. se audacter *Episcopum Universalem* nominantis cassaverat:

LXVI. GREGORIUS *Maginus* Senatorio genere ortus Pelagio subrogatur invitus; Monachus juxta Baronium S. Equitii, nulli addictus regulæ juxta Thomassinum, instituti autem S. Benedicti juxta Mabillonium, & alios. Claruisse Gregorium cunctorum meritorum perfectione, S. Idelphonsus testatur. Sanctitatem Antonii, Cypriani eloquentiam, & sapientiam Augustini dicitur consecutus. Ipsius in divinæ Scripturæ libros amplissima Commentaria, Dialogorum libri 35. Moraliū 4. & Epistolarum 12. doctrinam, pietatem, & Ecclesiasticæ disciplinæ studium undique spirant. Liturgiam, ritusque Ecclesiasticos explicavit atq. direxit: contra jactantiam Episcopi C. P. se, ut diximus, appellantis *Universalem*, sive *Œcumenicum*, usurpavit omnium primus humilem titulum *Servi Servorum Dei*. Ultra annos 13. gubernavit Ecclesiam; perpetuæ gloriæ assecutus hereditatem IV. Idus Martias anno communis Æræ 604.

PATRIARCHARUM NOMINA:

SEDERUNT Alexandriæ post Joannem Talajam *Paulus*, *Zoilus*, *S. Apollinaris*, *Joannes*, *S. Eulogius*: Antiochiæ post Palladium *Flavianus*, *Severus*, *Paulus*, *Euphrasius*, *Euphremius*, *Domnus*, *Anastasius*, *Gregorius*: Jerosolymis post Eliam *Joannes III.* *Petrus*, *Macarius II.* *Eustochius*, *Joannes IV.* & *Amos*. (2)

CA-

(1) Anno 578. inauguratum fuisse Pontificem Maximum Pelagium II. demonstrat Norisius in disert. de Synodo P. cap. 9. c. 4. Baronius id referendum putavit ad annum 577. Panvinus vero, Sigonius, & Holstenius ad annum 579.

(2) *Macarius* Jerosolymorum Episcopus, & Petri successor e propria Sede, imperante Justiniano, dejectus est, anno 548. quamvis Theophanes id referat ad principatum Justinii Junioris. Vide notas Valesii, & adjectas Adnotationes Variorum in Evagrii caput tricesimum septimum libri quarti Ecclesiasticæ Historiæ. Exturbatus est *Macarius*, propterea quod *Origenis dogmata* offerere dicebatur, inquit ibidem Evagrius. Ord-

C A P U T II.

DE CONCILIIS SEXTO SÆCULO CELEBRATIS.

AD ECCLESIASTICAS causas definiendas, ad extirpandas hæreses, & ad reformandam disciplinam, plura hoc sæculo congregata fuerunt Concilia: Ad primam pertinent classem quatuor *Romana* an. 501. & seqq. in quibus Symmachus a Factione Laurentii adulterit, aliorumque criminum accusatus seipsum purgavit: in postremo autem anni 504. anathemati subjecti fuere cuncti bonorum Ecclesiæ invasores. In *Constantinopolitano* anni 518. nomina S. Leonis Magni, & Euphêmii ac Macedonii Episcoporum ejusdem Urbis, fuerunt sacris diptychis restituta.

hatus in ejus locum *Eusochius*, qui post Synodum Quintam, cum expellere niteretur Origenistas, adversarium autem haberet *Theodorum Capadocem* acceptum imperatori Justiniano (a quo Theodoro intentatam de *Tribus Capitulis* controversiam præmoneo in not. ad cap. 2.) etiam ipse e propria Sede exturbatus est. *Joannes* surrogatus fuit *Eusochio*, sed post restitutum in sedem suam *Macarium*, quod juxta Victorium Turonensem in Chronico conligit imperante Justino Juniore, juxta Theophanem vero extremis Justiniani temporibus. Venerabilis Baronius, qui *Macarium* in pristinam Sedem restitutum ait ante Quintam Synodum Constantinopolitanam; aperte adversatur Evagrius libro 4. capite 39.

Anastasius, quem inter Patriarchas Antiochenos laudavimus, tum in divinis humanisque litteris eruditus, tum vivendi ratione moribusque conspicuus, valide impugnans hæresim *Aphthartotarum*, autumantium scilicet Corpus Domini, etiam ante resurrectionem, fuisse incorruptibile, non vero capax naturalium & inculpabilium affectionum, subiti indignationem Justiniani, qui per vim cogere instituit Episcopos universos, ut hæresim illam, in quam ipse fuerat prolapsus, amplecterentur. Sed contra evenit. Omnes enim Antistites adhaerent *Anastasio*, qui imperterrito animo contradixit Imperatori, misso ad illum scripto demonstrans Corpus Domini, antequam revixisset, fuisse obnoxium naturalibus perpeffionibus, quæ in reprehensionem non cadunt. Idem *Anastasius* docuit in *Oratione* ad Antiochenos, necnon in Epistola ad Monachos degentes in Syria. Migrasse Justinianum ex hac vita, invisibili percussam plagam, dum adversus *Anastassium*, aliosque Sacerdotes huic assentientes, diceret deportationis sententiam, refert postremo capite libri quarti prælaudatus Evagrius Scholasticus. Expulit quunque Imperator e Sede regis urbis C. P. *Eutychium* ejusdem hæresis *Aphthartotarum* strenuum impugnatores. Id contigit juxta Baronium anno 564. quem *Valesius* in notis ad Evagrium ait fuisse ultimum annum Imperii Justiniani. Hunc autem obisse anno 565. die 14. Novembris, præcunctibus viris doctissimis, nullus dubito. *Eutychii* vitam eleganti stylo conscripsit illius discipulus *Eustathius*. Fuit *Eutychius* successor in Episcopatu Constantinopolitano *Menna*, qui ejecto Anthimo antistes creatus est anno 536. & migravit ad superos anno 552. Colitur autem ejus memoria in Menologio Græcorum, & in Martyrologio Romano die vigesima quinta Augusti.

tura. (1) Romanæ , & Constantinopolitanæ Ecclesiæ concordia sancita fuit in Romano Hormisdæ ejusdem anni 518. In altero Concilio C. P. amotus est ab omni Ecclesiastico ministerio Stephanus Episcopus Larisæ , & metropolita Thessaliæ , eo quod sibi Pontificium jus vindicasset , non expectato Episcopi C. P. consensu . Verum Stephani causa eodem anno , qui fuit Æ. V. 531. discussa iterum est in Concilio Romano , cum Ecclesiæ Illyrici ad jura spectarent Apostolicæ Sedis . In *Parisiensi* anno 551. depositus est Saffaracus Episcopus ejusdem urbis , gravissimi convictus criminis , illique suffectus Eusebius . Emerius item contra canones ordinatus Episcopus *Santonensis* , anno 563. amotus fuit decreto Concilii in Gallia Aquitanica congregati . Depositi item in *Parisiensi* anno 573. Promotus Carnotensis , sede Pappolo adjudicata : & anno 579. in *Cabilonensi* Salonius Sagittarius Antistes Provinciæ Narbonensis , ob crimen læsæ majestatis . Contra absoluti fuerunt anno 587. in Synodo C. P. Gregorius Episcopus Antiochenus falso accusatus incestus ; atque in *Romana* anni 595. Joannes presbyter Chalcedonensis infamatus de hæresi : atque hæc tantum de Conciliis , in quibus causæ Ecclesiasticorum virorum fuerunt discussæ .

NAM DE Synodis ad hæreses eliminandas coactis agendum est modo . *Illyrici* itaque & Græciæ Antistites anno 515. synodali congressu , a Thessalonicensi , suo licet Metropolitano , communicante cum Timotheo C. P. ,

disce-

(1) Diptycha , *Διπύχνα* , plicatiles , five duplicata tabella , in quibus Sanctorum Præfulum nomina descripta inter Missarum solennia ad illorum laudem , & aliorum exemplum palam recitabantur . Eburnæ interdum tabellæ ipsæ erant ; unde lib. 10. Poem. de S. Martino ait Venantius Fortunatus :

Nomina vestra legat Patriarchis , atque Prophetis .

Cut hodie in templo diptychus ebur edit .

Tria fuerunt *Diptychorum* Ecclesiasticorum genera , nempe , Episcoporum , viventium fidelium , & mortuorum in Ecclesiâ communione . Pertractant de his Card. Bona lib. 2. cap. 12. alique agentes de Ritibus Ecclesiasticis . Ac fuerunt quoque *Diptycha* Consulium , Quæstorum , aliorumque majori aliquo magistratu fungentium : de quibus Codex Theodosianus , Themistius , Symmachus , alij . Tabellæ item , quibus proci suos describebant amores , distæ a Juvenali Sat. 9. *blanda* , *assidua* , *densaque* , diptychæ a veteribus vocabantur , quoniam duobus constabant operimentis .

discedentes Eutychianam damnarunt hæresim, & cum Romana Ecclesia se penitus consentire professi sunt. Africani PP. qui anno 507. in Synodo *Byzacena* Provinciae Proconsularis contra Trasamundi Ariani regis edicta statuerant Episcopos viduis Ecclesiis præficere, exules in *Sardinia* anno 521. aliam Synodum celebrarunt, Pelagiana dogmata circa Gratiam & liberum arbitrium resutantes. Semipelagiani vero in Synodo *Arausicana*, sedente Romæ Felice IV. anno 529. expressius, quam antea, fuerunt proscripti. Confirmata Arausicani Concilii decreta anno proximo in Synodo Galliarum Viennensis *Valentina*. Hæreses omnes, ac præsertim Priscillianistarum confixit anno 563. Concilium *Bracarense* in Hispania Tarracoenensi.

PUGNATUM vero vehementius pro auctoritate Synodi Chalcedonenſis, & Eutychetis, atque Nestorii damnatis hæresibus eradicandis. Confirmata prædicta Synodus anno 518. in Concilio C. P., Severo, aliisque adversariis communione privatis. Rursus eodem anno in Synodo *Tyria* Synodus Chalcedonenſis fuit approbata. Romæ autem anno 532. Synodo Joannis II. *Acemeta* monachi damnati fuerunt, *Unum de Trinitate passum* sensu Nestorianis negantes. Anthimus, Severus, alique Acephali nova excitantes dissidia rursus Synodo C. P. anno 536. fuere compressi. Disceptatum de *tribus Capitulis*, idest scriptis Theodori Mopsuesteni, Theodoretii contra Cyrillum, & Ibae Edesseni epistola ad Marim Persam, in Concilio C. P. anno 547. De Theodoro pertractatum est singillatim in Synodo *Mopsuestena* anno 550. Damната demum *tria Capitula* in *Constantinopolitana* II. & Œcumenica Synodo *Quinta* communiter appellata, in qua & Origenis proscripti fuerunt errores, & iterum confirmatum Concilium Chalcedonenſe. Huic Synodo V. anno 552. congregatæ ab Imp. Justiniano, Episcopi 155. interfuerunt. Et quamvis Vigilius Papa, veritus ne *trium Capitulorum* damnatione, (1) quam urgebant Eutychia-

Tom. I.

L

tychia-

(1) Acerrima de *tribus Capitulis* controversia exagitari cœpit circa annum 545. Eam primum excitavit Theodorus Episcopus Cæsarem in Cappadocia, ut errores Origenistarum repullulantes in Palæstina eximeret a damnatione, accusando Theodoretum, quod patrocinatus Nestorio Iacessisset scriptis S. Cyrillum Alexandrinum, Theodorum Mopsuestenum, quoniam hæresi Nestorianæ viam aperuerat, & Ibam Edessenum, quia

tychiani, & Acephali, ut elevarent prælaudatum Chalcedonense Concilium, a quo Causam Nestorii non recte judicatam fuisse autumabant, quoniam Theodoretum & Ibam in communionem receperat; quamvis Vigilius inquam veritus ne *trium Capitulorum* damnatione Eutychiana hæresis extolleretur, initio ipsi *Quinta Synodi* obstitit; re tamen discussa illam *Constituto* suo confirmavit; quemadmodum fecerunt subsequenti Pontifices, de quibus cap. præcedenti. Quare modo de auctoritate *Quinta Synodi* nefas est hæsitare.

COMMEMORANDUM nunc esset Concilium *Aquilejense* eodem anno 553. post Synodum V. coactum, in quo eadem Synodus V. fuit reprobata, quod videretur Episcopis Occidentalibus compluribus, ob rationem, quam nuper attigimus, contraria Chalcedonensi: unde Episcopi Veneti, Istriæ, & Liguriæ se ab Apostolicæ Sedis communione diuturno schismate segregarunt. Sed hujus Concilii, quemadmodum, & in Illyrico antea celebrati anno 550. pro defensione *trium Capitulorum*, constat nullam habendam esse rationem. Hujus est generis Synodus Episcoporum, qui Romanæ Sedi in damnatione trium Capitulorum, ut nuper dicebam, refragabantur, coacta apud Gradum anno 579. a qua Synodo Metropolitana Sedes Aquileja Gradum translata fuit: unde Patriarchæ *Aquilejenses*, & *Gradenfes* deinceps sunt appellati. (1) Multo mi-

in sua ad Marim Perfam epistola eundem Theodorum Mopsuestenum cum laude commemorasset. Hinc fraudem Theodori Cappadocis Justinianus Imperator non suspicatus, omnium primus cum Origenistis in proscriptionem trium illorum *Capitulorum* intendit animum. Quamobrem Vigilus Romanus pontifex diu ea in causa hæsitans, Fideique Christianæ pericula metuens, non levis animi inconstantia peccavit, ut quidam scribere, sed caute prudenterque se gessit. Ipsi Vigilii *Constitutum*, quo tandem approbavit Synodum V. eruit e tenebris eruditissimus Balutius. Extat etiam de hac re Vigilii epistola Græco Latina apud Cl. Petrum de Marco. Plura in dissertatione Historica de *V. Synodo* Henricus Cardinalis Norfius.

(1) Patriarchatum *Gradensem* Venetiæ transtulit Summus Pontifex *Nicolaus P.* anno 1447. non autem, ut legitur apud Baronium, *Leo IX.* anno 1050. Fuit vero primus Venetorum Patriarcha S. Laurentius Justinianus. E Patriarchatu autem Aquilejensi a Benedicto XIV duo constituti sunt Archiepiscopatus, unus in civitate *Udini* provincie Fori Julii metropoli, & post eversam Aquilejam Sede Patriarchatus: Alter *Goritiæ* inter alpes, sinumque Tergestinum, in Dominio Austriaco, quatuor ab Aquileja leucis. Præclusus est hac divisione facta anno 1752. aditus diffidiis, non semel inter Austriacos Venetosque subortis, vel ob inaugurationem, vel ob visitationem Patriarcharum. Condecorarunt vero Episcopatum Aquilejensem olim Sanctissimi Antistites, *Mormogoras*,

minus laudanda est Synodus 80. Episcoporum Eutychianorum habita contra Concilium Chalcedonense anno 512. in *Palestina*: quam Synodum Marcellinus in *Chronico* vocat *infamem & irridendam*. Reliqua itaque Concilia breviter sunt recensenda.

PRO disciplina itaque Ecclesiastica indictæ Synodi istæ fuerant: *Agathensis* anno 506. *Aurelianensis* anno 511. *Tarraconensis* anno 516. *Gerundensis* anno 517. *Ilerdensis* anno 524. *Toletana* anno 527. *Vasensis* anno 529. *Aurelianensis* anno 533. & anno 538. *Barcinonensis* anno 540. *Turonensis* anno 567. *Bracarenensis* anno 572. *Matifconensis* anno 581. *Narbonensis* 589. *Casaraugustana* 592. & *Barcinonensis* altera anno 599. Aliquas, si forte omisimus, supervacaneum est numerare.

C A P U T III.

HÆRESSES SEXTI SEculi ENUMERANTUR.

PAUCIS caput istud absolvitur; nam exortæ hoc seculo hæreses germina fuerunt Eutychianæ, si errorem excipias Monachorum Acemetarum, qui negantes unam de Trinitate personam affixam Cruci adhærebant Nestorio. Contra quos Monachi Scythæ afferentes revera *Unum de Trinitate passum*, quamvis de iis initio oriretur suspicio, an vocabulorum novitate dogma Eutychianum inhereret, & ab Acemetis tanquam Eutychiani traducerentur; Catholici tamen declarati sunt a Joanne II. ut dictum est primo capite.

ITAQUE orta inter Eutychianos & Acephalos quæstio, an in unam coeuntibus divina, & humana Christi natura, ejus corpus, perinde ac nostrum, corporalibus affectibus esset obnoxium; quidam tale fuisse, nec libere, sed necessitate, asseriebant: alii negabant, in antiquam hæresim declinantes, qua Dominum specietenus passum, & mortuum Gnostici, & Marcionitæ tradiderant. Primi *Severiani* a Severo Antiocheno ipsorum duce: secundi,

L 2

quo-

Hilarius, Quirinus, Chromatius, Nicas: & posteaquam Sedes illa obtinuit jura Patriarchatus, quod contigit anno 605, Gradeni, & Aquilejensi Sede in unam coeuntibus, & singillatim Aquilejensi anno 719. sedente in Petri cathedra Gregorio III., sanctitate ibidem claruerunt *Pridericus, & Balrandus*, alique descripti in *Sacris Monumentis* provincie Fori-Julii ab erudito Patritio Utinensi.

quorum antesignanus fuit Julianus Halicarnassensis, ἀποδοξιστῆς, ab ἀδᾶρτος, incorruptibilis, sunt vocati. Nostros Theologi Corrupticolas, & Incorrupticolas appellaverunt. (1)

DUM quaestio hæc de Christi corpore Alexandriae ageretur, subiit in mentem Themistio diacono uni Acephalorum, sicuti passionem in corpus, ita ignorantiam in mentem Domini irrepere potuisse, & minime assecutus quod legitur Marci 13. 32. (2) Illi adtribuit diei extremi iudicii ignorantiam. Qui in hanc impietatem abierunt, ab auctore Themistiani, a dogmate ἀγνοῦται, Agnoetæ dicuntur.

HIS ACCESSIT Joannes Philoponus, Grammaticus Alexandrinus, qui cum Eutychianis unam in Christo asserbat naturam, rejecta Synodo Chalcedonensi; at ne inde cogereretur fateri divinam naturam in tribus personis existentem fuisse crucifixam & passam, uti asserbant Θεωσχοι, Θεωσχοι, Theopaschite, necessaria connexionione dogmatis Eutychiani, commentus est in Deo sicuti tres hypostases, ita tres adinveniri naturas, quarum una ab aliis distincta in Redemptore subliterit. Hujus sectatores τριθεῖται, Tritheistæ sunt appellati. (3)

CA-

(1) Acephali in isto, & in superiori capite memorati, ita appellati sunt, quasi sine capite. Nullum enim hæresis sum agnoscebant auctorem; nam neque Eutychis doctrinam profitebantur, neque sequebantur fidem Catholicæ Ecclesiæ in synodo Chalcedonensi confirmatam. Haud male dixeris cum Facundo Hermianensi lib. 1. pro defensione trium Capit. cap. 5. Semicutychianos. Fuerunt enim revera Monophysitæ, ut eo loci notat Cl. Sirmondus, nimirum, unam in Christo statuebant naturam, & rejiciebant prælaudatam Chalcedonensem Synodum. Agunt de his Leontius, Nisephorus, Liberatus, Ado Viennensis, Isidorus, pluraque Concilia commemorata a Du Cange V. Acephali.

(2) De die autem illo, vel hora nemo scit, neque angeli in celo, neque filius, nisi Pater. Similia Matthæus 24. 36.

(3) Joannes Philoponus non solum Tritheistarum fuit antesignanus & auctor, (nisi mavis cum Assemano tom. 2. Biblioth. Orientalis originem hujus hæresis potius referre ad Joannem alterum cognomento Ascasnagum), sed erexit quoque circa mortuorum resurrectionem, dogmatizans hæc corpora penitus iperire, aliaque a Deo iis fore substituenda. At Philoponi Opus de Resurrectione, de quo Photius cod. 21. deperditum est, Scripsisse contra Synodum Chalcedonensem, & contra Joannem Archiepiscopum C. P. SS. Trinitatis assertorem, tradit idem Photius codd. 55. & 75. Verum oppugnavit Procli sententiam de Mundi æternitate, sive de mundo ingenito, & incorruptibili, vel 12 ipse Procli adversus Christianos Εἰσερχομενα. Fuit Philoponus discipulus Ammonii Alexandrini, is vero auditor Procli, inquit Causus initio Seculi Monothelæstæ, idest, VII.

C A P U T IV.

ECCLESIASTICI SECVLI VI. SCRIPTORES.

NULLA sacrae eruditionis pars est, quam scriptis hoc seculo Viri percelebres non exornauerint. Divinos enim libros praeter Magnum Gregorium, de quo supra, Commentariis explanarunt *Procopius Gazæus*, qui floruit imperante Justino, a Gaza Palæstinæ urbe; in qua fertur Cambyfes condidisse thesauros, nomenclaturam sortitus: *Victor Capuanus* Græce & Latine doctissimus, cuius famam medio seculo percrebuit; interpret Harmoniæ Evangelicæ Ammonii; & Auctôr *Catène* in IV. Evangelia e Veterum scriptis collectæ: *Bellator* presbyter amicus Cassiodori, qui circa idem tempus notus erat nominis celebritate, atque in S. Scripturam libros edidit 36. temporis injuria deperditos; ac *Primasius* Adrumeti, seu Justinianopolis in Africa Episcopus, qui pariter claruit sedente Romæ Vigilio, Epistolarum Apostolicarum, & Apocalypseos Explanator.

FIDEI vero Orthodoxa dogmata propugnauerunt *Paschasius* diaconus R. E. factionis tamen Laurentianæ, duobus luculentis contra Macedonium libris, vita functus an. 512. *S. Fulgentius* Afer Senatorio ortus genere, ex Monacho Ruspensis Episcopus, & tunc eorum, quos in Sardiniam relegavit Trasamundus rex Vandalorum, Prædestinationis & Gratiae vindex acerrimus, Dominicæ Œconomiae, nimirum *Incarnationis*, Propugnator clarissimus, & Ariannorum profligator invictus, doctrinae suae fideique nostrae scripto traditis munimentis, revocatus ab Hilderico e Sardinia, ad superos abiit anno 533. (1) *Joannes Maxentius* Archimandrita monachorum Scytharum, qui Pontifice Hormisdâ *Unum de Trinitate* passum prædicabant, suam de Christo Catholicam professionem exposuit, pugnavit adversus Acephalos, & contra Nestorianos elucubravat Anathematismos, duosque libros dialogorum. Adde *Ephraimium* Antiochenum, qui floruit sub Imp.

L 3

Justi-

(1) Quidam Fulgentii obitum consignant in anno 539. Notissus in anno 534. nonnulli in anno sequenti.

Justiniano, scriptisque pugnavit pro Synodo Chalcedonenſi, & pro Cyrilli Alexandrini doctrina, refutavitque Acephalos, atque Theopafchitas: *Justinianum* ipſum Auguſtum, a quo præter Corpus Juris Civilis laudandum proximo capite, epiftoſis ſuis *tria Capitula* perſtrinxit, pro Chalcedonenſi, & pro V. Synodo decertavit, necnon contra errores Origenis promulgavit Ediſta: *Fulgentium Ferrandum*, S. Fulgentii, de quo paullo ſupra, diſcipulum, qui non ſemel commemoratam controverſiam *de uno ex Trinitate paſſo* circa annum 540., exploſo Eutychiano, & Neſtoriano ſenſu, explanavit: *Facundum* Hermianenſem in Africa Episcopum, quem, etſi in deſenſionem *trium Capitulorum* prægrande volumen elaboravit, Caſſiodorus tamen appellavit *hæreticorum penetrabili ſubtilitate deſtructorem*: *Leandrum* S. Iſidori Hiſpalenſis fratrem, & Gothorum Apoſtolum, vita ſunctum anno 595. auctorem duorum librorum adverſus hæreticorum dogmata, & Opusculi contra Arianorum inſtituta: *Leontium* Byzantinum deſinente ſeculo clarum, a quo hæreticorum ſectis deſcriptis, refutati ſunt tribus libris Neſtoriani & Eutychiani, duobus aliis Apollinariftæ, necnon ſolutæ objectiones Severi; & *Heracianum* Episcopum Chalcedonenſem, cujus tamen ætas ambigua eſt, qui libris 20. ſubvertit omnem impietatem, cunctaque dogmata Manichæorum.

AD HÆC permulti de Hiſtoria fuerunt optime meriti. Etenim ineunte ſeculo *Baſilius Cilix* præbyter Antiochenus, præter libros 16. contra Joannem Scythopolitanum, exaravit Hiſtoriæ Eccleſiaſticæ libros tres. *Epiphanius* Scholaſticus, Italus, in Græcis Latinisque litteris eruditus, hortante Caſſiodoro, circa annum 510. hiſtorias Socratis, Sozomeni, & Theodoretii latinas fecit, & in unum corpus contexit. Idem *Caſſiodorus*, præter opera alia pretio æſtimanda, collectam ab Epiphanio Hiſtoriam in compendium redegit, ediditque libros 12. de rebus Geſtis Gothorum; ut mittam Chronicum ab Adam uſque ad annum 519. incuria nimia contextum. Libros illos de rebus Geticis, ſive Gothorum, ſummatim comprehendit, emendavitque anno 552. *Jornandes* Gothicæ gentis apud Ravennam Episcopus, qui & ſcripſit librum de Regnorum & Temporum ſucceſſione, ex Hiſtoria Flori excerptum. Eccleſiaſticam Hiſtoriam conſcripſit *Theodorus*, qui anno 518. Lector erat Eccleſiæ Conſtantinopolita-

litanæ. De bello Persico, de Vandalico, & de Gothico, & Historiam Arcanam absolutam anno 562. scripsit *Procopius* Cæsariensis, ad senatoriam dignitatem euectus, & Belisario acceptissimus, Annales Francorum, S. Martini virtutes & miracula, Gloriam Confessorum & Martyrum, consignavit litteris S. *Gregorius* Arvernus, & Turonensis Episcopus, cujus beata mors contigit anno 595. Ad hæc usque tempora deduxit libros sex H. E. *Eva- grius* Syrus, cognomento Scholasticus, a synodo nempe Ephesina usque ad annum 12. Mauricii. Accessere Chronicorum scriptores, S. *Dacius* Archiepiscopus Mediolanensis, qui claruit sub Justino seniore (1); *Marcellinus* Comes, Cancellarius Imperatoris Justiniani: *Vitelor* Episcopus Tunonensis in Africa, ob tria Capitula exilio, carceribusque, ubi circa annum 556. occubuit, sub Justiniano afflictus, Alii quoque historica Commentaria elucubrarunt, scilicet, *Liberatus* Diaconus Carthaginiensis Breviarium, historiam Nestorianam & Eutychianam complectens: *Cyrillus* Monachus Palæstinus vitas SS. Joannis Silentiarii, Euthymii, & Sabbæ Abbatum: *Theophanes* Byzantinus res gestas Romanos inter & Persas: *Gildas* natione Britannus Britannæ res, excidium, & Sanctorum virorum res gestas; & *Eutychianus* Cilix Poenitentiam, & Conversationem S. Theophili.

INSUDARUNT præterea in colligendo Canones, & Patrum decreta, *Dionysius Exiguus* Monachus Scythæ, & Abbas Romanus, cui & debemus Cyclum annorum 97. inchoandum ab anno 527. (2) *Martinus* Episcopus

L 4

Bra-

(1) Chronicon istud antiorum sexcentorum asservatur MS. in Bibliotheca Ambrosiana, non una descriptum manu. At istud videtur Dacio suppositum, tum quia titulus recentior apparet, tum quia progreditur usque ad annum 1067. cum S. Dacius obierit circa annum 555. Perit itaque Chronicum Dacii, & Auctor MS. Mediolanensis fuit Landulphus, sub cujus nomine illud edidit Ludovicus Antonius Muratori tom. IV. Script. Rerum Italicarum.

(2) Cyclum illum Dionysius condidit superiori anno 526. ut diximus in *Rudim. Chronol.* cap. 7. Progreditur tamen ab anno 527. Vide Petavium lib. 13. de Doctr. Temp. ad annum P. Jul. 526. Christi 526. Adscivit, reformavitque majorem cyclum Victorianum, seu periodum annorum 532., quamquam hujus in suis epistolis Dionysius non meminit. Immo prælaudatus Petavius lib. 12. cap. 3. censet a Dionysio adhibitum duntaxat Cyclum annorum 95. sub *Cyrilli* nomine laudatum. Nos Cyclum annorum 97. diximus, præunte Mariano Scoto ad annum 527. Sed legenda *Historia Cycli Dionysiani*, in lucem edita

Bracarenfis in Hispania Tarraconenfi, vel potius in Lusitania; & *S. Augustinus* Gregorii Magni discipulus, atque Anglorum Apostolus, qui fertur circa Seculi VI. finem Cantuariensis, quam regebat, Ecclesiæ ex Patrum regulis collegisse statuta.

AD FORMANDOS quoque mores, & religiosorum virorum dirigenda instituta, intenderunt animum bene multī. *S. Cæsarius* e Lirinensi monasterio anno 502. ad Sedem Arelatensem, hinc vero anno 542. euectus ad beatorum regnum, in virginibus & adolescentibus dirigendis, in tradenda Monachis, & Sanctimonialibus Regula, & fidelibus omnibus edocendis totus incubuit. *S. Simeon Stylites Junior*, qui exactis supra columnam non procul ab Antiochia annis 68. ad cælestem patriam migravit anno 595. formulas tradidit Dominum, ac Deiparam exorandi. Tum regula, tum libro de Ordine Monasterii, sententiisque pluribus iter ad perfectionem complanavit. *S. Benedictus* Monachorum Occidentis Patriarcha, vetusta Aniciorum familia ortus, ad cremum Sublaci profectus, inde in Cassinum, ubi anno 543. spiritum cælo reddidit. Sermones Asceticos 87. edidit circa idem tempus *Isaac* natione Syrus, factus ex Episcopo urbis Ninives anachorita. *Scala* Paradisi designavit scriptis *Joannes*, ab eremo quem coluit Sinaita, & ab Opere edito *Climacus* nuncupatus; Græcis enim scala, seu gradus dicitur *κλίμαξ*: & *S. Columbanus* ex Hibernia in Burgundiam, hinc in Italiam profectus, Bobiense condidit monasterium, cui regulam, Institutiones spirituales, & Pœnitentiale præscripsit.

DENIQUE & poesi stylum exercuere præstantes viri: nam inter Opera *Severini Boethii* in arcto Ticinensi carcere decollati anno 526. (1) habentur libri 5. de Consola-

Wittembergæ anno 1718. Quod certum est, Dionysius, abjecta *Æra* Diocletiani, cycli sui annos computare cepit a *Dominæ Incarnatione*, ut diximus capite 12. Chronologia. Cœperunt vero anni supputari a *Christi Nativitate* anno Incarnationis sexcentesimo primo, imperante Mauritio, quemadmodum in Vita Romani Pontificis *Deusdedit* demonstrat ex Epistolis Gregorii Magni Papirius Massonius.

(1) Severino Boethio Patrio, & Exconsuli fuit lectissima co:njux Elpis, cujus Romæ in porticu Vaticano positum Epitaphium:

Elpis dicta fui Sicula regionis alumna,

Quam procul a patria Conjugis egis amor:

solatione Philosophiæ compositi simul metro, & soluta oratione. Inter scripta S. Ennodii Ticinensis Episcopi vita functi anno 512. extant Poemata & Epigrammata plura. Arator Ligur anno 544. Heroico Carmine Apostolicam descripsit Historiam, & Venantius Fortunatus Italus non procul a Tarvisio natus, vergente ad exitum seculo, Poematum libros undecim, quibus varia subjiciuntur carmina Gregorio Turonensi dicavit. Omni itaque eruditionis genere pæfulsit seculum Ecclesiæ sextum.

C A P U T V.

AUGUSTI PRINCIPES, SANCTORUMQUE PERMULTI.

MISERANDO exitu extincto Anastasio anno 518. Imperium commissum Flavio Anicio Justino e Thracia, suario jam & subulco: qui cum foret comes excubitorum, collata sibi ab Amantio spadone magna pecuniæ vi, per quam contiliato exercitu acclamaretur Theocritianus, illam ad comparandam sibi dignitatem adhibuit. Qua adauctus Theocritiano contis transfixo, & projecto in gurgitem, uxorem suam Lupicinam, nominatam deinde Euphemiam, declaravit Augustam, resque Catholicorum juvit quam maxime. Ejus enim opera Occidentalem inter & Orientalem Ecclesiam, post diuturnam separationem, coëptam a temporibus Acacii a Felice III. communione privati, concordia inita est: Arianorum Ecclesias jussit ritu Catholico consecrari capitisque damnavit hæreticos, maxime Manichæos. Vita functus est anno ætatis suæ 77. imperii 9. Æ. V. 527. Consule Marcortio Cal. Augusti. (1.)

Su-

*Quo sine massa dies, non anxio, flebilis hora,
Nec solum caro, sed spiritus unus eras.*

*Lux mea non clausa est tali remanente marito,
Majorique animi parte superstes ero.*

*Perireibus sacris jam nunc peregrina quiesco,
Judicis æterni testificata thronum.*

*Nequa manus bustum vires, nisi forte jugalis
Hæc iterum cupias jungere membra suis.*

*Ut thalami sumulique comes nec morte revellat
Et socios visæ nectas uterque cinis.*

(2) Justinum imperiali diademate coronatum C. P. a Romano Pontifice Joanne I. tradunt cum auctore Libri Pontificalis complures Historici. Corippus Poeta Africanus lib. 2. inquit:

Postquam cuncta vides ritu perfecta priusquam

SUPERSTITE Anastasio Eutychiano, pro fide Chalcedonenſis Synodi trucidati fuere anno 512. Monachi Maronitæ CCCL. & anno 517. *Severus* Acephalorum Caput alios pluſquam CCC. eamdem ob cauſam maſſavit in Syria. *Du Navvas* Judæus Homeritarum in Arabia regulus, expugnata anno 522. urbe Nagran, hujus præſidem *Aretham* cum aliis 340. affecit martyrio, inter quos puerulus annorum quinque cum matre injectus fuit in ignem. *Cabades* item Saracenorum Perſarumque rex (1) morti tradidit Chriſtianorum ingentem numerum: imperante Juſtino e vita quoque migrarunt anno 520. *S. Avitus* Episcopos Viennenſis, anno 521. *S. Brigida* monialis in Scotia, & anno 524. Sanctus Burgundiæ rex *Sigifmundus*.

ADOPTAVERAT Juſtinus filium ſororis ſuæ *Flavium Juſtinianum*; qui ſuccedens avunculo imperium tenuit annis fere 39. exunctus ætatis ſuæ anno 83. Chr. 565. die 14. Novembris. Uxor illi fuit *Theodora* Cyprides, inſolens femina, & Eutychianis addicta. Triboniani, aliorumque ICC. opera perfecit Corpus Juris Civilis, comprehenſens Inſtitutionum libros 4. Pandectarum, ſeu Digeltorum 50. & Codiciſ 12. Addidit poſtea Novellas 168. Authen-

*Pontificum ſummus, plenaque ætate venuſtus,
Adſtantem benedixit eum, cælique potentem
Exorans dominum, ſacro diademate juſſis
Auguſtum ſancire caput.*

Verum ad Joannem III. & ad Juſtinum Junioſorem Papirius Maſſonius hæc retet lib. 2. pag. 103. Juſtinus Senior, de quo nunc agitur, priorẽ conjugem *Lupicinam* renunciatus imperator appellavit *Euphemiam*. Hac e vivis ſublata, anno 523. aliam duxit *Theodoram* nomine. Urbes terræmotu dirutas reſtauravit, Corinthum & Dyrrachium anno 521. Anazarbum vero Ciliciæ ſecundæ meiròpolim, diſtam poſtea *Juſtinopolim*, anno 524. In exilium expulſit Episcopos Arianos. Neſtorianos, & Eutychianos. Juſtino *Vilius* Epitaphium illud concinnavit:

*Actis imperium Thraz, armeniarum ante
Juſtinus, frugi Ceſor, obſequ pios.*

(1) la perſecutione Cabadis regis Perſarum complures Chriſti fideles, quibus evulſa, aut præciſa fuerat lingua, expedite nihilominus & clare loquebantur, Dei nomen magnificantes. Quod in perſecutione paſſiter Vandalica, ſive Africana Arianorum, coniugiſſe *Reparatus* tradit lib. 3. Victor Vivenſis. Poſſunt tam mirabili eventui aptari ea verba Prudentii Hymno 14. *ſibi* 710.

*Chriſtum loquenti lingua nunquam deſuiſ.
Ne verba quæſas quo regantur organo,
Cum prædicatur ipſe verborum dator.*

Rex item Homeritarum in Arabia taſtus e Chriſtiano Hebræus, permultos fideles, inter quos enituit *S. Arethas*, immaniſſime trucidavit. Rex ille *Du Navvas* appellabatur: de quo plura in Hiſtoria Arabum *Pocockius*, & in vita Mahumetis *Prideaux*. Contigit Homeritarum perſecutio circa annum 70. ante Pſeudoprophetaſ.

thenticas ἀπο αὐθεντίας nuncupatas. Promulgatus Codex anno 529. Novellæ Constitutiones anno 535. Civile bellum, quod paraverant nepotes Anastasii Hypatius, Pompejus & Probus affectantes tyrannidem, fustulit horum cervicibus amputatis. Per duces Belisarium, Alexandrum, & Narsetem Gothos domuit, Persas devicit, Romanoque imperio restituit Africam occupatam a Vandalis. Sese controversiis Ecclesiasticis, plus forte, quam decebat Imperatorem, immiscuit, quandoque intigante conjuge Eutychiana a recta deflectens (1).

IMPERIUM administrante Justiniano, a Manucha pirata prope Messanam anno 541. necati fuerunt *Placidus* monachus, S. *Benedicti* discipulus, cum *Flavia* sorore, duobus fratribus, aliisque monachis 30. (2) anno autem 546. sub Totila rege Gothorum abscissum caput *Herculano* Episcopo Perusino. Obierunt, eodem Imperatore, sanctissimi Episcopi *Remigius* Remensis, *Aurelianus* Arelatenfis, *Lupus* Lugdunensis, *Medardus* Tornatenfis, & *Germanus* Capuanus. Incidit in hæc tempora mors prælaudati *Benedicti*, ejusque sororis *Scholasticæ*, *Severiani* Abbatis Agaunensis, *Glotildis* Francorum reginæ, necnon anachoreticam vitam agentium, in Palæstina *Cyriaci*, & in Umbria *Isaaci*, & *Florentii*.

IMPERARUNT post Justinianum (3) *Justinus Junior* il-
lius

(1) In hæresim ἀφορτοδοκίαν prolapsus.

(2) In Breviario Romano consignatur horum martyrium anno 539. III. Nonas Octobris.

(3) *Flavius Anicius Justinus* parentem habuit *Vigilantiam* sororem Justiniani, uxorem vero *Sophiam*, adeo procacem, & imperiosam mulierem, ut Narseti, qui Italiam regebat, prohibere objecerit, idoneum esse duntaxat ad pensa cum puellis trahenda in gynæceo. Nares respondisse fertur, orditurum se telam, quam neque ipsa *Sophia*, nec maritus possent extricare; quod fecit vocando in Italiam *Longobardos*. Hos quidam dictos putant a duobus lingum illorum vocabulis, *Lang*, longa, & *baers*, barba; unde *Guntherus* apud *Du-Cange* in Glossario,

Dicitur a longis et Longobardia barbæ:

quidam ita appellatos volunt a propria urbe in ora maris Balthici sita, quam dixerunt *Bardum*, *Bart*: nonnulli a genere, quo utebantur, armorum, hastis bipennibus similibus: aliqui demum, quod exaluerint ex *Lingonibus* & *Bardiis*; sed hi ad Gallias attinent. Justinum, ut ad illum revertamur, *Constatantem* vocarunt, quia fuerat Prætorii Præfectus. Fuit mollis, dissolutus, & deliciis, lædisque deditus voluptatibus. Pelagiana quoque hæresi infectum ajunt. Ex fastu ac tumore incidit in dementia. Nuncupavit Imperatorem Comitem *Excubitorum*, iuadente *Sophia*, scilicet, *Tiberium Constantinum*, cujus illa ardebat amore. Obiit podagra. De *Justinino Mycillus*, quasi *Episcopium* condens:

Ingenio, & pietate Minor, non tempore tantum

Hic fuit: ast ingens cultor avaritiæ.

lius nepos, *Tiberius Constantinus* a *Iustino* adoptatus, & *Mauritius* Cappadox adoptatus a *Tiberio Constantino*. Decessit *Iustinus* anno 578. mense Octobri, duodecimo imperii sui anno: *Tib. Constantinus* cum imperasset annis 4. placide obiit Constantinopoli anno 582. *Mauritius* vero creatus Cæsar hoc anno die 5. Augusti, & die 13. Imperator acclamatus, cum imperium tenuisset annis 20. interfectus fuit cum omnibus filiis, & propinquis suis a *Phoca* anno 602., exeunte Novembri. *Iustinus* *Curopolates* dictus, infectus fuit hæresi Pelagianorum, duxitque uxorem *Sophiam*, mulierem adeo truculentam, & ambitiosam, ut ejus causa *Narfetes* in Italiam accesserit Langobardos. Ceterum princeps fuit iustitiæ studiosus, publicæ tranquillitatis amator. *Tiberius Constantinus* fuit liberalis ac strenuus, fuditque duobus præliis

Per-

Regna sub hoc Longi ceperunt Italia Bardi:

Ipsæ pedum morbo, mentis egenus obis.

Ps *Tiberio autem idem Mycillus,*

At hic divitias regni clargitur egenis,

Erga alios facillus, nec pravis ipse sibi.

Devotus Persas, & Successores creata,

Ipsæ domi placida morte quiescit obis.

Successor *Tiberii* fuit *Mauritius*, cui *Tiberii* quæque accessit cognomentum. Cappadox fuit, sed Arabibus oriundus. Parentes habuit *Patrium* & *Joannam* ex vetusta, & olim Romana familia. Uxor illi *Constantina* filia *Tiberii*. Ex hac suscepit *Theodosium*, aliosque liberos jussu *Phocæ* necatos filiasque *Anastasiam*, *Theodosiam*, & *Cleopatram* detrusas antea in Monasterium, deinde simul cum matre peremptas. Trucidatus est *Chalcedone* anno ætatis sue 63. *Constantina*, natæque cadavera ad moenia urbis C. P. sepulta fuerunt in templo *S. Marci*, cum Epitaphio edito a *Pharasmene* cubiculario *Justiniani*, qui in campo jacentium corporum sepulturam curavit. Est autem Epitaphium illud, quod sequitur:

Hic sita quæ Regum (dolor heu) miseranda duorum

Uxor Mauritii, filia Tiberii.

Quæ, partu monstrante uero, facunda probavit

Multorum esse etiam posse bonum Imperium.

Militis huc furor, & populi levis ira Maritum,

Me, sobolemque meam sanguinolenta tulit.

Heu mihi! Quid gemitis Niebem? Ego mortuus spiro,

Aspera continuis sexa rigo lacrymis.

Cladibus haud Hecuba carent, Jocastræque nostris,

Nam levior dolor est; casus uterque parens.

Sæpe, quid infantes perimis vitique dolique

Ignaros? Ætas quid dedit illa mali?

Non sibi Roma meis jam præbeo frondibus umbrat,

Turbine Threicio stirpitur interii.

Sed Epitaphium istud tumulo *Constantinæ*, & filiarum ejus revera insculptum fuit, ut in *Mausoleo* refert *Zonaras*, atque id crediderim ex-
tincto *Phoca*.

Persarum copias. At Mauritius, quamquam belli, & pacis artem calleret, enormi tamen avaritia & iracundia adeo in se tumultuantes milites concitavit, ut inde Phocas illum opprimendi arripuerit occasionem.

HAC ETIAM Seculi VI. prostrema parte in Christifideles impiorum saevit immanitas. Etenim anno 580. Visigothorum rex Leowigildus Arianus in illos insulit, agre ferens filium suum *Hermenegildum* ad Catholicos accessisse. Ipsum vero Hermenegildum anno 589. interfici iussit, quoniam noluit ab Ariano antistite recipere communionem. Trucidatus hoc ipso anno orans in templo *Prætextatus* Episcopus Rothomagensis jussu Fredegundis Francicæ Jezabelis, Augustoritii, seu Pistavii anno 587. ad Agni nuptias evolavit *Radegundes* regina. Exitum Seculi Sanctissimorum Episcoporum pretiosa mors decoravit, ut *Theodori* Massiliensis anno 594. *Anastasio* Antiocheni, qui a monte Sinai, ubi antea monasticam egerat, *Sinaita* vocatur, anno 599. (1), & *Syagrii* Augustodunensis anno 600. Eodem anno 600. martyrio affectus *Cechardus* Lupensis Episcopus, cujus sacrum corpus colitur Carrariæ in Etruria Mediterranea,

C A P U T VI.

DOCTRINA, ET DISCIPLINA SEXTI CHRISTIANI SEculi.

MYSTERIA, quæ objecta sunt fidei nostræ, fuerunt luculentius exposita. Nam ex controversiis hoc sæculo exortis didicimus ambiguas evitare sententias, ut *Unum de Trinitate passum* asserere, non attenda divinitatis substantia, sed assumpta natura hypostatice unita divinx. Per hanc vero unionem, non sublata utriusque naturæ proprietate, sed humana ad jura divini Verbi translata, ita idem Verbum dici natum & mortuum secundum carnem, ut in hanc voluntate ejus liberrima impetus passionis, vulnerumque ictus irruerint. Ex intima illa, & substantiali unionione in Dei hominis animam, cum plenitudine gratiarum, constat plenissimam scientiam fuisse transfusam. Arausicana II. Synodo finita est omnis quæstio de Gratia, & Semipelagianorum error proscriptus.

SA-

(1) Referunt Annales Eccles. ad annum 585. martyrium S. *Alexandri* Episcopi Fesulani.

SACRAMENTALIA, librique Liturgici Missarum ostendunt celebratam solemnitatem (1). Episcopi in Anglia, & signanter Metropolitæ Londinensis, & Eboracensis instituti fuerunt Romani Pontificis auctoritate. Judicia Episcoporum in Synodis provinciarum fuerunt discussa: Iidem Episcopi, qui a Clero eligebantur approbante populo, interdum promoti sunt Principum auctoritate. Imposita etiam Subdiaconis lex cœlibatus (2), Diaconi 25. ætatis anno, presbyteri 30. ordinabantur. Ecclesiasticis cunctis congruens præscripta est disciplina.

MONASTICUM ordinem propagarunt viri sanctissimi, *Cæsarius*, *Aurelianus*, *Fructuosus*, *Columbanus*, & alii, sed nemo felicius *S. Benedicto*; cujus Ordinis initia referuntur ad annum 529. vel potius 524 (3). Illius statuta confirmavit anno 595. *S. Gregorius Magnus*.

AD CHRISTIANAM religionem perduxit hoc Seculo Britannos & Anglofaxones *S. Augustinus*, laudatus cap. 4. *Bojos*, seu Bavaros, Bohemosque *S. Rupertus* Episcopus Wormatiæ, Piætos Scotosque *S. Columbus* Monachus Hibernus (4)

A P.

(1) Instituta a *S. Gregorio Magno* initio Pontificatus sui Litanis Majores, ut scribit cap. 57. Micrologus. Factum id ad averterendam inguinalem luet, Romanum populum post inundationem aquarum insolita cæde vexantem. Intellige Litanias, quæ celebrantur VII. Kal. Majas; nam quæ habentur in tribus feriis ante Ascensionem Domini, auctorem habuerunt *Sec. VIII. Leonem III.* ad universam Ecclesiam extendentem Rogationes, quas pro Ecclesia sua instituerat *Mamertus Episcopus Vienneſis*.

(2) Indictam a *Pelagio II.* Subdiaconis Siciliæ continentis legere scribit ad annum 588. *Baronius*. Idem constat ex Epistolis *S. Gregorii Magni* ad *Petrum Subdiaconum* & ad *Leonem Episcopum Catanensem*. Ab ea lege, quæ tamen in Romana Ecclesia vetusto more servabatur, Subdiaconatus cœpit inter majores Ordines recenſeri, non tamen ubique. Vide *Lupum* p. 4. in Synodos dissert. 1. proœmiali cap. 3.

(3) *S. Benedictum* natum anno Chr. 480. *Zenonis Imp.* 7. & *Odoaceris* regis 5. mortuum vero anno 543. ætatis suæ 63. *Leo Offienſis*, aliique testantur. Propagavit in Gallis Monasticum *S. Benedicti* Institutum *S. Maurus* ejus Discipulus. Ab isto cognomen sumpſit celeberrima ejusdem Ordinis Congregatio de litterarum restauratione & incremento maximopere sollicita, atque optime merita. Migravit autem *S. Maurus Abbas* ad Superos anno 565.

(4) Fidem quoque *Justiniano* imperante amplexi sunt *Eruli*, nomen sortiti a paludibus stagnantibus, quas olim juxta *Mæotidem* incolabant, de quibus *Procopius* lib. 1. de Goth. *Teophanes* in Chronico, & *Evagrius* lib. 4. capite 20. Conversos item ad Christum *Abasges*, sive *Abasces*, populos Colchidis habitantes in ora litorali Ponti Euxini, apud quos *Justinianus* in honorem *Deiparæ* sacram construxit *Ædem*, necnon barbaros incolas *Tanaïm*, scribit idem *Evagrius* citato lib. 4. cap. 2. & sequenti.

SECVLI SEXTI 175

APPENDIX

EXTERNARUM RERUM DELECTVS.

QUÆDAM regna exorta superiori seculo, & illorum Principes, commemoravimus. In Italia post Odoacrem regnasse diximus *Theodoricum*. Regnaverunt postea anno 526. *Athalaricus*: (1) anno 534. *Theodatus*: anno 536. *Vitiges*: anno 540. *Theodebaldus*: anno 541. *Alaricus*: anno ipso *Totila*: anno 553. *Tejas*, Gothorum regum postremus. *Langobardi* vero anno 568. regnum suum in Italia condiderunt, ac primus regnavit *Alboinus*, qui a Narsete invitatus cum armatorum 200000. e Germania, & Vandalia erupit, regniq̃ue sedem collocavit *Ticini*. Ex quo tempore *Ravenna* regum Visigothorum regia in *Exarchatum* pertransiit. *Alboino* autem anno 574. successit *Clephis*: huic post decem annorum interregnum anno 585. *Antharis*, & huic anno 590. *Agilulphus*.

FRANCORUM regnum post *Clodovæum* anno 515. consecutus est *Childebertus*: anno 560. *Clotarius*: anno 565. *Cherebertus*: anno 574. *Chilpericus*: anno 588. *Clotarius II.* vita functus seculo VII.

POST *Trafamundum* regnum Vandalorum in Africa auspicatus est anno 523. piissimus *Hildericus*, qui statim *Episcopos* exules revocavit. Huic *Gilimerius* vitam regnumque abstulit, sed & ipse a *Belisario* victus, & *Constantinopolim* adductus est anno 533. Ita regnum Vandalicum ab occupata *Carthagine* a *Genferico*, scilicet ab anno 439. stetit solummodo annis 95.

REGNAVIT in *Hispania* post *Alaricum* ab anno 506. *Gesaleycus*: deinde ab anno 526. *Amalaricus*: ab anno 531. *Theudas*: ab anno 548. *Taudegessillus*: ab anno 549. *Agila*: ab anno 554. *Athanagildus*: ab anno 567. *Liuba*: (2) ab anno 568. *Leovvigildus*. *Ariani* omnes. Tum ab

(1) Sunt qui inter *Athalaricum*, & *Theodatum* biennio regnasse tradunt *Amalasundam*, Regnumque *Theodati* desiniunt anno 537 *Visigis* 541. *Theobaldi*, & *Alarici* 542. *Totila* 553. *Teja* item eodem anno Cœpit anno 559. apud *Anglos* Ἐπικρατία, septem nempe Principatuum partitio, qui in unum redacti sunt anno 828. regnante *Egberto*.

(2) *Liubam* extinctum quidam ajunt anno 572. *Leovvigildum* autem anno 585.

ab anno 586. *Recaredus*, primus regum Gothorum, qui fidem Catholicam amplexi sunt, frater sancti martyris Hermenegildi.

INTER hujus seculi bella prætermittenda non sunt Gothicum, & Langobardicum. Illud exortum est anno 535. *Cos. Belisarius*, & Gothorum rege Theodato. At Belisarius Siciliam recuperavit, debellavitque Neapolim. *Viti-ges* interfecti Theodati heres anno 537. Romanam Urbem tali cinxit obsidione, ut matres, fame etiam per Italiam grassantē, filiorum carnibus vescerentur. Strenuissimus tamen Belisarius Romam ab internecione redemit; quin anno 539. expugnavit Ravennam, captumque Viti-gem cum Gothorum Optimatibus, & ingenti divitiarum copia captivum adduxit ad Justinianum Constantinopolim. Interea temporis *Langobardi* quoque irruerunt in arnia, atque excisum illorum impetu Mediolanum. *Totila* Gothorum rex castra rursus movit ad Romanæ Urbis excidium, camque occupavit anno 546. incendio Capitolio, ac diruta magna murorum parte. *Narses* Romam liberavit a Gothorum tyrannide, occiso Totila anno 552. Paulo post *Theya* superato atque extincto, Italia Gothorum jugum excussit. At Langobardi anno 581. occuparunt Neapolim, & 589. solo æquarunt amplissimum monasterium Cassinense.

CUJUSMODI sit humanæ felicitatis ludibrium, facilis ex his intelligitur. Illud ulterius patefacit, cum *Vitalianus* anno 520. dum consulatum gerebat, Justino imperante, interfectus, tum *Symmachus* Senator, socer Severini Boethii, anno 525. necatus Ravennæ jussu Theodorici. Quid *Belisarius* tantorum gloria bellorum? Ob suspicionem conjurationis in Justinianum anno 561. omni expositus honore despectissimam vitam tranlegit: nec desunt, qui asserant excratum eo pervenisse miseræ, ut obulum peteret in eleemosynam.

INFORTUNIA alia complura testantur vitæ hujus calamitatem. Sævisissimam famem Italiæ paullo superius commemoravi. Pestilentia autem anno 558. tum dire vexavit Constantinopolim; ut *sepeliendis mortuis*, inquit Theophanes, non *sufficerent vivi*. Terræmotu anno 524. concidit Anazarbus Ciliciæ metropolis. Eodem concussa anno 526. & ferè diruta, sæpe per totum annum repetito motu, Antiochia, addito ad terrorem incendio, adeo, ut imperator Justinus depositis diademate, & pur-pura

pura saccum induerit. Rursus eadem in urbe anno 528. ingenti terræmotu corruerunt cuncta fere ædificia, & cessavit tandem flagellum, inscriptis domorum januæ, aut parieti iis verbis, *χρισὸς μὲν ἡμῶν σῴτις*. Ipsa civitas anno 587. vehementi quatata est iterum motu terræ. Constantinopolim pariter anno 557. quo S. Sophiæ templum mirabilis structuræ perfectum est, terræmotus concussit, pertimescentibus civibus advenisse finem, & interitum mundi. Incendio insuper anno 525. igne mirabiliter e summis tegulis descendente, in prædicta Antiochena urbe plurimi perierunt. Aqua item, exundante extra alveum Scirto fluvio, vastata fuit Edessa civitas Syriæ, Justinopolis quoque appellata.

DE LITTERIS, ac disciplinis bene plurimi meruerunt. In arte enim *Grammatica* ceteris præstitit *Priscianus* Cæsariensis, omnium sui generis princeps. Eloquentia excelluit *Petrus Patricius* Thessalonicensis, qui mira facundia quælibet barbara demulcebat ingenia. Poeticam excoluit *Corippus*, a quo scripti fuerunt libri 4. de laudibus Justinii Junioris heroico Carmine. Præclara de Philosophia conscripsit Volumina *Proclus Lycius*, Platoniorum sectator dogmatum; at addidit adversus Christianos 18. *ἐπιχρηρίσματα*. Sequutus Procli impietatem *Damascius* Damascenus illius auditor, & in Schola Atheniensi successor. Veritatis studiosus dicitur a Photio Cod. 69. *Hesychius* Milesius, qui Historiam scripsit annorum 1190. eamque appellavit *Romanam*, & *Omnigeniam*. Sui ævi historiam tradiderunt litteris *Hermolaus* Byzantinus, & *Agathias*, memorati a Joanne Curopolata, & Cedreno. *Beulanum* Anglum, ejusque Opus de Genealogiis Gentium novimus tantum ex Balæo. *Hunibaldus*, qui scripsit de rebus gestis Francorum, dicitur a Vossio *Scriptor* tres, minimi scilicet pretii. (1) Accesserunt Seculi hujus

Tom. I. M Scri-

(1) Quidam *Proclum* hoc Seculo VI. vixisse autumant, sed vide Not. Seculi præcedentis. *Diatocum* dictum, ait Caveus in Sec. VI. sive Eutyehiano. Addendus *Simplicius* egregius Philosophus, Platonicus & Peripateticus, ortus in Phrygia, & familiaris Damascii. Clarebit anno Christi 508. Æræ Diocletianæ 224. Qui ordo tradunt *Simplianum* floruisse tertio Seculo, Æræ Martyrum pro Dionysiana accepere. Idem *Simplicius* in Explanationibus Aristotelicis æspit, mordetque Christianæ religionis dogmata. A quibus fuerunt quoque aliani *Agathas* Smyrnenfis, nobilis alioquin Historicus, *Constantinus* Philosophus, & *Alexander* Lycopolitanus, quamvis is confutaverit Manichæos

Scriptoribus alii complures. Etenim inter JCC. prætet illos, qui in Codice Justiniano perficiendo plurimum insudarunt, floruit circa eadem tempora *Thalelaus*, qui in Græcum Pandectas accuratissime vertit, appellatus a Cujacio doctissimus Græcorum, atque ab aliis Græcis Interpretibus est τῆς ρωμαϊκῆς ἐπιστήμης, idest, *Oculus Jurisprudentiæ*. Boethius, cujus supra meminimus, etiam in Philosophicis litteris excelluit: nam in Porphyrium, in libros Aristotelis Analyticos, necnon de Geometria, de Musica, & de Arithmetica pertractavit. *Alaricus* Visigothorum rex, quem Clodovæus superavit, Theodosianum Codicem emendavit, & quibusdam additis, quibusdam autem abrais promulgavit Tolosæ, anno regni sui 22. & Ætæ Christianæ 506. Circa idem tempus Rab. *Afec* fertur collegisse *Talmud* Judæorum, quod *Babylonicum* vocant.

SE-

ut constat ex tomo 2. *Auctoris* Bibl. PP. editi a Combessio. Videntur item nulli religioni addicti *Protopius* Palestinus & domo Cesareensis, quem commemoravimus superiori capit. 4. emunctarum narium historicus, rhetor nobilis, & ad Senatorium ordinem aliasque dignitates a Justiniano evehus, necnon *Tribonianus*, cuius meminimus cap. 5. appellatus *Conditor Juris Civilis*, natus in Pamphilia, a Justiniano Quaestor, Assessor, & Consul creatus. Sane Tribonianus male audit apud Suidam, Hostomannum, Moshemium, alios. Exornavit autem illius vindicias Janus Vincentius Gravina in libro de Ortu & progressu Juris Civ. num. 137. Eundem Tribonianum commendat plurimum Imperator Justinianus, de *Conceptione*, & de *Confirmat. Digestorum*. Ceteri, qui in componendo Justiniano Codice adlabantur, C. tit. de *For. Jure enunciando*. l. 2., & alibi laudantur.

SEPTIMUM ECCLESIAE

S E C U L U M;

C A P U T I.

SUCCESSIO PONTIFICUM ROMANORUM.

POST Gregorium Magnum Catholicæ præfuerunt Ecclesiæ, *Sabinianus*, *Bonifacius III.* *Bonifacius IV.* *S. Deusdedit*, *Bonifacius V.* *Honorius I.* *Severinus*, *Joannes IV.* *Theodorus I.* *S. Marinus I.* *S. Eugenius I.* *S. Vitalianus*, *Adeodatus*, *Donus I.* *S. Agatho*, *S. Leo II.* *S. Benedictus II.* *Joannes V.* *Conon*, *S. Sergius I.*

LXVII. SABINIANUS Volaterris ortus est, fuitque primum Gregorii Magni diaconus, postea successor. Usus æris Campani dicitur invenisse, quem alii tribuunt S. Paulino Nolano, unde Campanam dici *Nolan* opinantur: at usus hoc nomine ad significandum tintinnabulum lib. 8. cap. 6. Quinctilianus, qui floruit imperante Domitiano, ac I. Seculo. Tradunt Sabinianum obiisse a Gregorii spiritu percussus propter avaritiam in capite: sed pace Sigeberti, somnium id est, & fabella. Supremus illi dies 22. Febr. anno 606. nondum expleto. Pontificatus biennio.

LXVIII. BREVIOR fuit Pontificatus *Bonifacii III.* Romani. Is enim electus anno 607. XI. Calend. Martias, efficiens, ut etiam a Phoca Imp. Romana Ecclesia declararetur omnium aliarum caput & mater, ecclesiam rexit mensibus 3., extinctus IV. Idus Novembris an. 607.

LXIX. HUIC successit *S. Bonifacius IV.* e Valeria apud Marfos: qui *Pantheon* olim a M. Agrippa ædificatum, & adhuc post tot urbis clades superstes, annuente Phoca, Virgini reginæ Martyrum consecravit, & vita decessit labente anno Episcopatus sui nono, & V. Æ. 615. septima die Maji.

LXX. AB EO anno 615. usque ad an. 618. quo obiit V. Idus Nov. sedit in Romana Cathedra vir eximie sanctitatis *Deusdedit*, filius Stephani civis Romani, electus, quod nondum contigerat, adhuc subdiaconus, si fides habenda sit Anastasio & Liberato, cui & Ven. Baronius subscripsit.

LXXI. TENUIT deinde Pontificatum annis fere 6. *Bonifacius V.* mortuus anno 625. die 23. Octob. immerito reprehensus, quod asseruerit Christum nos redemisse a solo originali peccato; quum eo sensu locutus sit, quo *Joannes* cap. 1. 29. *Ἰδὺ ὁ ἀμάρτης διὸ αἵματι τῆς ἀμαρτίας οὗ νόσους*, quod nempe solum originale peccatum mundum infecerit universum.

LXXII. ELECTUS postea *Honorius I.* Campanus. Audiit immerito tamquam Monothelita, propterea quod ad schisma vitandum noluerit mentionem fieri, unius, duplicis in Christo operationis, aut voluntatis. Ecclesiam rexit annis 13. atque e vita migravit anno 638. die 12. Octobris.

LXXIII. OCCEPIT inde Pontificatum, post diuturnum Interpontificium, *Severinus* Romanus, qui Heraclii Imperatoris improbavit *Ethesium*, nempe expositionem fidei Monotheliticam; ac ideo, Imperatoris jussu thesauros Ecclesie Lateranensis Isacio Exarcho diripiente, ex animi ægritudine interiit anno 640. Calendis Augusti, mensæ vix expleto a sui inauguratione secundo.

LXXIV. NON IMPLEVIT duos Episcopatus annos *Severini* successor *Joannes IV.* sublatus ὀ vivis an. 642. die 11. Octobris, quum prædictam *Ethesium* proscripsisset, & *Honorii* Epistolas, quibus abutebantur Monothelitæ, Catholico sensu explicasset.

LXXV. POST Joannem rexit Ecclesiam *Theodorus I.* Is Monothelitis anathemate inustus, & improbo *Typo* Constantie, e vivis excessit, dum ageret septimum Pontificatus annum, die 5. Maji, anno Aeræ Communis 649.

LXXVI. ELECTUS post *Theodorum S. Marinus I.* ad Sacerdotii fastigium, damnatis in Lateranensi synodo una cum *Ethesi*, & *Typo* Monothelitis, omnem Constantis injuriam, carceres, contumelias, & omne calamitatis genus animo invicto sustinuit, obiitque relegatus in Chersonesum Thraciæ, & ærumnis confectus, inchoato Pontificatus anno septimo, die 21. Septembris, anno Domini 655.

LXXVII. DIGNUS fuit, qui Martini sedem occuparet *S. Eugenius I.*, illo exule Ecclesie regimini intentus, & a puero in Romanum Clerum adscitus. Verum a *S. Martini* obitu non explevit in Episcopatu biennium, ad nobiliorem æternamque sedem translatus anno 657. die 4. Junii.

LXXVIII. DIUTURNIOR fuit Pontificatus *S. Vitaliani*, cujus patria Signia Campaniæ civitas, Sedit enim ultra annos

14. & fato cessit an. 672. VI. Cal. Februarias. Hujus sanctitatem etiam Constantis A. ejusque filius Constantinus Pogonatus venerati sunt; eique Constantis dono misit per-
vetustum Evangeliorum Codicem, auro gemmisque exornatum.

LXXIX. AGEBAT quintum Pontificatus annum successor Vitaliani Adeodatus Romanus, & monastici instituti sectator, quando viam universæ carnis ingressus est, anno 676. die Junii 26.

LXXX. ADEODATO successus est Donus I. patria item Romanus, cui Reparatus Archiepiscopus restituit antiqua Jura supra Ecclesiam Ravennatensem, quam decessor Maurus violaverat, fretus potentia Exarcharum: Sedit anno I. cum dimidio, mortuus an. 678. III. Idus Apriles.

LXXXI. S. AGATHO monachus Siculus post Donum Pontifex constituitur. Hoc Pontifice, & Constantino Pogonato indicta Œcumenica Synodo concidit hæresis Monothelitarum, quæ diu Orientalem vexavit Ecclesiam. Virtutibus meritisque clarus IV. Idus Januariæ anno 682. terram reliquit.

LXXXII. AGATHONI successit S. Leo II. & ipse Siculus, Græcæ & Latine doctissimus, quem undecimo mense, anno scilicet 683. V. nonas Julias terris rapuit cælestis Jerusalem.

LXXXIII. INVIDERUNT pariter militanti Ecclesiæ rectorem beatissimum S. Benedictum II. Romanum Incolæ supernæ Patriæ, ad se illum invitantes, exacto decimo Pontificatus mense, anno 685. septima die Maji.

LXXXIV. NEC diuturnus fuit Pontificatus Joannis V. patria Antiocheni: quem mors abstulit proximo anno 686. Augusto mense ineunte.

LXXXV. QUANDIU autem sedit Conon, Thrax genere, ætate, moribus, eruditione percelebris? Adeptus Pontificatum prædicto an. 686. XII. Calendas Novembris, ea se levavit sarcina anno insequente 687. XI. Cal. Octobris.

LXXXVI. AB EO demum tempore usque ad annum 701. quo mortem oppetiit die 7. Sept. sanctissime gubernavit Ecclesiam Sergius I. ortus Antiochiæ. Seditum est S. Sergii inauguratione dissidium, & contentio de supremo Pontificatu exorta anno superiori 686. inter Petrum, ac Theodorum presbyteros, & rursus excitata anno 687. inter Theodorum, & Paschalem Archidiaconum, quibus antes populus in factiones distractus summum conferebat honorem.

PATRIARCHARUM NOMINA.

PATRIARCHÆ Alexandrini post S. Eulogium fuerunt Eutychiani, seu *Jacobita*, quo etiam nomine Eutychiani dicti sunt a Jacobo Syro, monacho, & Severi discipulo. Excipiendus tamen S. *Joannes* Eleemosynarius vita functus an. 616. ejusque successor *Georgius*; post quem sedit *Cyrus* Monotheleta. Antiochiæ vero post Gregorium federunt S. *Anastasius II.* & alii, quorum nomina usque ad ann. 1098., cum fuerint fere omnes hæretici, atque Antiochia sub tyrannide barbarorum, obscura sunt, & incerta. At Jerosolymis præfuerunt Ecclesiæ post Amos, *Isychius*, *Zacharias*, *Modestus*, & *Sophronius*: quo Ecclesiam Jerosolymitanam gubernante, anno 637. venit S. Civitas in potestatem Saracenorum. Ab hoc itaque anno usque ad finem Seculi XI. Jerosolymorum ignorantur Episcopi. Constantinopolitanos autem Patriarchas prætermisimus, quoniam, ut alibi monuimus, jura Patriarchalia violato Nicæno canone usurparunt, consecuti sunt vero, Romana Ecclesia consentiente, anno duntaxat 1215. Cunctorum enim Episcoporum nomina recensere neque hujus est loci, neque instituti.

CAPUT II.

CONCILIA CELEBRATA SEPTIMO ECCLESIE SEculo.

INTER Seculi hujus Concilia, ea maxime sunt recensenda, quæ ad hæresim spectant Monotheliticam paulio post describendam. Cetera enim attinent ad Ecclesiasticam disciplinam. Ubi ergo anno 633. *Cyrus* Patriarcha Alexandrinus coacta Synodo sub specioso unionis prætextu hæresim Monothelitarum studuit comprobare, eodem anno *Sophronius Jerosolymitanus* altero indicto Concilio statuit deas esse in Christo operationes & voluntates. Approbata insuper anno 639. a Sergio Constantinopolitano, altero Monothelitarum coryphæo, Synodali conventu, *Ecthesis* imperatoris Heraclii; insequente anno 640. eandem *Ecthesim*. & Monothelitas damnavit Romanum Severini Concilium. Quod & præstitit anno 645. *Salvius* Episcopus in Synodo Aurelianensi; & anno 646. summus Pontifex *Theodorus*, qui convocato Concilio in Pyrrhum, cete-

ceterosque Monothelitas scripsit anathematis sententiam, non solo atramento, sed vivifico sanguine instillato divini calicis, ut litteris tradiderunt auctor Historiæ Miscellæ, ac Theophanes. Proscripsere rursus Monothelitas eodem anno 646. Synodi tres Africanæ *Carthaginenfis*, & *Provincia Byzacene*, ac *Numidia*.

DUO AUTEM celebriora Concilia adversas Monothelitas congregata fuerunt, *Romanum* nempe anno 649. & *Constantinopolitanum* Œcumenicum VI. anno 680., ut duo mitam anni 679. Anglicanum, nimirum, & Mediolanense. Concilium *Romanum* celebratum est jussu S. Martini I. in Aede Lateranensi: in quam convenerunt ex regionibus suburbicariis, & dioecesi Italica, & Urbica Episcopi 105. Cuncti Monothelitas, eorumque dogma, atque *Ecthesim* Heraclii, & *Typum* Constantis diris devoverant, & subjecere anathemati. Ad Synodum vero Œcumenicam, indictam a piissimo imperatore Constantino Pogonato, communicatis cum S. Agathone Pp. consiliis, & congregatam in *Trullo* (nomen istud imperiali Palatio trullissato, & in rotundam tectorum concamerationem constructo) convenisse Episcopos ducentos undenonaginta tradunt Annalia Græcorum; sed 166. præter Legatos Apostolicos exhibent solummodo subscriptiones. Id, quod in *Lateranensi*, plenaria hac Synodo definitum est: damnata hæresis Monothelitica: inusti anathemate, etiam expresso nomine, præcipui illius hæresis propugnatores; atque *Ecthesis*, *Typusque* proscripta.

SUNT ex Novatoribus, qui pariter Œcumenicam esse contendunt Synodum *Trullanam*, seu *Quinisextam*, coactam an. 692. Dicitur *Trullana* a palatio, vel secretatio Imperiali, cui nomen *Trullus*, ut nuper scripsimus; *Quinisexta* autem, quasi fuerit quintæ, & sextæ synodi *appendix*, & *supplementum*. Interfuerunt huic synodo juxta Balsamonem & Zonaram Episcopi 217., & in exemplaribus inveniuntur subscripti num. 211. Canones in illa editi 102. Rejicitur tamen ab Orthodoxis, eamque reprobarunt Romani Pontifices Sergius I. & Joannes VII. Sunt enim nonnulli istorum canonum absurdi, ut quibus concutitur sacrorum ministrorum ecclibatus, & jejunium sabbati servatum olim in Ecclesia Romana, atque sub gravissimis pœnis prohibetur Clericis laicisque abstinencia a sanguine, & suffocato. Permulti tamen canonum *Trullanorum* Ecclesiasticis regulis non adversantur, eosque, non

omnes, approbarunt octavo seculo Constantinus, & Hadrianus I. Romani Pontifices.

Ex CONCILIIS pro disciplina Ecclesiastica celebratis commemoranda præsertim sunt XV. Toletana, complura habita inter annum 610. & 694. in quibus Metropolitanæ jura Toletano Antistiti confirmata fuere, subjecti Ecclesiasticis censuris lapsi in crimen fornicationis, & quæ ad fidem moresque pertinent constituta, Catholica interdum contra Monothelitas confessione præmissa, & ambiguis quorundam locutionibus explanatis. (1) His accedunt *Romanum* sub Bonifacio IV. de regimine Ecclesiæ Anglicanæ indictum anno 610. Parisiense anni 615. de causis Episcoporum ad Metropolitanum deferendis: Trajectense anni 697. de sanctis viris mittendis ad prædicandum exteris Gentibus Evangelium; aliaque id genus plura. A quarum Synodorum numero expungimus *Aquilejensem* anni 698. in qua ob trium Capitulorum condemnationem quinta quoque Synodus rejecta fuit.

C A P U T III.

HÆRESES SECVLI SEPTIMI.

GRABATA est Seculo VII. in Ecclesia Orientali hæresis *Monothelitarum*, furculus, & appendix Euty-chianæ; nam quemadmodum Euty-chiani unam asseriebant in Christo naturam, ita Monothelitæ dogmatizabant unam in Christo voluntatem, & *ἑνέργίαν*, sive actionem. Quare *μονοθεληταί* dicti sunt a *μῦθος*, unus, & *θέλημα*, voluntas. Monente Athanasio Jacobitarum Antistite Euty-chiano, imperator Heraclius anno 629. petiit a Sergio C. P., & a Cyro tunc Phasidis, postea Alexandriæ Episcopo, num in Christo admittenda foret una, an duplex voluntas, & operatio. Illi vero unicam, statuerunt, quam appellarunt *θειάνθρωπον*, idest, *Dei-Virilem*, nomine derivato a *θεός*, Deus, & *ἄνθρωπος*, homo, cujus genitivus est *ἑνός*. Movit Sergius Heraclium, ut cederet Ecsthesim, quam anno 639. synodo confirmavit. Est autem *ἐκθesis* idem, ac *expositio*, a verbo *ἐκτίθημι*, expono. In illa una
in

(1) In Toletana altera Synodo anno 693. depositus fuit & in exilium pulsus Sisbertus Archiepiscopus Toletanus, quod in Eglicani regis necesse conspirasset.

in Christo voluntas, & una tantum actio enuntiabatur, Adhæsit eidem luto Pyrrhus Sergii successor, & Paulus, qui Pyrrho ob exulceratum Imperatoris animum in Africam secedenti substitutus fuit anno 642. Is anno 648. a Constante Imp. extorsit edictum ne diceretur una, nec duplex Christi voluntas; damnatus idcirco eodem anno a Theodoro Pontifice, & anno proximo 649. a S. Martino I. Ipsi Paulo imputandum est, quod Martinus accersitus sit Constantinopolim, relegatus, gravissimisque malis afflictus. Dicitur tamen Paulus ante mortem egisse erroris, scelerisque sui poenitentiam. Edictum illud Constantis *Typus* vocatur: quamvis enim τύπος idem sit, ac forma notaque impressa, a Verbo τύπω, *percutio*; illo tamen vocabulo non semel in Novellis Justinianeis constitutio, & lex designatur. At Cyrus ex Episcopo Phasidis in Colchide renunciatus anno 630. Patriarcha Alexandrinus prætextu conciliandi Severianos, seu Acephalos cum Catholicis, unam Christi operationem διαίρεσιν cœpit majori audacia dogmatizare, & anno 633. coacta synodo stabilire. Firmavit & ipse propria subscriptione anno 639. ἡρακλίου Heraclii, & e vivis sublatus est anno proximo 640. Atque his cum Monotheitarum dogma, tum quæ superiori capite diximus, obviam habent explicationem.

ERUPERUNT eodem Seculo VII. nonnullæ aliæ hæreses, vix nomine notæ. Prima est *Christolytarum*, χρισολύτων, asserentium Dominum relicto deorsum corpore ad calos cum sola divinitate adscendisse: horum nomen est αχριστός, *Christus*, & λύω, *solvo*. II. *Gnosimachorum*, γνωσιμαχῶν, qui scientiam omnem, divinæ etiam scripturæ, Christianis contrariam, vanam, & inutilem reputabant, nomen sortiti a γνώσις, *cognitio*, & μάχομαι, *pugno*. III. *Εὐεφρόνων*, appellationem habentium ab εὖρος, *gens*, & φρόνιμος, *sapio*, quoniam Gentilium sectabantur superstitionem, divinationes, auguria, & incantamenta, simulque Christianorum, & paganorum festa servabant. IV. *παραρμηνεύων*, ad libitum, ingeniumque duntaxat suum, sacram Scripturam interpretantium: quorum nomenclatura derivata est a verbo παραρμηνεύω, *prave interpretor*. Hæ nobis hæreses innouerunt ex libris S. Joannis Damasceni.

His ACCEDUNT Armeni, qui a septimo usque ad quintumdecimum seculum erroribus implicati a Romana Ecclesia fuerunt avulsi. Impliciti fuerunt hæresis Euty-

Eutychediana, negarunt sacramentum Confirmationis, & in sacra oblatione vinum nulla admixtum aqua adhibebant. In celebrandis quoque festivitatis, ritibusque diffidebant a Latinorum, & Græcorum Ecclesiis: sed hoc postremum fieri potuit absque hæresis impietate.

C A P U T IV.

SECVLI SEPTIMI SCRIPTORES ECCLESIASTICI.

QUAMQVAM Seculi VII. Scriptores numero & celebritate iis, qui duobus præcedentibus Seculis floruerunt, nequeunt æquiparari; nec pauci sunt tamen, nec proletarii. In Historia enim ineunte Seculo versati sunt *Joannes Antiochenus* cognomento *Malala*, qui ab orbe condito usque ad ætatem Justiniani Senioris libris 18. perduxit Historiam Chronicam; necnon *Ifychius* Patriarcha Jerosolymitanus, a quo præter Commentaria in Scripturam divinam, selectasque Orationes, edita fuit Ecclesiastica Historia, quæ tamen deperit edacis temporis injuria. Accesserunt adolescente Seculo *Theophylactus* Ægyptius, Scriptor rerum a Mauricio Augusto gestarum: *Marcus*, & *Sisebutus* Monachi, qui aliquas Sanctorum Vitas scripsere, & *Joannes* itidem monachus in investigandis calculis festi Paschalis assiduus: quorum ætas florebat circa annum 620. Editum ab *Anonymo* Chronicum Alexandrinum, quod & *Fasti Siculi* inscribitur, a mundi origine usque ad annum 628. unde insertur ætas Scriptoris. *Joannes Moschus* vitæ cultor monasticæ, cognomento *Eviratus*, rudi ac simplici stylo, ut inquit Photius Cod. 199. conscripsit de gestis Patrum Opus Historicum, inscriptum *Pratum Spirituale*, seu *Viridarium*; & *Nennius* Britannus, & ipse monasticam vitam professus, pertractavit de rebus Britonum, sive de Britannorum historia. Uterque autem circa annum 630. mortalem vitam agebat.

VERUM peculiari titulo commemorandi sunt *Antiochus* monachus Palæstinus, *S. Sophronius* Patriarcha Jerosolymitanus, *S. Maximus* C. P. *S. Isidorus* Hispalensis, *S. Idelfonsus* Toletanus antistes, & *Anastasius* monachus Sinaita. Enimvero *Antiochus* monasterii *S. Sabæ* alumnus, & sanctitatis laude percelebris, superstes erat anno 629. comprehenditque homiliis 130. totius reli-

religionis Christianæ, divinarumque Scripturarum doctrinam, inscripto huic Operi *Pandectarum* nomine. Sunt autem *πᾶνδεκται* nihil non continentia volumina, a *πᾶν*, omne, & *δέχομαι*, capio: unde, pariter libri omne jus comprehendentes *πᾶνδεκται* vocantur. Scripsit etiam Antiochus Exomologesim ad Deum, librumque de vitiosis cogitationibus. S. *Sophronius* ortus Damasci, monachus, electus anno 629. Patriarcha Jerosolymitanus. Cyrum Monothelitam palam redarguit, ejusque libellum Satisfactionis præscriptum Severianis, refellere, & ab Honorio Papa cassari curavit, mortuus anno 639., post captam Jerosolymam ab Haumare duce Saracenorum. S. *Maximus* patria C. P. natus anno 580. & in exilio defunctus anno 662. non solum Pyrrhum Monothelitam confutavit publicis disputationibus, ac intrepide restitit Constanti Imp. fidei causa carceres, ærumnas, ac deportationem parvipendens; verum etiam Monotheliticæ hæresi perpetuum bellum indixit, præter scripta alia ascetica, & Theologica, de duabus in Christo voluntatibus, de duabus operationibus, de Actis cum Pyrrho, de hypostasi & natura, aliosque Tractatus hujus generis præstantissimos exarando. S. *Isidorus* Episcopus Hispalensis, cujus beata mors contigit anno 636. libros scripsit Etymologiarum, de Ecclesiasticis Officiis, aliosque a S. Leone Papa IV. plurimum commendatos (1). De perpetua Deiparæ virginitate, partu, gestisque præcipuis, necnon de Scriptoribus Ecclesiasticis, de rebus liturgicis, & epigrammata varia, pie docteque scripsit S. *Idelphonus* ad Episcopatum Toletanum anno 657., ad regnum vero beatorum eVectus anno 667. Demum *Anastasius* Sinaita, ab altero Anastasio item Sinaita, Patriarcha Antiocheno, de quo superiori seculo, secernendus, litteris tradidit notitiam omnium hæresum ab initio religionis Christianæ, & Conciliorum, quibus damnatæ fuerunt, usque ad VI. Œcumenicum celebratum, ut diximus supra.

Pon-

(1) Nonnulli, qui Commentaria Scriptorum Ecclesiasticorum ediderunt, ut Guillelmus Caveus, ajunt S. Isidorum conscripsisse *Chronicum* ab exordio mundi usque ad annum 626. Verum in fine ejusdem Chronici legitur: *Fiunt igitur ab exordio mundi usque ad presentem æram 654. hoc est anno quinto Imperatoris Heraclii, & quarto Principis Sisebuti anni 583.* Ita in Vaticanis editisque Codicibus, teste *Schellbræno*. Æra Hispanica 654. concurret cum anno Christi 616. & quarto Sisebuti regis Hispaniarum, sed cum Heraclii anno sexto.

Pontifice Max. Agathone, & Imp. Constantino Pogonato, anno 680.

His vero, quorum peculiaris habenda erat memoria, accedunt *Dorotheus* Palæstinus Archimandrita, qui scripsit de vita pie instituenda : *Paterius* Gregorii M. discipulus, qui explanavit difficiliora Scripturæ loca : *Conon* discipulus olim Joannis Philoponi Trithemite, (1) postea ejus adversarius, qui in ipsum condidit Invektivas. Apologiam edidit pro S. Theophobio *Themistius* : *Nicias* Monachus Philoponi deliramenta oppugnavit : aliquas SS. Vitæ conscripsit *Jonas* Hibernus : Cosmopoieam carmine Iambico exposuit *Georgius* Nicomediensis : de Dagoberto Rege differuit *Audeonius* Sueffionensis : Pœnitentiale, Opus omnibus pœnitentiæ casibus accommodatum, elucubravit *Theodorus* Tarsensis Monachus : de adventu Christi, de origine mortis, de animarum receptaculis, extremoque Judicio pertractavit *Julianus* Pomerius Toletanus ; & Concordiam canonum exeunte Seculo concinnavit *Cresconius* Episcopus Africanus.

C A P U T V.

SECVLI VII. AUGUSTI PRINCIPES, ATQVE VIRI
QUIDAM SANCTISSIMI.

MAURICIO interfecto anno 602. die 23. Novembris, imperium arripuit *Phocas* in Thracia obscuro genere ortus. A quo nil memoria dignum patratum est, nisi quod Romanæ Ecclesiæ agnovit, firmavitque Primatum. Tantæ enim ignaviæ, & libidini se dedit, ut Cosrhoes rex Persarum in illum irruens, quasi Mauriciæ mortem vindicaturus, facile expugnaverit Chalcedonem, sitam e regione Constantinopolis. Reges quoque alii ob Imperatoris desidiam lacerarunt imperium. Quare ipsi Constantinopolitani cives captum Phocam adduxerunt ad *Heraclium* urbem eam obsidentem : atque omni affectus ignominia, in ipsa, qua *Heraclius* vehebatur,

(1) Ipse Joannes *Philoponus* Alexandrinus, & arte Grammaticus scripsit in *Hexameron*, & de Paschate, pluraque Philosophica, quibus navabat operam, ut idem inquit lib. 4. *Phys. Διακρίσις τῶν τὰν* Diocletiani anno 333. Concurrit cum anno Æ. Chr. 617. De ipso tamen *Philopono* vide *Not. 3.* ad caput tertium præcedentis Seculi 6.

tur, navicula, truncatus est capite, anno 610. sui principatus 8. (1)

PHOCA Imperante, Antiochiæ Syriæ metropolis seditione commota, Judæi mactarunt ingentem Fidelium numerum, excarnificato etiam sanctissimo Patriarcha *Anastasio*. Sub Cosrhoë Perfarum rege martyrium subiit *Anastasius* alter monachus, laudatus in Actis Concilii II. Nicæni, in fluenta demersis monachis aliis LXX. Cienæ item in Galliis iubente Theodorico lapidibus obrutus est *Desiderius* Episcopus, quoniam prolata sententia illa Apostolica 1. ad Corinth. 7. *Melius est nubere, quam uri*, id ægre tulerat regis concubina Brunechildes.

POST Phocam imperium tenuit *Heraclius* annis 31. ex hydropse extinctus anno 641. undecima die Martii. Filius fuit *Heracleonæ* Præfecti Africæ, & addictus Monothelitis: de ejus enim *Ekthesi* dictum est supra (2). *Heraclius* Cosrhoem multis elatum victoriis (debellaverat enim anno 614. Jerosolymam; sublata inde cum omni Ecclesiastica suppellectili Dominica Cruce, ac postea Ægyptum, Alexandriam & Libyam diripuerat) anno

(1) *Phoca* nomen recte huic Cæsari convenit ob genus obscurum & ob immanitatem, ob viam turpitudinem. Phocæ enim marina sunt moneta, de quibus in tertio Georgicorum Virgilius:

*Litora in extremo, seu naufraga corpora fluctus,
Provolvi, insoluit fugiunt in flumina phoca.*

Et libro quarto.

*Quippe ita Neptuno visum est, immania ejus
Armenta, & turpes pascis sub gurgite phocas.*

In nummis tamen hujus Imperatoris nomen invenitur absque inspiratione, Focas. Uxorem habuit *Leontiam* nomine; ex qua suscepit filiam *Demonstiam*, connubio junctam *Prisco* patritio Constantinopolitano. Narsetem Persis formidolosam jussit vivum cremari: Prætorianos milites convicia in illum jactantes, partim obtruncavit, partim demersit in mare, partim carceri incluserat. Antequam iubente *Heracleo* caput illi amputaretur, ob multorum conjuges adulterio pollutas, exsecta ei fuerunt virilia. Lege *Cedrenum*, & *Zonaram*.

Seditio Judæorum, qui Antiochiam permultos Christianorum interfecerunt, contigit paullo ante obitum Phocæ anno 610. At misso Antiochia n exercitu, Judæi seditionis, & crudelitatis suæ, vel perempti, vel mutilati, vel ejecti condignas pœnas tulerunt.

(2) *Heraclio* duæ fuerunt uxores, *Fabia*, quam mutato nomine appellavit *Eudociam*, ex qua suscepit *Epiphaniam*, & *Heraclium* Juniores, quem nominavit Augustum, eique indidit nomen *Constantini*: & *Fabia* defuncta, uxorem duxit *Martinam* filiam fratris sui, insignis pulchritudinis feminam, quæ illi plures peperit liberos. Verum propter incestus has nuptias, ut scribunt *Nicephorus* & *Egnatius*, creditum est hanc ei pœnam fuisse illatam, ut priapismo laborans sursum mingeret, faciemque suam proprio lotio perlueret.

anno 623. insigni victoria prostravit, coegitque e Gaza discedere. A proprio filio Syroe Cosrhoes deturbatus est folio, tetroque carceri anno 628. inclusus, & spiculis toto corpore lancinatus. Inita inter Syroem & Heraclium pace, Crux salvifica recuperata est, & anno 629. in priori loco recondita. Eodem anno Heraclius iussit, ut Judæi omnes Jerosolymis ejicerentur, nec auderent illuc ad tria accedere milliaria; & Ecclesias insuper a Cosrhoe traditas in Syria Nestorianis, ut redderentur Catholicis imperavit: his utique nominibus magnopere commendandus.

OCCUPATA a Persis Palæstina, & expugnatis anno 614. Jerosolymis, martyrio affecti clerici omnes, monachi, & virgines. Reliqui fideles captivi ducti: quorum Judæi nonaginta millia necarunt. Floruerunt interea temporis sanctitate *Eustasius*, *Deicola*, aliique discipuli S. Columbani: e cujus monasterio Luxoviensi in Gallia Belgica quinque sanctissimi Episcopi hoc eodem tempore prodierunt.

TRIUM, qui subsecuti sunt, Augustorum infelix imperium. Nam *Constantinus III.* Heraclii filius, qui anno 641. successit patri, quarto imperii mense veneno sublati est a Martina noverca, ut imperaret hujus filius *Heraclionas*. At is quoque, nondum sexto mente transacto, ineptus ad rempublicam administrandam, dejectus est, illi naribus Senatus consulto roccis, ac matri lingua amputata. *Heraclius Constant* II. filius Constantini III. & Gregoriz imperavit quidem ultra annos 26. sed Monothelitis adhæsit, cum Saracenis in Oriente, & cum Langobardis in Italia adverso fato pugnavit, atque iracundus, suisque exosus Syracusis in balneo, situla ipsius capiti impacta, occisus fuit anno 668. die Julii 15. (1) Quem admodum moribus ac pietate, ita bellorum eventu felicius fuit

(1) Martinam, ut *Constantino* privigno suo propinaret venenum, impulerunt libido regnandi cum filio *Heraclione*, & improba Pyrrhi Constantinopolitani, aliorumque Monothelitarum consilia. *Heraclionas* itaque eodem anno 641. ad thronum fraude, ac violentia conscendit: Matri lingua præcisa, ne oratione aliquem ad commiserationem flecteret, filioque naribus mutilato, ut cunctis esset horrore, in Cappadociam telegati ambo fuerunt. Præcitato anno 641. & *Heraclione* imperante, a Saracenis, qui post diuturnam obsidionem expugnavit Cæsaream Palestinæ urbem, obtruncata fuisse septem millia Christianorum tradunt Zonaras, Cedrenus, Paulus Diaconus, alii. *Constant* II. sive *Heraclius Constant* successor *Heraclione* matrem habuit filium viri celeberrimi Nicetæ. Gregoriam cum plurimis diximus. Quidam Anastasiam appellant. *Constant*, cum non ferret fratrem *Thamodorum* in consortem imperii, pri-

fuit Constante filius *Constantinus II.* cognomento *Paganatus*: quod illi nomen accessit, quoniam Constantinopoli in Siciliam profectus ætate primæ lanuginis, redierat barbatus: *barba* enim Græce dicitur *παῦς*. Mizizium tyrannum, cujus insidiis Syracusis percussus genitor fuerat, e medio sustulit. Saracenos, qui fere septem annis obsederant Constantinopolim ingenti ac formidabili classe, invictæ repulit, iniitque cum Bulgaris pacem, concessa eis Mysia Asiæ regione, appellata posthac *Bulgaria*. Major tamen gloria Constantini, quod indicto anno 680. Generali Concilio, pacem Ecclesiæ, damnatis Monothelitis, restituit. Naturali autem fato extinctus est anno Imperii 17. Aer. vulg. 685. mense Septembris.

HORUM annorum decursu fama sanctitatis inclaruerunt *Paulinus* Episcopus Eboracensis in Anglia, qui obiit anno 644. *Emmeramus* Ratisponensis martyrio coronatus anno 653. quo anno quidam tradunt corpus S. Benedicti ab Aigulpho monacho translatum fuisse Floriacum: S. *Eugenius* Toletanus vita functus anno 657. *Eligius* Episcopus Noviomii, qui obiit anno 658. regina *Bathildes*, quæ obiit anno 680. (1)

Post

mum iussit, ut initiaretur diaconatu, deinde illum occidit. Theodosius infrequenter in habitu diaconi apparens per quietem fratricidæ, calicem ferens plenum sanguine, ac dicens, *Bibe frater*, cum adeo perterritus, ut non posset diu in eadem urbe persistere. Non solum S. Martini Romanum Pontificem, verum etiam S. Maximum cum duobus discipulis, manu & lingua truncatum, quoniam adversabatur Monothelitis, relegavit Cherstonem. Obiit S. Maximus apud Alanos an. 663. die 13. Augusti, hora transitus sui prænuntiata. Vide cap. 4. Constantini *Pogonati* filii Constantis quo nomine appellata sit mater, hæcenus ignoratur.

(1) Alii permixti sanctitate clarissimi Seculo VII. ad caelestem patriam migrarunt. Nam Nivigillæ in Brabantia obiit anno 664. XVI. Kal. Aprilis *Gertrudes* virgo, clarissimo genere orta, & relata in Sanctorum classem decreto Honorii Papæ III. Baronius refert in not. ad Martyrologium Romanum III. Nonas Septembris circa annum 660. martyrium *Aigulphi*, aliorumque monachorum Lirinensium, qui præcis linguis, oculisque effossis obruncati sunt gladio. Siebertus illos passos fuisse ait anno 651. Kalendis Decembris colitur memoria S. *Eligii* Episcopi Noviomii in Belgio, cujus vitam descripsit S. Audeus Antistes Rothomagensis. Idem *Audeus* decessit anno 696. juxta Chronicum Adonis, juxta Siebertum vero an. 690. Colitur io Martyrologiis Nono Kal. Septembris. *Kilianus* monachus Hibernus, & Francorum Apostolus, cujus vitam describit Surius, a Geita, aut Geila uxore Gosberti Francorum Ducis, an. 689. cum duobus Sociis Heriboli, vulgo *Wurzburg*, cæsus est. Sedente Sergio Romano Pontifice, ad eum invictum *Codolam* regem Occidentalium Saxonum, & sacro ablutum baptismo mox sancto hæc quievit, anno præcitato ab incarnatione Domini sexcen-

POST Constantium Pogonatum renunciatus est Imperator illius filius *Justinianus II.* patri dissimilis. Is prælio a Saracenis devictus, a *Leontio* Isauro dejectus, naso mutilatus, & in Cheronesum relegatus fuit, dictus propterea est, *ῥινόρρινος*, a *ῥίς*, *nasus*, & *οῖνον*, *seco*. Eidem *Leontio*, qui anno 695. Justiniano imperium eripuit, nasus pariter a *Tiberio Absimaro* recisus fuit anno Imperii ejus tertio, *Æ. Com.* 698. *Leontio* ablegato in Dalmatiam, occupavit imperium *Absimarus*: qui anno imperii septimo, *Ch.* 705. a Justiniano Rhinotrieto captus, & occisus est, ipso *Justiniano* imperium a *Leontio* sibi ablatum repente.

DECORAVIT autem hanc postremam Seculi partem pretiosa mors plurimorum Sanctorum, ut an. 679. *Amandi* Episcopi Trajectini, & regis ac martyris *Dagoberti*: an. 680. *Agilberti* Parisiensis Antistitis: an. 682. *Joannis* Episcopi, ac martyris Bergomensis: anno 688. *Lamberti* Lugdunensis: anno 690. *Juliani* Toletani; & an. 698. *Theodori* Episcopi Cantuariensis.

C A P U T VI.

SECVLI VII. DOCTRINA, ET DISCIPLINA.

QUOMODO duas in Christo naturas contra Eutychianos, ita duas voluntates, duasque operationes adversus Monotheletas, definiente Ecclesia, fateamur oportet: persilente enim in eadem hypostasi duplici natura impermixta, permaneant utriusque proprietates necessum est. Sacramentaria autem, libri liturgici, & canones Pœnitentiales avitam de Eucharistia, de Sacrificio Missæ, de Pœnitentiæ Sacramento, fidem nostram corroborarunt. In ea quam adsumpserat, humana natura Dominum a mortuis surrexisse, & ascendisse in cælum, nefas est hæsitare: licere autem unicuique scripturam divinam pro libito interpretari, ut autumant Novatores jactantes privati spiritus energiam, soli aiebant Seculo septimo *Parermineut.e*.

PROPAGATUM Institutum Monasticum, & Sanctimonialium erecta cœnobيا, Sanctorum Virorum *Amandi*, *Galli*, aliorumque studio. Vetitum Clericis habitum deferre laicorum, & Episcopis non urgente necessitate de una ad sedem aliam transire. Immunitas Ecclesiis & monasteriis a Galliarum regibus confirmata. *Melchitz* in Orien-

te

te sunt appellari Catholici Eutychianis, & Monotheletis oppositi: in Hispania vere qui debebant sub Arabum dominatu, *Mosarabes*. Alii a *Murza* Arabum duce, alii a *Musa*, quo vocabulo Arabes Christianum significant, prædictum nomen arcessunt. *Mixtarabes* quoque dicuntur. Horum diuinum Officiũ *Mosarabicum* nuncupatur, dispositum a S. Isidoro Hispalensi; obtinuitque in Hispania usque ad tempora Alphonſi VI. & S. Gregorii VII. ad annum nempe Æ. Hispanicæ 1109. immo diutius in sex Tolentanæ civitatis Parocciis, & Salmanticæ item servatum fuit, posteaquam Hispaniarum Ecclesiæ ritus receperunt Romanos.

SEDENTE in Petri Cathedra Honorio I. & Heraclio in Oriente imperante, Saxones Occidentales a cultu idolorum ad Christianam religionem conversi sunt a *Berino*, quem ad illis Evangelium prædicandum misit idem Honorius. Baptismum suiceperunt una cum rege suo *Cunegildo*. Rex quoque Anglorum *Eduinus* baptizatus est cum subditis suis plurimis a sancto Episcopo *Paulino*, anno Christi 627. Legatur Ven. Beda lib. 2. Hist. Angl. cap. 14. & 16. Opera S. *Columbani*, huiusque discipulorum delatum fuit Christi nomen ad Svevos, Francos, Helvetos, Batavos, Frisios, Westphalos. Enituit in hoc opere pietas, ac doctrina Sanctissimorum virorum, *Galli*, de quo Walafridus Strabo, & Joannes Mabillonius: *Villibrordi*, de quo idem Mabillon, & Alcuinus: *Kiliani*, de quo Henricus Canisius, & Jo. Petrus de Ludewix. Caute de his legendus Moshermius parte I. hujus Seculi cap. 1. t. 4.

A P P E N D I X

DE EXTERNIS REBUS.

L ANGOBARDICUM in Italia ita continuatum est regnum. Post Agilulphum principatum anno 616. *Adowaldus* cum matre *Theodelinda* cepit administrare: anno 626. maritus Gundebergæ *Ariowaldus*: anno 638. *Rotharis* Arianus: an. 654. *Rodoaldus* eadem hæresi infectus: an. 659. pius & Catholicus *Aribertus*: an. 661. *Gundebertus*: an. 663. *Grimoaldus*: 673. *Garibaldus*, ac post tres menses *Bertaridus*: atque anno 691. *Cunibertus*.

REGNUM in Galliis post Clotarium II. indepti sunt, an. 632. *Dagobertus*: 646. *Clodoveus* II. 663. *Clotaricus* III. 668. *Childericus* II. 680. *Theodpricus*: 694. *Clodoveus* III. & an. 698. *Childebertus* II.

IN HISPANIA post Recaredum auspicati sunt regnum anno 601. *Liuba* 11. 603. *Wittericus*: 610. *Gundemarus*: 612. *Sisebutus*: 621. *Recaredus* 11. & post paucos menses *Swinthila*: 631. *Sisenandus*: 636. *Chintilla*. 640. *Tulca* (1): 642. *Chindasvintus*: 646. *Recisvintus*. 672. *Wamba*: 680. *Ervigius*: 687. *Egicanes*, aut *Epica*.

HIS REGIBUS recensitis, ad Saracenos Christianorum infensissimos hostes, invita licet Minerva, styllum convertens, aliqua minus notanda prætereo, ut pestilentiam graffatam Romæ initio seculi, & Gregorio Magno superflite, Saxones cruento bello anno 630. superatos a Francis, extensam sub Rothare anno 646. & sequentibus a Luna Thulæ urbe usque ad Francorum fines Langobardici regni amplitudinem, & cæsos ab eodem rege Romanos, & Ravennates. Quid ergo de Saracenis? Horum, qui nomen trahunt a civitate Arabiæ *Saraca*, ducem se constituit *Mahomet*, seu *Mahumedes*, Pseudo-propheta anno 623., posteaquam superiori anno 622. ex urbe Mecha, antiquis Marraba, fuerat ejectus: a quo tempore subducitur *Hegira*, Epochæ nempe Turcarum, ita a Mahometis fuga appellata. Prado ille, ac seductor in lucem editus anno 568. (2) patre *Abdal-*

(1) Sive *Tulgos*. *Wamba*, seu *Bamba*, inauguratus rex post *Recisvintum*, vel, ut quidam scribunt, *Recisvintum*, anno 672. die prima Septembris, monasticum vitæ genus amplexus est, eique successit *Ervigius* anno 680. die Octobris decimaquarta.

(2) Alibi legimus ortum *Mahometem* annò 570. die 3. Maji. Ita etiam *Voltaire* tom. 11. pag. 36. Initio Historiæ Saracenorum *Simonis Ockey*, natus dicitur l'an cinq cent soixante-et-douze de J. C. la quarante deuxième année de Cosroes, surnommé Anouschirvan, & la quarante de l'Empire de Justin le jeune. At annus quartus Justinian, qui ad imperium erectus est anno 565. Æræ Christi, incidit in annum 568.

Mahometis pater *Abdalla* a plerisque Ethnicis, mater *Emina* Judæa dicitur. Pueritiam ejus, defuncto patre, *Abutaleb* patruus curavit. Ortum Scriptores Arabes ajunt ex Tribu, quam ipsi appellant *Coreschitarum*. Cor natum dixerim anno 568., nuper rationem protuli. At *Treherus* anno 560., *Pleissier* anno 577., *Hetpenius* anno 580., *Reiskius* anno 573. die 22. mensis Nisan. Mulierem Assyriam, *Chadijaab* nomine, cujus camelorum ductor erat, sui captam amore Mahometes duxit uxorem. Vidua hæc erat prædivitis mercatoris Ismaelitæ *Abdimoneph*. Absurdissima sunt, quæ nonnulli tradunt de Mahumete apud *Thomam Ittigium* de Hæresibus Ævi Apostolici, fuisse illum Nicolaum diaconum, a quo denominati fuerunt hæretici *Nicolaitæ*, aut fuisse S. Romanæ Ecclesiæ Cardinalem: quam opinionem *Ittigius* tribuit *Benvenuto Imoleni* in suis ad Comædiam *Danthis* commentariis. *Danthes* Mahometem commemorat in *Inferno* cantu 28. Neque apud *Poëtam*, neque apud *Landinum* & *Vellutellum* tanta legitur impostura. Miror id effutisse *Imolensem*, & effutit tamen. Tolerabilior est, licet falsa, opinio illorum, qui tenent Mahometem esse *Antichristum*. Quam-

Abdalla coepit anno 608. seipsum venditare prophetam Domini, uxori, quam viduam divitem duxerat, epilepsia, qua laborabat, convulsiones suadens esse motus afflante numine concitatos. Ita *Mohammed*, quod Arabum lingua ajunt denotari hominum desiderium, ex Mosaica, & Evangelica lege, quæ Judæis, & Christianis arrideret, commentus est religionem, retenta precum, pietatisque specie, quam boni non improbarent, & propositis, quibus improbi allicerentur, carnalibus voluptatibus. Librum postea Imperatoris scita comprehendentem, & opera Sergii monachi, & quorundam Judæorum conscriptum Arabes patria lingua appellavere *Alcoranum*. (1)

N 2

M A-

quam enim hoc illi nomen conveniat ampliori illa significatione, quæ Antichristos multos esse ait. Joannes epistola 1. cap. 2. 18., non est tamen seductor ille, *homo peccati*, & *filius perditionis*, sese extollens super omne, quod dicitur Deus, & venturus ante diem Domini, prænuntiatus, & descriptus in 1. Pauli ad Thessalonicenses epistola, capite 2. 3. Longe deterior, inutilis, & execrabilis est assertio quorundam Sacerdotum, quos non pudet asserere Mahometem esse Paracletum, & Christo promissum in Evangelio Joannis capite 14. 16. & capite 15. 26., ibique ab Evangelista expressum fuisse nomen *Mahometis*, sed exemplaria omnia, præter unum, vel alterum, Christianorum dolo fuisse corrupta. Cujus mendacii, apertissimi quidem (nam & multi ante Mahometis tempora Evangelium Joannis exscripserunt, & explanarunt, quorum nullus Mahometem ipsum commemoravit, & fieri non potuit ut Christianorum fraude & conspiratione tot, ac tanta sacrosancti Evangelii corrumperebentur ubique gentium volumina) unum producit ignotum prorsus, obscurissimum testem, nescio quem *Al-Selensium*. Id narrat in Specimine Hist. Arabum Pocockius, atque in Dictionario Historico & Critico V. *Mahomet* Petrus Bayle. De Mahumete libro 25. descript. Ecclef. Petrus Cioffius:

*Rex Mahometus Arabi quadam spurcissima legum
Ac sæcem reprobi sensus exponis, apertis
Pervertens populos verbis, armisque tuendam
Decernis per regna lucem, ut discussio rerum
Absit iniquarum, nulli tentata virorum.
Tandem obis, indigna Mecha tumultus in urbe.
Quippe superbifico luku constructa steterunt
Templa sibi, salvoque auro, gemmaque nitenti.
In mediis corpus templis sublimis pendens
Vi statum occulta apposita magnetis, & arte
Inclusum ferro, sic ut mirabile quiddam
Visa rudi, ac supero non indignissima cultu.*

(1) *Alcoranus* vocabulum Arabicum idem significat, ac *liber testimo-*
nis. Editus Arabice, & in Persicam linguam translatus. In Latinam
vertit Petrus Mauricius Abbas Cluniacensis; in Gallicam vir nobilis
Du Ryer: Lehmanus laudat versionem quoque Italam, & Hispanicam.
Confutarunt Mahometis fabulas Euthymius, Joannes Cantacuzenus,
Richardus, Cardinalis Cusanus, Lodovicus Marraccius; pluraque de iis
Eduardus Pocockius, Georgevitiis, & Clericus in Notis ab lib. 6. Gro-
tius de Verit. Relig. Christianæ.

MAHOMET igitur anno 623. Saracenorum turba collecta suscepit illorum regimen, administravitque usque ad annum 632. quo decessit. Præfuit illo extincto Saracenis *Ebubezer*, quem vocant Arabes *Aboubecro* (1). Is *Calipha* dici voluit; quam vocem interpretantur *Vices gerentem*. Ebubezere duce undique Saraceni grassabantur; sed illo post biennium mortuo, succedente *Haumare*, vel, ut ajunt. Omar, coeperunt majori furore bacchari. Anno 634. irruentes in Syriam, coegerunt Heraclium amisso exercitu provinciam deferere. Occuparunt proximo anno Damascum. Anno 635. Jerosolymas cinxerunt obsidione, & anno 637. expugnarunt. Potiti sunt an. 638. Antiochiæ; & insequente anno subegerunt Mesopotamiam. Devicto insuper anno 640. Hormilda *Jezdegird* rege Persarum, regnum illud universum Saraceni occupaverunt: unde ab hoc anno supputari solet magnum eorumdem Saracenorum Imperium (2). Nec stetit his limitibus circumscriptum. Etenim Haumare, qui anno 643. maximis sumptibus templum Jerosolymitanum extruxerat, Crucis signo ubique deleta, a femina occiso, (3) invadentes Africam ad persolvenda sibi vectigalia compulerunt. Contigit id anno 647. Othmen, qui post Haumarem tenuit imperium, anno 648. mille septingentis ratibus totam Cypri insulam circumdedit, & in suam redegit potestatem. Irruit anno proximo Saracenorum classis in Siciliam. Ex Africa anno 668. innumeros abduxere captivos, atque e Syracusis LXXX, M. Ve-

(1) Mahomet hæredes constituerat filiam suam *Fatimam*, hujusque virum *Aly*, sed procerum ambitio voluntatem quoque Pseudopropheta parvipendit.

(2) Subiata cum regno Persarum religio *Magerum*. Eodem anno 640. Hegira 20. subasta Alexandria, principe Saracenorum Haumare, consumpta fuit igne amplissima Bibliotheca Alexandrina, in qua tanta erat librorum copia, ut his quatuor mille balnearum aqua calefceret, & ulterius ad sex menses perseveraret combustionis materia. Maluit autem Haumar incendi, quam Joanni Grammatico Jacobum concedi. Universa tunc Ægyptus venit in Saracenorum potestatem.

(3) Legi in *Historia Saracenum*, Haumarem occisum anno Ch. 644. Hegira 23. a mago quodam captivo Persa, cui nomen *Firouz*, non a femina. Vide & Pocockium *Hist. terre Sanctæ*. Regnavit itaque Haumar annis 10. Vossius occisum ait anno 647. a Margarita Persa. Quiddam tantam in Saracenis armorum fortunam inde repetunt, quod victos ad Mahometanæ religionem indiscriminatim admitterent, eaque fere cum omnibus gentibus aliquid habeat commune; id tamen hominum corruptelæ, ac Numinis animadversioqi existimo adtribuendum.

M. Vexarunt anno 671. Ciliciam, & Lyciam. Anno 685. capta ab iisdem Saracenis, & eversa Carthago. Tota Africa anno 690. culpa Iustiniani II. qui violato fœdere antea cum Saracenis inito, istos provocavit ad bellum, & renunciavit pactis induciis, ad hostium transitu ditionem.

CONTRARIO tamen exitu Saraceni aliquando pugnarunt, enimvero anno 651. invadentes Italiam a Grunoaldo Præfecto Samnitum ad internecionem deleti sunt. Pulsi item anno 657. ab Olympio Exarcho e Sicilia; atque anno 699. Christianorum Exercitus sub Absimaro, & Joanne Patricio Samosatam usque profectus occidit Saracenorum IV. M. Frustra imperante Constantino Pogonato obsedisse C. P. dictum supra. Intestinis etiam ob mortem Othmenis laboraverunt discordiis. Successio autem principum Saracenorum est: Cœpit *Mabomet* imperare anno 623. *Ebubezer* illorum Arviras eligitur anno 632. *Houman* regnavit ab anno 634. Huic anno 644. aut 643. desinente successit *Othmen*, sive *Hotman*. Calipham anno 660. sublatis æmulis se nominavit *Muchavia*. (1) Arviras deinde an. 682. ejus frater *Gizith*. Principatum huic anno 685. subripuit *Habdallas* tyrannus; sed electus Arviras *Maruan*. Huic anno 686. successus est filius *Hedimelech*. *Habdalla* anno 689. Persis & Armenia subjiuntur, divisoque imperio intestina bella cessarunt. (2)

SARACENIS Syriam vastantibus, *Maronitis*, ne illorum subderentur dominatui, sibi in Monte Libano, & Phœnicia principem constituerunt, inscio Imperatore Constantino IV. *Mardaitæ* idcirco, idest, *rebelles*, nuncupabantur. Contigit id anno Christi 676.

SCRIPTORIBUS cap. 4. enumeratis addendi sunt aliqui, qui licet Christiani, seculares tamen litteras excoluerunt. Hujusmodi sunt *Julianus Patricius*, qui edidit Chronicum, dictum a Suida *εὐρωπαϊκὸν πρὸς βασιλεῖς*, breve, valde admirabile. Secundus, ut creditur, Tridentinus, qui scripsit de rebus gestis Langobardorum: *Samuel Beulannus* Scotus, cujus

N 3

lauda-

(1) Narrat Cedrenus incensam ad Cyzicum in Mysia classem Saracenorum a *Callinico* Heliopolitano, invento maritimo igne, quem *Græci* vocant, hinc anni 663 De *Callinico* autem *Heilbronner* in *Historia Matheseos*.

(2) Hanc Chronologiam Calipharum exscripsimus ex Epitome Vossii. Si ab hac aliquando discessimus, certa nos impulerunt munimenta.

laudatur Historia Itineraria. Poetis accensendus, præter *Drepanium Florum*, cujus multa extant sacra Poemata, *Aldhelmus* in Saxonia Abbas, & Episcopus, de quo illud pervulgatum, *Aldhelmus cecinit millenis versibus Odas*. Omnia Gentilium testimonia, quibus Christiana Religio confirmari queat, improbo labore collegit *Anonymus* quidam Thebanus, a Photio Cod. 170. atque ab omnibus celebratus, a quibus Scriptorum census contextitur.

OCTAVUM ECCLESIAE

S E C U L U M.

C A P U T I.

DE EPISCOPIS ROMANÆ, ET CATHOLICÆ
ECCLESIAE.

PONTIFICES Maximi Seculi VIII. *Joannes VI.* *Joannes VII.* *Sisinnius*, *Constantinus*, *S. Gregorius II.* *S. Gregorius III.* *S. Zacharias*, *Stephanus II.* *S. Paulus I.* *Stephanus III.* *Hadrianus I.* & *Leo III.*

LXXXVII, VITA itaque functo Sergio I. Apostolicæ Ecclesiæ suscepit administrationem anno 701. ad finem vergente *Joannes VI.* natione Græcus. Is Theophylactum Exarchum a Tib. Absimarō contra ipsum Pontificem ignota de causa missum, a militum & civium furore bona pro malis reddens exemit, & captivos, quos Romanorum ditiones invadens abduxerat princeps Beneventanus Gisulphus, liberali redemit munificentia. Restituit S. Andree in Vaticano Basilicam, templumque S. Marci, post triennium facilem vitæ exitum fortitus anno 705. nona die Januarii.

LXXXVIII, CONSECRATUS est Pontifex eodem anno *Joannes VII.* & ipse Græcus origine. Rogatus a Justiniano II. confirmare noluit canones Synodi Quinisextæ, a nonnullis reprehensus quod illegitimos non dispunxit a veris. Eo sedente Aribertus II. Rex Langobardorum reddidit Romanæ Ecclesiæ Alpes Cottias proximas Pedemontio, a decessoribus suis usurpatas. Nondum exacto Pontifica-

tificatus triennio, decessit anno 707. XVI. Calendas Novembris. (1)

LXXXIX. AT BREVIOR fuit Episcopatus *Sisinnii*, qui ad Apostolicum perveniens thronum ex disjunctissima Syriæ regione, tam dira excruciabatur arthritide, ut 20. ab electione die, qui fuit septimus Februarii, an. 708. conficeretur.

XC. CONSTANTINUS in Syria pariter ortus Sisinnio susceptus; illius *Trullanos* canones, qui rectæ fidei non opponuntur, confirmavit; tali honore a Justiniano II. a quo C. P. fuerat accersitus, Nicomediæ exceptus, ut Imperator capite coronam gestans illi osculatus sit pedes. Philippico conanti pseudosynodo restituere hæresim Monotheliticam invicto restitit animo; obiitque die 8. Apr. an. 715.

XCI. SUMMUM deinde Sacerdotium obtinuit *S. Gregorius II.* ultra 15. annos, e terris discedens Idibus Februariis anno 731. Ad laudem ejus cumulum accedit, quod strenue pro cultu Sanctarum Imaginum pugnavit contra Leonem Isaurum, extinxit Anglicanum schisma annorum 150. exortum inter Britones & Scotos innovata de die Paschatis controversia, & a Luitprando rege Langobardorum obtinuit confirmationem donationis Alpium Cottiarum.

XCII. SANCTITATE item præclarus fuit *Gregorius III.* qui ab anno 731. usque ad an. 741. summa sapientia, & vigilantia gubernavit Ecclesiam, scriptisque & factis, in templis Christi, Deiparæ, Sanctorumque

N 4

Ima-

(1) Lego patrem Joannis VII. appellatum fuisse *Platonem*, cognomine scilicet præstantissimi illius Philosophi, quem Apollodorus apud Diogenem Laertium natum ait Olympiade 88. & mortuum scribit Herippus anno 1. Olympiadis 188. Quamquam Plato pater Joannis VI. litterarum inscius non fuerit; nulla tamen ratione comparandus fuit Platoni, cujus cognomentum habuit, Aristonis filio, & Philosopho, ut nuper dictum est, præstantissimo: de quo *Timæus* versibus Latine redditis.

*Hos inter dux ille Plato celsissimus ibat,
Cujus ab ore melos manabat, quales Macademii
Arbutis lapida modulantur voce cicada.*

Ven. Baronius ad annum 705. refert, Justinianum II. Imperatorem a Joanne VIII. postulasse, ut canones Synodi *Quinisextæ* congregati in urbe Roma Concilio ad examen revocaret, & quos invenisset disciplinæ Ecclesiasticæ consentientes, cæteris refutatis, confirmaret. At Joannes prædictos canones nec ex parte approbare voluit, nec condemnare. Hæc est causa, ob quam ab Anastasio, & ab Autore Libelli Synodi reprehenditur. Videatur Christiani Lupi dissertatio de Synodi Trullanæ causa, tempore, loco, Episcopis, & auctoritate: ad quam dissertationem mittunt inquirentem Acta Pontificum Romanorum Franciscus Pagi in *Breviario* num. 2. in Joanne VII. & Antonius Sandinus in *Vitis Pontif.* Rom. adnotatione 2. ad vitam ejusdem Pontificis.

Imaginibus collocatis, acerrime pugnavit contra Iconomachos. Suprema fuit Sanctissimo Pontifici dies IV. ante Cal. Decembris.

XCIII. Post Gregorium inauguratus Pontifex *Zacharias*. Avertit is a Romana provincia Langobardorum exercitum, sibi que Luithprandi animum maxima prudentia devinxit. Illius auctoritate, aut certe consilio, (1) exauctorato Childerico ad regnum inepto, substitutus est Francigenis rex pater Caroli Magni Pipinus. Evolvit S. Zacharias ad Superos, annis decem transactis, anno 752. pridie Idus Martias. (2)

XCIV. IN STEPHANI II. (3) Pontificatu amplior evasit

(1) Cum anno 744. Sacerdos quidam ignorantia Latine lingue in administratione Sacramenti Baptismatis ita prescriptam formam verborum protulisset, *Baptizo te in nomine Patris, & Filii, & Spiritus Sancti*, S. Zacharias Romanus Pontifex ratum, validumque baptismum esse declaravit, propterea quod non errorem introducens, aut heresim, sed pro sola ignorantia Romana locutus onis infringendo linguam, Sacerdos baptizans ad illum modum fuerit locutus: Vide Zacharie Epistolam 6. ad Bonifacium Episcopum tom. 6. Conciliorum, & can. *Retulerant nuntii tui*, apud Gratianum de Consecr. dist. 4. num. 86. Retulerant id Zacharie Virgilius & Sidonius; qui cum revera S. Bonifacii non fuerint nuntii; videntur dum illarum voces, *Nuntii tui*, additæ a Gratiano. Consimilem formam mutationem ex ignorantia profectam, non officere Baptismatis validitati, asseruit anno 751. ut fertur, Stephanus II., quem libro 31. de Theologicis discipl. cap. 10. III. diximus, ob subjectam paulo inferius adnotationem.

Negavit S. Zacharias dari *Antipodas*, vulgarem sententiam secutus, absque ullo prorsus reprehendendo errore, quippe *Antipodas* esse postremis temporibus ex Italorum navigationibus evidenter compertum est. Hinc doctissimus Norisius occasione arripuit in Augustinianis Vindiciis cap. 4. § 8. refellendi *Adamum*, affirmantem dixisse Augustinum, *Terram non esse rotundam, nullosque dari Antipodas*. Quorum primum esse inane *Adami* obiectum demonstrat eo loci Norisius, quoniam S. Pater nullibi negat terræ rotunditatem; alterum vero retundit, quoniam si Augustinus existere *Antipodas* ignoravit, id ignotum erat, priusquam *Columbus* Ligu Argonauta novum Orbem adinvenisset. Præterea autem quæ de Terræ figura, rotunda sit, nescne, disseruerunt ætate nostra Philosophi.

Childerico substitutum regem Pipinum a Zacharia contendit Ven. Belarminus lib. 3. de Rom. Pontif. cap. 17. & consultationi Francorum Zachariam tantum respondisse demonstrare nititur Jo. Launojus lib. 7. cap. 9. ad Lud. Maresium.

(2) Post obitum S. Zacharie quidam electus est a populo *Stephanus*, & intrinseus in Patriarchium Lateranense, sed quoniam post triiduum non ordinatus excessit e vivis, ut festione 227. narrat Anastasius, non solet inter Pontifices connumerari.

(3) Nonnullis III. ob præcedentem Notam. In Gallias ad Papinum adiit anno 754. ibique regi coronam imposuit. Extat Ravennæ vetus inscriptio: *Pepinus pius, primus amplificanda Ecclesia viam aperuit, & Exarchatum Ravennæ cum amplissimis*. . . . deleta sunt reliqua.

evasit principatus Romanæ Ecclesiæ. Cum enim armis Bistulphi Langobardorum regis undique premeretur, confugiens ad Pipini auxilia, hunc movit, ut cum exercitu ingressus Italiam cogeret Aistulphum ad restituendum Exarchatum, quem occupaverat. Pipinus vero eundem Exarchatum, & quidquid in Italia armis recuperavit, largitus est Apostolicæ Sedi. Exegerat Stephanus quinque summæ Sacerdotii annos, quando VIII. Cal. majas anno 757. cessit e vitâ.

XCIV. PRÆFUIT deinde Ecclesiæ annis decem *S. Paulus I. Romanus*, qui ab impietate revocare studuit Constantinum *Copronymum*, Theophylactum Archidiaconum, quem nonnulli e populo Pontificem acclamaverant, redegit in ordinem, pluraque Sanctorum corpora transtulit in cœmeteriis in Urbem. Agebat adhuc animam die 28. Junii an. 767. cum Constantinus violentia fratris ducis Nepefini audacter Pontificatum invasit.

XCVI. CONSTANTINO Pseudopontifice, & qui huic præter jus fasque subrogatus fuit, Philippo *Monacho* extrusis, canonice anno 768. electus est *Stephanus III.* (1) Damnatum ab eo est Constantinopolitanum Concilium, in quo reprobatus fuerat sacrarum cultus Imaginum: contulit rursus sacrarum Ordinum insignia iis, quos initiaverat Constantinus; non tamen, ut visum quibusdam, iteravit ordinationem: septem constituit Cardinales Episcopos, & excessit e vivis Cal. Februarii, anno 772.

XCVII. SEDIT postea *Hadrianus I.* eruditione, & pietate præclarus. Hoc Pontifice extinctum est in Italia regnum Langobardorum, celebratum contra Iconomachos Generale Concilium VII. confirmata donatio Pipini facta Romanæ Ecclesiæ a gloriosissimo ejus filio Carolo Magno. Hadrianus agebat annum Pontificatus 24., cum naturæ concessit VIII. Cal. Januarias an. 795. (2)

XCVIII.

(1) Quibusdam IV. sed in hujus Synodo in lucem edita, & illustrata a Cajetano Cennio legitur sub initium, *Præsidente ter beatissimo, & cosmogico Stephano Summo Pontifice, hujus Romana Urbis Ecclesiæ, & universaliter servio Papa, &c.*

(2) Producent quidam hæretici Caroli Magni epistolam maledictis conviciisque plenam adversus *Hadrianum I.*, quasi Carolus ægre terretur approbati ab Hadriano Synodum Septimam. cultumque Sacrarum Imaginum. Verum Carolus Magnus semper hunc Pontificem honore magno

XCVIII. LEO III. presbyter R. E. fedit post Hadrianum, usque ad annum 816. diemque obitus sui undecimam Junii. Carolum Magnum de Ecclesia optime meritum decoravit corona, sacro inunxit oleo, & appellavit *Augustum*. Litanias, seu *Rogationes* sancivit, institutas antea a Mamerto Episcopo Viennensi, ut habetur in Martyrologio Romano V. idus Maji. (1)

CA-

prosecutus est. Etenim eo hortante, non semel in Italiam cum exercitu advenit, & contra *Desiderium* regem Langobardorum, & contra Ducem Beneventanum *Aragisum*, adversus Ecclesiasticam ditionem bella parantes. Carolus item Hadriano, ejusque Successoribus concessit territorium Sabinense. Provolutus etiam ad pedes Pontificis, prius illos osculo contigit, quam se Pontifex complectendum ei daret, ut in libro 2. de rebus gestis Francorum scribit Paulus Æmilii Veronensis. Vita autemuncto Hadriano, Carolus ei carmen concinnavit, in quo hæc leguntur:

Post Patrem Carolus lacrymans hæc carmina scripsi,

Tu mihi dulcis amor, te modo plango, Pater.

Tu memor esto mei: sequitur te mens mea semper,

Cum Christo teneas signa beato Poli.

Et infra.

Tum memor esto tui nati, Pater optime, posco,

Cum patre, dic, natus pergas & iste meus.

O, pete signa, Pater felix, celsitia Christi,

Iude tuo precibus auxiliare gregi.

Vide Alani Copi Dialogum V. cap. 4.

(1) Dum Leo III. Litanias Majores Romæ celebraret anno 799. nefarii homines in itinere illum aggressi, inermi fugato populo, injuriis, plagisque affecerunt, erutisque illi oculis, atque lingua præcisa, in media via reliquerunt semivivum, & paulo post detruserunt in carcerem. Fuerunt immaniissimi sceleris auctores *Paschalis* Primicerius, & *Campulus* Sacellarius Romanæ Ecclesiæ. At Leo divino beneficio sanatus, ambonem conscendens ab objectis criminibus coram universo populo seipsum purgavit. Rem gestam ab Anastasio enarratam referunt ex Græcis Zonaras, Cedrenus, Manasse Constantinus, ex Latinis Hermanus Contractus, Flodoardus, Sigebertus, Theodolphus, Alcuinus. Illos Papirius laudat, Paquius istos. Calvisium addere possum, Brietium, ceterosque complures. Ajunt oculos Leoni fuisse redditos ab Apostolorum Principe Petro: neque obscure id Theodolphus innuit Carmine sexto libri III. ubi ait:

Quam furibunda manus spoliavit lumine, lingua,

Vestibus & sacris ordinibusque piis.

Reddidit hæc Petrus, quæ Judas abstulit alter.

Hic qui Confessor, proditor ille Dei est.

Legō tamen apud Papirium pag. 132. 2. *Hadriani defuncti necessarii*, populo contra istum concitato, ei laeserunt oculos, non tamen ademerunt. Nam illi, quibus mandata erant excæcacio, pepercerunt homini, ejusque miseri extrinsecus oculos laeserunt, sed lumine non privarunt. De lingua item præcisa illic nec verbum quidem. Sed quod narravimus, testimonio comprobatur multorum. Sane Leo dimissus per murum, profectus est in Galliam ad Carolum Magnum. Alcuinus in Carmine de Leonis projectione ad Carolum, refert Pontificem illatas sibi commemorasse con-

C A P U T II.

INDICTA SEculo VIII. CONCILIA.

AD HÆRESES eliminandas, ac restituendam, firmandamque collabentem Ecclesiæ disciplinam plures habiti sunt Episcoporum conventus. Enimvero bello, quod sacris Imaginibus intulerunt tres Orientis Imperatores, *Leo Isaurus*, *Constantinus Copronymus*, & *Leo IV.* occurrendum erat sedulo diligenterque. Atque factum id in Romana Synodo S. Gregorii II. anno 726. & in duabus S. Gregorii III. an. 731. & 732. Iconomachi tamen anno 754. celebrarunt C. P. numerosissimam Synodum, 338. Episcoporum, divali Constantini Copronymi, & Leonis Augusti convocatam, absolutamque in Basilica S. Mariæ in (1) *Blachernis*, VI. Idus Augusti. Qua in Synodo adversus Sacras Imagines conclamatum est, ac illæ undique conquestæ, abraasæ, & incensæ, traditis quoque igni Catholicorum libris, Sanctorumque Reliquiis. Hanc propterea Pseudosynodum hæretici appellant VII. *Ecumenicam*.

ETSI vero de Sacrarum Imaginum cultu frequens Episcoporum Galliæ Concilium, cui interfuerunt etiam Legati S. Pauli I. Rom. P., anno 767. statuerit in Gentiliaco agro Parisiensi, eundemque cultum confirmaverit an. 769. Romana Synodus Lateranensis Stephani III. comprobatus tamen fuit anno 787. Generali concilio, congregato impe-

tumelias, & vulnere, regemque magna fuisse permotum admiratione. Ita enim loquitur Alcuinus:

*Verbera commemorans, extinctum lumina vultum
Narrat, & abscissam liquido de gutture linguam.
Nunc medicante Deo sanatum, &c.*

De Carolo autem Alcuinus huc subiicit:

*Exquiris Carolus casus, audisque laborum
Diversos, sceleris populi impia facta stupescis,
Miratur geminas jamdudum luce fenestras
Extinctas, & nunc reparatum lumine vultum,
Truncatamque loqui miratur forcipe linguam.*

Aliter in alacris configens lumina vultus.

Carolus Leonem propriæ Sedi restituit, atque in sceleris auctores pronunciavit sententiam capitis. Sed ut relegarentur solummodo, petiit, obtinuitque clementissimus Pontifex.

(1) *Βλαχέρνας* Civitatis Constantinopolitane suburbium. Incepta Synodus in *Hieria* Palatio. Appellatur ab Heterodoxis immerito *Septima Synodus Œcumenica*.

imperantibus Constantino *Porphyrogenito* cum matre Irene, instigante Hadriano I., & suadente quoque Patriarcha C. P. Tarasio. Inceptum est in C. P. SS. Apostolorum æde, sed translatum postea Nicæam, & inchoatum VIII. Cal. Octobris, completumque X. Cal. Novembris. Est ergo hæc Synodus, cui præter ingentem SS. Monachorum numerum, adfuerunt cum Apostolicæ Sedis Legatis Episcopi 350. Constantinopolitana, seu Nicæna II., *Œcumenica VII.* Confirmatum fuit quidquid Synodus ista decreverat anno 794. in Synodo *Francfordiensi* 300. Episcoporum, habita adstantibus coram Carolo Magno prælaudati Hadriani Legatis. (1)

DAMNATA fuit in eadem Synodo *Francfordiensi* hæresis *Felicitis*, & *Elipandi*, jam ab anno 788. proscripta in Concilio Narbonensi, & rursus anno 792. in Ratissponensi, postea vero in Aquisgranensi an. 799. Sedente insuper Zacharia Pontifice, atque, ut fertur, anno 745. (2) damnati fuerunt *Aldobertus*, & *Clemens* hæretici, & quidem Synodali sententia. Hæc autem adversus hæreses.

SPECTANT ad disciplinam quæ sequuntur. In Synodo Cloveshoviensi in Anglia anno 742. actum de Ecclesiarum immunitate: in Vermeriensi diocesis Sueffionensis anno 752. de cohibendis fornicatione, adulterio, & incestu: in Compendiensi ejusdem diocesis anno 756. de iisdem criminibus, & de gradibus consanguinitatis: (3) In Lippiensi apud Germanos anno 780. erectæ, &

GOR-

(1) Qui negant cultum religiosum sacris Imaginibus exhibendum, hunc non approbatum a Synodo *Francfordiensi*, sed damnatum potius fuisse affirmant: quod item asserunt de Libris *Carolinis*. At præstantissimi Theologi demonstrant tam in secundo illius Concilii canone, quam in hisce libris denegari Sanctorum Imaginibus cultum *latria*, Deo tantummodo juxta primum præceptum Decalogi, offerendum, inscripto anathemate iis, qui sacris imaginibus eandem, ac *Deificæ Trinitati*, venerationem impendant. Quod Œcumenicæ Synodæ VII. omnino coherens est, non repugnans. Sunt tamen & de sententiæ prædictæ secundi canonis, de de libris *Carolinis*, immo & de librorum istorum auctore, diversi Theologorum, Criticorumque sententia: quas expendunt fere omnes recentiores, qui de *Cultu Sacrarum Imaginum* tractant post Bellarminum, Vasquezium, Petavium, Gaspar Junium, Carolus Pirassa, Nicolaus L'Herminier, Honoratus Tournely, & alii, post Tractatum *De Incarnatione*.
(2) Sancti *Zacharia* dup. laudantur Concilia, unum an. 743 alterum 745.
(3) Sedente Stephano III. anno 764. celebrata est Synodus *Lateralensis*, quam anno 1735. V. Cl. *Gajetanus Cenci* in lucem protulit, addita erudita Dissertatione.

constitutæ in Saxonia Sedes Episcopales; in Narbonensi an. 691. illius Ecclesiæ limites definiti : in Aquisgranensi an. 797. approbatum Caroli M. Capitulare; atque in Romana an. 800. Leo III. se purgavit a quibusdam criminibus sibi objectis.

CAPUT III.

HÆRESSES VIII. SECULI.

QUÆNAM sint exortæ octavo Seculo hæreses, constat ex capite præcedenti. Prima est Iconoclastarum: altera Elipandi & Felicis: tertia Aldeberti, & Clementis. Ac prior explicato nomine statim dignoscitur. Iconoclasta enim, sive Iconomachus idem sonat, ac *Imaginum Impugnator*, ab *εἰκὼν* imago, & *μάχομαι*, pugno. Horum duces Leo Isauricus, Bardanes, Joannes, Anastasius, Constantinus Copronymus, Leo Armenus. Omnium tamen primus sacris Imaginibus bellum intulisse fertur *Exidus* rex Arabum, instigante Judæo, nomine *Sarantapelis*; at nulla solet haberi ratio obscuræ hujus Iconoclastarum originis. Ad horum castra accesserunt quotquot ad hæc usque tempora in Sanctorum Imagines, & Reliquias sacrilege conflixerunt. *Ἁγιομαχοί* item, ac *θεομαχοί* vocitantur, quoniam contra Sanctos, & contra Deum summa impietate decertant, sacra monumenta, arasque evertentes. (1)

CHRISTUM esse Filium adoptivum Dei Patris dogmatizarunt *Elipandus* Episcopus Toletanus, & *Felix* Urgellitanus in Hispania Tarraconensi. Fuit horum error surculus hæresis Nestorianæ, & præmonstratus a Theodoro Mopsuesteno. Cum enim adoptio sit assumptio in Filium personæ extraneæ, qui Christum filium Dei adoptivum vocant, in eo hominis profitentur personam adsumptam ad consortium divinæ. Attamen, an Christus cum illo addito, *Secundum humanitatem*, appellari queat adoptivus Dei Filius, disputatur in Scholis. Elipandum & Felicem, seu potius illorum errorem proscripsit an. 793. Paulinus

(1) Adversus Sacras Imagines nefaria promulgarunt decreta *Leo Isaurus* anno 726. & 730. atque *Constantinus* Copronymus anno 754. coacta Pseudosynodo, de qua supra.

linus Aquilejensis; postmodum damnarunt Synodi prælaudatæ. (1)

AIDEBERTUS & Clemens, Zacharia Pontifice, degradati addiderunt Ecclesiasticis precibus ignota spirituum nomina, invocando angelos *Uriel*, *Raguel*, *Tubuel*, *Inias*, *Tubas*, *Sabaoth*, & *Simiel*.

C A P U T IV.

ECCLESIASTICI SCRIPTORES VIII. SECLI.

INITIUM ducendum a *Ven. Bedæ*, (2) nato in districtu Dunelmi Angliæ Septemtrionalis anno 672. & vita functo, ut fert propabilior opinio, anno 735. Sanctimonia, pietate atque omnigena excelluit eruditione. Nam de ratione temporum, de mundi ætatibus, de computo, & Arithmeticis numeris, de situ locorum sanctorum libri exhibent insignem Chronologum, Geographum, & Mathematicum. Ejus vero in Theologia, sacrisque litteris peritiam amplissima Commentaria, Tractatus egregii, & Homiliæ complures demonstrant. Quid in historia valuerit, Historia Ecclesiastica Gentis Anglorum, Martyrologium, & Sanctorum Vitæ testantur. Si ignarum existimes Astronomiæ; perlege quæ scripsit de argumentis lunæ, de Embolismis, de Cyclis, de Astrolabio de Planetis, de Sphæra. Etiam de Arte metrica, de partibus Orationis, de Elementis, de Linguis, & de Oraculis pertractavit; eumque novimus Grammaticum, Poetam, Philosophum, Polygraphum.

CONSIGNATUR anno 740. mors *S. Germani* Patriarchæ C. P. qui Leoni Isaurico, ceterisque Iconoclastis invictè restitit. Scripsit de sex Synodis Œcumenicis, Apologiam *S. Gregorii Nysseni*, & rerum Ecclesiasticarum Theoriam. In illum acuunt stylum Iconomachi: at colunt inter Sanctos IV. Idus Majas Martyrologium Romanum, & Menologia Græcorum.

Ac-

(1) Præter Alcuinum, de quo infra, pertractarunt de hac Secta Scriptores enumerati a Jo. Alberto Fabricio tom. 2. Biblioth. Latinæ mediæ ævi.

(2) Dictum *Venerabilem* ajunt, quod ejus discipulus leonino versu ita Epitaphium meditatus, *Hæc sunt in fossa Bedæ presbyteri ossa*, torquens se ob syllabarum quantitatem, in somnis admonitus fuerit, ut ita versum emendaret, *Hæc sunt in fossa BEDÆ VENERABILIS OSSA*. Ac aliam causam ad annum 799. profert *Gosseu*.

ACCEDIT *S. Joannes* monachus, ac presbyter Damascenus, ob eloquentiam vocatus *χρυσόπιδας*, a *χρῶσι*, *aurum*, & *πίς*, *fluo*. Quamvis interdum nimis fuisse credulus videatur, docte tamen eleganterque conscripsit de Fide Orthodoxa, de Hæresibus, necnon contra Acephalos, seu Monophysitas, Nestorianos, & Manichæos, Orationesque sacras stylo perpolito, & exculito. Scribendo circa annum 730. applicuit animum, obiitque anno circiter 750. qui enim mortuum affirmarunt sub Theodosio Junio, enormi 300. annorum peccarunt anachronismo.

SEQUITUR *Paulus* Diaconus Aquilegensis, postea Caslinensis monachus, qui cum foret Cancellarius Desiderii regis Langobardorum, eo devicto, venerat in captivitatem Caroli Magni, atque propter nimiam erga Desiderium fidem relegatus fuerat in insulas maris Adriatici Diomedæ. Præter Historiæ Langobardorum libros sex, & quatuor alios de vita *S. Gregorii M.* Homilias, & opuscula alia, adscribuntur Paulo Diacono libri 24. Historiæ Miscellæ: sed hæc non unum habet parentem. Ludit etiam versibus in laudem *S. Scholasticæ*, eique tribuitur sonorus Hymnus *S. Joannis Baptistæ*, *Ut quæant laxis*, &c. Floruit circa annum 776. (1)

VIXIT eadem ætate *Paulinus* Forojulienfis, ad Patriarchatum Aquilejensem euectus a Carolo M. anno nuper citato 776. Edidit anno 793. contra Elipandum librum inscriptum *Sacrofyllabum*. Prædicatione Carinthiæ, finitimisque populos perduxit ad Christi fidem; atque in cælum migravit anno 804. die 11. Januarii, qua die colitur ipsius memoria in Fastis Sanctorum Forojulienfium.

OBIIT eodem anno 804. XIV. Cal. Junias *Flaccus Alcinus* Anglus, discipulus Ven. Bedæ, & Diaconus Eboracensis. A Carolo M. Palatinæ scholæ Præfectus, principem in Galliam, & ad Synodum Francofordiensem secutus, tandem recepit sese in Turonense *S. Martini* cœnobium. Strinxit calamum adversus Felicem Urgelitanum, & Elipandum: pertractavit de divinis Officiis, ritibusque sacrorum mysteriorum, plura interpretatus est divinæ Scripturæ loca, Epistolæ edidit plurimas, epigrammata, poemata 272. & carmen Heroicum de Pontificibus, & Sanctis Eboracensis Ecclesiæ. (2)

PER-

(1) Paulum Diaconum decessisse ajunt anno 801.

(2) Ipsum quoque Carolum Magnum Scriptoribus Ecclesiasticis hujus

PERCURRAM breviter reliquos. Conscriptus ab *Anonymo* aetate Gregorii II. *Liber diurnus* Romanorum Pontificum, & circa eadem tempora *Ordo Romanus* pertractans de divinis Officiis, ac ministeriis. *Fredegarius* Scholasticus perduxit ad annum 739. *Chronicum* de gestis Francorum, & *Isidorus* Episcopus Pacensis in Lusitania ad annum 754. *Chronicum* Hispaniarum sub Arabum principatu. *Florus* monachus in diocesi Laodicensi circa annum 760. collegit *Acta SS. Martyrum*, fortasse permixta in Bedæ *Martyrologio*. *Elias* Cretensis, qui anno 787. interfuit secundæ Nicænæ Synodo, edidit commentaria in *Orationes S. Gregorii Nazianzeni*. *Theodulpus* Episcopus Aurelianensis circa finem VIII. Seculi elucubravir libros. 6. Carminum, & Poemata 10. notis a Mabillonio illustrata. Condita pariter exeunte Seculo *Annalia Francorum Anonymi*, argue a *Turpino* Archiepiscopo Remensi *Historia Caroli Magni*, & *Rolandi*. (1)

C A P U T V.

RECTORES IMPERII, MARTYRUM ALIORUMQUE
SANCTORUM PERMULTI.

TIBERIO Apsimaro occiso anno 705. *Justinianus* puerum recuperavit Imperium, regnavitque usque ad annum 711. quo anno interfectus & ipse fuit a *Phileppico* (aliis *Philippicus Bardanes* nuncupatur) Pergamensi, Bardanis filio, eodemmet *Phileppico* Bardane a militibus Chersonensibus acclamato. Tiberius quoque filius Justiniani e-

tem-

Seculi ad annum 768. adnumerat *Guilhelmus Cave*. Recenset *Caroli* Epistolas, & capitula de re Ecclesiastica, *Libellum* ad *Alcuinum* de Sacrificio Missæ, & ratione rituum Ecclesiæ, *Capitularia*, &c. Nitiur eo loci *Caveus* auctori suo vindicare libros, qui *Carolini* dicuntur, affirmans spurios dici a Catholicis plurimis, ut istorum librorum istum declinans; nempe quia in his damnetur *Synodus VII.* & improbatur cultus Sanctorum; tamen non ideam judicium est omnium *Communions* nostræ Theologorum: sed præfatos libros jubente *Carolo* conscriptos esse fatentur. Nec tamen horum librorum auctoritate labefactari putant fidem Catholicæ Ecclesiæ circa *Imaginum Sacrarum* cultum, quoniam iisdem libris non cultus *dulie*, sed cultus *larie* Sanctis, horumque Imaginibus denegatur. Vide *Not.* ad præcedens caput secundum.

Præter libros a *Caveo* adscriptos *Carolo* Magno, Grammaticam ipse condidit patriæ linguæ, scilicet *Teutonicæ*, leges plures & constitutiones edidit, lib. 4. *Annalium* recensitas ab *Aventino*, collegitque, & promulgavit *Mutina* anno 801. edicta legesque *Lombardorum*,

(1) Obiit *Turpinus* anno 800. *Thipennus* rectius dixeris.

templo in *Blachernis*, quo confugerat, & ex ara, cujus cornua tenebat, vi extractus eodem *Philippico* iubente immaniter jugulatur. Idem vero tyrannus hæreticus *Monothelæta*, sextæ Synodi oppugnator, & Orthodoxorum implacabilis hostis, irruente in eum Patriciorum virorum factione, excæcatus, & in carcerem detrusus est, anno 713. in vigilia Pentecostes. (1) Imperante autem *Justiniano* coronatus est martyrio *Lambertus Trajectensis* Antistes a nocentibus, quorum flagitia increpauerat; atque perennem consecuti sunt gloriam sanctissimi, Episcopi *Arvernus Bonitus*, *Alvelmus Schireburgi*, *Eboraci in Anglia Walsfridus*, *Tetricus Antislodori*, singuli juxta *Fleurium* anno 709.

PHILIPPICUS successorem habuit *Arthemium*, sive *Anastasium II.* qui anno 715. imperium cedens *Theodosio III.* ab Exercitu acclamato, coactus est habitum induere monasticum, regiaque discedere ex Urbe. At *Theodosius*, *Adramyttenus* vocatus a patria *Adramyttio* civitate *Myssiæ*, seu *Troadis*, ut invitatus susceperat, ita sponte dimisit imperium, convolans anno 717. ad institutum monachorum, una cum filio: in quo vivendi genere dicitur *Ephesi* vita functus, clarus virtutibus, signisque, inscripta quo conditus fuit tumulto Græca dictione *Υγιαια*, nempe, *Sanites*. Ita euectus ad imperium anno 717. die 25. Martii *Leu III.* in *Isauria* obscuro genere ortus, & scelestissimus *Iconomachus*, extinctus aqua intercute anno 741. dum ageret principatus sui annum 25.

Tomo I.

O

SUB

(1) Narrant *Cedrenus*, *Theophanes*, *Paulus Diaconus*, & alij *Philippicum* a militibus imperatorem fuisse salutatum, quoniam illos ad rebellionem intolerabili sævitia *Justinianus* compulerat. Nam cum *Abdimar*, de quo cap. 5. præcedentis Seculi, *Leontium* per forum atque theatrum circumductum spectaculo exhibuit in Ludis *Circensibus*, pedibus conculcavit, & capite abscisso interfecit. Fratrem *Abdimari* *Heraclium*, multosque illi adhærentes, circa urbis C. P. mœnia jussit suspendi: plurimos in mare demergi mandavit, atque prædictæ civitatis Antistitem *Gallinicum*, qui fuerat a partibus *Leontii*, deposuit e Sede, eructisque oculis relegavit. Quoties vero truncatas emuogebat nares, aut gutta aliqua inde fluebat, unum ex *Leontii* amicis rapi jubebat ad extremum tertriumque supplicium. *Chersonensibus* autem devictis anno 710. præcepit, ut omnes necarentur, nulli parcens, nec mulieribus, nec infantibus. Præstantes viri infixi veribus ligneis ad ignem fuerunt allati. *Philippico* imperium prænuñtiassè fertur *Joannes* monachus *Monothelæta*: quem propterea ad Patriarchatum evexit, dejecto *Cyro*, *Monothelitarum* licet antesignano; nam hunc *Justinianus* elegerat expulso *Gallinico*. Idem *Joannes* cum *Philippico* reprobans sextam Synodum anathemate percussus est a *Constantino* Romano Pontifice.

SUB initia imperii Leonis Christianorum plurimi in Syria necati fuerunt a Saracenis: permulti etiam in Hispania, quam occupaverant an. 714. In regnum quippe illud ex Africa transmiserant Arabes; Hegyræ an. 93. Ær. Chr. 712. atque anno sequente 713. Mousa, vel *Muza*, Toletum usque victor pervenit, ubique fidelium cæde cruentus: (1) Recruduit Arabum persecutio; ubi agnoverunt Christianos anno 718. in montibus Asturiæ Regem sibi constituisse Pelagium: *Rigobertus* Episcopus Remensis, *Rupertus* Sallsburgenlis, *Meneleus* Abbas Arvernensis, prope Argentoratum, beato fine quieverunt. Ubi vero Leo Imperator ineunte anno 730. promulgavit edictum, ut omnes abjicerent, ac damnarent cultum sacrarum Imaginum; nolens ei subscribere S. Patriarcha *Germanus* exiit se pallio, & in monasterium secessit: *Julianus*, *Marcianus*, & alii octo subierunt martyrium; quoniam ægre tulerant dejectam jussu principis Iconomachi Imaginem SS. Crucifixi, nomine Ἀντιφανῆς. De his Roman. Martyrologium V. Idus Augusti: Addenda iis ex Vita Stephani Junioris multiplex sanctarum Mulierum Corona.

STÉPHANUS, quem laudavi nuperrime, Constantinopolim e Palæstina venerat hortante Germano. Pro sacrarum Imaginum veneratione cum *Basilio*, *Petro*, *Andrea*, & sodalibus aliis monachis 339. sub Constantino *Copronymo*, subiit martyrium. Adite Fastos Sanctorum; & Menologia ad diem 28. Novembris. *Constantinus*, quem ex Marina conjuge suscepit Leo, dictus est καπρόνυμος ἀκόπρεστος, & σρομα; nomen, quoniam dum ablueretur regenerationis lavacro, sacrum fontem foedavit alvi excrementis. Præstigiis addictissimus, humanarum divinarumque legum contemptor, & vix non atheus, naturæ debitum solvit 35. imperii anno, Vulg. Æ. 775. (2). Excepit *Copronymum* filius, quem genuerat ex Irene Atheniensi,

Leo

(1) Migrasse ad Superos anno 717. S. *Subertus* Saxonum & Frisiorum Apollolum, refert quoque in sua Chronologia Calvisius pag. 695.

(2) *Constantinus Copronymus*, Caballinus quoque vocatus, quoniam stercore equini delectabatur foetore, Monachos pro cultu sacrarum Imaginum decertantes Vatiniano infectatus est odio. Inter ceteros anno 765. in quo coegit subditos, ut jurejurando promitterent execratos se eundem Imaginum cultum, affecit martyrio *Antonium* clarissimi inter monachos nominis. Decreto anno 762. inibuit ne quis amplecteretur monasticæ vitæ institutum; atque anno 770. monachos omnes ac moniales Ephesum adire jussit, & ni jungerentur connubio, orbatos oculis deportari in Cyprum, & Saracenorum injuriis exponi. Hæc ex Theophane

Leo IV. nisi deterior, certe parenti impietate simillimus. Nam Irenem despectam habuit, atque exosam hoc tantum nomine, quod in ejus cubiculis nonnullas Sanctorum imagines offendisset. Ea de causa cædi flagris, & in monasterium detrudi mandavit Aulæ procures, *Jacobum*, *Theophanem*, *Leodem*, ac *Thomam*; quorum *Theophanes* loris percussus occubuit martyr. Excessit autem Leo, posteaquam imperaverat quinquennio, die 8. Sept. an. 780.

INTER ceteros pro cultu sacrarum Imaginum trucidatos, imperantē Copronymo, an. 761: obiit verberibus, & altero pede amputato *S. Andreas* monachus Cretenlis, nuncupatus καλυβύτης, a καλύβη, tugurium: Machliniæ an. 775: martyrio coronatus est *Rumoldus*, regio ortus genere, & Episcopus Dublini in Hibernia: Necatus anno 755: a furentibus Gentilibus cum *Eobano*, aliisque, Episcopus Moguntinus, & Germanorum Apostolus *Bonifacius*:

LEONI IV. successit in Imperio *Constantinus VI.* annos natus 12. sub tutela matris *Irenis*. Hunc appellant πορφυρογέννητον, vel quod statim in lucem editus obvolutus sit purpura; vel quod genitus in Palatio ædificato pro Augustis puerperis. Purpura enim, & palatium illum, πορφυρά Græcæ vocantur. Anno 789. Irenem omni expoliavit auctoritate, & cœpit pessime administrare rempublicam. Revocata anno 792. matre ad imperii consortium; odium universorum non declinavit. *Irenes* autem, ut sola imperaret, anno 797: jussit, ut filio oculi eruerentur: at post quintum annum deposita est a Græcis; propterea quod adspiraret ad nuptias Caroli Magni; quem anno 800. Leo III. redimitum corôna declaraverat *Augustum*, in solemini die Nativitatis Domini cæ. (1): Contigit *Irenis* obitus anno 803. V. Idus Aug.

O 2

Nov

Leo IV. imperii, & impietatis *Copronymi* heres, dictus quoque *Chazarus*, matrem habuit *Helenam* cujusdam Scytharum principis filiam, feminamque religiosissimam: qua defuncta, duas alias sibi copulavit uxores, *Mariam Armeniam* unam, *Eudoxiam* alteram: Uxor Leonis IV. *Irenes* fuit mulier Attica, corporisque decore venustissima. Leonem extinctum ajunt *Zonaras*, *Fuacius*, *Blondus*, aliique, enato illi carbunculo in capite. Ei idcirco quidam consequens epigramma, quasi epitaphium, concinnavit:

Æmulus hic patris, rapto diademate sacro

Exornasse comas dicitur ipse suas.

Bræo & sacrilegam mox percussit ultio frontem

Ustus obiit, facto suberis igne, caput.

(1) *Carolus Magnus*, de quo etiam Seculo proximo, natus est an.

Non defuere octavo labente seculo gloriosi martyres, aliique viri sanctitate percelebres. Etenim Frisii anno 755. trucidarunt Bonifacium Germanorum Apostolum. Saraceni anno 796. trucidarunt in Palæstina monachos S. Sabbae Joannem, Sergium, Patricium, ceterosque. Decefferunt item anno 774. Comerus austerus in Brabantia cultor eremi; anno 784. juxta Baronium, sive potius 776. Gregorius Episcopus Trajectensis: anno 780. Virgilius Antistes Salsburgi; & anno 785. electus primus Episcopus Verdensis Apostolus Saxonum *Suitbertus*.

CAPUT VI.

DOGMATA VIII. SEculo CONFIRMATA, ET QUÆ
VIGEBAT TUNC DISCIPLINA.

Sacrarum Imaginum cultus, & Sanctis, horumque Reliquiis religiosus honor exhibitus habet, ut liquet ex dictis, Conciliorum definitionibus, scriptis Patrum, & Martyrum sanguine firmitudinem. Unam in Christo Personam, unum Dei filium, & hunc naturalem & proprium,

747. prope Moguntiam. Quidam anno 741. natum ajunt. An in arce *Carlsburg*, an in pago *Ingelheim*, incertum est. Patrem habuit Pipinum, cognomento *Brevem*, matrem *Bertham*, sive *Betradam*. Idem significat *Carolus*, ac *Andreas*, nimirum, Virum fortem. Est enim apud Germanos *Karl*, fortis, robustus. Præceptorem habuit in Grammaticis Petrum Pisanum, in disciplinis ceteris Alcuinum, quem laudavi superiori capite quarto. A rerum gestarum magnitudine, & gloria cognominatus est *Magnus*. Langobardos, Saxones, Bohemos, Saracenos in Hispania, Hunnos, regemque Danie Godefridum bello devicit. Plures erexit Episcopatus, auxitque rexitibus. Parisiis, Bononiæ, Ticini publicas Scholas instituit. Pluribus Sacrorum Antistitum interfuit Synodis. Monasteria construxit amplissima. Ædificavit Dresdam ad Albim, muniv. & Hamburgum, arcesque alias erexit. Pontem supra Rhenum strui curavit passum, ut ajunt, quingentorum: sed idem pons mirabili opere, magnique sumptibus erectus spatio annorum decem, anno ante Caroli obitum penitus horis consumptus est flamma. De illius eruditio. ne vide Not. præcedentis capitis 4 Inducitur a Poeta Anonyme ita lo. quens de semetipso:

*Data quidem pro te, Germania, viribus almis
Per mare, per terras, varia per climata terre
Cum duris dure populis, & maxima bella
Confeci: hinc proprio regnum tibi sanguine partum est.
Arma virosque graves per vincula sæva ligatos
Ducent, ad patrios rediti sine vulnere lares.
Cæsareum nomen eribus tibi maxima Partus,*

prium, non adoptivum, ut adversus Nestorium definierat Ecclesia, ita fide nunquam variata tradidit contra Felicem, & Elipandum. Et Patrem & Filium esse unum principium Spiritus Sancti, ideoque eundem Spiritum ab utroque procedere, docuit quovis Ecclesiæ Seculo Theologia, & Majorum traditio: sedente tamen Leone III. cœpit a Gallis, & Hispanis Episcopis addi Symbolo Constantinopolitano particula *Filioque*. Ut moneamur magno in pretio habenda esse statuta Majorum, nec unius voculæ additamento, dummodo rectæ fidei cohæreat, subverti Ecclesiæ doctrinam; prælaudatus Pontifex Maximus Symbolum, prout editum fuerat Constantinopoli a 150. Patribus, inscriptum Græcis, Latinisque litteris in duabus tabulis argenteis condidit in Vaticana Principis Apostolorum æde.

Habemus formam degradationis illi parum absimilem, quæ describitur 3. p. *Pontificalis* Romani, in Constantino C. P. degradato anno 767. in templo S. Sophiæ a Niceta, quemadmodum *restitutionis* ad sacrorum Ordinum ministeria, Basilii Ancyрани, Theodori Myrensis, atque Theodosii Amorjensis in Phrygia, qui anno 787. Iconomachorum abjurantes errorem a Patriarcha C. P. Tarasio, cum magna Catholicorum lætitia, palam petierunt, & solemni cæremonia consecuti sunt reconciliationem, & Episcopatus insignia. Innovati ea occasione fuerunt canones de recipiendis hæreticis: quam pariter formam tradit præcitata parte 3. *Pontificale*. Abstrusa, & ignota Angelorum nomina non esse precibus addenda declaravit S. Pontifex Zacharias. Baptismum vino a nonnullis collatum reprobatur cum Evangelio Augustinus tract. 15. in Joannem, & Stephani II. pro eodem baptismo Rescriptum censetur supposititium, ac spurium. Detestabili abusu cœperunt in Galliis monasteria deputari VIII. Seculo in patrimonium seminarum. Ferunt a Leone III. circa annum 800. celebratam fuisse primam solemnem Canonizationem Sanctorum, eamque fuisse S. *Suitberti* Episcopi, de quo Surius ad diem 2. Martii; sed Cardinalis Lambertini, postea *Benedictus XIV.* lib. 1. cap. 7. & cap. 8. demonstrat primam Canonizationem solemniter factam fuisse S. *Uldarici* Episcopi Augustani, peractam a Joanne XV. Fidem Christianam Seculo VIII. susceperunt Hircani, & veteres Scythæ, quos modo Tartaros vocant: at hæresi imbutos a Timotheo Nestoriano. *Bonifacius*

Anglus, quem alii Winfridum vocant, Frisios, Thuringos, Hassos, aliorum Germanorum plures convertit ad Christum, Archiepiscopus exinde Moguntinus, & Coloniensis creatus, atque, ut diximus, coronatus martyrio. Ætate Caroli M. Christianæ religioni nomen dedere *Charras* Sarmatæ: *Cusidus*, & *Cuba* filii *Chundi* regis Hunnorum, Saxones, & Pannoniam, terrasque Svecorum, Gothorumque incolentes. *Telericus* quoque rex Bulgarorum initiatus est Christianæ religionis mysteriis (1).

A P P E N D I X

SIVE EXTERNARUM RERUM MANTISSA,

CUNIBERTUS Langobardorum rex decessit anno 703, regnumque obtinuit *Luipertus* puer sub *Asprandi* tutela, extinctus post menses VIII. Successit anno 704. *Raimbertus* filius *Gundiberti*, immatura morte post tres menses sublatus. Regnaverunt itaque ab anno 704. *Aribertus* II. (2) ab an. 712. *Asprandus*: ab an. 713. *Luithprandus*, a quo anno 724. Corpus S. P. Augustini ingenti pretio a Saracenis redemptum e Sardinia Ticinum translatum fuit. Obijt *Luithprandus* an. 744. Regnarunt deinde *Hildebrandus*, *Rachis*, *Aistulphus*, & *Desiderius*. *Rachis* regio paludamento prætulit Cassinensium monacho-

(1) Plures hoc Seculo factæ sunt sacrarum Reliquiarum translationes. Anno quippe 762. Corpus S. *Vincenzii* Martyris ex urbe Valentia, quam occuparunt Saraceni, translatum fuit in promontorium, S. *Vincenzii* exinde appellatum. Sancti Patris *Augustini* Exuvie, ut proxima dicendum est Appendice, Ticinum fuere translatae. S. *Huberti* Leodiensis Episcopi in ampliorem Ecclesiam opera Carolomanni anno 771. adportatae fuerunt.

Non solum hoc Seculo amplissima ædificata sunt monasteria, ut Verdense anno 708. Romanum Græcorum anno 760. & Fuldense anno 747. verum etiam abjecta corona prætulere regio paludamento monasticum sagum reges Anglorum *Edilredus* anno 705. & *Coenulphus* anno 737. atque ad Cassini Asceterium se conserps *Carolomanus* anno 747.

(2) *Aribertus* Rom. Pontifici, ut refert Paulus Diaconus, donationem Alpium *Cottiarum* confirmavit. Id innuimus capite 1. Alpes illas denominatas ajunt a Rege *Cottio*, qui vixit Cæsare Augusto Octaviano imperante. Sunt qui Alpes *Cottias*, & Apenninos unam dicunt esse provinciam: quos refellit lib. 2. cap. 18. Paullus Diaconus. Incipere ab Hebriduno oppido Delphinatus, tradit apud Pagium *Itinerarium* Burdigalense. A Segusio urbe Pedemontii ducit illarum initium. Marcellinus libro 15. A Segusio iidem, vulgo *Jusa*, eadem Alpes protrahi usque

chorum cucullam anno 750. *Aistulphus* anno 752. occupavit Exarchatum Ravennæ, qui postea ad R. Ecclesiæ ditionem accessit. Anno 755. Romam cinxit trium mensium obsidione: sed implorante Stephano II. Pipini Francorum regis auxilia, coacte pacem inivit. *Desiderius* regnum auspiciatus anno 756. immemor initi pacti, & armis impetens Hadrianum: hujus nutu *Carolus Magnus* in Italiam adveniens, anno 674. *Desiderium* bello devicit, & captum abduxit in Gallias. (1) Ita post annos 206. regnum Langobardicum extinctum est apud Italos. Incorperat enim anno 568.

FINEM habuit & regnum Gothicum in Hispania: ubi post *Egicanem* anno 701. regnavit *Vitiza*: deinde 711. *Rodericus*. Quo moderante regnum, Saraceni Arabes anno Hegyræ 93. Christi 712. ex Africa in Hispanias migrarunt; & magna urbium, ac populorum clade, occiso Roderico, Gothisque fugatis, Cordubæ in provincia Boetica principem locarunt sedem. Cum vero Gothi in Hispanias appulerint duce *Ataulpho* anno 411. permansit regnum illud Gothicum annis tricentenis. Attamen Christianorum penitus deletus non est principatus. Astures enim an. 718. regem creant *Pelagium*; atque hæc est series successorum. Post *Pelagium* anno 736. regnum indeptus est *Pavila*: an. 738. *Alphonfus I.* anno 756. *Froyla*: 768. *Aurelius*: 775. *Silo*: 783. *Mauregatus* tyrannus: 789. *Veremundus*: & anno 791. *Alphonfus II.* cognomento *Castus*. *Mauregatus* cum Saracenis ferit turpissimam, scelestissimamque pacem solvendi quotannis tributum centum puellarum virginum, quam abrogavit *Alphonfus*.

IN GALLIARUM regno *Childeberto* successit anno 711. *Dagobertus II.* nominatus a *Sigeberto Clotoveus*: anno 715. *Chilpericus I.* 721. *Theodoricus II.* filius *Dagoberti II.* an. 742. *Childericus III.* cognomine *Stupidus*: (2)

O 4

752.

ad mare Ligusticum, scribit Cluverius lib. 2. Geograph. cap. 32. Comprehendere Genuam, & ora ejus maritima, usque ad fines Galliæ, ait Thomassinus p. 3. lib. 1. cap. 27. &c.

(1) *Desiderius* Romanæ Sedi abstulit Faventiam & Comaculum de Exarchatu Ravennæ. Vide Anastasium in *Hadriano I.* Quæ in Marmore Viterbiensi de rege *Desiderio* leguntur, putantur esse commentitia, & ab Annio conficta.

(2) *Childericus* agebat annum ætatis suæ 17., ineptus regno in monasterium detrusus fuit: uno tantum anno superites fuit abdicationi. Electus anno 742. dejectus anno 750. Desit in illo series Regum *Morvingia* Gentis, qui regnasset a *Cloloveo* hacque annis 170. ab ejus baptismo computatis.

752. *Pipinus* Brevis filius Caroli Martelli, Francorum principis, qui e vivis excessit anno 741. XI. Cal. Nov. tribus relictis filiis; quorum *Carolomannus* Austrasie, *Pipinus* Francie prefecturam obtinuit, & *Ægidius* electus est Archiepiscopus Rotomagensis. *Carolomannus* vero anno 747. fortunis omnibus abjectis, primum in monte Soracte, deinde in Cassino vitam exercuit Monasticam. Obiit rex *Pipinus* (1) Parisiis an. 768., duobus filiis regibus relictis, *Carolo Magno* Sueffionibus, & *Carolomanno* altero Novioduni. Hoc tamen anno 771. e vivis sublato, rerum potitus est Carolus Magnus. Natus is erat anno 747. aliis 742. Susceperat expeditionem adversus Arabes dominantes Hispanis, & Pompejopolim (2) in suam redegerat potestatem; quum anno 788. Vascones incolæ regionis Navarræ, inter montes Pireneos, & flumen Iberum, Caroli exercitum ex insidiis aggressi magnum fortissimorum Virorum, inter quos Rollandus Caroli e sorore nepos, numerum memoranda clade deleverunt. (3) Paulo post Saxones Carolus Magnus bello superavit, & ad Christianam religionem perduxit. Opera Alcuini, & Claudii Clementis instituit anno 791. Scholam Parisiensem. Quoniam, ut supra diximus, anno 800. in Christi natali a Leone III. diadema, & *Augusti* nomen accepit; agendum de illo rursus in proximi Seculi Imperatoribus.

Quid autem de Saracenis, quos diximus irrupisse in Hispanias? Anno 718. duce *Mazalina* Constantinopoli, quam navibus 1800. obsederant, attrita igne ac tempestatibus illorum classe, coacti sunt re infecta discedere. Anno 725. evocante Eudone Aquitano in Galliam exundantes, cæsi proximo anno fuerunt a Carolo Martello in Gallia Celtica. Rediere tamen an. 749. cum liberis & uxoribus in Galliam Narbonensem, inde rursus anno 731. a Carolo Martello expulsi. *Mafalmas*

(1) Anno 754 *Pipinus* Exarchatum Ravennæ Romano Pontifici dono dedit. Vid. Pagium ad an. 796. num. 11. & ad an. 755. num. 6. & supra cap. 1. in *Stephano II.*

(2) Vulgo *Pamplona*.

(3) In *Rencisvalle*.

Rollando autem, seu Rulando nepoti suo Carolus M. hoc posuit Epitaphium:

Tu patriam repetis, tristi nos orbe relinquis:

Te tenet aula nitens, nos lacrymosa dies.

Sed qui lustra geris octo, & binos super annos,

Exepius iteris, iussus ad astra redis.

salmas item Saraceni ductor exercitus, aggressus Turcas incolentes tunc Sarmatiam Asiaticam, atque ab iisdem fugatus, rursus contra illos progressus est usque ad Portas Caspias, sitas in Media, finibusque Parthorum, iterum ad fugiendum coactus. Inter se dissidentibus Saracenis anno 745. feliciter Constantinus Copronymus intulit bellum, atque innumeros occidit in Syria. Turcæ rursus Portis Caspiis effusi anno 767. cum Saracenis pugnarunt. Horum Arvras eligitur anno 777. *Mady*, seu *Muhammed*. Is anno 783. in Asiam irrumpens, ad pacem petendam, atque solvendum tributum coegit Irenem. Post Muhammedem anno 798. Saraceni Cappadociam, & Thraciam vastarunt, coacta rursus Irene pacem suppliciter flagitare. Electus autem expirante Seculo Saracenorum Arvras *Aaron Rachid*.

MUTATIONI regnorum, barbarorumque excursionibus quædam alia accedant commemoranda. Hujusmodi sunt illatæ a Christianis clades Saracenorum phalangibus. Enimvero præter ea, quæ diximus de Carolo Martello, & Constantino Copronymo, Alphonsus I. rex Austriæ illos expulit an. 750. e Galliciæ finibus: Pipinus anno 752. e Septumanis, sive Occitania: e Gallia Narbonensi anno 756. vel juxta Pagium 755. Tunc vero ultra Pyrenæos, quibus Gallia dividitur ab Hispania, compulsi sunt remeare. In memorata Mazalinæ, vel Masalmæ obsidione, pestilentia & fame perierunt Constantinopoli hominum trecenta millia: Mauritani in Africa circa hæc tempora, spreto Evangelio, receperunt Alcoranum; quod scelus admiserunt nonnulli in Hispania, postquam Arabes interfecerant Rodericum, duo etiam Archiepiscopi, ejusdem regis affines, Oppa, & Taurisius. Constantinopoli anno 740. demolientibus Iconomachis simulacra Sanctorum, repetitis concussionibus Augustorum statuas, ædes, & palatia terræmotus confregit. Supra mœnia Romanæ Urbis anno 791. excreverunt Tibridis undæ. (1)

PRÆ-

(1) Non omnia hujus Seculi VIII. infortunia narravimus. Anastasius enim refert inundationem Tiberis, quo excrecente supra muros Urbis in humilioribus locis anno 717. domos evertit, vastavit agros, ac segetes perdidit. Cedrenus refert hiemem ejusdem anni vehementissimam atque asperissimam, qua per Asiam terra adeo nivibus obducta fuit, ut animantia pleraque, ac feræ silvestres perirent. Ex binis anno 729. apparentibus cometis, quorum alter orientem solem præcedebat, alter vero sequebatur occidentem, futuram ingentem cladem vaticinatus est Beda. Evenerunt anno 746. in Syria terræmotus, quibus corruerunt tem-

PRÆTER recensitos cap. 4. Ecclesiasticos Scriptores, flo-
ruerunt circa finem VIII. Seculi Historici duo, *Georgius Syn-
cellus*, & *Georgius Theophanes*. Συγκελλος, nomen erat di-
gnitatis in Græcorum Ecclesiis, & Syncelli assistebant se-
cretioribus Episcoporum obsequiis. Talis erat Georgii mo-
nachi, de quo loquimur, munus, sedente in Cathedra C. P.
Tarasio. Scriptis autem *Chronicum* ab initio mundi usque
ad tempora Imp. Maximiani, & Maximini. *Theophanes*
vero, *Confessor* dictus, quoniam nulla ratione adduci po-
tuit a Leone Armenio ad τὴν ὑποδοχὴν reprobandam, ab
anno 1. Diocletiani 284. usque ad primum ejusdem Leo-
nis nimirum 813. edidit conciso stylo *Chronographiam*;
quam mutila, & pro vitio seculi rudi interpretatione ap-
posuit Historiæ Ecclesiasticæ Anastasius Bibliothecarius.
Eginarthus, sive *Eginhardus*, Caroli Magni Cancellarius
ejusdem Principis Vitam conscripsit (1). Lufit demum
Car-

pla, monasteria, & domus, multaque hominum millia extincta sunt, ut
Historici tradunt: pestilentia, quæ primum invasit Siciliam, deinde ce-
teras maris insulas, tum Græciam universam, postremo Constantinopo-
lim, ubi lue per triennium grassante, quemadmodum Theophanes re-
fert, cuncta cometeria, lacunæ, cisternæ, Vinæ etiam & horti, reple-
ta sunt cadaveribus. Syriam rursus, ac Mesopotamiam, ut inquit idem
Historicus, anno 749. adeo excussit, ut aliquæ urbes e propriis sedibus
moverentur. Ex disrupta terra prodixisse animal humana voce loquens,
tradit idem Theophanes. Sunt qui id referunt ad annum proximum 750.
Sæviante iterum anno 756. in urbe Constantinopolis pestilentia, tanta
civium copia deperit, ut necessum fuerit undique novos colonos tra-
ducere, ne vacua incolis desereretur. Inclementia hiemis anno 763. con-
strictus est Pontus Euxinus glacie triginta cubitis alta, atque proximo
vere ann. 764. per Bosphorum in Propontidem perpulit pontus tam in-
gentia glaciei fragmina, ut his insisterent plusquam triginta homines,
ac tuto veherentur per maris undas. Magdeburgum ad Albim situm,
omnesque vicinias anno 789 *Slavi*, Vandalorum reges, devastarunt,
omniaque loca in ditionem suam redegerunt usque ad Vißulam, finesque
Sarmatiæ. Pessis, quam diximus sævisse anno 746. & duobus sequenti-
bus Constantinopoli, occisione tam dira, ut cadaveribus tumulandis
deesset humus, & quæ e Calabria & Sicilia fertur erupisse, ea erat,
quam vulgo a signo epidemico appellant *Bubonis*. Bubo autem *Εμβόρις*,
est glandula inter femur & coxendicem ad latera pubis, aut in aliis qui-
busvis partibus corporis nascens.

(1) De *Eginarthis* Jacobus Curio, & Christianus Mathizæ narrant,
captum amore *Imme* filiz Caroli Magni & Hldegardis, noctu ad illam
accessisse, relictis in nive pedum suorum vestigiis, atque ab eadem com-
pressa *Imma* in suos subiatum humeros, ne detegeretur flagitium, ad lo-
cum hospitio proximum fuisse adportatum, elegantissimamque juveneu-
lam per eadem vestigia caute observata ad proprium rediisse cubiculum;
re tamen comperia ex impressa in nive *Eginarthis* pedum forma, Impe-
ratorem consulentem honori filiz, ac timori *Eginarthis*, quem Senatus
plenis suffragiis ad acerbissima supplicia damnaverat, huc *Imma* nuptias,
admirantibus omnibus, conciliasse.

Carmine tolerabilis pro Seculi barbarie versificator *Ethelwolphus* Berenicus in Anglia: cujus nomen illustris *Vossius* interpretatur *nobilem Lupum*.

NONUM ECCLESIAE

S E C U L U M :

C A P U T I.

CONTINUATIO, SERIESQUE PONTIFICUM,

IN APOSTOLICA Petri cathedra federunt post Leonem III. *Stephanus IV.* S. *Paschalis I.* *Eugenius II.* *Valentinus.* *Gregorius IV.* *Sergius II.* S. *Leo IV.* *Benedictus III.* S. *Nicolaus I.* *Hadrianus II.* *Joannes VIII.* *Marinus I.* *Hadrianus III.* *Stephanus V.* *Formosus.* *Bonifacius VI.* *Stephanus VI.* *Romanus.* *Theodorus II.* *Joannes IX.* & *Benedictus IV.*

XCIX. STEPHANUS IV. a X. Cal. Jul. an. 816. usque ad 9. Cal. Februariam anni 817. Pontificis functus est munere, In tam exiguo 7. mensium spatio nominis sui consuluit immortalitati. In Gallias enim proficiscenti occurrit, omnesque detulit honores *Ludovicus Pius F.* *Caroli M.* qui ab eodem Pontifice Remis cum regina *Irmingarda* sacram inunctionem, aureum diadema, dignitatemque consecutus est Augustalem.

C. CUM eodem *Ludovico* pristina sancivit scædera, ad Pontificiam ditionem, & Exarchatum ab hostium aggressionibus defendendum, S. *Paschalis I.* qui electus postridie Stephani mortem, post annos 7. videlicet, anno 824. die Febr. 10. immortalitatem est assecutus; posteaquam *Lothario F. Ludovici*, misso Romam a Patre, Langobardici Regni coronam, nomenque Augusti contulerat.

CI.

(1) S. *Paschalis I.* *Lothario* coronam imposuit anno 823. die quinta mensis Augusti. Inter cetera pietatis opera, vetustissimam S. *Praxedis* Ecclesiam collabentem proximo in loco erexit, ornavitque magnifice. Illic construxit Oratorium S. *Zenonis* Martyris, collocato ibidem sacro ejusdem Corpore, monachos Græcos constituit, qui die ac nocte divinas laudes persolverent: Ciborium argenteum cætergentium

CI. Duos post S. Paschalem contentione infanientis populi fuisse electos, Eugenium, & Zinzinum, tradunt Historici. *Eugenius* tamen canonicè, & a majori parte summum sacerdotium indeptus, eo potitus est ad annum usque 827. quo anno, post regiminis sui tertium, sextili mense decessit. (1)

CII. VIX EUGENIO suffectus fuerat *Valentinus* Archidiaconus Romanæ Ecclesiæ, cum eodem anno 827. die ab inauguratione suâ quadragesimo abiit ad plures; unde *Virgilianum* illud usurpat *Papirius*:

*Hunc tantum terris ostendent fata, nec ultra
Esse sinent.*

CIII. RELUCTANTEM præ humilitate, Romanus clerus ac populus elegit post *Valentinum Gregorium IV.* Ab illo Ostiensis Civitas, ne pareret incursionibus Saracénorum, cinctâ fuit novis mœnibus. Ut filios *Ludovici Pii*, *Lotharium*, *Pipinum*, & *Ludovicum* Patri conciliaret, contendit in Galliam. Quoniam rediit re infecta, hunc reditum nonnulli cum *Hincmaro* in litteris ad *Hadrianum II.* haud mukum commendant. Obiit an. 844. die 29. Januarii.

CIV. ECCLESIAM deinde gubernavit *Sergius II.* Romanus, post triennium nondum expletum, sublatus è vivis, an. 847. VI. Cal. Februarias. Extinctum ajunt concepto dolore ob direptionem Urbis factam a Saracenis: Eo sedente 28. scalarum gradus, ætate *Constantini M.* e prætorio *Pilati* Romam, ut inquit, advehti, ante Basilicam Lateranensem fuerunt constructo ædificio dispositi: quos postea *Cælestinus III.* ante Patriarchium juxta porticum, & *Sixtus V.* ante *Capellam*, quæ dicitur *Sancta Sanctorum*, collocarunt. Quod fabulantur aliqui *Sergium*, eo quod antea vocaretur *Os Porci*, primum omnium Pontificum sibi nomen immutasse, abest procul a vero; nam primus, qui voluit alio nomine appellari, fuit *Joannes XII.* inauguratus an. 956. & nominatus ante Pontificatum *Octavianus*.

CV.

decemque librarum, argenteas item laminas Propitiatorium undique tegentes, auri, lapillorumque ornatus ab *Anastasio* descriptos, splendida liberalitate eo loci opposuit. Extat S. Paschalis Sarcophagum in eadem Ecclesia cum inscriptione, *Hic jaces S. Paschalis PP. I.* ac scilicet *Platina* scribens fuisse sepultum in Vaticana S. Petri Basilica.

(1) Vea. *Baronius* ad an. 824. num. 11. ait præcellentem fuisse simplicitate, humilitate, doctrina, & eloquentia. Cognominabatur quoque *Pater pauperum*.

CV. SEDIT post Sergium S. *Leo IV.* ultra annos 8. ad beatam evocatus æternitatem anno 855. die Julii 17. Hujus sanctitas pluribus argumentis enituit, maxime cum signo crucis flagrantissimum extinxit incendium, exterminavitque serpentem teterrimum permultos pestifero halitu corripientem. (1)

CVI. LEONE VI. vita functo, habitis statim Comitibus electus est *Benedictus III.* ad summum sacerdotium, paucis deferentibus, & illegitime simul evocto Anastasio presbytero Cardinale, quem *S. Leo IV.* e gradu dejecerat, propterea quod a parœcia sua integro quinquennio abfuisset. Verum Anastasio detruso, Benedictus gessit Pontificatum usque ad annum 858. quo anno concessit naturæ VI. Idus Apriles.

FUERUNT, qui inter Leonem VI. & Benedictum III. locarunt meretriculam *Joannam Papissam*, Martini Poloni, Mariani Scoti, aliorumque producentes testimonia. At eusam fabulam post annum 1278, quo obiit Martinus Polonus, consentiunt cordati omnes auctores. Profecto illam refellit præmissa, & communiter recepta chronologia, quæ inter Leonem, & Benedictum, nullum relinquit locum Papissæ. Nec de patria, aut nomine audacis mulierculæ consentiunt architecti fabellæ. Græcis etiam non semel redargutis, quoniam Patriarchalibus insignibus, interdum decorassent Eunuchum, nunquam vel a Photio, vel ab aliis vicissim Romanæ Cathedræ dedecus, probrumque istud fuit objectum. In vetustiori Martini Poloni Codice regię Parisiensis Bibliothecæ, insertam hanc fabulam, assuta aliena manu lacinia, vidit David Blondellus, qui idcirco commentitiam hanc historiolum refutavit. Deesse idem commentum in antiquioribus Exemplaribus Mariani Scoti testatur Mireus. De Vaticanis Codicibus Anastasii idem tradit oculatus inspector Onuphrius Panvinus, & de Chronicis Mss. Sigeberti Ala-

(1) Inter cetera, quæ *S. Leonis IV.* comprobant virtutem ac sanctitatem, narratur in ejus vita ab Anastasio Bibliothecario, illum signo crucis extinxisse maximum in Urbe incendium, atque precibus ad Deum fufis exterminasse teterrimum anguem, homines absumentem halitu pestilentissimo. Perunt fuisse ex illorum genere, qui sibilo serpentes reliquos fugant, peracuta capita, oculosque rubeos, & candidam ad instar diadematis maculam gerentes: unde a Græcis *Βασίλισσαι*, *Reguli* a Latinis vocantur.

CVIII. NICOLAI thronum consecutus, & virtutem imitatus est *Hadrianus II.* Nicolaitanus propterea a Schismaticis nuncupatus. Nam & Romæ proscriptis Photium, & hujus contra Nicolaum scripta addixit igni, & Generale Concilium VIII: paullo supralaudatum coegit, & confirmavit. Ecclesiæ autem gubernacula, quæ susceperat decimo mense anni 867., simul cum corpore dimisit eodem, aut præcedenti mense, anni 872.

CIX. SUBSTITVTUS in Hadriani locum *Joannes VIII.* Is necessitati cedens, rogante Basilio Imperatore, annuit ut Photius Ignatio vitæ functo sedem C. P. reciperet: Quare Photius aliam synodum contra VIII. coegit, eandem VIII. synodum cum particula *Filioque* proscriptis, & cum Joanne firmavit communionem: Post decem annos, nimirum anno 882: XVIII. Cal. Januariæ contigit mors Joannis.

CX. SUFFECTVS Joanni *Marinus Etruscus*, quem aliqui appellaverunt Martinum: qui e vita exiit anno 884. Qua die, & quo mense, ignoratur (1).

CXI. RENVNCIATVS tum Pontifex *Hadrianus II.* Romanus, qui altero Pontificatus anno 885: tendens in Galliam, vix transmissio Pado, in morbum incidit, & extinctus tumulo reconditus est in cœnobio Notantulæ.

CXII. POST Hadrianum ad summum Sacerdotium ascendit *Stephanus V.* Romanus (2): Ratam is habuit S. Nicolai, & Hadriani II. & III. sententiam, qua Photium interdixerant communione: excusavit Marinum, quo sedente ipse Photius fuit restitutus; atque effecit, ut Leo Sapiens Imp. Græcorum illum detruderet in monasterium. Obiit VI. Pontificatus sui anno, Chr. Ær. 891. exeunte Septembri.

CXIII. POST Stephanum V. electus est *Formosus Episcopus*

Etenim præcitato anno 869. postquam lætabundus Roma discesserat, Placentiæ die 8. Augusti morte inopinata decessit.

(1) Marianus Scotus & Siebertus inter Marinum & Hadrianum III. intrudunt Pontificem *Agapitum*. Commentitius est: & error inde ortus creditur, quod antea Hadrianus *Agapitus* vocaretur.

(2) Baronius appellandum censet *Stephanum Sextum*, & corrigendum existimat illius Epitaphium productum a Manlio. Cur in enumerandis Pontificibus, qui vocati fuerunt nomine *Stephani*, varietas occurrat, diximus in Adnot. ad *Stephanum II.* Epitaphium illud est:

Hic tumulus Quinti sacrorum continet artus

Præfulis eximii Pontificis Stephani,

Bis ternis annis populum qui rexio & Urbem.

piscopus Portuensis. Varia de illo circumferuntur judicia, tum propter ea, quæ ei primum contigerant, tum propter ea, quæ posthac evenerunt. Formosum enim e gradu deiecerat, & in Gallias relegaverat Joannes P. VIII. devinctum juramento se nunquam Romam, neque ad Ecclesiam suam reverfurum. At sedi restituerat suæ, & a juramenti vinculo solverat successor Joannis Marinus. Ita potuit summus Pontifex renunciari, licet dicatur primus, qui ab alia Sede translatus sit ad Romanam. Virtutibus, ac sapientia plurimum commendatur. Tumultuariam fuisse electionem Formosi, elevante se contra eum Sergio diacono, tradunt aliqui ex Luithprando: ideoque recensent hoc in loco Schisma 13. consignandum inferius. Cum a Vidone Imperatore res turbarentur Italiæ, Formosus evocavit e Germania Arnulphum regem, a quo capta est Roma, expulsi hostes, & impetratum Augustum diadema. Id contigit anno 896, quo anno Formosus obiit pridie Nonas Aprilis. (1)

CXIV. ELECTUS post Formosum *Bonifacius VI.* qui sedit tantum diebus 15. atque a nonnullis existimatur violenter intrusus, atque ex Pontificum catalogo delendus. (a)

CXV. STEPHANUS VI. Pontifex constitutus potentia Adelberti Marchionis Tusciæ, Formosum e sepulcro extrahi jussit, eumque ac si vivens fuisset, degradavit, exiit Pontificalibus indumentis, digitisque tribus abscissis in Tiberim jactari præcepit. Cunctos, quos Formosus ordinaverat, gradu proprio depositos, iterum ordinavit. Verum
& ipse

(1) De Formoso ita *Flodoardus* apud Mabillon Sec. 3. Benedict. p. 3.

*Præfuit hic egregius Formosus laudibus altis
Evehiatur, castus, parvus sibi, largus egenis,
Bulgarica Genti fidei qui semina sparsit,
Delubra destruxit, populum caelestibus armis
Instruxit, tolerans discrimina plurima: promptus
Exemplum tribuens ut sine adversa ferenda,
Ei bene viventi mutuenda incommoda nulla:*

Invento a plicatoribus Formosi cadavere, atque ad Vaticanam Basilicam deportato, fertur sacras Imagines in loculo Pontificem positum venerabiliter salutasse. Quod utique, si verum est, ejus pietatis, ac religionis, necnon legitimi Pontificatus argumentum est maximum. Errasse puto Calvium, qui Formosum obiisse ait die 14. Decembris. Defunctum in die sancto Paschæ, scribunt Contractus, alique apud Patrum.

(2) Sceleratum hominem, Apostolicæ Sedis invasorem, a sacris Ordinibus degradatum, scribit Ven. Baronius ad annum 897. §. I. Idem Baronius ad an. 904. §. 6. tradit hunc Bonifacium damnatum fuisse a Joanne IX. Intrusus fuisse dicitur factione *Sergii*, de quo paulo supra in *Formoso*. Fuit genere Etruscus, obiitque arthritico morbo.

& ipse Stephanus post annum ac mensem Episcopatus, anno 897. in carcerem coniectus fuit, & strangulatus. (1)

CXVI. ABROGAVIT Stephani contra Formosum acta Romanus, electus eodem anno 897. & post 4. menses extinctus sub initia an. 898.

CXVII. VIGINTI duntaxat diebus sedit postmodum Theodorus II. qui Formosi cadaver in Apostolicam tumbarum reduci iussit.

CXVIII. TUMULTUARIA deinde electione in locum Theodori quidam substituere conati sunt Sergium diaconum; sed canonice renunciatus est, & solemniter consecratus Joannes IX. Tiburtinus, Sergio dejecto. Cassavit & Joannes acta Stephani VI. adversus Formosum, huiusque ratas habuit Ordinationes. Vita functus est ineunte mense Augusti, anno 900., eique successit Benedictus IV.

C A P U T II.

NONI SECULI RECENSENTUR CONCILIA.

QUAE DE Formoso paulo supra narravimus, coactis Synodis mandata fuerunt executioni. Exhumatum ejus cadaver, & projectum in Tiberim a Stephano VI. praehabita an. 897. Romana, & rursus honorifice sepulcro reconditum anno 898. alia Romana Synodo a Joanne IX. congregata. Fuerunt Romae aliorum Sacerdotum in Synodis causae discussae. Etenim anno 853. sub Leone IV. Synodali judicio 63. Episcoporum depositus & damnatus est Anastasius, de quo supra. Depositus item Joannes Ravennatum Episcopus

Tomo I.

P

in

(1) De Stephano VI. ait Flodoardus:

Durus qui nostris, propriis ac durior instat.

Seus quidem legas vivis, truciore sepulchris;

Polconemque minis, Formosum concutit actis.

Fuit Folco, seu Fulco, Archiepiscopus Remensis, cui R. Pontifex Marinus, aut Marinus II. miserat Pallium, Formosus vero amplissima contulerat privilegia, ab eodem Flodoardo descripta. De morte ipsius Stephani haec praeaudatus Flodoardus.

Vixit ab hinc meritis dignam incurrisse ruinam,

Captus & ipse, sacraque abjectus Sede, tenebris

Carceris iniecitur, vinculisque innectitur atris,

Et suffocatum crudo premis ultio laebo.

Stephanum tamen habuisse probabilem causam aliquam sciendi in Formosum vita functum, neque hunc fuisse criminis prorsus expertem, affirmant aliqui cum Joanne Morino p. 2. de Sacris Ordinationibus.

in *Romano* Concilio an. 861. sub Nicolao Magno, eodemque Pontifice an. 864. ejectus e gradu Rodoaldus Portuensis, qui Apostolicæ Sedis Legatus anno præcedente 863. interfuerat Concilio *Metensi*, & pecunia a Lothario corruptus approbaverat ejus a Teutberga divortium, postea ab eodem Nicolao I. una cum antesignanis præfatæ *Metensis* synodi Episcopis condemnatum. Vide capite præcedenti *Adnot.* ad Nicolaum. Synodus item *Romana* an. 881. sub Joanne VIII. communionem privavit Athanasium Episcopum & Principem Neapolitanum ob scædus initum cum Saracenis, junctaque cum eis adversus Italos arma. Alia id genus extra Urbem celebrata fuerunt Concilia. *Altimense* an. 802. in provincia Aquilejensi contra Joannem Ducem Venetorum ob cædem ab eo patratam Joan. Patriarchæ Gradenfis: *Constantinopolitanum* an. 806. pro restituendo sacris ministeriis Josepho, quem sacerdotio interdixerat Patriarcha Tarasius: *Stramiacense* apud Lugdunum an. 836. ad ventilandam causam Agobardi Lugdunensis Episcopi, & Bernardi Viennensis, qui conjurationis in regem Ludovicum fuerant infimulati.

AT QUENAM in causa S. Ignatii C. P. & Photii Sedis ejus invaloris, habita fuere Concilia? Principio S. Ignatio ad Patriarchalem sedem eveſto, in *Synodo C. P.* anno 854. percussus anathemate, & depositus fuit Gregorius Syracusanus, qui electioni ejusdem Ignatii totis lacertis obſtiterat. Anno autem 861. jussu Michaelis Imp. indicta Synodo 318. Episcoporum, in locum Ignatii paulo antea depositi opera Bardæ Cæsaris, quem interdixerat ab Ecclesiæ ingressu, suffectus est Photius, non repugnantibus legatis Apostolicæ Sedis, Zacharia Ananix, & Rodoaldo Episcopo Portuensi. Qui e Constantinopoli reduces an. 863. *Romana* in Synodo præside Nicolao I. ob male gestam legationem damnati fuerunt, lata etiã sententia adversus Photium, & Ignatii definita restitutione. Rursus anno 868. *Romana* in Synodo sub Hadriano II. ter dictum est anathema Photio: & proximo anno 869. celebratum est *Constantinopolitanum* Concilium IV. & *Œcumenicum* VIII. Huic subscribere Episcopi 109. neque enim admissi fuere qui stabant a partibus Photii; in quem pronuntiatum anathema subscriptione Præſulum firmatum fuit calamis in sacro Calice intinctis. Defuncto nihilominus Ignatio, restitutus est Photius; de-
pra-

pravato a Basilio Imp. animo Joannis VIII. & a Photio rursus intruso coactum est anno 879. Concilium aliud C. P. oppositum præcedenti. Istud tanquam Œcumenicum jactant Græci Schismatici, & ei interfuisse ajunt Episcopos 383. Aduere & Legati Joannis, Photio munera Pontificalium ornamentorum deferentes. Rejesta in eo Concilio particula *Filioque*. Leo Allatius, aliique illud refutantur.

AD EXTIRPANDAS hæreses habiti fuerunt alii Episcoporum conventus. Etenim Iconomachi rursus damnati fuerunt an. 814. in Concilio C. P. 270. Episcoporum sub patriarcha Nicephoro: quamquam eodem anno Iconoclastæ, Nicephoro deposito, & substituto Theodoto, pseudosynodo decreverint Imagines esse abrogandas. Verum harum cultus restitutus est sub Methodio, altero *Concilio* anno 842. Repullulans Theopaschitarum hæresis damnata rursus est anno 862. in Concilio *Romano*, sub Nicolao I. Prædestinatianorum hæresis una cum Gothescalcho monacho, & presbytero proscripta est an. 848. in Synodo *Moguntina*, & an. 849. in *Carisiaca*. (1)

Plura demum Concilia pro disciplina Ecclesiastica fuerunt congregata, ut sub Carolo Magno *Aquisgran* anno 802. *Arelate* anno 813. eodemque anno *Remis*, *Turanis*, & *Cabilone*; atque sub Ludovico Pio *Aquisgran* anno 816., *Parisiis* anno 824. *Aquisgran* rursus an. 828., &c.

C A P U T III.

DE HÆRESIBUS EXORTIS SEculo IX.

PAUCIS tertium caput expediam. Etenim de repullantibus hoc Seculo hæresibus Theopaschitarum, & Iconomachorum, necessum non est plura dicere. De errore, & Schismate Græcorum, quod maxime invaluit auctore

P 2

ctore

(1) Hæc tamen hæresis fictitia est. Gothescalchus prædestinationis & gratiæ assertor plures, clarissimosque patronos ac vindices adinvenit, S. Prudentium, S. Remigium, Florum diaconum, Lupum Ferrariensem, Rattramnum monachum Corbejensem, & Synodum Valentinam anni 885. in qua capitula Carisiacæ fuerunt rejecta. Vide Flod. lib. 3. Mabil. An. lib. 30. Fleury H. E. libr. 49. & librum nostrum 6. de Th. discipl. cap. 14. ubi de Gothescalcho plura. Vide infra cap. 4. Adverte duo esse distinguenda concilia Carisiaca, unum anni 849. in quo primum damnatus est Gothescalchus, alterum anni 853. in quo contra illum edita fuerunt quatuor Capitula.

store Photio, & de rejecta ab illis particula *Filioque* pertractatum est supra. Memoravimus quoque Thiotam pseudoprophetissam, quæ audebat asserere diem & horam iudicii extremi minime a se ignorari, Moguntia idcirco affectam verberibus, & in exilium expulsam: sed malo insanam, quam hæreticam appellare. Prædestinatiana autem hæresis eorum est, qui electionis, & reprobationis decreta ita adstruunt, ut necessum sit prædestinatos salvari, & damnari reprobos, sed hanc hæresim tradidisse Gothescalchum, non est, ut vulgo dicitur, exploratum.

C A P U T IV.

DE SCRIPTORIBUS ECCLESIASTICIS NONI SEculi.

PRINCIPIØ eos, qui cum multiplici scientiarum genere fuerint exornati, in sacrarum literarum studio præsertim locarunt operam, arbitror esse laudandos. Inter quos recenserem lubenter *Claudium* Hispanum, discipulum Felicis Urgelitani, promotum anno 821. a Ludovico Pio ad Episcopatum Taurinensem, scripsit enim in vetus ac novum Testamentum Commentaria permulta; nisi contra sacras Imagines, & Cruces debacchatus fuisset, suamque impietatem adversus Theodemirum, pium doctumque Abbatem Gallicanum, Apologetico scripto temere vindicare curasset. *Claudio* itaque omisso, laudandi occurrunt *Haymo Alcuini* discipulus, qui præter Breviarium Historicum, & Tractatum de Corpore & Sanguine Domini, Commentaria edidit in Psalmos, in Isaiam, in Epistolas Pauli, in Apocalypsim, atque in Evangelia Homilias; *Paschasius Radbertus*, qui pariter præter singularem librum de Sacramento Corporis, & Sanguinis D. N. J. C. & duos de Partu Virginis libros, Evangelium Matthæi, Psalmum 44. atque Jeremiæ Threnos libris 21. luculenter exposuit. *Rabanus Maurus*, carmine & soluta oratione clarus par divinarum Scripturarum amplitudinem longe lateque diffusus: *Bertharius* Abbas M. Cassini, ex cuius scriptis superest Opus Qq. in utrumque Testamentum; & *Remigius* Monachus Antissiodorensis, a quo conscripti fuerunt Commentarii in omnes Psalmos Davidicos, in XII. posteriores Prophetas, & in Epistolas Pauli. Quorum *Haymo* obiit anno 853. *Paschasius Radbertus* an. 851. *Rabanus Maurus* an. 856, *Bertharius* a Sa-
race

facenis mactatus ad aram an. 884. & *Remigius* decessit circa annum 900.

PASCHASIUS vero, Haymo, & Rabanus, quoniam de Sacramento Corporis & Sanguinis Domini egregie pertrastarunt, eorum quoque numero, qui Ecclesie illustrarunt dogmata, sunt recensendi. Ad quorum classem accessere *Agobardus* vita functus anno 840. *Theodorus* Palæstinus pro fide Orthodoxa in Bithyniam relegatus anno 883. *Dungalus* monachus S. Dionysii, Parisiensis, cujus mors contigit paulo post annum 830. & *Jonas* Episcopus Aurelianensis, qui obiit an. 843. Horum autem primus hæresim Felicis & Elipandi, Judæorum perviciaciam, & Iconomachorum impietatem scriptis exagitavit: reliqui item pro SS. Imaginum cultu exercuerunt gloriosa certamina, ac duo præsertim postremo loco memorati, qui refutarunt Claudii Taurinensis Apologeticum. Exagitatis hoc Seculo de divina Prædestinatione quæstionibus, de his plura conscripserunt *Lupus* cognomento *Servatus* (1) quem obiisse tradunt paulo post annum 861. *Florus* Diaconus Lugdunensis, qui Ecclesie suæ nomine anno 852. edidit librum de Prædestinatione contra Joannem Scotum, cognomine *Erigenam*. Duo item Monachi Corbejenses, *Christianus Druthmarus*, & *Ratramnus*; nec non *Gothescalcus* monachus Orbacensis, qui non ex charismate hanc subiit provinciam, & audiit tanquam Prædestinarianus. Personabat horum trium fama circa ann. 840. Acute contra Gothescalcum calamos *Amulus* Lugdunensis, (2) & *Hincmarus* Remensis, aliis quoque lucubrationibus præclarissimus. Ambo adversus Gothescalcum scripserunt circa annum 850. Ad partes tamen Gothescalchi accessisse videntur S. *Prudentius* Treçarum in Gallia Episcopus, qui decessit anno 861. & S. *Remigius* Lugdunensium post Amulum Antistes, qui obiit post annum 875. qui acerrime pro veritate divinæ Prædestinationis pugnarunt; Hincmari refutarunt Capitula,

P 3

tula,

(1) Quidam *Lupum Servatum* a Lupo Abbate Ferrariensi distinguunt. At Baluzius, Sirmondus, Mabillon, alique tradunt unum eundemque fuisse.

(2) *Amulus*, seu *Amelon* scripsisse dicitur contra epistolam Gothescalci, sed hæc suppositam censent Mauveinus, alique viri eruditi; tum quia S. Remigius successor Amuli, Florus, & Lugdunensis Ecclesia pro Gothescalcho pugnarunt: tum etiam quia fragmenta, quæ e Scriptis Gothescalchi supersunt, doctrinam continent directe oppositam erroribus refutatis ab Amulone.

tula, atque hæresim Prædestinarianam putarunt esse commentum, hoc nomine infamantium S. P. Augustini doctrinam. *Joannes Erigena*, & ipse Gothescalchi oppuginator, cujus mentionem feci superius, anno 883. a discipulis Malmesburii graphiis confixus miserrime interiit.

HISTORICI hujus Seculi adnumerandi sunt, *Anonymus* auctor Annalium Francorum : *Nicephorus* C. P. auctor Breviarii Historici, & Chronologiæ tripartitæ : *Eginhardus* natione Germanus, qui edidit Vitam Caroli Magni, Breviarium Chronologicum, & Annales Pipini regis, Caroli M. & Ludovici Pii : *Andreas Agnellus* Ravennas, a quo conscriptæ fuerunt Vitæ Archiepiscoporum Ravennatensium : *Sergius* elegantissimus auctor Historiæ *Iconomachorum* : *Eulogius* Hispanus scripsit de Martyribus Cordubensibus : *Ernoldus Nigellus* res gestas Ludovici Imp, elegiaco narravit Carmine : *Theognostus* C. P. descripsit Caussam, & illatas S. Ignatio injurias : *Petrus Siculus* litteris tradidit Historiam Manichæorum : *Ado* Viennensis in Gallia Episcopus Martyrologium, & Breviarium Chronicorum de sex ætatibus mundi : *Anastasius* Abbas, & S. R. E. Bibliothecarius septimi, & octavi Generalis Concilii Acta, Historiam Ecclesiasticam tripartitam, librum Pontificalem, seu de Vitis PP. Romanorum, & Collectanea rerum spectantium ad historiam Monothelitarum collegit atque disposuit : & *Uuardus* monachus S. Germani Martyrologium ex aliis hujus generis libris contexuit (1).

MONACHORUM regulas, ritusque Ecclesiæ plures explicaverunt. *S. Benedictus* Abbas Anianæ Codicem Veterum Regulæ earumque exposuit Concordiam : *Amalarius Fortunatus* Archiepiscopus Trevirensis scripsit de ratione rituum baptismi (2) :

Ama-

(1) Martyrologium *Uuardus* ex Flori, aliorumque scriptis contexit, dicavitque Carolo Imperatori ; & in lucem prodit anno 1568. cum notis & additionibus Joannis Molani. Ex hac vita migravit *Uuardus* anno 806. & *Ado* an. 875.

(2) Obiit *Amalarius* Trevirensis Archiepiscopus anno 814. & *Amalarius* diaconus Metensis anno 837. S. Benedictus anno 821. eodemque anno *Theodulphus* Episcopus Aurelianensis, *Walafridus* anno 849.

Theodulphus, cuius nuper meminimus, dum Gandavi detineretur in carcere, propterea quod Lotharium filium Ludovici Pii adversus patrem excitaverat, in supplicatione, quæ agitur in Dominica Palmarum, modulans canora voce compositum a se carmen illud, *Gloria, laus, & honor, &c.* quod in eadem supplicatione canitur modo in Latinorum Ecclesiis, ita prætereuntis Ludovici, plebique animum ad pietatem inflexit, ut statim imperator ei reddiderit libertatem.

Amalarius alter Metensis de Ecclesiasticis Officiis, & de Ordine Antiphonarii: *Walafridus Strabo* Germanus edidit inter cetera Opus de exordiis & incrementis rerum Ecclesiasticarum.

Hrs addendi qui de vario pertractarunt: argumento, cuiusmodi sunt *Ælfridus* regio ortus genere, qui Saxonum lingua Historiam V. Bedæ, Psalmos Davidis, Gregorii M. Dialogos, aliosque libros descripsit: *Agobardus* Lugdunensis Episcopus, cuius extant philosophicæ lucubrationes de grandine & tonitruis: Juricæ de Jure Sacerdotii, de modo regiminis Ecclesiastici, & de divisione Imperii Francorum: Theologicæ contra dogma Felicis, de Imaginibus, & de Judaicis superstitionibus, nec non Ecclesiasticæ de divina Psalmodia, atque Antiphonis. Nec prætermittendi sunt *Methodius* Homologeta, idest, *Confessor*, Syracusanus, a quo præter sacras aliquas orationes collecti fuerunt canones Pœnitentiales, & decreta de iis, qui post abægationem ad fidem Catholicam revertuntur: *Auxilius* incerti nominis Auctor, a quo pertractatum fuit de Causa Formosi Papæ, de hujus Ordinationibus, & contra intestinas Romanæ Ecclesiæ discordias; atque *Theodorus Abucara* Caricæ in Asia minori Archiepiscopus, a quo proligati fuerunt eruditæ lucubrationibus Acephali, Jacobitæ, Nestoriani, Theopaschitæ, Judæi, & Saraceni; sapienterque idem de Filio *ἑμμουσίῳ*, de Pane mystico, seu de Corpore Christi, de Verbi Dei Incarnatione, de origine boni & mali, necnon de questionibus aliis differuit. Addendus est *Photius*, non semel duobus prioribus capitulis commemoratus: quem licet S. Ignatio, & Romanæ Ecclesiæ adversarium, & originis Spiritus Sancti a Filio impugnatorem acerrimum, negare tamen non possumus doctissimum sapientissimumque fuisse, prout commontant ejus *Μυρίοβιβλον* seu Bibliotheca, *Νομοκανὼν*, scilicet regularum Ecclesiasticarum lex & conciliatio, pluraque *ἀνέκδοτα*, aut Opera superaddita.

CORONIDEM apponent tres Augusti Principes: *Carolus Magnus*, cuius habentur complures Epistolæ, Capitularia collecta an. 827. ab Ansegiso Abbate, & libri *Carolini* nuncupati, de non adorandis Imaginibus latriæ cultu, quos tamen permulti Carolo abjudicant: *Basilius* post Michaellem imperator Græcorum, qui scripsit capita Exhortatoria 66. ad Leonem Filium, & librum de Jure, qui periit; deditque operam, ut augetetur, ac perficeretur

Græcorum *Μυρολόγιον*. Denique *Leo Sapiens* prædicti Basilii, & Eudociæ Filius, cujus habentur orationes elegantissimæ, in lucem editæ a Gretsero, aliisque; delectus Legum, Constitutiones; liber de re militari, & Epistola contra Saracenorum impietatem, atque blasphemias. His accedit Homilia de Spiritu Sancto contra Photium, edita in lucem a Viro Cl. Scipione Massejo, anno 1751.

C A P U T V.

AUGUSTORUM CÆSARUM, SANCTORUMQUE
RECENSIO.

IMPERIUM Occidentale extinctum Seculo V. in Augustulo, erectum est iterum in *Carolo Magno*, anno 800. in die Nativitatis Domini declarato *Augusto*. Obiit autem invictissimus Princeps anno 814. die 28. Januarii, post administratum Francorum regnum annis 45. & Romanum Imp. annis 13. In Beatorum numero idem Carolus colitur ab Ecclesia (1).

DECORANTUR vero hæc seculi initia Sanctorum Natalitiis. Obierunt enim an. 804. die 11. Januarii *Paulinus Aquilejensis*: an. 806. die 25. Febr. *Tarasius C. P.* anno 809. die 26. Martii *Ludgerus* Monasteriensis, apostolus Saxoniarum: an. 813. die 4. Aprilis *Platonius* monachus: atque per id temporis a Saracenis Christianorum plurimi in Syria necati sunt, plurimi etiam in Cyprum fugerunt.

SUCCESSIT *Carolo M. Ludovicus Pins*, ei natus ex *Ildegarde*: cui tres filii *Pipinus*, *Lotharius*, & *Ludovicus* suscepti ex uxore *Hemingarde*, quos reges creaverat, anno 833. conjuratione facta insidias moliti sunt, eumque in coenobium detruserunt, quoniam ducta secunda conjuge *Juditha*, ex hac procreaverat *Carolus*, quem ut heredem constitueret, necessum erat aliorum imminuere ditionem. Verum dissentientibus tribus illis fratribus, in imperium restituitur, & regnavit usque ad annum 840. quo

(1) Inter Sanctos quidem relatus fuit a Paschali III. at is legitimus non fuit Pontifex. Vide Hist. Seculi XII. cap. 1. & 6. *Carolus M.* qui anno 774. in Italiam contra *Desiderium* venerat, & *Hadrianum* Pontificem strenue juverat, rediens anno proximo in Gallias confirmavit donationem parentis sui sanctam Romanæ Ecclesiæ. Addidit eucatum Spoletinum: & insuper anno 781. integrum territorium Sabinenſe. Rurſus anno 787. Capuam, & subiecta oppida. Vide præcedentis Seculi Appendix.

840. quo decessit XII. Cal. Junias, exacto imperii sui anno 26. (1)

FASTIS Sanctorum præ ceteris habentur inscripti, 12. die Martii *Theophanes* monachus, vita functus anno 818. 3. Aprilis *Nicetas* Abbas mortuus an. 842. 12. Novemb. *Theodorus Studita* m. an. 826. 11. Martii *Euthymius* Episcopus Sardicensis m. anno 828. 13. ejusd. mensis *Nicephorus* C. P. ipso met anno defunctus; aliique permulti, exilia, arumnasque passi pro sacrarum Imaginum cultu. Trajecti etiam *Fridericus* Episcopus Martyr occubuit an. 838. die 18. Jul. quod regem redarguisset ob introductam pellicem consanguineam.

LUDOVICO Pio successit in Imperio *Lotharius* filiorum ejus natu maximus (2). A Paschali I. anno 823. vivente patre acceperat Augusti nomen, & Langobardici regni coronam. In divisione paternæ ditionis obtigit ei Austrasiæ regnum, dictum posthac Lotharingia. At fratrum invadens principatum cum his infeliciter gessit bellum; cumque imperasset annis 15. attonsus in monachum in Abbatia ad Prumiam sita, anno 855. nuncium seculo, imperioque remisit. Renunciatus tum Imperator *Ludovicus II.* filius Lotharii, & *Hermingardis*, litterarum cultor, æquitatis studiosus, & eleemosynarum largitor munificentissimus: qui pulsus ex Italia Saracenis, atque Normannis e Gallia, obiit Mediolani anno 875. imperii autem 20.

CA-

(1) *Juditha* Ludovici secunda uxor, & mater Caroli Calvi, filia fuit Guelphi Altorfensis in Servia Comitis, elegantissimæ formæ mulier, & impense a viro adamata. Nihil itaque mirum, si conjugis hujus consilio Ludovicus imperium inter Lotharium, & prædictum Carolum divideret, aliorumque filiorum imminuta ditione, dissidiis, quæ magnam reipublicæ attulerunt perniciem, occasionem præbuerit, nimium indulgens sagacissimæ femine amori.

(2) *Lotharius* Germanorum lingua *Ludherv*, *Ludherus*, quo vocabulo significatur *Populi Dominus*. Lotharius declaratus fuit a patre rex Italiæ, & Imperii collega anno 817. Post plura cum fratribus certamina, cum iis tandem convenit, ut ipse cum titulo imperatoris Austrasiam, Burgundiam, & Italiam teneret: Carolo cederent quæ a mari Britannico usque ad Mosam extenduntur: Ludovico quidquid continetur in Germania ultra Rhenum: Pipino Aquitania. Monasterium, quod an. 855. ingressus est, apud Treviros situm dicitur; at inde duodecim distat leucis. A fluvio, quem incolæ *Prum* vocant, appellatur Prumiense, & oppidum Prumia. Spectat celeberrimum illud monasterium ad Monachos S. Benedicti. Obiit Lotharius anno 855. III. Calendas Octobris, sepelitus ex *Hermingarde* filia Hugonis Comitis, quam uxorem duxerat an. 821. tres filios, Ludovicum, qui ei successit in Imperio, Lotharium regem Lotharingiæ, & Carolum paullo post mortem patris sublatum e vivis.

CAPTA a Saracenis an. 845. Phrygiæ civitate Amorio, Martyrii palmam perceperunt quamplurimi, inter quos 42. laudant Martyrologia pridie nonas Martias: obiitque circa hæc tempora die Novembris 4. *Joannicius* montis Olympi in Bithynia celebris anachoreta. Apud Italos mactarunt plurimos Saraceni ex Hispania, & Africa acciti a Siconulpho, & a Duce Beneventano Radelgiso anno 843. qui ulterius diripuerunt Montis Cassini monasterium, sublati inde immensis regum Francorum donariis, 130. libris auri purissimi, argenti nongentis, gemmarum, & auri signati copia quammaxima. Septies autem locupletissimas depopulati sunt ædēs. Eorundem Saraccenorum anno 852. efferbuit Cordubæ persecutio: in qua *Eulogius* presbyter, *Aurelius* & *Felix*, *Flora* & *Maria* virgines, *Joannes*, *Isaac*, & *Georgius* monachi, alique plurimi martyres occubuerunt. Quorum colitur in Fastis Sanctorum memoria die 11. Martii, 24. Novemb. 20. Augusti, & 16. Septembris (1). Viennensis in Galliis Ecclesia die 23. Januarii festum agit *Bernardi* Archiepiscopi: *Athanasæ* viduæ Græci, & Latini die 14. Augusti; & ne catalogum contexam prolixiorem, *Theodore* Imperatricis 11. Febr. Menologia Græcorum.

Modo ut ad seriem Augustorum revertar; Ludovico II. absque masculina prole defuncto successit anno 875. *Carolus II.* filius Ludovici Pii ex Juditha, *Calvus* a calvitie capitis cognominatus. Huic autem, nondum expleto biennio, sublato e vivis veneno sibi propinato a medico quodam Judæo, suffectus est in regno Francorum, at non in Imperio, Ludovicus III. appellatus *Balbus* ei natus ex Hermintrude. Imperator enim renunciatus est *Carolus III.* a corporis habitudine *Crassus* denominatus, nepos prædicti Caroli Calvi & Lotharii. Atque is a Joanne VIII. coronatus anno 881., Richarda filia Scotiæ regis inique repudiata, tanquam regni impositus depositus est anno imperii sui 7. Chr. Ær. 887. Quarto post Caroli Crassi abdicationem anno, idest 891. *Wido* dux Spoleti, contranitentibus Arnulpho, filio ex Carentina pellice Carolomanni filii Ludovici regis Germaniæ, & Berengario

Foro-

(1) Inter MM. Cordubenses recensentur item *Aurea V.* 19. Julii. *Argimirus* Monachus 18. Jun. *Columba* 27. Sept. *Sisenandus* 16. Jul. *Paulus*, & *Theod. mirus* 20. ejusdem mensis. Memoria etiam agitur *Emile*, & *Hieremie* 15. Sept. *Rogelli*, & *Servidei* proximo die 16. 160. vigildi, & *Christophori* 20. Augusti, &c.

Forojulienſi, obtinuit imperium, quod abrupta repente vena anno 894. cum vita dimiſit. Poſt quem habenas ſuſcepit Widonis filius *Lambertus*, ab Arnulpho ſuperius laudato deſectus e ſolio anno 896. etſi vixerit uſque ad an. 898. quo anno inter venandum ab Ugone filio Manfredi Comitſ Mediolanenſis occiſus eſt, iparſo rumore, ex equo lapſum caput ſilicibus eliſiſſe. Verum neque Arnulpho, cui Formoſus Papa an. 896. impoſuerat diadema, diuturnum fuit imperium: deceſſit enim anno 899. corpore vermibus & pediculis putrefacto: unde extat de illo Epigramma.

Normannos vicit, ſed non animalia tetra,

A quibus, ut quondam Sylla, perſuſ obit. (1).

Reliquit Arnulphus ex Deyta ſecunda uxore *Ludovicum*, patri a Principibus Germaniæ ſuſſectum, ſed revera numquam coronam accepit Imperii: unde non videtur inter Imperatores computandus. Arnulphi itaque ſucceſſor fuit *Ludovicus III.* filius Boſonis regis Arelatenſium, coronatus a Benediſto IV. anno 900. Hunc *Berengarius* dux Forojulienſis anno 902. Veronæ cepit, & excæcavit, occupavitque totum Langobardicum regnum. Ipſe tamen Berengarius non eſt appellatus *Imperator* ante annum 916. ut proximo ſeculo dicendum eſt.

PERPAUCA modo de ſanctis viris ſubjiciam. Commemoravi enim ſuperiori capite *Benediſtum* Anianæ Abbatem, & *Bertharium* Caſſinenſem: quorum primus ad perennem vitam migravit an. 821. alter martyrio a Saracenis affectus an. 844. Ad hæc Martyrologiis inſerta ſunt nomina die 4. Februarii *Remberti* Bremenſis Epſcopi: 10. Sept. *Theodardi* Epſcopi, & Martyris Leodienſis: 12. Febr. *Antonii* C. P. 23. Octobris *Ignatii* Epſcopi, pariter C. P. Horum primus anno 838. alter anno 889. tertius anno 894. quartus anno 895. e corporis evolarunt ergaſtulo.

QUONIAM vero præmiſſa Auguſtorum ſeries attinet ad Imperatores Occidentis, ſubjiciendus eorum, qui in Oriente imperarunt, indiculus. Ireni itaque anno 802. relegatæ in inſulam Leſbum ſucceſſit *Nicephorus*, *Νικηφορος* id eſt, qui expenſarum aliarumque rerum tenebat rationem: Nicephoro interfecto a Crummo rege Bulgarorum

(1) De *Cornelio Sylla* ſcribit Sex. Aurelius Viſtor de Viris Illuſtr. num. 75. *Republiſ ordinata, Diſtaturam depoſuit: unde ſperni capus Puſculos conceſſit: & morbo, qui Phthiriſis vocatur, interit.* Eſt autem *Phthiriſis* morbus pedicularis, a *Phthir* pediculus, nomen trahens.

rum anno 811. *Michael Curopalates*: huic sponte imperium abdicanti, ut monasticam ageret vitam, anno 813. *Leo V. Armenus Iconomachus*: Léoni vulneribus in sacræ æde confosso, an. 820. (contigit hæc cædes in Natalitiis Domini, hora undecima pomeridiana) *Michael II. cognomine Balbus*, sacrarum Imaginum, omniumque Catholicorum immanissimus insectator: Michaeli extincto an. 829. *Theophilus*, & ipse Iconomachus: Theophilo extincto an. 842. *Michael III. Porphyrogenetus* una cum matre sua *Theodora*, religiosissima atque piissima. Trucidato autem Michael ebrio ac temulento, imperium consecutus est anno 867. *Basilus Macedo*, cultor Imaginum, & Orthodoxus, cui e vivis erepto anno 886. suffectus est *Leo VI. Sapiens*, & Philosophus nuncupatus; qui vixit, & administravit imperium usque ad annum 911.

C A P U T VI.

NONI SEculi DOGMATA, ET DISCIPLINA.

TAM perspicue substantiæ panis, & vini conversionem in corpus, & sanguinem Domini, quam *Transubstantiationem* appellamus, tradiderunt seculi hujus Scriptores, ut Paschasius Radbertus & alii, qui de hoc argumento pertractarunt, perperam dicantur a Novatoribus a majorum fide & dogmate descivisse. Custoditum tam caute Trinitatis dogma, ut Hincmarus in hymno Martyrum, non ea verba, *Te trina Deitas*, sed ista, *Te summa Deitas*, ut modo legitur, enuntiandum esse contendit, ne quis in una deitate plures gradus suspicaretur: quamvis ea phrasis recte usurpetur in hymno Corporis Christi edito a S. Thoma, ad personarum numerum, non ad naturam divinitatis, voce illa *Trina* relata. Extiterint autem, vel non, Prædestinatiani Seculo IX., proculdubio Fideles omnes execrati sunt istiusmodi enunciationes. *Deus est auctor peccati, prædestinat impios ad malum, creat permultos ut pereant, & reprobi necessitate damnantur inevitabili.* Quidquid moliti fuerint Iconomachi, exhibitus est, & scriptis, martyrumque sanguine confirmatus sacrarum cultus Imaginum; divinumque Paracletum esse Patris, Fillique Spiritum, & ab utroque procedere, adversus Græcos refractarios, cuncti professi sunt orthodoxi.

AD DISCIPLINAM vero quod attinet; in Formoso, Ignatio, Photio exempla habemus degradationis. Residentiæ Parochorum debitum ostendit Leo IV. in depositione Anastasii presbyteri Cardinalis. In iteratis a Stephano VI. ordinationibus Formosi, error quidem facti, at non Apostolicæ Sedis intervenit aliqua Constitutio. Chorepiscopi, quoniam sese Episcopis temere æquiparabant, Synodorum definitionibus fuere sublati, atque posita saluberrimis constitutis clericorum, laicorumque licentiæ repagula. Tanta cura immunitas servata fuit bonorum Ecclesiarum, ut ea de causa Fulco Remensium Antistes reprehenderit principes, ac mortem anno 900. subierit. Gratanter Occidentis Imperatores, Carolus Magnus, & posteri a Romanis Pontificibus acceperunt coronam: Aquisgranum argenteam tamquam reges Germaniæ, Modetiam, vel Mediolani ferream tanquam reges Langobardorum, & Romæ auream e Pontificis manu, ut imperatores recipere consueverunt. (1)

In

(1) Referunt Historici ad annum 816. inventionem corporis S. Jacobi Apostoli Compostellæ in Hispania, ibidem Alphonso Casto regnante. Corpus S. Marci Evangelistæ, furto sublatum e templo Alexandriæ, Venetias a quibusdam mercatoribus delatum tradunt anno 820. postremo anno Leonis V. Iconomachi : & Corpus S. Bartholomæi Apostoli ex insula Lipari translatum est Beneventum, anno 840. juxta Chronicum Sigeberti.

Prædicatum Evangelium in Dania ab Ebbone Remensi Episcopo, illuc misso a S. Paschali I. Romano Pontifice anno 823. & sacro regenerationis lavacro tinctus est anno 826. rex Danorum *Haraldus*. Christianæ item religioni nomen dedit anno 878. alter Daniæ rex, *Gistro* nomine. Svevos, Cimbroque ad Christum convertit S. *Anascharius* Monachus Corbejenfis, primus Episcopus Hamburgenfis, deinde Bremensis Archiepiscopus consecratus anno 833. sedente Gregorio IV. Daniam antea, comite Ebbone, de quo supra, petierat. *Cyrillus*, ac *Methodius* monachi, hortante Theodora Augusta matre Michaelis III. circa annum 850. ad revocandos ab idololatria Myfos, Bulgars, aliasque gentes sese applicuerunt.

Leo III. quem ex hac vita discessisse diximus anno 816. pretiosissimum Christi Sanguinem, Mantuæ, ut fama erat, una cum Corpore S. Longini Martyris, qui lancea latus Domini pendens e cruce transfixit, repertum, rogante Carolo Magno, recognovit, & rei veritatem dicitur comprobasse. Historici id referunt ad annum 804. Bollandus ad diem 15. Martii, Honoratus a S. Maria in Animadversionibus Criticis, & Card. Lambertinus, seu Bened. XIV. libro 4. de Canoniz. SS. de hoc Leonis III. judicio pertractant. Proferunt & Baptista Mantuani versus ex libro I. de *Sacris diebus*, seu III. Fastorum, ubi de Sancto Longino ait:

*Secula post aliquot sua sunt translata per undas
Corpora in Italiam, Christi cum Sanguine Sacre
Ad crucis excelsæ quondam vestigia læto,
q̃ Aus in vase brevi secum post fata sepulta,*

In usu fuit aquæ fervidæ, & ferri candentis experimentum; quo innocentiam comprobavit suam Richarda filia regis Scotorum, & uxor Caroli Crassi a viro propter adulterii suspicionem repudiata, atque ulterius, marito ad concubitum inepto, se virginem patefecit coram Vercellensi Antistite Luiduardo. Mirifice propagatum est, & ubique floruit Monasticum S. Benedicti Institutum.

A P P E N D I X.

EXTERNE RES ATTINGUNTUR.

FRANCORUM reges iidem fuere, ac Imperatores cap. 5. descripti, usque ad *Carolus III.* cognomine *Crassum*: cui anno 889. suffectus est *Odo* filius Roberti Andium ducis, a genere Caroli Magni alienus. At anno 898. rediit Regnum ad *Carolus IV.* filium Ludovici Balbi, cognomento *Simplicem*; qui e throno ejectus fuit anno 923. egitque animam anno 929.

IN HISPANIS vero post Alphonsum Castum anno 829. consequutus est regnum *Ramirus I.* anno 850.

Ordo-

*Ultima divino sedes tibi Mantua nutu
Hospitiumque fuit, mediis ubi mania in undis
Dicitur antiquus quondam posuisse Bianor.*

Idem in Aprili, De Sanctis Leonibus:

*Tertius in regna Primi pervenis ad annos,
Atque diu Romanorum fœdissima possus
Iurgia, damna, minas, iter est ingressus ad alpes,
Ut sibi Gallorum regem sociaret; & illo
Auspice terrorem Romanæ evaderes ira.
Dum meat, audito Sancti rumore Cruoris
Nuper adinventi, gressum convertis ad urbem,
Nomina cui fecit virgo Cademeja Manto:
Et quæ purpureus sanguis faciebat in horas
Mira opera intuitus, credi debere putavis
Effusum nostra pro libertate Cruorem.*

Sinimus pias & inveteratas populorum traditiones in suo robore permanere, penitus omittis difficultatibus, quæ circa hanc Mantuanæ Urbis, & consimilem Sarzanensis, pretiosi Sanguinis Reliquias, possent moveri. Non opus est, ut in hujus generis immoremur controversiis. Longinum Cæsarem in Cappadocia passum tradunt Martyrologia, & Scriptores laudati a Ven. Baronio in notis ad Romanum Idibus Martii. Viget apud nos traditio vetusta, Corpus S. Longini servari apud nostrates, & asservari sub ara maxima in templo S. P. Augustini de Urbe. Porro Ecclesiasticorum Annalium Parens in præcitatis Notis inquit: *Sancti Longini venerandum corpus Roma asservari precepti in Ecclesia Sancti Augustini.*

Ordonius; & anno 866. *Alphonfus III.* cognomine *Magnus*. (1)

SARACENORUM vero Caliphæ dominatores Orientis fuerunt, *Aaron-Rachid*, a quo anno 801. legati, elephas, & donaria complura ad Carolum Magnum missa fuerunt. Huic extincto Hegyræ anno 193. Christianæ Æræ 809., successit *Mahomet-Alamin*: quem ad rempublicam regendam ineptum anno 813. Hegyræ 198. dejecit frater *Abdalla Almamon*. (2) Obiit *Almamon* anno 833. Hegyræ 218. eique successit *Mahomet-Almoutafem*; quo anno 838. Amorio urbe Phrygiæ expugnata, incolæ omnes in ore gladii interfecti fuerunt. Fatis cessit *Almoutafem* anno 842. & Hegyræ 227. successit illi filio *Aaron-Alovatec-Aboujafar*. Immodica venere extincto *Alovatec* anno 846. Hegyræ 231. renunciatus est Calipha *Jafar Aboulfader*, cognominatus *Moutevaquel*. Huic interfecto anno Hegyræ 247. Chr. 861. successit parricida *Mahomet Mastanser*, anno proximo extinctus. Arripuit tum imperium *Ahmed* minimus filius Caliphæ *Almoutafem*, interfectus anno 865. Hegyræ 251. Regnavit postmodum *Mahomet Molutaz* filius Caliphæ *Moutavaquel*, qui obiit anno 869. Hegyræ 255. Successit huic *Moutamid* anno 870. Hegyræ 256. voluptatibus deditus, cujus mors contigit anno Hegyræ 279. Æræ communis 892. Defuncto *Moutamid* regnum occupavit nepos ejus *Ahmed*, ob libidinis excessum extinctus Æræ vulgaris 902. & Hegyræ 289.

DESCRIPTA modo Calipharum Saracenorum serie; memoria repetendum est, illos anno 846. depopulatos Siciliam, horreum Romani populi, insulasque finitimas, Romam usque profectos Vaticanam diripuisse Basilicam, multisque abductis civibus, multis casis, per viam Appiam contendisse Fundos, atque ea incensa urbe, confedissee juxta Minturnas in paludibus Marii. Ad Romanæ vero

(1) Regnavit apud Anglos, sublata anno 818. *Heptarchia Egbertus* usque ad annum 837. *Esevalphus* usque ad an. 857. *Eseboldus* ad an. 860. *Edelbertus* 865. *Edelredus* 871. *Alfridus* usque ad annum 899. Deinde *Eduardus I.* usque ad annum 925.

(2) Calipha *Almamon*, Mathematicus nomine *Benhonain* Geographiam Ptolomæi vertit ex Græca in Arabicam linguam; eodemque Calipha jubente facta est geometrica totius terræ extensionem assequendi regula per lineam & gradus Meridionales; quod post annos supra non-gentos, regnante Ludovico XIV. perfecere iterum doctissimi Galliarum Astronomi.

vero civitatis præsidium anno 848. Leo IV. addidit, cinxitque mœnibus partem illam, quæ dicitur *civitas Leonina*, ne ulterius excursionibus hostium pateret *Ædes Apostolorum*. Tentarunt tamen Saraceni nova instructa classe ad Romanum litus appellere; sed maris tempestate, & Neapolitanorum jactati pugna, anno 849. miserrime perierunt. Anno insuper 856. Benevento egressi devastarunt Neapolim: quo anno Romæ Tiberis supra modum exundatio plura attulit incommoda, superveniente maxime pestilentia. Excidium urbi Salernitanæ, & deinde universæ Calabriæ, anno 871. iidem Saraceni attulere. In Africa item anno 893. urbes, templa hominesque igne ferroque vexarunt.

VERUNTAMEN non omnia Saracenorum feritati prospere contigerunt: siquidem an. 848. a Lothario Imperatore Benevento expelluntur, Illos item anno 866. bello laceffivit, & Bario arcta obsidione conclusit Ludovicus II. Salerno rursus illos Ludovicus ejecit anno 874. ibique ipsorum Saracenorum, qui ex Africa advenerant, princeps Abdala, dum niteretur in templo SS. Martyrum Fortunati & Caji comprimere virginem, lapsa e tecto trabe peremptus est, illæsa omnino puella. Extra Italiam pariter Saraceni non semel fuerunt attriti. In Hispania quippe rex Ramirus anno secundo regni sui septuaginta Saracenorum millia trucidavit: atque anno 880. ab imperatore Basilio expugnata, & deleta est illorum classis, qua Orientis oras plurimum infestabant.

IN GALLIAS anno 845. irruerunt *Normanni* e Norvegia, & Svecia profecti, duce illorum rege *Horich*. Germania item ab Hunnis anno 889. miserrime fuit devastata.

ALIA, quæ Chronicorum Editores adnotarunt, perfunctorie recenseo, idest, terræmotum, quo Romæ primo hujus Seculi anno corruit S. Pauli Basilica: vastatam anno 807. Rhodum ab Aaron-Rachid: infelicem Pipini contra Venetos expeditionem anni 810. haud feliciorum Bernardi filii Pipini adversus Ludovicum Pium, a quo devictus anno 817. erutis oculis miserabiliter obiit: Forum Julium anno 828. direptum a Bulgaris: Basiliscum Romæ anno 847. pestifero halitu homines interimentem, ut dixi cap. 1. in not. ad S. Leonem IV. alteram, & exitiosissimam Tiberis exundationem anni 856. ab Anastasio commemoratam: occupatas anno 878. a Saracenis, & sæpe deletas Siracusas: ab iisdem incensum anno 884.

monasterium Cassinense, atque interfectum Abbatem Bertharium, prælaudatum capite 5. obitum Joannis Scoti viri doctissimi, quem in Anglia anno 883. discipuli graphiis necarunt; prout innuimus capite 4. nuper citato. Quamquam vero Græcis consilium Imperatricis Irenis transeundi ad nuptias Caroli Magni, de qua re diximus præcedenti Seculo pagina 211. magnopere displiceret; nihilotamenminus *Nicephorus*, qui relegata Irene in Lesbum insulam maris Ægæi, urbemque Mitylenem, Græcorum consecutus est Imperium, passus est duos appellari Imperatores, Orientis unum, & alterum Occidentis; eodemque anno 802. quo ipse ad Imperii *Orientalis* fastigium eventus fuit, Carolum Magnum agnovit tanquam *Occidentalis* Imperii Augustum, atque supremum Dominatorem. Ita duo coaluerunt Imperia, utriusque finibus constitutis. Amplissima autem Venetorum Respublica duos per id temporis creavit Duces: quorum unus cum uno, alter cum altero Imperatore de rebus politicis pertrattaret.

Castigati, cultrique fuerunt hoc vertente Seculo mores. Instructi exercitus clypeis, arcubus, telis, cassidibus, thoracibus, aliisque armorum, quæ in desuetudinem abierant, generibus. Magistri, seu Tribuni Equitum munus, in Galliis præsertim, cohonestatum est titulo dignitatis, proceribusque collatum. *Salica* lex, eorum Francorum propria, quæ a *Sala* flumine *Salii* a Strabone, aliisque Geographis denominantur, decernebat autem filiorum ac posterorum hereditatem, cum ante inviolata perseverasset, coepit imperante Carolo Magno immutari. Constat hæc immutatio ex ablato Saxonibus ab eodem Carolo jure successio- nis, quod anno 814. restituit eis Ludovicus Pius; atque ex hujus inter filios divisione facta anno 817. 833. & rursus anno 836. quæ in seipsum, ut narravimus, provocavit eorumdem Filiorum arma. *Christianissimi* Regis titulus collatus fuit *Carolo Calvo* anno 859. in Synodo Saponariæ, vulgo *Savonieres*: quo titulo a Stephano II. cohonestatus fuerat rex Pipinus anno 755. Proprius autem titulus idem evasit Regum omnium Galliarum ab anno 1469. & a regno Ludovici XI. Secernebatur hoc nono Seculo conditio hominum indumentorum diversitate; vetitumque vilioribus in vestibus incedere pretiosis. Ipse Carolus Magnus, ut litteris prodidit Eginarthus, tunica lanea, & hiemali tempore pellibus lutræ, animantis amphibii, induebatur. Obtinuit in judiciis *crucis* experimentum,

præter commemorata capite sexto ferventis aquæ, ferrique candentis; & pro illo sententia proferebatur, qui diutius tenuisset manus extensas, atque in crucifixi modum conformatas.

PRÆTER enumeratos cap. 4. perpauci extant scriptores hic recensendi. *Sabbatius*, jubente Leone VI. *Σίφας*, collectionem legum, quæ fuerat inchoata imperante Basilio Leonis patre, perfecit, atque sex voluminibus, quæ inscribuntur, *Basilicum*, sive *Basilica Jura*, complexus est. Regio ortus genere, & stylo, moribusque candidus fuit *Nithardus*, qui scripsit de dissidio filiorum Ludovici Pii. Libri Ptolomæi Astronomici, quorum titulus *Almagestum*, in Arabicam Linguam translati fuerunt anno 827. in urbe Babylone, jubente Saracenorum rege *Almamun*, sive, ut Scaliger, & alii quidam vocant, *Maimon*. Cum autem iidem libri anno 1230. jussu Friderici II. Romanorum Imperatoris ex Arabica in Latinam linguam conversi fuerint, sequitur Ptolemaicam Astronomiam Græce primum conscriptam, apud Latinos obtinuisse, antequam lingua Græcorum in Europa eadem Astronomia nota foret. Obscuri admodum, & fortassis commentitii, Scriptores duo Genealogiæ regum Frisæ, *Solco*, & *Sivardus*. *Michael Psellus* summus philosophus, & præceptor Leonis Byzantini, itidem Philosophi, distinguendus ab altero cognomine, de quo in Seculo XI. Præclaros Poetas, quales extiterunt inter Latinos imperante Augusto, floruisse inter Arabes sub Calipha *Aaron-Rachid*, cujus supra meminimus, tradunt complures. *Photius*, quem commemoravimus supra capite quarto, scripsit quoque in Aristotelis *Categorias*. Anonymus, qui Belga creditur, labente nono Seculo litteris tradidit res gestas Normannorum. Carmen inscriptum de *Sobrietate* nuncupavit Carolo Calvo *Gallus Milo*: sed is inter Scriptores Ecclesiasticos, si omnes & singuli forent numerandi, locum haberet, cum Vitam S. *Amandi* exaraverit. Adde *Huggobaldi* Poema de laude *Calvorum*, cujus lepidum illud initium:

Carmina clarifone Calvis cantate Camæne.

DECIMUM ECCLESIAE

S E C U L U M:

C A P U T . I.

SUMMI ROMANÆ ECCLESIAE PASTORES.

VITA functo Benedicto IV. inter Romanos PP. CXIX. quem diximus administrasse post Joannem IX. Ecclesiam, anno 903. Octobris labente mense,

CXX. Necnon Leone V. Ardeatino, sive ex Rutulorum in Latio colonia, statim post Benedicti obitum subrogato, de quo Flodoardus,

Emigrat ante, suum quam luna bis impleat orbem,

CXXI. Atque etiam Christophoro, qui eodem anno 903. exeunte Novembri, excessam occupaverat sedem, hanc coactò deferere, & primo in cœnobium, deinde in carcerem detruso, ac miserrima morte sublato, ut in Historia Cassinenſi tradit Leo Marſicanus: his, inquam, extinctis, Ecclesiæ regimen susceperunt Seculo X. Sergius III. Anastasius III. Landus, Joannes X. Leo VI. Stephanus VII. Joannes XI. Leo VII. Stephanus VIII. Marinus II. Agapetus II. Joannes XII. Benedictus V. Leo VIII. Joannes XIII. Benedictus VI. Donus II. Benedictus VII. Joannes XIV. Joannes XV. Gregorius V. & Silvester II.

CXXII. SERGIUS itaque, etsi post Theodorum per vim & illegitime fuerat intrusus, Christophoro tamen canonice susceptus est, tenuitque Episcopatum ultra annos septem, fatis cedens anno 911. desinente Sextili: in eo magnopere vituperandus, quod cum Marozia stupri habuerit consuetudinem, & Formosi cadaver iterum e sepulchro erui mandaverit; laudandus tamen, quod Lateranensem Basilicam instauraverit, atque decoraverit aureis, argenteisque ornamentis.

CXXIII. DIGNUS erat, ut diutius sederet successor Sergii Anastasius, vir probus atque integerrimus, sed

hunc post biennium mors rapuit an. 913. mense Octobri ex Chronico Victoriano.

CXXIV. PUDERET, nisi veritas cogeret, enarrare, non tantum Sergium III., verum etiam Landum Sabinum, Pontificum obtinuisse culmen, opera Theodoræ matris Marozie; & nutu impurissimi scorti dejectos, intrusosque Pontifices: at Landum quamcitius, nempe anno 914. mense Aprilis, e vivis inevitabile fatum subripuit.

CXXV. EJUSDEM Theodoræ potentia ad summum Pontificatum evexit Joannem X. Romanum, cujus illa deperibat amore, atque a Lando prius Bononiæ, deinde Ravennæ Antistitem creari curaverat. At Joannes anno Pontificatus 15. inchoato, idest, anno 928. opera Marozie, ejusque viri Vidonis marchionis Thuscie, mancipatus est custodiæ, & posito super os illius cervicali pessime suffocatus.

CXXVI. LEONIS VI.,

CXXVII. ET STEPHANI VII. nomina tantum scimus, inquit ex Leone Marficano Papirius. Illum tamen filium cujusdam Christophori Primicerii, & post mensem septimum ineunte Februario an. 929. obiisse tradunt, qui post Panvinium, & Venerabilem Baronium scripsere. Stephanum vero decessisse conjectant mense Martio anno 931. quoniam Scriptor coævus Flodoardus de illo inquit:

Binos præfulget in annos,

Aucto mense super bisseño ac sole jugato.

CXXVIII. ACCESSIT ad Romanæ Ecclesiæ dedecus inauguratio in Pontificem Maximum Joannis XI. Hunc enim Sergius III. ex Marozia nefario genuerat concubitu. Cuncta gessit ad nutum incestuosæ parentis, & vitrici Hugonis regis Italiæ, cum quo Marozia mortuo Vidone inierat scelerata connubia. Vido enim, & Hugo uterini erant fratres. Ab anno autem 931. usque ad initia anni 936. sexto fluente anno regiminis Joannes præfuit Ecclesiæ.

CXXIX. DEINDE Episcopatum tenuit usque ad annum nonagesimum tricesimum nonum Leo VII. Romanus, appellatus a prælaudato Flodoardo,

Deditus assiduus precibus, speculamine celsus;

Afflatu latus, sapiens, atque ore serenus.

CXXX. PARI trium annorum, ac mensium aliquot spatio federunt Stephanus VIII.,

CXXXI. ET Marinus II. Quorum ille Germanus genere suffectus Leoni, opera Othonis regis Germaniæ, decessit mense Julio an. 942. vulneribus faciei ejus inflictis ab

Al-

Alberico filio Vidonis, & Marozia, adeo deformis, ut erubesceret palam prodire, & in aliorum versari conspectu. Marinus vero Romæ natus, & scientia canonum, rerumque gerendarum peritia, pro seculi hujus calamitate, satis excultus, Junio mense, anno 946. mortem oppetiit.

CXXXII. EODEM, quo Marinus decessit mense, substitutus est *Agapetus II.* Romanus, undecimo Pontificatus anno e vivis exemptus, sextilis scilicet die, ut inquitunt, 20. anno 957. *Frodo* rex ab Agapeto Apostolicos viros petiit, qui Daniam divinis legibus erudirent, sed legatorum regis Pontificem fatis suis præcessisse adventum scribit libro 9. Historiæ Danicæ Grammaticus Saxo.

CXXXIII. Post Agapetum, malorum consilio, & conspiratione summum Sacerdotium usurpavit Octavianus filius Alberici, dictus immutato nomine *Joannes XII.* (1) Ad omnem lasciviam, ac malum dicitur fuisse propensus. Cum Othone Germaniæ rege coluit amicitiam; at ab isto postmodum alienatus, ad partes Adelberti deflexit. Quare gravissimis accusatus criminibus Pontificatu exutus est. substituto *Leone VIII.* quem alii inter legitimos Pontifices numerant: unde Leo creatus anno 1049. dicitur hujus nominis IX. Sed revera Leo VIII. Pseudopontifex ait, eoque a Romanis post duos menses expulso, Joannes fuit restitutus. Obiit autem pridie Nonas Majas anno 964. (2). De hoc Pontifice *Roswida*, aut *Rhosoita*, monialis Saxona, inter Poetas Latinos laudata a Vossio cap. 6. in Heroico Carmine de gestis Othonum Cæsarum ait:

Summum Pontificem quadam perversa patrantem

Ejus nec monitis dignitatem credere crebris

Sedis Apostolicæ fraudari fecit honore

Constituens alium rectoris nomine

CXXXIV. BENEDICTUM V. Othone Othonis consensu, contra quam jurejurando promiserat, Joanni populus Romanus suffecit: unde Otho cum exercitu ad urbem accedens, coegit eum, ut rursus Leonem VIII. susceperent, ac Benedictum, in ordinem reductum, secum in Germaniam abduxit. Errant Luithprandus, aliique asserentes Benedictum jure meritoque fuisse exauctoratum.

Q 3

Eo-

(1) Natus annorum 18. Et hunc occasionem dedisse fabulam Joanne Papæ quidam tradunt. Sed repugnat ratio temporum, ut constat ex præced. Seculi capite I.

(2) Continuator Luithprandi mortuum Joannem XII. ait ex vulnere inflicto, dum nocte se cum uxore cujusdam viri oblectaret.

Eodem fere tempore, anno 965. Benedictus, & Leo decessere.

CXXXV. SEDIT postmodum annis quasi septem *Joannes XIII.* ex Episcopatu Narniensi ad Romanum, Othone assentiente, translatus. Romanorum seditione Capuam adire compulsus fuit: sed Othone in Italiam properante, revocatus est Pontifex, & seditionis auctores damnati capite. Ad Polonos nuperrime ad fidem Christi conversos misit Episcopum Tusculanum Ægidium: obiitque anno 972. die 6. Septembris.

CXXXVI. OBSCURUS fuit Pontificatus *Benedicti VI.*

CXXXVII. DONI II.,

CXXXVIII. ATQUE *Benedicti VII.* Etenim Benedictum VI. nequissimus Cardinalis, Franco nomine, jugulavit, ac Pontificatum arripuit, sibi Bonifacii VII. nomen imposuit, ac paulo post Constantinopolim expilata Basilica Vaticana profugit. Frustra itaque Papirius queritur, eundem Bonifacium a Platina sacrilegii damnari. *Donus* inauguratus an. 974. vita functus est anno proximo. De Benedicto VII. hoc unum memoriz posterorum tractum est, sedisse usque ad annum 984. Cetera ex incertis profluunt historiis, veluti quod e chronico Ditmari Episcopi Merseburgi colligit libro 4. Papirius, obiisse in exilio: Ad enim ad Benedictum V. arbitror referi oportere.

CXXXIX. ALII quatuor federunt Seculo X. Romani Pontifices, nimirum *Joannes XIV.*,

CXXXX. *Joannes XV.*,

CXXXXI. *Gregorius V.*,

CXXXXII. ET SILVESTER II. *Joannes XIV.* Episcopus antea *Reinensis*, octavo Pontificatus mense in Hadriana inclusus carcere, fame, & veneno sublatu est, opera Bonifacii VII. Pseudopontificis: qui Constantinopoli rediens Apostolicam Sedem rursus invasit. Verum scelestissimus iste duorum Pontificum *Papicida* paullo post morte extinctus est repentina. Joannem XV. multorum librorum auctorem appellat Martinus Polonus, avarum & crudelissimum vetustus Episcoporum Urbis *Catalanus*: sedit tamen annis fere undecim, obiitque anno 996. Hos illi alium quemdam *Joannem* nonnulli intrudunt: quem excessisse Martino Pontificatus mense scribit apud Papirium Leo Historicus Cassinensis; nunquam consecratum fuisse existimat Papebrochius, atque Pseudopontificem cum Pagio ceteri appellant. Ita historia hujus Seculi ambigua est, & incerta.

GREGORIO V. e Germania, creato Pontifici anno 996. & mortuo die 18. Februarii anno 999. adscribitur Septemvirorum, a quibus creandus est Imperator, institutio. Verum id in magna positum est controversia. Huic ex urbe ejecto Crescentius Nomentanus substituit Pseudopontificem Episcopum Placentinum, qui se nominavit *Joannem X/1.* cui jussu Othonis eruti fuerunt oculi, & aures, naresque præcisæ. Crescentius itidem mulctatus est capite.

SILVESTER, antea Gerbertus, prius monachus Floriacensis, tum Remensis, deinde Ravennatenfis Antistes, favore Othonis III. anno 999. mense Aprili summum Pontificatum indeptus, anno 1003. die 11. Maji migravit e vita. Quoniam Mathematicas artes, & philosophiæ arcana didicerat, a nonnullis infamatus est tanquam præstigiator, & magicis imbutus artibus. At legendus de ejus laudibus Papius, & inscriptio ad illius tumulum in Laterani Basilica, illic insculpta sub Sergio IV. quæ incipit, *Iste locus mundi, Silvestri membra sepulti, &c.*

C A P U T II.

SYNODI SECULO DECIMO CONGREGATÆ.

NULLA Œcumenica, nec Plenaria Seculo X. celebrata fuere Concilia. Quædam commemoranda sunt tamen, ad depositiones Episcoporum, ad bonorum Ecclesiarum immunitatem, & ad Ecclesiasticam disciplinam spectantia: ac duo tandem, quæ adnotationem petunt aliquam, distincte sunt recensenda.

ACTUM itaque de Ecclesiarum bonis an. 935. in Synodo Arthaldi Remensis Archiepiscopi, & illorum bonorum raptores percussi sunt anathemate. Sub eodem Archiepiscopo anno 935. alia coacta est Synodus adversus Reginaldum Comitem bonorum Ecclesiæ invalorem, excommunicatione tamen ad tempus suspensa. Anno item 955. in Synodo Burgundiæ indictum anathema Isuardo detinenti quosdam Ecclesiæ agros: anno 959. restituta Ecclesiis fuerunt bona sublata, collecto sub Edgardo rege Angliæ Concilio Middlesexiæ prope Londinum.

DE AMOVENDIS Episcopis egit anno 941. synodus Suessionensis, in qua deposito Arthaldo, consecratus est Remensium Archiepiscopus Hugo Heriberti Comitis filius. Restitutus tamen Arthaldus anno 947. decreto Synodi

nodi Verdonensis. Adnitente rursus Hugone Remensem sedem invadere, coacta in pago Meldensi synodo an. 962. Episcopus constitutus est Odalricus. Constantinopoli quoque an. 944. dejecto Synodali sententia Patriarcha Tryphone, substitutus est Theophylactus. Quæ præcedenti cap. dicta sunt de Joanne XII. exauctorato, & intruso Leone VIII. & de Benedicto V. ejecto, & relegato Hamburgum, atque ab Othone restituito iterum pseudo-pontifice Leone VIII. violentis, abrogandisque Sacerdotum synodis anno 963. & anno 964. peracta fuerunt.

PERTRACTATUM est de Ecclesiastica disciplina in Concilio C. P., secundo hujus Seculi anno, reprobatis quartis nuptiis Leonis Sapientis cum Zoe. Acta Stephani VI. contra Formosum a Joanne IX. jam rescissa, rursus an. 904. reprobata sunt in Synodo Ravennate, & ratæ habitæ sunt ipsius Formosi ordinationes. Synodo Duisburgensi in Germania (1) anno 927. excommunicati sunt qui excæcaverant Bennonem Metensem Episcopum. In Cantuariensi an. 969. ejecti sunt Clerici conjugati, & indicta pœnitentia septem annorum Edgardo Anglorum regi, ob vitiatam virginem claustralem. Ticinensis anni 997. in Crescentium, qui ex Urbe ejecit Gregorium V. sententiam protulit anathematis.

DUO AUTEM Concilia, quæ peculiariter diximus nominanda, sunt Romanum anni 993. sub Joanne XV. & Romanum alterum anni 996. sub Gregorio V. celebratum: Nam in priori inter Sanctos solemniter ritu relatus est Uldaricus Episcopus Augustanus: atque hæc fuit prima Canonizatio a Summo Pontifice solemniter celebrata. In altero Concilio anni 996. institutos septem Imperii Electores putant quamplures. Id vero, ut supra monui, ambiguum est valde. Quidam enim hanc septem Electorum institutionem Carolo Magno, quidam prælaudato Gregorio, quidam, fortasse probabilius, adscribunt Germaniæ Principibus. Septem nihilominus fuisse olim Electores imperii, tres Ecclesiasticos, & laicos quatuor, indicant pervulgati versus:

*Moguntinus, Trevirensis, Colonienfis,
Quilibet Imperii fit Cancellarius horum,
Et Palatinus Dapifer, Dux portitorenfis,
Marchio præpositus Camera, Pincerna Boemus.
Hi statuunt Dominum cuncti per secula summum.*

Pri-

Primi tres sunt Archiepiscopi. Alii, *Comes Palatinus*, *Dux Saxonicus*, *Marchio Brandenburgicus*, & *Rex Bohemus*. Additus anno 1623. *Dux Bavariz*, (1), & anno 1692. *Hannoverensis*.

CAPUT III.

HÆRESES DECIMI SEculi.

NULLAM hoc seculo in tanta illuvione vitiorum inveniemus de novo ortam hæresim. Quosdam duntaxat Anthropomorphitas apud Italos statim extinctos opera Ratherii Episcopi Veronensis commemorat in Chronico ad annum 935. Genebrardus, & Manichæos Trimontii, seu Philippopoli in Thracia: quorum origo referenda est ad tertium, aut quartum Ecclesiæ Seculum.

CAPUT IV.

SEculi DECIMI SCRIPTORES ECCLESIASTICI
CELEBRIORES.

EX QUO hoc Seculum *Obscurum*, ac *ferreum* passim a Scriptoribus vocitetur, nemo hinc inferre debet nullum in eo litterarum claruisse splendore. Enimvero præter Monachorum complures; qui Monasteriorum chronica, suorumque Sodalium gesta exornaverunt, de quibus in Seculo V. Benedictino Cl. Mabillonius, cum historicis, tum dogmaticis lucubrationibus Græci, Latineque Scriptores assiduam operam impenderunt.

INTER Græcos historicos præclarum honestumque est nomen *Simeonis Metaphrastæ*, *Joannis Cameniata*, *Constantini Porphyrogeniti*, *Anonymi Byzantini*, *Hippolyti Thebani*, & *Eutychii*. *Simeon*, Metaphrastes dictus a scribendi genere, natus C. P. & Leonis Imp. Αγορίστου, claruit hujus Seculi initio, certumque est in ejus chronologia Genebrardum, Raphaellem Volaterranum, & Oudinum enormiter aberrasse. Vitas SS. magno studio collegit, sed plures adjectæ fuere suppositæ ac spuriz;

Q 5.

scri-

(1) Dux Bavariz initio susceptus est in locum Comitæ Palatini peduelli, qui anno 1648. restitutus est, modo Archithesaurarius, & Elector VIII.

scripsitque ulterius stricta oratione poemata in lucem edita ab Allatio, Trimetros Jambicos de Eucharistia, hymnosque ab eodem Allatio laudatos. *Constantinus*, quem Leo Sapiens genuit e Zoe, imperii suscepit habenas an. 919. & e vivis excessit anno 959. Scripsit vero *Pandeflas* historicopoliticas, Vitam Basilii Macedonis avi sui, & Historiam Imaginis Salvatoris, quam ajunt ad Abgarum Edessæ regem fuisse missam, Constantinopolim e Syria translata. *Anonymus* Byzantinus, quem nonnulli vocarunt Leontium, decepti similitudine nominis alterius Seripitoris, qui floruit Seculo VI.; conscripsit circa an. 630. libros 4. Chronographiæ ab an. 813. usque ad annum 867. eique multa ex aliena manu accessere. Quatuor decessorum Basilii Macedonis Vitas postmodum addidit. *Hippolytus* patria Thebanus, junior Simone Metaphrastæ, quem τὸν νέον appellat, conscripsit Syntagma Chro-nicū ab Orbe condito ad sua usque tempora; hujusque fragmenta edita a Canisio auxerunt Lambecius, Schelestratus, atque Basnagius. *Eutychius* natione Ægyptius, qui ab an. 933. ad an. 950. Alexandrinam rexit Ecclesiam, præter Opuscula medica recensita ab Hottingero, conscripsit Arabico sermone Annales a mundi primordiis usque ad annum 940. Edidit quoque librum de rebus Siciliæ, postquam capta fuerat a Saracenis, necnon de Ecclesiæ Alexandrinæ origine, moribus, & electione Patriarchatum, Opus a Seldeno, cum pluribus additamentis refutatis ab Abramo Ecchellenfi, in lucem emissum Londini anno 1642.

HISTORICIS autem Latinis adnumerandi sunt *Regino*, & *Flodoardus*, *Winduchindus*, *Luithprandus*, *Fulguinus*, *Abbo*, *Notkerus*, & *Herigerus*: *Regino* Abbas Prunienfis in Germania exaravit Chronicum a Christo nato usque ad an. 970. protractum deinde ab alio ignoto Scriptore usque ad an. 972. *Flodoardus* Canonicus Remensis, qui decessit anno 966. conscripsit usque ad hunc annum, exorsus ab anno 919. Chronicon rerum inter Francos gestarum, necnon Historiæ Remensis libros quatuor. *Winduchindus*, seu *Witikindus*, monachus Corbejenfis in Westphalia (est enim Corbeja altera in Picardia) præter Vitam Pauli Eremitæ, & Passionem S. Teclæ Virginis metro conscriptas, edidit tres libros Historiæ Saxonum ad Mathildem reginam. Adhuc inter vivos degebat anno 973. *Luithprandus* diaconus Ticinensis, & postea Cre-

Cremonensis Episcopus, qui Historiam ferunt ætate sua in Europa gestarum, in libros sex distributam; Librumque edidit de Romanis Pontificibus a Petro ad Forthosum, stylo, ut inquit Sigebertus, luculento & alterno. Huic autem opponitur Chronicum Luthprandi cuiusdam Toletani, nugis fabulisque refertum. *Fulcuinus*, vel *Folcuinus* monachus Laubiensis, gesta Abbatum celeberrimi illius Cœnobii, siti in diocesi Cameracensi, de Miraculis S. Ursuari, & vitam Folcuini Tarvanensis in Belgio Episcopi, litteris tradidit, vita functus anno 990. *Abbo* monachus Floriacensis in Burgundia scripserat ante Seculi X. exitum, præter collectionem Canonum; Commentarium in canonem Paschalem Victorii, atque Epitomen de Vitis Pontificum Romanorum: *Notkerus* filius Ducis Sveviæ, creatus an. 971. Episcopus Leodiensis, Historiam Episcoporum Leodiensium, & quosundam Sanctorum Vitas; atque *Herigerus* renunciatus Abbas Laubiensis anno 990.; Res gestas ad iisdem Leodiensibus Episcopis, a S. Berlende Virgine, & a S. Landoaldo. Obierunt autem hi tres XI. Seculo jam inchoato, nempe *Abbo* lancea transfixus, ac martyr anno 1004. *Notkerus* autem, & *Herigerus* anno 1007.

PRÆTER Historicos alii percelebres viti X. Seculo clauerunt, videlicet, *Odo* Abbas Cluniacensis; qui decessit anno 942. adscriptus SS. Fastis XIV. Cal. Decembris, scripsitque sermones asceticos, varios hymnos, libros 35. Moralium in Job, & succinctum Chronicum: *Ratherius* monachus antea Laubiensis, tum Veronensis Episcopus, deinde ex Italia pulsus, & Sedi Leodiensi præfectus; hinc quoque ejectus, & Veronensi Cathedrali restitutus, atque rursus sede deturbatus, & jam tertio ob austeram rigidamque disciplinam exul ad Laubiense monasterium reversus, adco, ut versus iste in epitaphio ejus legatur,

Verone Præsul, sed ter Ratherius exul,

sui ipsius descripsit Itinerarium, atque Apologiam, ac pertractavit de contemptu Canonum; de exilio, ærumnisque suis, additis sermonibus, epistolis, aliisque eruditis Opusculis; obiisse fertur anno 973. *Æcumenius* Scholiastes Græcus hoc, ut fertur, Seculo Novum Testamentum perpetuis commentariis, e Chrysostomo ut plurimum depromptis, perspicue breviterque explanavit: *Burchardus* monachus Laubiensis, deinde non procul a Wormatia (1)

ad

(1) Promotus ad Episcopatum Wormatiensem an. 996.

ad Rhenum cultor vitæ Eremiticæ, circa finem hujus Seculi scripsit Decretorum Volumen, in libros 20. distributum: *Suidas* Grammaticus prolixum Lexicum suum, in quo plura continentur ad Theologiam, & Ecclesiasticam Historiam pertinentia, absolvisse videtur circa annum 976. nam huc ulque temporum recenset Epochas.

ADDENDI forent, nisi compendio res ageretur, *Moses Bar-cepha* Syrus, *Joseph Genesius* Historicus Byzantinus, *Anonymus* auctor Historiæ Claromontensis, *Nicon Armenus*, *Fridegodus*, & *Dunstanus* Angli, *Aelfricus* Cantuariensis Episcopus litteris, & sanctitate clarissimus, *Odilo Arvernus*, & *Philotheus Alexandrinus*, &c.

C A P U T V.

IMPERATORUM SUCCESSIO, ET NATALITIA SANCTORUM.

BERENGARIUS anno 916. ob pulsos ex Italia Saracenos & Mauros a Joanne X. imperii coronam accepit in solemnî Festo Dominicæ Resurrectionis. Dum Veronæ, ad quam urbem confugere hostium armis coactus fuerat, oraturus templum matutinis horis ingrederetur, transfixus est, & occisus in ipso sacre ædis vestibulo anno 924. Nullus deinde coronatus est Imperator usque ad annum 962.

HOC AUTEM anno a Joanne XII. imperii diadema consecutus est *Otho I.* cognomine *Magnus*; a quo adversus eundem Pontificem intrusus fuit *Leo VIII.* nec defunctus, qui scribant ab hoc pseudopontifice *Othonem* iterum fuisse coronatum. Decessit *Otho* anno imperii sui XI. Christianæ Aetæ 973.

IMPERIUM tum indeptus est *Otho II.* illius Filius; qui vivente patre coronatus fuerat a Joanne XIII. anno juxta Baronium 966. vel porius anno proximo 967. Imperavit autem a morte patris annis 10. sublatus e vivis anno 983.

ET IN REGNO successit eodem anno *Otho III.* sed hujus Imperium supputatur ab anno 996. quo anno coronatus est a Gregorio V. in Festo Pentecostes. Exinde vero imperavit annis 6. vita functus anno 1002. Paterni in Campania, dum reditum in Germaniam meditaretur.

QUAMQUAM vero soli principes hætenus laudati corona decorati fuerint Imperii; defuncto tamen Ludovico filio Arnulphi, rege Germaniæ anno 912. absque liberis, ele-

ctus

Etus est in Germaniæ comitiis *Conradus* filius *Conradi* Franconiæ ducis: & huic extincto anno 918. suffectus est *Henricus*, ab aucupio, quo mirum in modum delectabatur, denominatus *Auceps*, filius *Othonis* Ducis Saxoniz ex *Ludgarda* filia imperatoris *Arnulphi*. *Henrici* autem, & *Mechtildis* filius fuit *Otho* I. de quo paullo supra. Quare sunt, qui ita post *Arnulphum* enumerant Imperatores, *Ludovicum* IV. *Arnulphi* F., *Conradum*, *Henricum* *Aucupem*, *Othonem* I. *Othonem* II. & III. (1)

ADDO

(1) *Ludovicus* IV. fuit filius *Arnulphi*, & *Juttæ* filiz *Guelphi*, editus in lucem circa annum 892. Electus est defuncto patre ab *Optimatus* Franciæ, cum esset septennis, obiitque anno 912. decimo Calendas Februarii, anno ætatis sue 19. nondum exacto. Nullam ex *Ludgarda*, aut *Mathilde*, uxore filia *Ludulphi* ducis Saxoniz, & sororis *Othonis* Magni, prolem suscepit. *Conradus* pariter nullos e conjuge *Platensis*, filia regis Germaniæ, genuit liberos, & placida morte decessit anno, ut dixi, 918. sive 919. juxta *Calvisium*, & alios, die 23. Decembris, cum ante obitum per fratrem suum *Eberardum* misisset imperii insignia *Henrico* filio *Othonis* ducis Saxoniz. De illo legitur Epigramma:

Fallere quod volucres laqueis, viscoque solebat,

AUCUPIS aucupii nomen ab arte tulit.

Hoc Principe Imperium a Francis pertransiit ad Saxones, ut *Roswida* (de qua in *Appendice*) cecinit:

Postquam rex regum, qui solus regnat in ævum,

Per se cunctorum transmutans tempora regum,

Jussit Francorum transferri nobile regnum

Ad claram gentem Saxonam, nomen habentem

A Saxo, per duriciem mentis bene firmam;

Filius Othonis, magni Ducis & venerandi,

Scilicet HENRICUS. suscepit regia prima,

Iusto pro populo moderamine sceptris regendo.

Hujus itaque *Henrici*, & *Mechtildis* filiz *Diderici* Comitiz *Ringelheimensis*, primogenitus fuit *Otho* I. cognomento *Magnus*. Scribitur etiam *Otto*, immo & *Hatto*, quam vocem repetunt a *Theffalica*, ΑΤΤΑ, qua significatur *Pater benevolus*. Eodem vocabulo apud Græcos a junioribus compellantur fenes. Pervulgatus est versus,

Hatto, post Hatto, regnavit tertius Hatto.

Tres enim *Othones* unus post alium imperarunt. *Otho* I. ex *Adelaide* filia Regis *Burgundiorum*, & vidua relicta *Lotharii* regis *Italiæ*, suscepit *Othonem* II. natum anno 955. quo anno Pater *Ratisponam*, Germanis *Regensburg*, in sui redegit potestatem, Hungaros ingenti prælio prostravit, ac paulo post *Magdeburgensem*, *Misnensem*, aliosque *Episcopatus* magnificentissime crexit. Obiit *Otho* I. an. 972. die 7. Martii, & sepultus est *Magdeburgi*. Tumulo hi versus fuerunt inscripti,

Tres luctus causa sunt hoc sub marmore clausa:

Rex, Decus Ecclesiæ, Summus honor Patriæ.

Otho II. Patri rerum gestarum magnitudine haud dissimilis fuit; extabque de ipso *Sabini* epigramma:

Non suis inferior Primo virtute Secundus,

Multa domi gessit prælia, multa foris.

Uxorem habuit *Theophaniam* privignam *Nicephori* Imperatoris Græcorum, cum qua anno 972. Romæ nuptias honorificentissime celebravit.

ADDO nomina, & Chronologiam Imperatorum Orientis. Memoravi præcedenti Seculo IX. Leonem VI. Philosophum. Is obiit anno 911. filiumque suum *Constantinum* Porphyrogenetum (1) reliquit septennem *Alexandri* fratris sui regimini ac tutelæ. *Alexander* crapulæ & libidini deditus misere occubuit anno 912. abrupta in ludo pilæ vena pectoris, multaque sanguinis copia ex omni effusa meatu. Ab eo anno, quo patruus extinctus est, 912. *Constantinus* imperavit sub tutela Zoes matris suæ, & Nicolai Patriarchæ C. P. regnavitque usque ad annum 959., & aliquandiu cum *Romano Lacapeno*, quem reversum a clade Bulgarica adscivit in consortium imperii; sed ante *Constantinum* obiit, propriis suadentibus filiis, anno 944. exutus imperii insignibus, & Protam Bosphorii Thracii insulam relegatus. At *Constantino* successit *Romanus* ei natus ex Helena conjuge, & filia Romani Lacapeni, adeo improbus, ut patrem veneno necaverit, & ipse anno 963. consumptus fuerit immodica libidine, & cra-

Uxores ejus alias prætereo. Suscepit ex Theophania Othonem III. natum primo nuptiarum anno. In bello adversus Saracenos venenato telo percussus, reversus Romam anno 983. ibidem anno ætatis sue 19 obdormivit die 7. Decembris. In atrio Vaticanæ Basilicæ sepultus est. Plura *Aventinus*, *Ditmarus*, *Sigonius*, alii.

Otho III. tam probe se gessit, ac tam prudenter administravit rempublicam, ut Mundi miraculum diceretur. Bohemos an. 986. compescuit: Henricum Bavarum in Germania, Lotharium in Gallia, *Crescentium* in Italia æmulos habuit Imperii. At Henricum veniam petentem in amicitiam recepit. Lotharius ei sponte cessit. *Crescentius* vero sæpe Romæ tumultus excitans anno 995. Romæ captus est, asino retrorsum impositus, & circumductus per urbem, mutilatus membris, atque suspendio necatus. Vide cap. 1. quæ diximus de *Gregorio V.* *Otho III.* uxorem habuit Mariam filiam regis Aragoniæ, libidinis adeo procacis, ut in gynæceo detineret juvenem indutum veste muliebri, ad immodicam explendam cupiditatem. Quare adulterii ream *Otho* Mariam cremari iussit Mutinæ. Rediens *Otho* in Italiam anno 1001., quomodo e vivis propinato veneno exierit, dicam proximo Seculo undecimo, capite quinto.

(1) *Porphyrogenetum* appellaverunt, quoniam in lucem editus fuit in ædibus Imperatoriis, quæ dicebantur πορφυρα. Eodem idcirco cognomine alii quoque nati ibidem Principes distinguuntur. *Porphyrogeniti* insuper, aut *Prophyritici*, dicti sunt filii omnes geniti patre Imperatore; unde in *Legatione* ait *Luithprandus*: *laudita res est, ut Porphyrogenita, hoc est in purpura nata filia genibus miscetur.* Latini pariter Imperatorum, Regumque filios *Purpuratos* dixerunt, quod scilicet in purpura nati essent, purpureisque fasciis circumvoluti. Plura *Carolus Dufresne* in *Glossario*, & in *Annotationibus ad alexandem*. *Claudianus* in tertio *Honorii* consiliatu cecinit:

*Ardua privatos nefcit fortuna penates,
Es regnum cum luce dedis, cognata potestas
Excepit Tyrio venerabile pignus in aspro.*

& crapula enormi. Acclamatus tum ab exercitu *Nicephorus Phocas*, princeps quidem strenuus, sed avaritiæ deditus supra modum. Occisus est anno 969. insidiis, ut fertur, *Theophaniæ* uxoris suæ, captæ infano amore *Joannis Tzimiscis*. Is itaque post *Nicephori* necem arripuit imperium, quod administravit usque ad annum 976. a *Basilio* cubiculario suo extinctus veneno. Diu posthæc imperavit *Basilius II. F. Romani Junioris*, cum fratre suo *Constantino VIII.* etenim *Basilius* obiit anno 1025. & *Constantinus* anno 1028.

ADDENDA sunt modo Chronotaxi Augustorum Principum natalitia Sanctorum. Inter quos Martyrum Fasti celebrant die 28. Septembris *Ludmillam* Bohemiæ ducissam, nurus suæ *Drahomiræ* Gentilis femine jussu necatam anno 922. Sexto Cal. Julias memoriam agunt *Pelagii* adolescentuli Cordobæ sub Addarameno rege Saracenorum anno 925. membratim forcipibus ferreis præcisi. Quinto Cal. Octobris *Wincelsai* Bohemorum ducis, filii prædictæ *Drahomiræ*, ac trucidati in domo fratris sui *Boleslai* anno juxta *Segebertum* 938. vel potius 939. Quinto decimo Cal. Apriles *Eduardi* Britannię regis, dolis novercæ anno 978. interfecti. Addit Eccl. Hist. virginem *Guiboratiā* (1) ab Hungaris enecatam anno 925. die 2. Maji, & *Haroldum* Daniæ regem a filio pagano peremptum Cal. Novembris anno 980.

PLURES quoque Sanctorum Episcoporum albo fuerunt adscripti, atque ex hac vita exceßerunt anno 965. die 11. Octobris *Brunon* frater *Othonis I.* Archiepiscopus Coloniensis: anno 973. die 4. Julii *Uldaricus* Episcopus Augustanus in Rhetia (2): anno 976. die 26. Novem. *Conradus* Episcopus Constantiæ: an. 931. die 20. Junii *Adalbertus* primus Archiepiscopus Magdeburgensis: anno 984. die 1. Augusti contigit mors *Ethelvoldi* Episcopi Wintoniensis in Anglia: anno 988. die Maji 19. *Dunstani* Cantuariensis, superiori etiam capite laudati: anno 992. die 15. Octobris *Osualdi* Antistitis Eboracensis in Anglia: anno 994. die Octobris ultima *Wolphangi* Episcopi Ratifponæ; & anno 997. die 22. Aprilis obiit *Adalbertus* Episcopus Bragensis & Martyr, Apostolus Poloniæ, & Hungariæ.

Si

(1) Alibi *Viboradam*. Cordubæ anno 975. sub *Athacha* rege Saracenorum permulti Martyres occubuerunt.

(2) *Uldaricum* obisse alii tradunt anno 863 canonizatum vero cognat a. 993. a Joanne XV. Hanc esse primam Canonizationem factam a Romano Pontifice, de qua hæsitari non potest, censet *Bollandus*. Vide Seculi VIII. caput 6.

Si MODO sinerent angustia temporum adire sanctorum monachorum Asceteria, quot nobis occurrerent sanctitatis eximii cultores? *Bernon* monasterii Cluniacensis primus Abbas in cælum raptus anno 926. die Januarii 13. ejusque successor prælaudatus *Odo*, vita functus an. 942. XIV. Cal. Decembris, *Joannes* Abbas Gorsii in Lotharingia mortuus anno 973. die 27. Febr. *Majolus* item Cluniacensis, qui obiit V. Idus Majas anno 994. alique complures aureolis Sanctorum stolis præfulgent. Atque ne sua desit gloria femineo sexui, addo *Ludmilla*, & *Guiboratia*, *Matildem* Germanorum reginam, & Othonis I. parentem, quæ obiit pridie Id. Martii anno 967., *Editham* virginem filiam Edgardi regis Anglorum defunctam an. 984. XVI. Cal. Octobris, & *Adelaidem* Imperatricem, matremque Othonis II. quæ migravit e vita XVII. Cal. Januarias anno 999. virtutum gloria, quam regio diademate splendiores.

C A P U T VI.

DOCTRINA, ET DISCIPLINA SEculi X.

APOSTOLICAM divinamque traditionem de Christi in Eucharistia corpore, hoc propugnatam Seculo, ex Epistolis Ratherii Ep. Veronensis, & S. Uldarici Opere de Antiquis Consuetudinibus Cluniacensium, Arnaldus de Perpetuitate Fidei, alique viri docti demonstrant. Exhibendum Sanctis cultum confirmavit solemnis S. Uldarici Episcopi Augustani Canonizatio a Joanne XV. peracta: & qui hinc repetunt ejusdem religiosi cultus exordium, veterum diptychis, memoriis Martyrum, omniumque Seculorum consuetudine refelluntur. Quartas nuptias a Græcis in Leone Philosopho reprobata, ratas firmasque semper habuit Romana Ecclesia veritatis magistra. Romanis Pontificibus, quantumvis pro humana fragilitate improbis, omnem reverentiam esse adhibendam, & summi Sacerdotii fastigium non contemnendum propter morum improbitatem, cunctorum temporum, præsertim vero hujus seculi gesta declarant.

SIMONIACI, bonorumque Ecclesiasticorum raptores canonum auctoritate fuere perstricti. Reformati a S. Odone Cluniacensi monachorum mores, hortante etiam R. P. Leone VII. a Romano Episcopo coronatos Imperatores Occiden-

videntis Berengarium, & Othones, dictum est paullo supra. Ipsorum Imperatorum assensu summi eligebantur Pontifices; eodemque assensu neglecto, Benedictus V. dejectus est, & Innocentius VIII. intrusus, Sacerdotii jure violato. A Romana Sede Archiepiscopi juxta veterem consuetudinem receperunt Pallium, quo statim utuntur diebus: a Joanne IX. Rogerius Hamburgi, & Sergius Colonienfis, a Joanne XI. Artaldus Remensis, & Theophylactus P. C. Ab Agapeto II. Brunon Colonienfis Archiepiscopus, frater Othonis I. cujus & supra meminimus. Concessum item Pallium ab Anastasio III. Episcopis Ticinensibus. Inhibitum a Leone VII. mulieribus, ne septa monasterii S. Martini Turonensis ingrederentur. Campanam Lateranensis Ecclesiæ Joannes XIII. sacris ceremoniis consecravit; atque hinc ritum signa benedicendi repetunt aliqui; sed decipi Cardinalis Bona, Angelus Rocca, Edmundus Martene, & Franciscus Pagius demonstrant, vindicantes antiquiorem ejusdem ritus originem. Jus præferendæ Crucis indulgit Silvester Secundus regibus Hungariæ, quoniam opera sanctissimi regis Stephani Pannonia ad Christi fidem pervenit. Sunt qui ad hujus Seculi initia referendam censent Academix Tolosanæ institutionem. *Cluniacensis* Ordo sub regula S. Benedicti anno 910. & Ordo *Camaldulensium* anno 997. habuere primordia: fuitque illius auctor *Bernon*, de quo supra; istius vero *S. Romualdus*, de quo rursus cap. 5. proximi Seculi XI.

IN DANIA hoc Seculo X. Christiana religio reffloruit. Eandem religionem circa annum 988. propagatam novimus apud Svecos. Hungari pariter, sese illis addixerunt, Evangelium eis annuntiante Pragensi Episcopo *Adelberto*. S. Olaus item rex Norvegiæ circa annum 994. suscepit baptismum, assumpto Jacobi nomine. Hunc tamquam martyrem IV. Cal. Augusti recolit Romanum Martyrologium.

A P P E N D I X:

RES ATTINGUNTUR EXTERNE.

DEJECTO Carolo *Simplici* Francorum rege anno 923. obtinuit regnum *Rodolphus* Burgundio Normannorum debellator, extinctus anno 926. Revocatus tunc ex

ex Anglia, quo ad avunculum regem cum matre Oginia (1) confugerat, *Ludovicus IV. F. Caroli Simplicis*, Transmarinus nuncupatus; qui consecratus Rex Lugduni XIII. Cal. Junias, obiit an. 954. Corona tum insignitur *Lotharius* illius Filius, consecratus Remis Idib. Nov. eodem anno, ac vita functus anno 986. Regnavit postea unduntaxat anno *Ludovicus V.* ejus Filius, & cum eo extincta est anno 987. secunda regum Francorum Dynastia, (sive profapia & Genus Caroli Magni) vocari solita *Carolovingica*. Inccepit anno 987. linea *Capetiana* ab *Hugone Capeto* Comite Parisiensium, rex *Hugo* Novioduni salutatus est a militibus, & deinde Remis inunctus: cui vita functo anno 996. successit Filius *Robertus*, princeps sanctitate, & virtutibus præstantissimus. De hoc autem, cum vixerit usque ad annum 1031. proximo rursus Seculo agendum erit.

IN HISPANIA post *Alphonsum Magnum* regnarunt ab anno 910. *Garzias*: ab anno 914. *Ordonius II.* ab anno 923. *Froila II.* ab an. 924. (2) *Alphonfus IV.* ab anno 931. *Ramirus II.* ab anno 950. *Ordonius III.* ab anno 956. *Sanctius Crassus*: ab anno 967. *Ramirus III.* ab anno 982. *Veremondus II.* ab anno 999. usque ad an. 1027. *Alphonfus V.* (3)

SARACENORUM Caliphas adinveni X. Seculo eos, qui sequuntur. Extincto Ahmed anno 902. Hegiræ 289. renunciatus est Saracenorum Calipha filius ejus *Ali*, appellatus *Moctaphi*. Is decessit anno 908. Heg. 295. regnavitque deinde illius frater *Jasar - Aboulsadel*, denominatus *Amouctadirbilla*. *Amouctadir* interfecto anno 932. Heg. 320. regnavit paucis mensibus *Mahomet - Aboulmansor*, eoque dejecto *Ahmed - Aboulabas*, filius Caliphæ *Amouctadir*, ad annum usque 940. Hegiræ 329. Hoc principe periit suprema Calipharum potestas, ac plures creati sunt principes Saracenorum: quorum unus Ægyptum & Syriam regebat, alter Mesopotamiâ, tertius Persidem; & qui in Africa, aut Hispania permanferant, ducibus obtemperabant suis, spreto Arvirorum, seu Calipharum dominatu. *Hermir* vocabatur, qui suis præerat in urbe Bagdato,

(1) Alias *Edgiva*.

(2) Alibi legitur, 923.

(3) Regnavit in Anglia post Eduardum I. ab anno 925. usque ad annum 940. *Adelftanus*: tum *Edredus* usque ad 955. Deinde *Edgardus* usque ad annum 975. *Edoardus II. Martyr* anno 978. *Etelredus*, 1016. In Polonia primus Christianus rex *Micislaus* obiit anno 999.

to, (1) quæ fuit antiquioribus Seleucia. Qui vero principatum gerebat in Africa, dicebatur *Caimbiamrilla*; quod item sonat Arabum lingua, ac latina, *Constitutus iubente Deo*. Ita Saraceni vixere usque ad finem Seculi XIII. quando, ut suo dicemus loco, *Ottomanicum* coepit Imperium.

PRIMO hujus Seculi anno *Hungari* Bavariam, & Italiam vastarunt, aut anno potius superiori. *Mauri* Cantabria a Sanctio rege Aragoniæ pelluntur, *Saraceni* duce Leone Tripolitæ, Christiano Apostata, anno 904. plurimos in Constantinopolitanis viciniis cæciderunt, urbemque Macedoniæ Thessalonicam devastarunt incendio. Idem anno 910. in Calabriam, urbemque Consentiam truculenti irruerunt. Refert id illustris Pagius ad annum 902. fortassis non recte. *Hungari* anno 907. Ludovicum IV. commissa atroci pugna vicerunt; ac anno 909. populati sunt Saxoniam & Thuringiam, annoque sequente Alemanniam. Cæsi tamen fuerunt anno 921. ab imperatore Henrico, & coacti ad novennii petendas inducias. Idem Henricus anno 928. *Sclavorum* copias internecione delevit, atque anno 930. Misnam condidit in superiori Saxonia. Rursus anno 935. Hungaros ingenti prælio devicit, sibi *Patris Patriæ* nomine comparato. Diruta an. 933. a *Saracenis* Africæ Genua, *Hungari* anno 937. in Italiam hostili furore irruerunt. *Saraceni* non semel hoc seculo superati: nam sub Joanne X. anno 915. a finibus Latii, & Campaniæ, ubi prope Lyrin fluvium annis 40. confederant finitimos quosque infestantes, expulsi fuere: devicti anno 939. apud Septimancas Castellæ oppidum a rege Ramiro: illorum classis ab Hugone Italiæ rege, & a Græcis *Chelyndro* igne (2) anno 941. combusta; duplici certamine, anno 964. & 968. eos in Asia debellavit Græcorum Imperator Nicephorus; & in Syria non semel anno 974. & sequenti Joannes Tzimiscus: e Fraxineti oppido eosdem expulit anno 972. dux Arelatenfis Wilhelmus. Ortho autem II. Imperator, qui a Saracenorum tyrannide Apulos, Bruttiosque anno 968. liberaverat, eosque insequente anno coegerat ex Italiæ oris discedere, anno 982. ingenti prælio in Calabria commisso, una cum Græcis ab iisdem superatus, vix potuit exigua navicula fugam cape-
re.

(1) *Bagad*.

(2) De hoc Græcorum igne Guilelmus Apul. lib. 5. Rerum Normani; Et contra Venetum naues, Danaumque chelyndros Certamen navale potant.

re. In Hispania rursus invalescentes anno 985. expugnarunt Catalauniæ metropolim Barcinonem, & paullo post Legionem Germanicam, civitatem provinciæ Tarraconensis. (1) Sarmatæ quoque, seu Rutheni ac Moscovitæ, necnon Bulgari Myliæ populi, Seculo X. ruerunt in arma. Ac anno 941. a Græcis tam cruento bello cæsi fuerunt, ut Helena illorum regina Constantinopolim fugerit: atque anno 972. a Joanne Tzimisce magna item clade fuerunt prostrati. *Bulgari*, qui anno 917. ad Acheloum fluvium intulerant Græcis maximam cladem, & anno 933. obsederant C. P. suburbana incenderant, & universam Thraciam vastaverant, unde magnis deliniti numeribus recesserunt anno 929. *Bulgari*, inquam, an. 964. expugnati fuerunt a Joanne Tzimisce non semel laudato, & anno 1000. a Basilio II. ejecti e Thessalia, Macedonum regione.

PERPAUCI habentur Scriptores profanarum historiarum, huic Mantissæ inferendi. Obscura enim sunt nomina *Joannis Assarii* Britanni, qui initio X. Seculi scripsisse fertur Vitam regis sui Ælfridi: *Cappidi Stauriensis*, qui ætate Contadi, & Henrici Aucupis, Regum Britannia contextuit Genealogiam: *Oeconis Scharlensis*, a quo, tempore Othonis Magni, conscriptæ dicuntur Origines Fria: atque *Dudonis Neustrii*, qui narrationi rerum a Normannis gestarum in Gallia, Othone III. imperante, multas infarsit fabulas. *Claruit* circa idem tempus *Roswida*, seu *Rosvitis*, monialis in cœnobio Gandersheimensi, quæ jussu Othonis II. & Gerbergæ Abbatissæ, scripsit heroico carmine Historiam, sive Panegyricum de gestis Othonis I. aliaque metro, & prosa composuit. Recte autem de Scriptoribus hujus Seculi, si recensere nobiles præclarosque velimus, repetendus nobis erit doctissimo Vossio lib. 2. dē Hist. Græcis cap. 26. Virgilianus ille versus *Æneidum* primo:

Occurrunt vari nantes in gurgite vasto.

(1) Calabriam rursus depopulati sunt an. 986. expugnatis Rhegio Julio, Crotonæ, aliisque urbibus magnæ Græciæ.